

ქართული ეროვნული კოლიტივის და კულტურის ორგანო

ზინაარსი

- | | |
|---|---------------------|
| 1. ეროვნული მთლიანობისათვის | |
| 2. მოწოდება | ქართ. საკავშ. უბუბი |
| 3. თანამედროვე ომი და ჩვენ | ბ. ვარდანი 3-6-317 |
| 4. წინდა ნინო (ლექსი) | ბრიგოლ კობაძიძე |
| 5. თარი—არალე (რომანი) | სტეფანე კასრაძე |
| 6. სამშობლოს (ლექსი) | ბ. ყიფიანი |
| 7. ყალბი თარილი — ყალბი დასკვნა | ბრიგოლ დიასამიძე |
| 8. ვაჟა-ფშაველა და ქართული კულტურა | ალ. მანველიშვილი |
| 9. კურთხეული მიწა (ლექსი) | ბ. ბ-ძე |
| 10. ვაჟა-ფშაველა | ი. მანუკაძე |
| 11. ეროვნული ერთობის საფუძვლები | მ. ნოზაძე |
| 12. მოგონებანი და განცდანი | დ. საღირაშვილი |
| 13. ინგლისელების მზაკერობა საქართველოში | კ. სარგელაძე |
| 14. სახელმწიფო | ლ. კარაქალიძე |
| 15. სამგლოვიარო სიტყვა | პროფ. მ. წიკრიძე |
| 16. საქართ. მეურნეობის სეე-ბედი | ბ. შურული |





ეროვნული მთლიანობისათვის

დღევანდელი მსოფლიო ომი თავის განვითარების საბოლოო სტადიაში შევიდა. ორი დაპირდაპირებული ძალა გადამწყვეტ შეტაკებისათვის თავის უკანასკნელ ძალებსა სკიმავს; ამ დროს ერთ ზედ-მეტ ჯარისკაცსაც უდიდესი მნიშვნელობა ეძლევა და ჩვენ ქართველებსაც, სადაც არ უნდა ვიყვნეთ: ჯარის კაცად, ქარხანაში მომუშავედ, კალშითა და სიტყვით მოღვაწედ, თუ რომელიმე დავალების შემსრულებლად რომელთა ბედიც მჭიდროდა დაკავშირებული ამ სამკედრო-სასიცოცხლო ჭიდილთან, ისტორიის ჩარხის ტრიალმა გვარგუნა წილად აქტიური მონაწილენი ვაგზდეთ ჩვენი ბედის გამოქედვაში. ამიტომ მომენტის კატეგორიულ მოთხოვნილებად ხდება ჩვენი რიგების უფრო მეტი შემჭიდროება, ერთ სალკლდეთ ვადაქცევა, ერთი ნებისყოფით აღჭურვა, რათა ჩვენი ძალების არც ერთი პატარა ნაწილი ფუჭად არ იქნას გაფანტული და უშედეგოდ დაკარგული.

ამ უმაღლესი მიზნისათვის კარგია და მისაღები, რაც ხელს უწყობს ჩვენს ერთობას, ცუდი და მავნებელი, რაც არღვევს და შლის ჩვენს რიგებს. აქ დაუშვებელია რყევა, ორკოფობა, და სხვისი ტყისაკენ ყურება.

ჩვენდა საბედნიეროდ, ქართველთა ძალები, რომელნიც გერმანიასთან და მის მოკავშირეებთან იბრძვიან ჩვენი ქვეყნის მოსისხლე მტრის წინააღმდეგ, უკვე ათი ათასობითაა; რაც ჩვენი პატარა ქვეყნის საკმარის ნაწილს წარმოადგენს.

მხოლოდ ასეთ ძალას ვსაჭიროება, ბუნებრივია, მეთაურობა, ხელმძღვანელობა, და დღეს ქართველობას ევლი-

ნება გერმანიის სათანადო უწყებათა მიერ დაარსებული ქართული საკავშირო შტაბი, რომლის დანიშნულებას შეადგენს ქართველების ყოველ მხრივი მოვლა და პატრონობა, მათში ქართველური ბრძოლის სულის გამოხატვად, მომზადება მათი წმინდა ქართული საქმის სამსახურისათვის, რათა ევროპაში ბედის ტრიალით მოყოლილმა ქართველობამ თავისი ისტორიული მისია პირნათლად შეასრულოს.

ეს დავალება ქართული შტაბისადმი დიდია, დიდია მისი მოვალეობა დღევანდელი ქართველებისადმი; წმინდაა მისი ამოცანა, და ჩვენ რწმენას გამოვსთქვათ, რომ იგი გაუწევს ანგარიშს ქართველი კაცის ბუნებას, ხასიათს, ტემპერამენტს, მრავალფეროვნებას და ქართველთა პოლიტიკურ სტიმულს, დიდის სიფრთხილით და სათანადო სიბრძნით გაუძღვება დაკისრებულ მძიმე საქმეს.

ჩვენ ვიმედოვნებთ აგრეთვე, რომ ყოველი ქართველი, დიდი და პატარა, ახალგაზრდა და მოხუცი, თავის მოვალეობად ჩასთვლის დაეხმაროს მათ, რომელნიც მუშაობის პროცესში ამ ახლად შექმნილ ქართულ ორგანიზაციასთან დათანხმებით გააძლიერებენ, მეტს ძალებს შემოკრებენ მის გარშემო, მის ავტორიტეტს ასწევენ ქართველთა თვალში და ამით უდიდეს სამსახურს გაუწევენ როგორც აქაურ ქართველობას, ისე ქართულ წმინდა საქმეს, რომლის დასასრული საქართველოს განთავისუფლება და დამოუკიდებლობა უნდა იყოს.

მ ო წ ო ღ ე ბ ა

ქართველო მხედრებო!.. ბედნიერად ვთვლით თავს მოგესალმით ქართული შტაბის სახელით და გისურვით გამარჯვება.

ჩვენს მოვალეობად მიგვაჩნია განვიმარტოთ ქართული შტაბის დაარსების ისტორია, მისი მოქმედების მიზანი და ამოცანები. ამასთანავე ერთად გვინდა ვაგაცნოთ შტაბის მიერ უკვე ჩატარებული მუშაობა.

როგორც მოგვხსენებთ, ევროპის სხვადასხვა ქვეყნებში გაბნეულად სცხოვრობდა და სცხოვრობს მცირერიცხოვანი ქართული ემიგრაცია. მისი უმრავლესობა შესდგება იმათაგან, რომლებიც უცხოეთში გადმოიხვეწნენ 1921 წელს, რუსეთის მიერ საქართველოს დაპყრობის დროს. ქართული ემიგრაციის რიცხვი 1921 წლიდან თანდათან იზრდებოდა, მას ემატებოდნენ საქართველოდან არალეგალურად გადმოსულნი, ბოლშევიკებისაგან დევნილი ქართველი პოლიტიკური მებრძოლნი.

უცხოეთში მყოფი ქართველობა მთელი თავისი ძალებითა და ყველა საშუალებით იბრძოდა საბჭოთა ხელისუფლების წინააღმდეგ. სამწუხაროდ ეს ბრძოლა არ სწარმოებდა ერთი, საერთო გეგმით. ამაში ბრალი მიუძღოდა არამარტო უცხოეთში მცხოვრებ ქართველობას, არამედ იმ საერთო პოლიტიკურ პირობებს, თუ კერძო მდგომარეობას, რომლებშიც სხვადასხვა ქვეყნებში ვაფანტულ ქართველობას უხდებოდა ცხოვრება და მოქმედება. სამართლიანობა მოითხოვს აღვნიშნოთ, რომ ეს რამდენიმე ჯგუფად თუ წრედ დაყოფილი ქართველობა, რომელიც ხშირად ერთმანეთს ეჭიშპებოდა, მაინც ერთი საერთო სულისკვეთებით იყო გაყდენილი და ერთი საერთო მიზანი ჰქონდა დასახული — ეს იყო ბრძოლა ბოლ-

შევიზმის წინააღმდეგ და საქართველოს თავისუფლების, დამოუკიდებლობის აღდგენა. ამიტომ იყო, რომ ჩვენ ყველანი აღტაცებით შევხვდით 1941 წლის 22 ივნისს, როცა ძლიერად მოსილმა გერმანულმა ჯარებმა, გადალახეს საბჭოთა კავშირის საზღვრები და თავიანთ მოკავშირეებთან ერთად სამკედრო-სასიცოცხლო ომი გააჩაღეს ბოლშევიზმის წინააღმდეგ.

მთელს ჩვენს იმედს ვამყარებდით და ვამყარებთ დღეს კომუნისტურ-ბოლშევიკურ რუსეთთან. ომში ნაციონალ-სოციალისტური გერმანიის გამარჯვებაზე. უცხოეთში მყოფი ყველა ქართველი, განურჩევლად ჯგუფისა თუ წრისა, მიემხრო გერმანიას და მისი ბრძოლა გამოაცხადა თავის ბრძოლად როგორც რუსეთისა, ისე გერმანიის სხვა მტრების წინააღმდეგ. მაგრამ ქართველების პოლიტიკური თუ სამხედრო თანამშრომლობა გერმანელებთან არ ხდებოდა ერთი, რომელიმე საერთო და გარკვეული პროგრამით, არამედ დაკავშირება ხდებოდა ინდივიდუალური ინიციატივით სხვადასხვა გერმანულ პოლიტიკურ თუ სამხედრო უწყებასთან. ამას ხელს უწყობდა ზემოთაღნიშნული დაქსაქსვა ქართველებისა ჯგუფებად, წრეებად...

ომის გამოცხადების პირველი დღეებიდანვე გერმანელთა მხარეზე მოხვდა ნებაყოფლობით გადმოსული თუ ტყვედ ჩავარდნილი ქართველი ახალგაზრდობა, რომელიც საბჭოთა ჯარის რიგებში ძალით, საკუთარი ეროვნული ინტერესების წინააღმდეგ იყო მოქცეული. მათი რიცხვი დღითიდღე იზრდებოდა და იზრდება დღესაც. ამ ქართველთაგან ათასობით ახალგაზრდამ გამოაცხადა სურვილი ებრძოლა გერმანულ ჯართან ერთად სამშობლოს დამპყრობთაგან განთავისუფლებისათვის. მალე მოხდა შეხ-



ვედრა ძველი ემიგრაციისა გერმანულ სფეროში ამ ახლადმოხვედრილ ქართველებთან. დაიწყო მუშაობა ყველა ქართული ძალების თავმოყრისა და დარაზმვისათვის. გულახდელი უნდა ვთქვათ, რომ ბევრი რამ ხელს უშლიდა ამ დიდ ეროვნულ საქმის და აუცილებელი ამოცანის დამაკმაყოფილებელ შესრულებას. ერთი მხრივ ხშირად ხდებოდა გაუგებრობა ზოგიერთი ჩვენი გერმანელი მეგობრისაგან ქართულ საკითხებში, მეორე მხრივ გვაბრკოლებდა ჩვენი დაქსაქსულობა, ერთი ეროვნული ორგანოსა და ორგანიზაციის უქონლობა.

თითქმის ორი წლის წინათ დაიწყო ცდა ასეთი ქართული ცენტრალური ორგანოს დაარსებისა. მოლაპარაკებებში გერმანიის სათანადო უწყებებიც იღებდნენ მონაწილეობას. იყო რამდენიმე წამოწყება, მათ შორის მნიშვნელოვანი და საიმედო გამოდგა ცნობილი ქართველი მეცნიერისა და პოლიტიკური მოღვაწის, პროფ. **მის. წერეთლის** ეროვნული კომიტეტი, რომელმაც ერთგვარი მუშაობა გასწია, სათანადო განმარტების მიცემით გერმანელთათვის ქართული საკითხების ირგვლივ.

სხვადასხვა, წმინდა ქართული თუ გარეშე მიზეზების გამო, რომელთაც აქ არ შევეხებით, ეს კომიტეტი ოთხი თვის წინათ დაიშალა. მდგომარეობა გვიკარნახებდა ჩვენი საქმიანობის ერთ ქართულ ცენტრში თავმოყრის აუცილებლობას. ამის საჭიროებას გერმანელებიც ხედავდნენ. ამიტომ გასული წლის 26 ოქტომბერს გერმანიის აღმოსავლეთის სამინისტროს, გერმანიის არმიის უმაღლესი სარდლობის, საპროპაგანდო განყოფილების, აღმოსავლეთის ჯარების გენერლისა და რაიხის უშიშროების მთავარი უწყების თანხმობით დაარსდა ქართული საკავშირო შტაბი, რომელშიაც წევრებად შედიან: ობერლეიტენანტი **გივი ვაბლიანი** — ქართველ ლეგიონერთა წარმომადგენელი, **ბ-ნი მის. ალშიბაია**, **ბ-ნი მის. კედია** და **ბ-ნი გიორგი მაღალაშვილი**. მთავრობის ბრძანებით საკავშირო შტაბს ეძლევა უფლება როგორც ერთადერთს წარმომადგენლობას ქართველობისას და ზრუნავს, მუშაობს შემდეგ დარგებში: 1. ქართველი ლეგიონერებისა და მუშათა ათასეულების პოლიტიკური აღზრდა, 2. თანამშრომლობა გერმანელებთან გერმანიაში მომუშავე ქართველთა მოვლა-პატრონობაში, 3. ქართველ ტყვეთათვის სულიერი და მატერიალური მზრუნველობა, 4. პოლიტიკური მოვლა ქართული ემიგრაციისა.

მართალია, ქართული შტაბს ომთან დაკავშირებული მიზეზებისა და სხვა ტექნიკური დაბრკოლებების გადალახვა დასჭირდა, მაგრამ მისმა მუშაობამ უკვე გამოიღო მნიშვნელოვანი შედეგები, რომელსაც მოკლედ ჩამოვთვლით: 1. ყველა ქართველი და მათთან ერთად სხვა კავკასიელი გამოყვანილი იქმნებთან ე. წ. „აღმოსავლეთის მუშების“ („ოსტარბაიტერის“) პირობებიდან და იმუშავებენ ისე, როგორც უცხოელი მუშები; 2. ქართული პრესა, რომელიც შესდგება ორი პერიოდული გამოცემისაგან, გაერთიანდა შტაბის ხელმძღვანელობით; 3. ქართველი ჯარისკაცები სიმამაცისა და საბრძოლო დამსახურებისათვის მიიღებენ ყველა სახის გერმანულ ჯილდოს. ბრძანება უკვე გამოცემულია; 4. ქართველი ჯარისკაცები სავსებით გათანაბრებული არიან გერმანელ ჯარისკაცთან — ყველანი ატარებენ გერმანულ ფორმას, განმასხვავებელ ნიშნებს; 5. სწარმოებს მუშაობა ქართველი ტყვეების სრული რეგისტრაციისათვის, რომლებიც გაფანტული არიან სხვადასხვა ბანაკებში მათი თანდათანობით განთავისუფლებისათვის.

ჩვენი მუშაობა ერთობ რთული, ძნელი და პასუხსაგებია. ჩვენ ვიცით, რომ ამ მძიმე ტვირთს ვერ ვატარებთ და ჩვენს საერთო დიად მიზანს ვერ მივალწევთ, თუ ვერ მოვახერხებთ ჩვენი ძალების წარმატებით დაჭიმვას. ჩვენ, თქვენმა წარმომადგენლებმა, და თქვენ, ქართველნო მებრძოლნო, უნდა ვიქონიოთ მტკიცე და უშუალო სულიე-

რი კავშირი, გამსჭვალული უნდა ვიყოთ ერთი გრძობით, ერთი სულისკვეთებითა და უაღრესი ნდობით ერთმანეთისადმი. მხოლოდ ასეთი ურთიერთობა მოგვითმის გამარჯვებას. ეს კავშირი უნდა განმტკიცდეს ჩვენი მეგობრების სასიხარულოდ, მტრების თავზარდასაცმად. გქონდეთ იმის ღრმა რწმენა, რომ ჩვენც ჩვენს სადარაჯოზე მუდამ შევეცდებით, ვიდრე ძალღონე შეგვწევს პირნათლად დავიცვათ ქართველი ერისა და კერძოდ, თქვენი ინტერესები. დღევანდელ ბუმბერაზ ბრძოლას, რომელსაც გერმანია და მისი მოკავშირეები აწარმოებენ რუსეთის წინააღმდეგ, აქვს თავისი ღრმა მიზეზი, რომლის გაგება და შეგნება თვითეული მებრძოლისათვის საჭიროა. დღეს სწყდება ევროპის, გერმანიისა და მასთან ერთად ჩვენი სამშობლოს ბედიც, თუ ამ ომში გაიმარჯვა ბოლშევიზმმა, მაშინ წარიხოცება ევროპის ათასწლოვანი კულტურა და სამუდამოდ დაირღვევა საფუძველი ევროპის ერთა ცხოვრებისა, შემოქმედებისა და ურთიერთობისა.

თუ გადავავლებთ თვალს ქართველი ერის ისტორიას და შევიცნობთ მის ხშირად აშკარა, ხშირად იღუმალ მისწრაფებებს, ჩვენთვის ნათელი გახდება, რომ საქართველო მუდამ ილტვოდა დაკავშირებოდა ევროპის ერებს. ამის დამადასტურებელ საერთო ელემენტებს ვხვდებით ჩვენი ერის შემოქმედების ყველა დარგში, ეროვნული ფსიქოლოგიის განვითარებაში, ეკონომიურ, სოციალურ და ოჯახურ ურთიერთობაში. ოდესღაც ევროპას გამოსახავდა საბერძნეთი, რომი, შემდეგ ბიზანტია; იტალია; გერმანია, საფრანგეთი. ყველა ამ სახელმწიფოებთან და ერებთან ქართველებს პქონდათ მჭიდრო ან შორეული ურთიერთობა.

მე-18 საუკუნიდან დაწყებული გერმანიის ძლიერი კულტურა და ცივილიზაცია ახდენდა გავლენას ჩვენს განვითარებაზე. მე-20 საუკუნის დასაწყისში პირველი მსოფლიო ომის დროს გერმანია უკვე აქტიურად ჩაერია საქართველოს პოლიტიკურ ბედიღალში. 1918 წლის 26 მაისს, მხოლოდ გერმანელების დანხარებით აღვადგინეთ ჩვენ ასი წლის დაკარგული სახელმწიფოებრივი დამოუკიდებლობა. მეგობრობა და დანხარება, რომელიც 1918 წელს გერმანელებმა გავციწყის, ქართველი ერისათვის მარად დაუვიწყარი იქნება. აწ იქედება ახალი ევროპის მომავალი სისხლით, ცრემლითა და ოფლით... და ჩვენ მხოლოდ მსხვერპლით, უდიდესი მსხვერპლით შეგვიძლია მოვიპოვოთ ბედნიერი მომავალი. ქართველობისათვის ისტორიას უმსხვერპლოდ არაფერი მოუფლია და ვერც დღეს მისცემს. ამ ბრძოლაში ჩვენ, ქართველები, როგორც მთელი ერი, ისე ცალკეული პიროვნებანი, დანაკარგს ვერ გავექცევით. ვერცერთი ქართველი ვერ მოიპოვებს შევებას თავისიანთა გარეშე, რადგან არ არსებობს ბედნიერება და შევება გარეშე საკუთარი ერისა.

ჩვენს მუშაობას და ბრძოლას ჩვენ ვუძღვნით სამშობლოს თავისუფლებას, დამოუკიდებლობას. ჩვენ ვიბრძვით ქართული ოჯახის, ზნე-ჩვეულებისა და ადათის აღდგენისათვის, სოციალური სამართლიანობისათვის, გლეხკაცობის განთავისუფლებისათვის საკოლმეურნეო მონობისაგან და მათთვის საკუთარი მიწის მინიჭებისათვის, თავისუფალი აზრისა და შემოქმედებისათვის, ქართული რასის დაცვისა და გაკეთილშობილებისათვის.

ნება გვიბოძეთ მოწოდებას დაეუროთოთ სიტყვები, რომლითაც ჩვენ მივმართეთ გერმანიის არმიის მთავარსარდლობას: „ქართველი ჯარისკაცები, რომლებიც დღეს გერმანიის ჯარში იმყოფებიან, გერმანელ ჯარისკაცთან



მხარდამხარ ათასობით დგანან ევროპისა და გერმანიის მტრებთან ყველა ფრონტზე ბრძოლაში, საქართველოს მომავალს წარმოადგენენ. ისინი გაიცნობენ გერმანიას და გერმანულ ერს, მათი დიდი ნაწილი შეისწავლის გერმანულ ენას. ისინი იქნებიან საუკეთესო მეგობრები გერმანელი ერისა საქართველოში, რომელიც თავისი მდებარეობით არის კავკასიის ქვაკუთხედი. ქართულ საკავშირო შტაბს თავის ერთერთ უმნიშვნელოვანეს ამოცანად მიაჩნია იზრუნოს გერმანელებთან ერთად, იარაღ-

ქვეშ მყოფი ახალგაზრდა ქართული თაობის სწორი აღზრდისა და ხელმძღვანელობისათვის“.

ჩვენ ურყევად გვწამს გერმანიისა და ჩვენი გამარჯვება. მთელი ჩვენი ძალღონით, სისხლის უკანასკნელ წვეთამდე ვიმუშავებთ და ვიბრძობებთ გერმანიასთან ერთად.

გაუმარჯოს საქართველოს!..

გაუმარჯოს ჩვენი ხალხის დიდ მოკავშირეს — გერმანიას, მისი და ახალი ევროპის ბელადს, რომელსაც თქვენ შეჰფიცეთ, ადოლფ ჰიტლერს!

ქართული საკავშირო შტაბი

თანამედროვე ომი და ჩვენ

თანამედროვე ომი არ ეკუთვნის იმ ომთა რიგს, რომელსაც ჩვენ წარსულში ვიცნობთ. ევროპა არასოდეს არა ყოფილა ისეთ ფართო და ღრმა გარდატეხის წინ, რომლის მონაწილენი და მოწამენი დღეს ჩვენა ვართ. მას შემდეგ, რაც ევროპა ვით პოლიტიკური და კულტურული ერთეული ჩამოყალიბდა, ერთ კონტინენტალურ ძოვლენად ჩამოინაქვთა, იგი არასოდეს სიკვდილის საფრთხის წინაშე არ დამდგარა.

რომის იმპერიის ნანგრევებზე, ჰელენისტურ-რომაული ცივილიზაციისა და ქრისტიანული კულტურის საფუძველზე წარმოშობილი და გაზრდილი ევროპა — საუკუნეთა განმავლობაში შემოქმედებდა და ჰქმნიდა, ამკვიდრებდა, ამტკიცებდა იმ სულიერსა და ნივთიერ ღირებულებებს, რომლის აღფრთოვანებული მომხმარებელი მთელი კაცობრიობა გახდა. ამ საუკუნეთა გასწრით ევროპას მხოლოდ ორჯერ დააცხრა შიშის ზარი, — ეს იყო მონღოლთა შემოსევა: აღმოსავლეთიდან მეცამეტე საუკუნეში, და თურქთა თავდასხმა წინა აზიიდან მეთექვსმეტეში. მონღოლთა საშინელმა, მოკლე დარტყმამ ევროპისათვის იოლადა ჩაიარა, გარნა თურქეთს გენასთან დაუმარცხდა, ხოლო ბალკანეთში დამკვიდრდა. არც ერთი ეს დიდი ისტორიული მოვლენა ევროპის არსებობისათვის საშიში არა ყოფილა.

წარსულ მსოფლიო ომში ორ ბანაკად დაყოფილი მებრძოლნი ერთმანეთს გამარჯვებას ეცილებოდნენ. ამ ომში ჩარეული იყო აგრეთვე რუსეთიც.

რუსეთი ევროპას არ წარმოადგენდა, მაგრამ ევროპელობას მაინც ჩემულობდა. ყოველ შემთხვევაში, ძველი რუსეთის ხელმძღვანელები ევროპის კულტურით ნახიარები იყვნენ და მათ არასოდეს აზრადაც არ მოსვლიათ ევროპის დაპყრობა და გაქეღვა. რუსეთის მესვეურთა მთელი ცდა იყო, ევროპის ცივილიზაციისა და კულტურის არეში შესულიყო და ჩამორჩენილობით თავი არ შეერცხენა. ხოლო თავი რუსის ხალხი ევროპის კულტურისაგან შორს იმყოფებოდა და მისი არაფერი ვაგებოდა. როდესაც ამ რუსის ხალხმა აიწყვიტა და დასწყვიტა ევროპეულობის მატარებელი რუსული ზემო ფენები, — ჩვენს თვალწინ საშინელი სიშიშვლით წარმოიჭიმა რუსის ხალხი — ბოლშევიზმის სახით — უარყოფელი ევროპისა.

ევროპა კომუნისტურ იდეებსა და მოძრაობას თავის წარსულში იცნობდა. ბოლშევიზმი — სულ სხვაა. ეს არის წმინდა რუსული მოვლენა, რუსული საზიზღარი გესლიანი სენი. იგი მთარული სენი არაა; თავისი ბუნებრივი განვითარებით მან ვერსად დაიდგა ფეხი და მოსკოვმა ძალით დაიწყო მისი გავრცელება, ჯერ ძველი რუსეთის ყოფილი იმპერიის ფარგლებში. იარაღით აღჭურვილი რუსეთი ძალადობით ამკვიდრებდა ამ საძაგელ სენს არა-რუსულ ხალხებში, — იარაღით. ვინაიდან ნებით მისი აღიარება არც ერთ სხვა ერს არ შეეძლო. მესამე ათეული წელია,

რაც ეს სენი აღმოსავლეთში მძვინვარებს და მისი ნაყოფი მწარეა.

თანამედროვე ომი, რომელიც გერმანია-იტალია და მის მოკავშირეთა ბანაკსა და საფრანგეთ-ინგლის-ამერიკა და მათ მოკავშირეთა ბანაკს შორის დაიწყო, მიმართული იყო არა ევროპის დასაპყრობად, მისი ცივილიზაციისა და კულტურის დასამხობად, არამედ სწყედებოდა აქ საარსებო სივრცეთა და ახალ სამეურნეო წყობათა საკითხები.

რუსეთი შორიდან უთვალთვალებდა, უცდიდა წამს, თუ როდის უნდა დასცრომოდა თავს გერმანიას, რომელიც აღმოსავლეთით ევროპის ჯებირს წარმოადგენს. ეს განუზომელი საფრთხე იგრძნო გერმანიის ხალხის მეთაურმა ადოლფ ჰიტლერმა. და აღმოსავლეთის თვალწვდენელ ველებზე გაიმართა შეძგერება ევროპის დაცვისა და გადარჩენისათვის.

ინგლისი, რომელიც თვით იყო მონაწილე ევროპის კულტურის შექმნაში და ეკუთვნოდა ევროპას, საფრანგეთის დამარცხებისა და დასკრკის მარცხის შემდეგ, გახდა რუსეთის მოკავშირედ თავისი ეგოისტური მიზნის, მსოფლიოში ბატონობის შენარჩუნების გულისათვის, — და ამგვარად ლალატი ჩაიდინა ევროპის მიმართ.

ამერიკა ევროპის კულტურის ანარეკლით იზრდებოდა და მის სულს ამ კულტურის არსი არ ჩასწვდომია. ამერიკამ შექმნა თავისი საკუთარი, დოლარის კულტურა, რომლითაც ყველა ღირებულება იზომება და ფასდება. მას ევროპის დაცვა არც მოეთხოვება.

ამგვარად: ბრძოლის ველზე ევროპის დაცვისათვის ვაჟკაცურად ომობს გერმანია და მისი მოკავშირენი.


გერმანიის დამარცხება ნიშნავს ევროპის გაბოლშევიკებას — იარაღის ძალით. ეს ნიშნავს ევროპის პოლიტიკურ დაღუპვასა და მის განძარცვას ათასწლოვანი კულტურისაგან. ევროპაში გაბატონდება რუსული ჩეჰმა და რუსული ჩეკა. დაიმსხვრევა ევროპის ბრწყინვალე კულტურა და მის ტახტზე აბრძანდება რუსული ბოლშევიზმი. ამ უზარმაზარ ნგრევას გადაურჩება თუ არა ევროპის მოლალატი ინგლისი — საინტერესო აღარაა.

ჩვენ, ქართველებს, ისტორიის ამ საშიშ მოსახვევ კუთხეში, საკუთარი საგუშაგო გვიჭირავს.

ქართული ეროვნული კულტურა იმავე მაჰიკითაა შედედებული, როგორც ევროპიული. და ეს ქართული კულტურა ევროპულზე უფრო ადრეც დაიბადა.

ქართული კულტურის ფესვები ჩამსხდარია იმავე ჰელენისტურ და რომაულ კულტურაში, რომელზეც ევროპის კულტურა წარმოიშვა; იმავე გაპლეინისტებულ ქრისტიანობაში, რომელიც თავისად გაიხადა.

ევროპასა და საქართველოს ერთი დედის ძუძუ აქვთ ნაწოვი. საქართველო უფრო ადრე დავაჟაკცდა, ვინემ ევროპა; მან თავისი ეროვნული სულის შემოქმედებით უფრო ადრე გაფურჩქნა „ევროპიული კულტურა“ — ხუ-



როთმოდღერების, მხატვრობის, მწერლობის, გალობის და სხ. დარგში — ვინემ თვით ევროპამ, მაგრამ ყოველი ეს, ქართველი ერის უმაღლესი სულიერი ქმედობის მიღწევა, მონღოლთა შემოსევამ იავარქმნა და გააპარტახა. ამ მრისხანე უბედურებამ ქართველ ერს შემოქმედების ხერხემალი გარდაუტეხა, ხოლო თურქ-ოსმალთა მუდმივმა დარტყმამ ყუთა იგი შეუსვენებლივ.

ევროპა გადაურჩა მონღოლურ მძევნარე შემოსევას და თურქებმაც განასკუთრებულად ვერა დააკლეს რა. ევროპა ვითარდებოდა ნებისამებრ. ქართველი ერი კი ევროპას მოსწყდა მუსულმანურ რკალში მომწყვედევით, რომლის გარღვევას იგი მარად სცდილობდა და ევროპაში მოკავშირეებს ეძებდა.

მაგრამ ხანა იყო ვაგლახი და ევროპა — საქართველოს შორის უზარმაზარი სივრცე თურქეთს ეჭირა. მერმე კიდევ, მოვიდა რუსეთი. მოვიდა რუსეთი მეგობრად და ჩასახლდა ბატონად საქართველოში. ქართველმა ხალხმა ამ ჭირითაც ისარგებლა და რუსეთის „გაევროპიელებული“ ფენების მეშვეობით ევროპას დაუახლოვდა.

მერმე თვით ევროპა მოვიდა საქართველოში. გერმანიამ მეგობრული ხელი გაუწოდა აღორძინებულ საქართველოს და დაეხმარა მას დამოუკიდებელი სახელმწიფოს დაფუძნებაში 1918 წელს.

დამარცხდა მაშინ გერმანია. დამარცხდა საქართველოც. შემობაჯბაჯდა რუსული მაჯლაჯუნა და ხიშტით დაეჩქო ქართულ მიწაზე რუსული ბოლშევიზმი.

ზოგი არა გრძნობს კიდევ: რა გამანადგურებელი შედეგი მოიტანა ბოლშევიზმის ბატონობამ საქართველოში. ბევრი ბავშური გულუბრყვილო სიხარულით მოგითხრობთ, რომ ბოლშევიკებმა გაიყვანეს ესა და ეს გზა, ააშენეს ესა და ეს სახლი, დასდგეს ესა და ეს ქარხანა, და სხვადასხვა. მაგრამ ქართველს რომ წამდაწამ სულს აცლიდნენ, ქართულ კულტურას ძირებს უთხრიდნენ, — ამას მომთხრობი ვერა გრძნობს, — და ესა მთავარი უბედურება!

ბელგიელებმა კონგოში ამოაშერეს მომაკვდინებელი ჭაობები, გაიყვანეს შესანიშნავი გზები, გახსნეს ძვირფასი საავადმყოფონი, სკოლები, ააგეს სახლები და სხ. და სხ. მაგრამ ამით კონგოში არ შექმნილა კულტურა; ამით ნეგრებს არ დაბადებიათ რუსთაველი და ოპიზარი, ვაჟა ფშაველა და ფიროსმანაშვილი.

კულტურა—სულიერი ცხოვრება: მისი, უმწვერვალესი გამოხატვა, კულტურას არ შეუძლია გაფურჩქვნა თუ მას ჩეკისტის რევოლუციონერებმა მიბჯენილი აქვს; კულტურა თავისუფალი შემოქმედებაა და მას არ შეუძლია გაშლა,

თუ მას პარტიული ბოლშევიკური დადგენილებანი ბრკავენ.

და აი, დღეს ამ რუსის ჩეკისტს სურს დაიპყროს ევროპა, შემუსროს მისი კულტურა. ხოლო გერმანია იბრძვის და იცავს ევროპას მოწოლილი რუსული ბოლშევიზმისაგან. რუსული ბოლშევიზმი ევროპის კულტურის უარყოფაა და ევროპა დღეს სასიკვდილო საფრთხეს წინაშეა.

ევროპის ხელმძღვანელია ამ სამკედრო-სასიცოცხლო ომში გერმანია; მას მიჰყვებიან მოკავშირენი და მრავალი ათასი მოხალისე. ქართული შეიარაღებული ძალაც ამ ბრძოლაში მასთან არის.

საიდან მოვიდა ეს ქართული შეიარაღებული ძალა? ათასობით ქართველები გადმოვიდნენ გერმანიის მხარეზე ან ტყვედ ჩაეარდნენ. მათ რომ რუსული ბოლშევიზმისათვის თავისგანწირვა სურებოდათ, — ბრძოლის ველზე თავს შეაკლავდნენ ან ტყვეთა ბანაკს არ დასტოვებდნენ. მაგრამ მათ დასტოვეს ტყვეთა ბანაკი და იარაღს მოჰკიდეს ხელი: ბოლშევიზმის წინააღმდეგ, მათსადამე, მის მოსაპობად და საქართველოს განსათავისუფლებლად.

ევროპის, გერმანიის და ქართველობის მისწრაფებანი ერთმანეთს შეხვდნენ და სისხლის გაღებით დამოზილდნენ. გერმანელებსა და ქართველებს შორის შეიძლება ზოგი გაუგებრობა იყოს; მაგრამ მათ მთავარი და დამაკავშირებელი უეჭველად აქვთ: რუსული ბოლშევიზმის დამხობა, რომლის შედეგი იქნება ევროპის განთავისუფლება განადგურების საშიშროებისაგან და საქართველოს განთავისუფლება თავისი დამოუკიდებლობისა და საკუთარი კულტურის ასაყვავებლად.

ბრძოლა და გამარჯვება — ესაა ევროპის ხსნა; ესაა საქართველოს დახსნა და ხსნა.

გერმანიის დამარცხება ევროპის დამარცხებაა და აღსასრულიც. საქართველოც ამ უბედურ შემთხვევაში დარჩება ბოლშევიკური რუსეთის ბატონობაში, სადაც მას მოელის ქართული სულისაგან დაცლა და გადაგვარება.

გერმანიის გამარჯვება ევროპის გამარჯვებაა, საქართველოს გამარჯვებაცაა; დამარცხებაა რუსეთისა და მისი ბოლშევიზმის; გამარჯვებაა ევროპის კულტურისა და მოსპობა რუსული უკულტურობისა.

გერმანიის გამარჯვება საქართველოს განთავისუფლებათა, ქართული კულტურის აღდგენათა, ევროპასთან მჭიდრო გადაბმულობა და ფართო შარა, რომლითაც ქართული სულის დამოუკიდებელი შემოქმედებითი განვითარება კვლავ უნდა წარიმართოს. თვითეული ქართველის გულს უნდა ჰქონდეს ეს დაქდეული.

ბ. შარლანი

გრიგოლ რობაქიძე

წმინდა ნინო

(საბალობელი*)

ქალწულო ნინო, ეშვები ჩრდილებით —
 დალურსულ ფოთლებში მზის თვალნი დაღვარული.
 ჩვენ: დანელებულნი და გულახდილები
 შენ წინ ვეფინებით უშრეტი სიყვარულნი.

მცხეთას რომ მოგესმა ნელი ხმა ზევნიდან
 — გული გვთიშობელის ჩვენთვის ხომ უსვია, —
 ჯვარი გამოსჭერი ვაზის ნახსლევნიდან
 და ცხელი ჭრილობა თმებით შეუხვიე.
 ღვთიურ ტკივილი და არა წამება
 იყო აქ — გვითხრობდენ ამას ჩვენ მამები.
 არა გვსურს, დედაო, სხვა ჯვარი ბერწების,
 არ გვინდა სხვა მიწა, არც სხვა ნახსლევნი —
 ვიცით: შენი ჯვარი ღვინია ღვინების
 — ტოტებს აიურიან მეტი ახელებით,
 როცა გადასხლავენ სასტიკი სასხლავით.

ქალწულო ნინო, ათასჯერ გვენახე —
 შენ გეაღერება დედული ვენახი.
 ღვთიურ ანთებული ჩვენს მიწას ევენები.
 — სხვა როგორ ვიგულვოთ აქ შენი ნაცვალი?
 ზვარში რომ გაივლი, ჩაყურსულ მტევნების
 მზის თვალით ივსება ყოველი მარცვალი.
 შორიდან გიყურებს, ავს რომ აგაშოროს,
 ხმალ-ამოდებული მზევაჟი ლაშარი —
 ის არის ივერიის მცველი და მზვერავი
 და ჯვარსა ვაზისას წაართმევს ვერავინ.

ნათულო ნინო, ვით მიწის ხნულები,
 შენ წინ გადახსნილან აწ ჩვენი გულები.
 მო, გადაგვიარე — ბედს გადავურჩებით
 და ტერფებს დაგიკოცნით მაგარი ტურებით.

დაო და დედაო,
 ხვთიშობლის დობნლო,
 ვართ შენზე დანდობილი
 და შენი შენდობით —
 არ გადავშენდებოთ.

შენიშვნა: პირველი ვარიანტი ამ საგალობელისა
 დაიბეჭდა 1923 წელს; აქ მოყვანილი ტექსტი, საბო-
 ლოვო ვარიანტი, იბეჭდება პირველად.



† სტეფანე ქასრაძე

თ ა რ ი - ა რ ა ლ ე

რომანი მეორე ნაწილი

ამ რომანის პირველი ნაწილი დაიბეჭდა წიგნად პარიზში ომის წინ. თვით ავტორი, სტეფანე ქასრაძე, შარშან ტრადიკულად დაიღუპა აღმოსავლეთში. რომანის ეს მეორე ნაწილი იბეჭდება დარჩენილი ხელნაწერის მიხედვით.

ზაფხული იდგა. ოთხი თვე, ბოლშევიკების შემოსვლის შემდეგ, ელავდა. ელვა დგებოდა ცაზე დიდხანს და მაშინ ნათლებოდნენ ცაზე აღძრული შავი ღრუბლები, რომელნიც მიილტვოდნენ; ნათლებოდა აგრეთვე სოლომონ ფერეულის ბაღი და თუმცა ელვაზე, მოხუცი ფერეული ვერ ასწრებდა ბაღისათვის ერთობ თვალი მოეცლო (ეს მას არც ჰსურდა) მაგრამ მუდამ, თავისი სურვილის წინააღმდეგ, გონებაში აღიდგენდა რიგს ყვავილებისა და ხეების ელვაზე, ბაღის სიღრმეში იწყებდა კვილს ჭოტი.

იგი ჰკვირდა ისე, თითქოს დაიჭირეს და მისი ხმით, შეიძლებოდა წარმოედგინა, მისივე უმწეოდ ფრთების ფართხუნისა. რა ელვა ჰქრებოდა, დგებოდა წყვილი და დუმილი.

გარემოს დუმილს მოხუცი ფერეული მუდამ უაზროდ სთვლიდა და რომ დუმილისათვის შინაარსი მიეცა, ჯერ მან გონებაში სთქვა:

„ირირია!“ და გონებაშივე, სიტყვას მოჰყვა წარმოდგენები.

ირირია, ისეთივე ღმერთი იყო ძველად, როგორც არაღე, მაგრამ ვაცილებით პატარა; უთუოდ იგი სცხოვრობდა გამოქვაბულში, ხოლო ამჟამად, ის იყო რომ დასდევდა ჭოტს დასაქვრად და ჭოტი ჰკვირდა.

ყოველივე ეს, შესაძლებელია მართლა ასე ყოფილიყო, მხოლოდ ღმერთის სახელი იყო სასაცილო: ირირია!

ეს კი, ნამდვილია, რაც ბოლშევიკები შემოვიდნენ, ადამიანს სიმღერა არ გაუგონია: არალუიი —

მოხუცმა, გახსენებაზე სიმღერა წამოიწყა გონებაში, მაგრამ ხელათვე შესწყვიტა. იგი წამოდგა და ელვის ნათელზე, გაემართა თავის სამუშაო მაგიდისაკენ. მან სრულებით ვერ შენიშნა, რომ ელვა მოახლოვდა და ჰაერი ოდნავ აგრილდა; სადაც უთუოდ სწვიმდა და წვიმაც ახლოვდებოდა.

კვირაზე მეტია, იდგა გვალვა და მწველი მზე, თითქო მარტო სანაპირო ქალაქს დასწოლოდა და ჰაერი ამოებრუჟა.

სიციხით მოთენთილი სოლომონ ფერეული, ასეთ დღეებში, კოტესთან ერთად ყანას ამუშავებდა; მოხუც სოლომონს ძალიან გაუჭირდა. კოტემ მამა ხის ძირას დასვა და რათა სული გადაეყოლებია, სთხოვა წარმოედგინა ვრილი ამინდი. მამა გასწყრა და კოტეს უთხრა:

— შენ იცინი და ჰკრეკ თეთრ კბილებს! —

შემდეგ სოლომონმა მართლა სცადა წარმოედგინა სიგრილე, მაგრამ ამაოდ; არ ჰყოფნიდა ჰაერი და ეშინოდა ოდნავი შერხვევისა, რადგან ოფლი სწვავდა კისერს, ილიას. სიციხე ღამითაც გრძელდებოდა.

უეცრად მოხუცმა ფერეულმა შენიშნა, რომ ასე კარგად მას დიდი ხანია არ უფიქრია. იგი სამუშაო მაგიდას მიადგა, თუთუნს ძებნა დაუწყა და რადგან ვერ იპოვა, იქვე ელექტრონი აანთო. ოთახი იისფრად გაანათა.

მოხუცმა გაშლილი ხელის გული სინათლეზე მიიტანა და მარჩიელივით, ხელის გულზე ხაზებს დააკვირდა. შემდეგ ოდნავ გაიღიმა.

იგი, ამ დროს ჰფიქრობდა ასე: „კარგად ვფიქრობ იმიტომ, რომ ძარღვებში ისევ-ისე მოძრაობს სისხლი — ხელი კიდევ გაშლილი ჰქონდა, მაგიდაზე რომ თვალი შეაფეთა თავის მეუღლის სურათს. სოლომონმა სურათს თვალი აარიდა.

სქელ წიგნების ქვეშ, წნევისათვის შემოედოთ კარგად დახვეული თუთუნის ფოთლები. ეს იყო სუხუმის ცნობილი თამბაქო, რომელსაც ახალი ხელისუფლება ხელფასის მაგივრად ურიგებდა სამოქალაქო დაწესებულებათა მოხელეთ.

სოლომონმა თუთუნი დასკრა, ხელის გულზე დასრისა და ჩიბუხი გამართა.

სინათლე ჩააქრო. ისევ ღია ფანჯარასთან დაჯდა.

სადაცაა უნდა გაწვიმებულიყო.

წვიმის მოლოდინში სწუხდა გარემო. რამდენჯერმე სულ — ახლოს იგრგვინა და როგორც იქნა წამოვიდა წვიმა. წვიმა იყო სულ-დათქმული, ყუყუნა და ხმაურობდა ფოთლებში. წვიმაზე, გახურებულ მიწას ჯერ ბული ასდინდა (სოლომონს ბალიდან ასეთი სუნი ეცა), შემდეგ ელვაზე სჩანდა: ბალახი და ყოველი მცენარე ისე ირხეოდა თითქოს სულიერი იყო და მაღლა ილტოდა.

სოლომონი წამოდგა. რალაც სინარული მოიტანა წვიმამ. უთუოდ მართალი იყვნენ მისი ბავშვები, რომელნიც ყველაფერზე ახერხებდნენ სიცილს. სოლომონი ვერ ახერხებდა; მას შეეძლო მხოლოდ დუმილი.

თუმცა რა სიცილი იყო ახალგაზრდა ფერეულების სიცილი: მოვლენებზე და ადამიანებზე ორიოდ შენიშნვა, უბრალო გახუმრება და მაშინ, როდესაც ახალგაზრდობის ძალით უნდა ატეხილიყო ხარხარი სოლომონისანი, კოტე, ლევანი, მანანა — სდუმდებოდნენ.

ოჯახი იყო მგლოვიარედ.

რამდენიმე თვე-ლა გასულიყო მას შემდეგ, რაც გარდაიცვალა ფერეულის მეუღლე მატა და სახლში ჯერ კიდევ ტრიალებდა იმისი სითბო. ახალგაზრდებს ჰსურდათ ეფიქრათ, რომ დედა მეორე ოთახშია.

ამის მოგონების მაგივრად, სოლომონს ერჩია, სულ არაფერი ეფიქრა — რადგან, ჩემო ხელმწიფე, ყველაფერი არაფერია! ამჟამად გრილა, ხოლო ერთი მყისის წინ ცხელოდა და ეხლა, ადამიანმა რომ ისურვოს გავლილი სიციხით სარგებლობა, ვერ შესძლებს.

ვინ მოსთვლის ამ ქვეყნად რამდენჯერ გამძღარა კაცი, მაგრამ განვლილი გაძღომის აღდგენაც არ შეიძლება და ქვეყანა სიმშვილვს.

ეს გახლავთ დიდი შეუსაბამობა, ეს გახლავთ დიდი უარობა ჩემო ხელმწიფე! —

ქვეყანა მართლა სიმშვილვდა.

მთავრობა თავის მოხილევებს ურიგებდა ცოტაოდენ სურსათს: ბრინჯს, ლობიოს, ტარანს. ამას ერქვა „ულუფა“. ურიგებდა ფულსაც („ბონებს“), მაგრამ ბონებით ყიდვა რამესი ძნელი იყო (არაფერი იშოვებოდა!) და რადგან ფულის ნიშანი მილიარდებით ითვლებოდა; ამიტომ ფული დაჰქონდათ კალათით.

სოლომონმა სამსახურს თავი დაანება.



მსახურობდა მარტო ლევანი და მას მოჰქონდა თუთუნის და ტარანი, მოჰქონდა რამდენიმე თაბახი ბონი — უფრო იშვიათად პურის ფქვილი.

ლევანი თუთუნის საქმეში დახელოვნიდა. ის ლაბავდა ფოთლებს, ჰკეცდა და ისე სჭრიდა სამართებლით, როგორც მანქანა. თუთუნის მოსაწევ ქალაქად ხმარობდნენ ძველ ჟურნალებსა და წიგნებს.

ყოველივე ამაზე ახალგაზრდები იცინოდნენ, სოლომონი არა.

მას არ ჰსურდა ეცნო ახალი არაფერი. არც შემოკლებული უცხო სიტყვები, სახელწოდებანი ახალ დაწესებულებათა: სოც-დაზღვევა, რემედისი და სხვა, არც ხალხი ჰსურდა ეცნო ახალი, რომელნიც სანაპირო ქალაქში, ისე ვით ყოველგან, ცდილობდნენ ყველაფერში დაუდევარნი ყოფილიყვნენ (გარდა კონტრ-რევოლუციის დევნისა) ჩაცმაში, ხალხთან ურთიერთობაში. უთუოდ ამითი, უნდა დაკულიყო მუშური ელფერი. ეს გამოდიოდა უხეში შემდეგ ახალგაზრდები იცინოდნენ „შაბათებზე“.

ყოველ შაბათს, მთავრობას გამოჰყავდა ყოფილი მდიდრები: ვაჭრები, მოხელეები, მაღალი გვარეულობის შთამომავალნი და მათ უნდა დაეგავათ ქუჩები.

ისინი ჰგვივდნენ. მოხუცი ფერეული შაბათებს ვადარჩა, რადგან ჯერ ერთი, მგლოვიარედ იყო, ხოლო შემდეგ ცნობილი შეიქნა, რომ იგი შეუდგა ყანის დამუშავებას.

შაბათებზე გაჰყავდათ ყასაბი ზაქარიაც. მანანას სიტყვით ზაქარია, მანამდე მსუქანი კაცი, გამხდარიყო და მუშაობის დროს ცდილობდა მტვერი არ შეესუნთქა; ამიტომ იგი თავს მალა იშვერდა, რათა ბულისათვის ცხვირი აერიდებია. „აი, ამ გვარადო“, მანანა ამბობდა და იწყებდა ფრუტუნს.

სასაცილო ის იყო, რომ მანანას მიერ წარმოდგენილი ზაქარია, სრულებით არ იყო სასაცილო.

ქალბატონ მატას გარდაცვალების შემდეგ, სოლომონის ოჯახში სცხოვრობდა ბიკოლა ნინო; იგი თითქოს ყურს არ უგდებდა მანანას ხუმრობას, მხოლოდ შემდეგ იცოდა შენიშვნა:

— ვაი, რა სულელი ხარ მანანა! —

ბიკოლა ნინო ამ გვარად ამქვავებდა სიყვარულს და ამას გრძობდნენ.

ბატონი სოლომონი შეეჩვია, ბევრი რამ არ სცოდნოდა, ან სცოდნოდა ნაწილობრივ. მაგალითად მან ვერ გაიგო, რა სამსახური ჰქონდა ლევანს ისეთი, რომელიც ნებას რთავდა წარა-მარა ტფილისში ევლო, ან ტფილისში რას აკეთებდა. სადაღაც, ქალაქის საათმა იწყო რეკა. წვიმაში ზარის ხმა ისმოდა შორიდან.

ერთჯერ, ეს იყო ძველად, ბატონმა სოლომონმა ასეთი საუბარი ჩამოუგდო ახალ ჯვარდაწერილ მატას. (მატამ ვერ გაიგო მაშინ ახალგაზრდა სოლომონის წარმოდგენათა თამაში და ამ ვერ გაგებაზე სოლომონს გაეცინა. მატამ ვერც ეს სიცილი გაიგო და შესწუხდა; სოლომონმა ხუმრობა შესწყვიტა და აი, ეხლა აგრძელებდა იმ შეწყვეტილ წარმოდგენასა თუ ხუმრობას, მაგრამ აგრძელებდა რაღაც მოღუწებული. წინააღმდეგ თავის სურვილისა).

— დიან ჩემო ხელმწიფე — აბობდა სოლომონი — ეს ზარის ხმა, ფერად უნდა იყოს დასაწყისში წითელი, ხოლო შემდეგ, როდესაც ილევა, იისფერი და ის უნდა ჰგავდეს მთვარეულ ბავშვებს, რომელნიც დადიან თვალებ-დახუჭული — სოლომონი ცუდ გუნებაზე დადგა.

მან აღმოაჩინა, რომ თავის — თავს ებუტბუტებოდა; გარდა ამისა, ამ ძველი ამბის მოგონება ერთობ უაღდგილო იყო; ასეთი უკმაყოფილება იმას ნიშნავდა, რომ სოლომონს მოაგონდა და ჰსურდა თავის-თავისათვის დაემალა, რომ ამას წინად, ხელის გულზე დაიხედა; ერთი სიტყვით,

სოლომონი უნდა დაწოლილიყო და მან სინათლე აანთო. „რა დროს ხელის გულია? რა დროს ტრფიალზე ფიქრია! უნდა გცხვენოდეს.“ —

დერეფანში ვიღაც შემოვიდა. ნაბიჯებზე, სოლომონმა კოტე იცნო და არ იცოდა მოხუცმა, იამებოდა თუ არა, მასთან რომ ეხლა კოტე შემოსულიყო. კარზე ფრთხილად დააკაკუნეს.

2.

კოტე, ანუ კონსტანტინე სოლომონის ძე ფერეული, ქართული ჯარის ყოფილი ლეიტენანტი, ამჟამად თავისუფალი მოქალაქე, ჰფიქრობდა მარტივად:

— მთავარია გამძლეობა! კაცმა უნდა აიტანოს! —

მან წითელ ჯარში სამსახურზე უარი განაცხადა. უთუოდ ამ გვარადვე მოიქცნენ მისი ყოფილი ჯარის ამხანაგები, რომელნიც სხვა-დასხვა ქალაქებსა და სოფლებში მიმოფანტულნი, როგორც ერთმანეთს ხმები მიაწოდეს, დადიოდნენ თავისუფალ მოქალაქეებად.

კოტემ რამდენჯერმე ნახა შაბათები. აქ გამოჰყავდათ უმთავრესად ხანში შესული მამები, რომელთათვისაც ხნოვანების მიხედვით პატივი უნდა ეცათ. მეშაბათენი, მუშაობის დროს ხუმრობდნენ, რადგან მათი მუშაობა იყო ერთგვარი დასჯა წარსული კეთილდღეობის გამო და ეს დასჯა, ვიღაცას უნდა სიამოვნებოდა. იყვნენ ისეთებიც, რომელნიც მღუშარენი, უხერხულად მუშაობდნენ, უთუოდ გამოუცდელიობის გამო და აგრეთვე იმიტომ, რომ მათ რცხვენოდათ, რადგან გამველნი შეჰყურებდნენ; შესაძლებელია არც სცხვენოდათ, მხოლოდ ახსოვდათ, რომ ეს შედეგა უცხო ძალისა და ნების.

კოტე გულში ბობოქრობდა: — ნეტავი მათი ყანა, ამ ხალხის თვალწინ, ამ ქუჩაზე ყოფილიყო! რა იყო ამაში სათაკილო? —

ყოველ დილას, განთიადზე, სოლომონი და კოტე სამუშაოდ მიდიოდნენ. არც სოლომონმა, არც კოტემ არაფერი იცოდა მუშაობის.

მუშაობა აღმოჩნდა ძნელი, მუშაობა გაჭირდა; რომ სიჯიუტე არა, ყანას თავს მიანებებდნენ. როგორც იქნა შეეჩვიენ.

მთელი დღე მუშაობის შემდეგ, რა მზე დასავლეთით გადაიხრებოდა, მამა და შვილი ბრუნდებოდნენ სახლში. მამა ძალიან იღლებოდა და სახლში დაბრუნებული, მუდამ მღუშარე, ეძლეოდა სიმშვიდეს. კოტეც იღლებოდა, მხოლოდ დასვენების მაგიერ, იგი გარბოდა გარედ. სასიამოვნო იყო ხალხთან შეხვედრა, ახალ ამბების გაგება.

სიტყვების გამო და კიდევ იმიტომ, რომ მოქალაქეებს საზრუნავი არაფერი ჰქონდათ, ხალხი შუალამედი დასეირნობდა ხეივანში, რომელიც მთავარ ქუჩას მიჰყვებოდა და დასეირნობდა აგრეთვე პატარა ბაღში, მდინარის პირად რომ იყო. საზრუნავი იმიტომ არ ჰქონდათ მოქალაქეებს, რომ გამორკვეული იყო: არ იშოვებდა საზრდო, არც ჩასაცმელ-დასახურავი.

ხალხი იყო გამხდარი, მაგრამ არა დაღვრემილი. არავის სჯეროდა ახალი წეს-წყობის ხანგრძლივობა და ხშირად, პოლიტიკური საუბარი იმაზე ტრიალებდა, გასძლებდა კიდევ ხელისუფლება სამს თვეს თუ არა. ასეთ საუბარში ვრცელებოდა ჭორები, ხშირად განსაკვიფრებელი თავისი შეუსაბამობით და გაისმოდა სიტყვები: ულტიმატუმი, ანტანტა, აჯანყება, დესანტი; ჭორები სჯეროდათ; ჭორები ჰსურდათ დაიჯერებიათ, რადგან ხელისუფლება იყო გაუპარსავი, საკინძ-მოგლეჯილი, მდაბიო და ყოველივეს, რასაც იგი აკეთებდა მოქალაქენი უტყუროდნენ უნდობლად.

სოლომონ ფერეულმა, სიტყვის გამო შეწუხებულმა, ერთჯერ უსაყვედურა კოტეს: — შენ ჰკრეჭ თეთრ კბილებსო! —



მართალი იყო. კოტე ხშირად იღიმოდა და მზეზე გაშავებულს, ხანგვივით უელვარებდა კბილები.

იყო რაღაც მიმზიდველი კანდიერება მასში, რომ მთავრობა იყო გაუპარსავი და ყველას მიმართავდა ასე: ამხანაგო!

ძველი სიღარბაისლე არ განარჩევდა მდაბიოს და იგი იქცეოდა ძველებურად: — დილა მშვიდობის, ბატონო! — ამაზე მთავრობა უპასუხებდა:

— ამხანაგო, ბატონები არ არსებობენ! ბატონები დასცურავენ ზღვაზე! —

3.

ასეთი გაუგებრობით ცხოვრება აივსო და ახალგაზრდა კოტე იცინოდა. დღესაც, მიმწუხრზე რომ სახლიდან გამოვიდა და ერთ მანდილოსანს გამოელაპარაკა, კოტეს უკრთოდა კბილები.

— არ მეგონაო — ამბობდა კოტე — თუ მეგრელის ქალსაც უნდოდა ჭამა; ისიც, ასეთ კარგ ქალს ... —

ქალი კოტეს ღიმილს შეჰყურებდა და თვითონაც გაიღიმა.

ცხელოდა. მოქალაქეთ ოფლი სდიოდათ. ქალს შიშველ ფეხზე ეცვა რაღაც ხისა, რაიც მიაგავდა სანდლებს და რასაც მაშინ ყველა ატარებდა.

ქალს თევზი ეყიდა. მომცრო კიფლები ცოცხლები იყვნენ და ქალაღღში გახვეულნი ფრთხილებდნენ.

— გინდა ვაქამო, ფერეულის ბიჭო? მშიერი იქნები! წამწყემდს შენი ცოდვა — სთქვა ქალმა. მან ეს სთქვა ნელი ხმით და იგი იმზირებოდა ისეთი თვალებით, რომელთაც ბინდი დაჰკროდათ და კარგად ვერ ხედავენ.

გრძელი, შავგვრემანი პირისახე შეენოდა ქალს; ტუჩები ჰქონდა სავსე და უხვივე, მოსჩანდა ღარიბი სამოსში მკერდი. ეს ის ქალი იყო, რომელმაც გასულ ზზობას, რამდენჯერმე ჩაუქრო კოტეს სანთელი.

— შენი ქმარი მომკლავს — ისევ გაიღიმა კოტემ.

— სადაა ქმარი. სიმინდის საშოვრადაა წასული —

კოტეს მაშინ ძალიან გაეხარა. ყოველივე ეს იყო მოულოდნელი.

ქალი წავიდა. როდესაც კოტათი დაბნელდა, კოტეც წავიდა. ქუჩაში შეხვედრისას ქალი (მას ერქვა მაია) იყო წრფელი, ვით ცხოველი თავისი-თავის წინაშე. სახლში კოტეს იგი დახვდა კოტათი ჯიუტი. სახლში ბნელოდა; მხოლოდ დრო-გამოშვებით ფანჯარას ადგებოდა ელვა და ელვაზე მაია თითქოს სრულიად ჰკარგავდა თვალებს. იგი ახერხებდა ბუტბუტს:

— დედაია, დედაია, არ გცხვენია, ფერეულის ბიჭო ... მაიას ქმარი, მერაბი, მეტად მკაცრი კაცი იყო, მეეტლე, ცალთვალა. ის სოფლებში წასულიყო სიმინდის საშოვრად.

მაიას სახლიდან წამოსული კოტე, ისევ ქალაქის ხეივანში გამოვიდა. დახუთული ჰაერი იდგა; დღის სიცხე კიდეც არ შენელებულიყო და თუმცა ელავდა, მას ვერ მოეტანა შეება და შეწუხებული მოქალაქენი ვარედ ეფინენ.

კოტე მიდიოდა მსუბუქად. მართალია ის იყო დამშვიდებული და არავითარი საყვედური მასში არ იბადებოდა, მაგრამ აღსანიშნავია, რომ ის იყო უმადური მეტის-მეტე სიცხისა. და როდესაც დაუძახეს:

— კოტე, კოტე! — იგი გამოერკვა; თურმე თავის-თავთან ყოფილიყო ვართული. ჯანმთელი კოტე სიცხეს ნაკლებად გრძნობდა, ხოლო უქმაცოფილების საგანი ის იყო: რომ არ არის კარგი ადამიანის ნდობის გაძარცვა, რომ ადამიანის ვაჭირებით კაცმა არ უნდა ისარგებლო; მას

თვალ წინ უდგა ცალ-თვალა მეეტლე, ვაჟაკი მერაბი, რომელსაც ნდობისა და ვაჭირების გამო ცოლი მარტო დაუტოვებია.

კოტეს ეძახდნენ ახალგაზრდები. ესენი იყვნენ უნივერსიტეტის მოსწავლენი, ყოფილი მხედრები და მათ შორის ვანო უთნელიძე. ისინი ხმა მალლა ლაპარაკობდნენ. ქალაქის ხეივანში, ცაცხვებისა და ჭადრების ირგვლივ მორთული იყო საჯდომები, იდგა პატარა შენობა, წიგნებისა და ჟურნალ-გაზეთების სავაჭრო ხულა და მოქალაქეებს, მიუხედავად იმისა, რომ ხეივნის უკან ჰყვაროდა ქალაქის მშვენიერი ბაღი, უყვარდათ ხულასთან თავის მოყრა და კამათი. მოსეირნენი დგებოდნენ და საუბარს ისმენდნენ, ხშირად საუბარშიაც ერეოდნენ. ეს იყო მიღებული კოტე ახალგაზრდებთან მივიდა. საუბარი არ შეწყვეტილა, ისე აცნობეს ახალი ამბავი: მათ საუბარს ისმენდა „წყალქვეშა ნავი“.

(ცნობილია წყალქვეშა ნავი; ეს იყო ქერა წვერებიანი, ბებერი კაცი, წელში ძალიან მოხრილი და ამის გამო გრძელ ხელებიანი; იგი კომუნისტების შემოსვლის შემდეგ გაჩნდა სანაპირო ქალაქში; ატარებდა რევოლვერს და ყოველ მოლაპარაკე ჯგუფს აყურადებდა, ხოლო როდესაც მას შენიშნავდნენ, უხმოდ შორდებოდა იქაურობას. უთუოდ ეს იყო ჩეკის მოენე და მას დაერქვა „წყალქვეშა“)

წყალქვეშა საუბარს ისმენდა. ერთ ახალგაზრდას ვერ მოეთმინა და დაეძახნა:

— ბიძია, ჩვენ ვაგინებთ ხელისუფლებას! მოდი ჩვენთან და გვითხარი: შენ რა აზრის ხარ! — ყველას, ვისაც ეს გაეგონა, სიცილი დაეწყოთ. წყალქვეშა იქაურობას გასცლოდა.

იცინოდნენ ახალგაზრდები. მათ სიცილში იყო მხიარულება ჯანმთელ, ახალგაზრდა სხეულის და რაღაც აგზნება იმის გამო, რომ არსებობს წყალქვეშა, რომ არსებობს მრავალი წყალქვეშა და მათი მთავრობა, რომელთაც უნდა ებრძოლონ.

ეს იყო გამორკვეული.

ორიოდე თვეა ეს გამოიქცა და ამის გამოსარკვევად დასხდნენ საქართველოს პოლიტიკური პარტიები და გამართეს ბჭობა; ბჭობის საგანი იყო თუ როგორ მოვიქცეთ!? უმნიშვნელო ჯგუფმა სთქვა: დავმორჩილდეთ!

მეორე უმნიშვნელო ჯგუფმა სთქვა: წავწვეთ, დროს ვუტყადოთ!

შემდეგ გადასწყვიტეს: დამორჩილება არ შეიძლება; ცდა არ შეიძლება! საჭიროა ბრძოლა და მზადება!

პარტიებმა ლეგალი არსებობა შესწყვიტეს და გაჩაღდა ფართული მუშაობა.

ახალგაზრდები იცინოდნენ. აგრილდა. ელვა ჰკვეთდა შავ ღრუბლებს. ხეივნის პირდაპირ, სავაჭროების ფილაქანზე გაიარა ოთხმა შეიარაღებულმა კაცმა. ესენი იყვნენ საგანგებო კომისიის თანამშრომელნი და მიდიოდნენ ჩქარი ნაბიჯით.

ახალგაზრდებმა დაიწყეს ხუმრობა:


— ეჰე, დაიძრა იონა თავაძის ბრიგადა — დაჭერებია!

კოტემ, რომელიც ამდენ ხანს ჩუმად იყო, წამოიძახა: — უთნელიძის ბიჭო, სახლში!

კოტე მაიაზე ფიქრობდა და როგორც მაია იძახდა: ფერეულის ბიჭო! იმ გვარადვე დაიძახა კოტემ.

ვანო წამოღვა:

— დაიხ კოტე! — სთქვა მან. სრულიად არ უნდოდა ვანოს, ჯერ სახლში წასვლა. სადაც იყო გაწვიმდებოდა და ვანოს ჰსურდა, წვიმის დროს, ხეებ ქვეშ დარჩენილიყო და



ცოტათი დასველებულიყო. ეს უქადდა გაურკვეველ სიამოვნებას. და მის ბავშვურ სულს წინასწარ უხაროდა, რომ იყო უქედოდ და წვიმა დააღვრებდა.

ყოველივე ეს იყო ძვირფასი. მაგრამ კოტე ფერეული იყო კიდევ უფრო ძვირფასი და საზოგადოდ, ყველა ფერეულები იყვნენ რაღაც განსაკუთრებით ძვირფასები. გარდა ამისა, კოტე ფერეული თუ ვანო უთნელიძის მეგობრობას ისურვებდა, ვახოს უყოყმანოდ უნდა შეესრულებია ყოველივე რასაც მეგობრობა მოითხოვდა, რადგან კოტე იყო მხნე მეომარი (და დიდი), 26 წლის კაცი, ხოლო ვანო უთნელიძე, (მართალია) მეომარი იყო, მაგრამ (რა დასამალავია — იყო) ბავში!

ჭაბუკ უთნელიძის ასეთი აზრები რომ კოტეს სცოდნოდა, უთუოდ ბევრს იცინებდა.

კოტე და ვანო ხეივანით მიდიოდნენ. კოტე ხუმრობდა, ყბედობდა, არა რაიმე გარკვეულზე, არამედ ყველაფერზე, როგორც იციან ახალგაზრდებმა და რაიც მათში იწვევს ღიმილს, ხშირად სიცილსაც. (ხნიერთათვის, რომელთაც დაპიწყებით მშვენიერება უაზრო ლაპარაკისა, ასეთი უბედობა გაუგებარი რჩება)

— აი, თქვენ ხართ მხატვარი — ამბობდა კოტე და ვანო იღიმოდა — და რადგან შესაძლებელია მალე გავწვიმდეს, ამიტომ თქვენ დროზე უნდა იყოთ სახლში, მით უმეტეს, რომ ხვალ დილას, მე ადრე უნდა ავდგე და ყანაში სამუშაოდ წავიდე... —

ხეივანის დასასრულ, ბნელოში ვიღაც იდგა და პაპიროსს ეწეოდა. იგი აღმოჩნდა იონა თავაძე.

— წამოდით ჩემთან ყმაწვილებო! — სთქვა მან და გაუკითხავად იმისა, მიჰყვებიან თუ არა ყმაწვილები, გაემართა სამიკიტნო დუქნებისაკენ. მას უხალისოდ გაჰყვნენ.

იონა თავაძე ბავშობის მეგობარი იყო კოტე და ლევანისა. რამდენჯერ უთეგზავიან ერთად! კოტესა და ლევანს ის ჰზიზღავდა ბავშობაში, რომ იონა იყო მათზე უფროსი და თევზაობაში დიდათ დახელოვნებული. იონას, თავის მხრივ ჰზიზღავდა შეძლებულ ფერეულების მეგობრობა.

მაგრამ ამჟამად, სანაპირო ქალაქში იონა თავაძე თავმჯდომარეობდა საგანგებო კომისიას (ჩეკას) და მასთან ურთიერთობა ჩათვლილი იყო სათაკილოდ. ქალაქში ხმები დადიოდა, თითქოს თავაძის მშობლებს, რომელნიც უღარიბესნი იყვნენ მოქალაქეთა შორის, შვილი სახლიდან დაეთხოვოსთ. იონა სცხოვრობდა ჩამორთმეულ ბინაზე.

— სად მივყევართ შენ, ეი ბიძია, ხომ არ გვატუსალებ! —

სამიკიტნოები დაკეტილი იყო. ცარიელ ქუჩაში შეიარაღებული მილიციელი იდგა.

— ჰო, გატუსალებთ ერთი საათით! —

იონა თავაძის კილო იყო მეტად მეგობრული, რაშიაც იგულისხმებოდა ბავშური ურთიერთობის გაგრძელება. ეს იყო მოულოდნელი.

იონა თავაძემ ყმაწვილები ერთ სამიკიტნოს ეზოში შეიყვანა. ეზოში იდგა დაბალი, ვახის ფოთლებით დაბურული ტალავერი. შიგ დასდნენ.

გაჩნდა ნავთის სანათური; გაჩნდა სამიკიტნოს მსახური, შუახნის კაცი, რომელსაც ეძახდნენ: ტყვია! —

ტყვია ამბობდა, რომ მას არაფერი აქვს. არის მართოკაი შემწვარი ნორჩი კიფლები, ცოტაოდენი ჭადი იშოვება, კიტრი და ღვინო —

ნავთის სანათური ჰბოლავდა; მისი შუქი თრთოდა და შუქზე იჭაურება ბარბაცებდა. ეს ჩვეულებრივი მოვლენა ვანოსთვის უჩვეულო იყო და სიხარულით ავისილი, ვანო ათვალისწინებდა იჭაურობას.

ვანოს აზრით, ტყვია უნდა ყოფილიყო ბუნებით მხიარული და ოხუნჯი კაცი, მაგრამ ამჟამად რატომღაც უკმაყოფილო და უთუოდ ამიტომ უსიტყვო.

ტალავერი ერთი ალაბით იდგა მიწაზე და ამის გამო, როდესაც ტყვია შემოდინდა, ჯერ შუქზე გამოჩნდებოდა ტყვიას თავი, ნაკლებ თმინი, შემდეგ თავი იკარგებოდა და მოდიოდნენ მხოლოდ ორი ხელეი, რომელთაც მოჰქონდათ თეთრი საინები. მშვენიერი სანახაობა იყო, დაუჯერებელი და სასაცილო, მაგრამ ფერეულსა და თავაძეს არ ეცალათ. — კარგად იცი შენ — ამბობდა თავაძე — რომ საქართველოში შემოვიდა არა უცხო სახელმწიფო, არამედ იდგა.

თავაძე იდაყვით მაგიდას დაჰყრდნობოდა და შუქზე ასე სჩანდა, თითქოს ძოღათმებლად ჰპორგავდა იმაზედ, რომ მას არ ეთანხმებოდნენ, რომ პირიქით, ის ვინც უნდა დასთანხმებოდა, თავისუფლად იჯდა და საქმლის ძოღოდინში, ორიოდეს ამბობდა დროგამოშვებით და არც ზრუნავდა გამოთქმების შერჩევას. კოტემ სთქვა:

— არა ბიძია, საქართველოში შემოვიდა რუსეთი! ანუ უკეთ, საქართველო დაიპყრო რუსეთმა — ვანოსთვის უცნაური იყო, თუ რა აკამათებდა კოტეს. იონა თავაძე უთუოდ აზრს არ გამოიცვლიდა, მხოლოდ შეიძლებოდა იმისი გაბრაზება და უფრო გაბოროტება; მაგრამ რაც უმთავრესია, მოკამათებებს გამოეპარათ ბუნების სანახაობანი და წვიმა ისე დაწყდა, რომ მათ ეს არ შეჰხებია.

წვიმის დაწყებაში ვანო თითქოს მონაწილეობდა და როგორც აღფრთოვანების დროს იცოდა, იგი იჯდა სულგანაბული და არაფერი ეპარებოდა.

ბაბილო იზნიქებოდა წვიმაში და ირგვლივ იდგა წვიმის ხმაური. სუფრა აივსო საქმელ-სასმელით. ღვინო ჰქონდათ თეთრი, სურნელოვანი და ისროდა შხეფს.

კოტე და იონა სჭამდნენ, კამათობდნენ და ორივეში იჩინდნენ სიცხარეს.

— ხელოვნებაში საქიროა თვალი, საქიროა დანახვა! — ასე ჰფიქრობდა ვანო უთნელიძე, რომელსაც მესამე ჭიქამ ოდნავ თავბრუ შეჰყარა. იგი ნელ-ნელა ითრობოდა, ამავე დროს ერთობოდა საგნების ჰერეზით და საგნები ლეზულობდნენ ბუნდოვან ელფერს, თან მის სმენას დრო გამოშვებით წვდებოდა მოკამათეთა ხმა; თავაძემ სთქვა:

— თქვენ ელობებით იდეას; ჩვენ ვიბრძვით მსოფლიო მასშტაბით და გახსოვდეთ, რომ ისტორიის წინაშე თქვენ იქნებით პასუხისმგებელი! ხომ ხედავთ რა ხდება ევროპაში, აიღეთ რუმინეთი, გერმანეთი, იტალია... რევოლუციები — კოტემ გაიცინა:

— ჰა-ჰა-ჰა! —

შემდეგ კოტემ გამოიჩინა სიფიცხე და ბევრი ილაპარაკა:

— შენთვის დამილოცნია ისტორია იონა თავაძე და თუ შენ, მართლა ისტორიაზე ფიქრობ როდესაც ამ ქვეყნად ცოდვილობ და გინდა ეს ვილაცას დაამდლო, მაშინ შენ ყოფილხარ სასაცილო! ჰო, ჩემო კარგო მეგობარო!

მაინც, რა არის ისტორია!

ხომ გახსოვს იგავი „მკვდარი ლომისა და ცოცხალი კატის“, რა უფრო ძვირფასია! ისტორია არის მკვდარი ლომი; მკვდარი ლომია მაკედონელი, ჩინგის-ყანი, ლანგთემური და ნეტავი ვის მოუვა გონებაში გაასამართლოს ის კაცი, რომელიც ამათ გზაზედ ელობებოდა და რომც გაასამართლო, მერე მაკედონელს, ან მის მოწინააღმდეგეს რაი? —

ერთი წუთი იყო, კიდევ გაბრაზდა ფერეული, აიღო მუშტი და მაგიდაზე უნდა დაერტყა; არ ჰქნა, მხოლოდ კბილს-კბილზე აჭერდა როდესაც ლაპარაკობდა:

— ან როგორ უნდა გავიგო მე, ვინ არის მართალი! მე თუ შენ! შენი მე არ მჯერა, მესამესი მე არ მჯერა! ამიტომ მე ვჭმნი ჩემს ისტორიას ისე, როგორც ვამჯობინებ და როგორც შენ მიბრძანე ამას წინადა და მე გამეცინა, ეხლა მე გეუბნები: ასე ვიქცევი სამართლიანობისა და ვინიერების ძალით! მე ვერ დავიხვე, ან მე, ან შენ! —



იონამ იკითხა:
— მაშ რმი! —

— დიან! — და კოტეს დასტურზე იონა თავაძემ გააგრძელა:

— კარგი, ჯერ არაფერს ვიტყვი. მაგრამ ვაი თქვენი ბრალბ, კოტე ფერეულო, თუ იარაღზე ხელი წავიცდით. პოპოპო რა დღეს დაგაყენებთ! —

იონამ რამდენჯერმე გაიმეორა: „რა დღეს დაგაყენებთ! და ამ დროს იგი იჩენდა მოუთმენლობას და სიამოვნების სურვილს.

ასეთი კამათით, მეგობრული განწყობილება თითქოს არ დარღვეულა. ღვინო დალიეს. მოკამათენი ცოტათი დასცხრენ და წვიმასაც მიაქციეს ყურადღება; ამ დროს ისინი, იმგვარადვე მხიარულობდნენ, როგორც ვანო. იონამ წვიმას ხელი მიუშვირა. წამოდგნენ.

ვანომ ჭიქა ხელთ აიღო:

— თქვენის ნებართვით — სთქვა ვანომ — მე უნდა დავლიო კარგ მოვლენათა სადღეგრძელო. პირველად, ვადღეგრძელებ ამ მშვენიერ წვიმას, მერე ვადღეგრძელებ იმ გარემოებას, რომ საქართველოს პოლიტიკური პარტიები გვერთიანდნენ და ერთი-მეორეს აღარ ებრძვიან...

ვანო, რომელიც იშვიათად სემდა, დამთვრალიყო, თუმცა მას იმის ნახევარიც არ დაელია, რაც კოტესა და იონას.

შეზარბოშებულებმა დასტოვეს ტალავერი. საზოგადოდ, ნაღვინემა კაცებმა იციან ერთმანეთისათვის, პატივისცემისა და სიყვარულის გრძობების გამოცხადება, მაგრამ იმ საღამოს, ურთ-ერთისათვის, არავის არაფერი უთქვამს.

5

ნაღვინევი კოტე, სახლში მივიდა სოველი და რა შენიშნა მამას სინათლე ენთო, კარებზე დაუკაკუნა.

მამამ ნება დართო.

კოტემ, მამის ოთახში შეიტანა სისველე და რაღაც ისეთი სიცილისდაგვარი განწყობილება, რაიც იყო სიმხნევისა და არ ჰგულისხმობდა ძილსა თუ დასვენებას.

ჯერ კოტე შესწუხდა:

— ო მამა, შენ თურმე დაწოლას აპირებ, უკაცრავად — შემდეგ ხელათვე გაიცინა: იპიპიპი! — და უნდოდა სოველი ხალათი და შარვალი ხელით ჩამოეფერთხა; მამის ოთახს მოერიდა. ამის მაგიერად ისევ გაიცინა:

— ო მამა, როგორ გამოვიღანძლე იონა თავაძე! სულ ტყავი გავაძერე! — მამა შეერთა, საყვედური სთქვა:

— შეილო რატომ არ ერიდები იმ კაცს! უნდა მოერიდო, სწორედ უმადური ვარ.

კოტეს არა მხედრული, უბრალო ხალათი ეცვა და სოლომონს ეს ეჩოთიებოდა. კოტემ რამდენჯერმე სთქვა, რომ ის ეხლა დასაძინებლად მიდის, მაგრამ რამდენიც სთქვა, ყოველთვის დარჩა, რათა რაიმე ეთქვა ან ეკითხა:

— ლევანი არ ჩამოსულა? — შემდეგ: — დარდი ნუ გაქვს მამა, რაკი ღმერთმა ჩვენთვის იზრუნვა და წვიმა გვაახლა, ხვალ არ ვიზარმაკებ და ადრე ავდგები — ბოლოს კოტე დაჯდა და მამას, მისთვის უნდა გაეკეთებია თუთუნი, რადგან მამამ შენიშნა, რომ კოტე ნასვამი იყო.

მამას მოაგონდა, რომ სისხლი მართალია მას უთამაშებს, მაგრამ საქირთა იყოს ასეთი, როგორც კოტე. ასეთი არ არის და უცნაურია, ამაზედ მამას გული არ დასწყვეტია. კოტე დასცქეროდა დედის სურათს, მამას რომ სამუშაო მაგიდაზე ედვა და გულში ჰფიქრობდა:

— ჩემო ძვირფასო დედილო!

ოჯახში, ყველაზე უფრო კოტე იყო „დარწმუნებული“ დედის გარდაცვალებაში და ამაზე კოტე ჰფიქრობდა მუდამ მღელვარებით აღსავსე, რაშიაც სრულებით არ ერია

ნაღველი, არამედ რაღაც ისეთი, რაიც სიხარულსა თუ აღფრთოვანებას ჰგავდა; აღფრთოვანებას იმის გამო, რომ დედა იყო კეთილი და სასვე სიყვარულით, რომ კოტე მას, ეხლაც ცხადად ჰხედავდა იმდენად კარგად იცხოვრა დედამ და როდესაც დედას ჰხედავდა, კოტე ილიმოდა.

ამ დროს მამა კოტეს შესცქეროდა. ძალიან ჰსურდა მამას და კინაღამ სურვილს აჰყვა, კოტესთვის თმაში ხელი ჩაევლო და ისე დაეწეწა, ვით დაუწეწავენ ბავშვებს. მამას ეს არ უქნია, მხოლოდ გულში ამბობდა:

— თჰ-ჰო-ჰო, ჩემი ბიჭი!

კოტეს სუფთად ჰქონდა კისერი ამოპარული და ისე, ვით ლევანს, თმა ჰქონდა შავი, ყურყურმა. მამამ შეხვეული თუთუნი გადასცა კოტეს და სთქვა:

— წადი, დაწეკი!

ამ დროს ლევან ფერეული ტფილისიდან მომავალ მატარებელში იჯდა. რონოდაში ტევა არ იყო და მიუხედავად იმისა, რომ მოჭროდა ქარი და წვიმის შეხვევასაც ისროდა, რონოდაში იდგა დახშული, მხურვალე ჰაერი.

ლევანი მოთავსებული იყო მაღლა თაროზე, რომელიც გათვალისწინებულია ნივთებისათვის და რომელზედაც ეხლა ხალხი წევბოდა და იძინებდა. მაგრამ ლევანის თაროზე იმდენი ნივთი შემოეწყობოდა, რომ ლევანი შეევიწროებიათ და აქ დაძინება ვაჭირდებოდა.

ლევანს ეს არ ადარდებდა; პირიქით, მას მიზეზი ჰქონდა ამისი მადლიერი ყოფილიყო.

რონოდაში ბნელოდა. მუზავრები საუბრობდნენ, ეწეოდნენ თუთუნს და ყველაფერზე ეტყობოდათ, რომ ეს მუზავრობა იყო ძნელი და ამ სიძნელეს იტანდნენ.

ბორბლების გაბმულ ხმაურში, ხანდახან უცნაური სიცხადით მოისმოდა რონოდის მეორე განყოფილებიდან ჩონგურის ჰანგები და მკვეთრი, სუფთა ხმა, რომელიც ჩონგურს დაჰმღეროდა: „უბედურო მარტის თვეო...“

ამას მღეროდა ბრმა მეჩონგური. იგი მცხეთაში შემოჯდა. მართალია რონოდაში ადგილი არ იყო, მაგრამ მუზავრობა გლეხებმა ფანჯრიდან შემოიტანეს იგი. მაშინ მეჩონგურე ილიმოდა, რადგან ხალხის სიყვარულს გრძობდა და წამოამბეზე, რაიც ჩამქრალ თვალებს დაჰკროდნენ, მოსწონოდა ცრემლისდაგვარი რამ. სახე ჰქონდა ნაყვავილევით.

— გაიზარდენით ბიჭებო, გაიზარენით ბიჭებო! — გაჰკიოდა უსინათლო და საითაც უნდა ხელი გაეშვირა, ხელსავე მიაშველებდნენ დიდნი თუ პატარანი, ქალი თუ კაცი. ჩონგური როს დაუკრა, ხალხი სმენად იქცა. მეჩონგურე დაჰმღეროდა:

— წაეთრიე, უბედურო მარტის თვეო.

ქვეყანამ იცოდა, რომ მარტის თვე, რომელსაც უსინათლო სიმღერით ედავებოდა, იყო რუსეთი. იცოდნენ აგრეთვე, რომ ასე იმღერებდა მეჩონგური ქ. გორამდე, ხოლო გორიდან ისევ უკანვე, ტფილისში დაბრუნდებოდა.

მეორეჯერ მუზავრობდა ლევან ფერეული ტფილისში მას შემდეგ, რაც საქართველოში ბოლშევიკები შემოვიდნენ და როგორც პირველად, ისევე ეხლა, ტფილისიდან იგი ბრუნდებოდა ნაღვლით საესე.

ტფილისი იყო დაღვრემილი, დაღარბებულნი, ავსილი უცხო ხალხით და მათ შორის ლევანი მიმოდიოდა გაბოროტებული და ამაყი. ფიქრიც არ შეიძლებოდა მხიარულ შეხვედრებზე ნაცნობებთან.

სახლის ძველი პატრონი, ძია ვალოდია გოევი, ჯერ ლევანი რომ პირველად ტფილისისში ჩავიდა, მაშინაც ავად იყო.

ძიას ლევანის ნახვა იამა. უეჭველია ლევანს იგი ვაქცა-ცობაში ეჯიბრებოდა, თორემ თვალთ რომ ცრემლები მოადგა, არ დამალავდა. მოხუცს ხელ-ფეხი დაჰსივებოდა და თავი უთრთოდა. მან სთქვა, რომ ვილაც ვიგინდარებს, ლევანის ოთახის ჩამორთმევა უნდოდათ, მაგრამ ძია ვალოდია განრისხებულიყო:

— თქვენ იცით — ეყვირა მას — აქა სცხოვრობს ქართ-
ველი სტუდენტი და მე მის ბინას თქვენ ვერ დაგანე-
ბებთ...

ამბის მოყოლის დროს ძია ჯავრდებოდა და საზოგა-
დოდ მას ეძინებოდა ჭირვეულობა. ლევანმა რომ ძია ვა-
ლოდია ავად ნახა, სცადა დასუგეშება; ძართალია ლევანი
სანუგეშოს ვერაფერს ჰხედავდა, მაგრამ მიღებულია ადა-
მიანის გამხსნევება. ძია ვალოდია ხელი ჩააჭნია და გაჯავ-
რებით სთქვა:

— რას ამბობ რასა...

იგი გამოიყურებოდა უსიცოცხლო თვალებით, ხოლო
ცალი თვალი გასჩერებოდა.

ლევანის მეორე მისვლაზე, ძია ვალოდია იწვა. ვასივე-
ბულ თითებში მას ეჭირა ალვის ხის ტოტი და ბუზებს
იგერიებდა. მაგიდაზე ედგა რალაც სალკავი საეჭვიო ფე-
რისა, სიმინდის ფქვილითა და სახარინით შემზადებული
და ძია ვალოდია ამბობდა:

— იქით გახედვა მეზარება, არა თუ ჭამა...

თავის ქალიშვილზე, როდესაც ლევანმა იკითხა, ძიამ
არა უპასუხა რა. მოხუცი ნაწყენი იყო, რადგან თამარი
ბოლოშევიკებთან მემანქანედ მსახურობდა.

ისევე ელვარე და შავგვრემანი იყო თამარი, მხოლოდ
სოველსა და მშფოთვარე, გაუმძღარ ტუჩებს ემჩნეოდათ
დაოკება.

ქალბატონმა გოგამა, შიშით (რათა ძია ვალოდიას არ
გაეგონა) უთხრა ლევანს, რომ თამარს ვილაც რუსი მხე-
დარი ასდევნებია.

თამარი გამხდარიყო.

ღედა გოგვიც გამხდარიყო. იგი მუდამ შემკრთალი შე-
მოდიოდა ძიას ოთახში. სიცხის გამო ქალბატონი გოგვი
უმწეოდ ჰქეცავდა.

ლევანი ვერ სძლებდა გოგვის სახლში. იგი გამოდიოდა
მამა-დავითის შეფერდებაზე, სადაც სცხოვრობდა გოგია
კოკოსაძე და სადაც თავს იყრიდნენ ტფილისში დარჩე-
ნილი სტუდენტები, ციხიდან გამოშვებული ტუსაღები და
სადაც ხშირად შემოდიოდა აგრეთვე მეწაღე ნიკალა, რო-
მელიც ოხვრით ამბობდა, რომ მას გული არ უდვას, სული
ენუთება!

ეს იყო ხნიერი. მას ხშირად მოჰქონდა ღვინო და მშფო-
თვარე ამბობდა:

— ახალგაზრდებო, თქვენი სიყმის ჭირიმე, მასვით
თქვენთან ერთად ღვინო.

ტფილისში იდგა სეგდა. სეგდა იპყრობდა ადამიანს.

ნიკო თელიას სახლში დაბანაკებულიყო რუსის ჯარი.
(ეხოში, ახალგაზრდა ჯარისკაცები პერანგის ამარა, ხარ-
ხარით ვაურბოდნენ, ერთ მალაღს, გამხდარ ცხენს, რომე-
ლიც კბილებ-დახრქენილი დასდევდა მათ, რადგან ნედ-
ლი ბალახი მისთვის პირთან მიჰქონდათ, მაგრამ ჰმევის-
წილ, ნესტოებში სულს უბერავდნენ).

ანიკო ბადრიძის ბიძის სახლშიც ჯარის ნაწილები იდგა.
დამშეული მოქალაქენი, ბეჩეაღ ჩაცმულნი, დალას-
ლასებდნენ ქუჩებში. რადგან გაზეთები არ გამოდიოდა,
ხელისუფლება მოედნებზე აკრავდა, დიდრონ ასობით
დაწერილ ქვეყნის ამბებს. ეს იყო სხე-დასხვა სააგენტოს
ცნობები, უმთავრესად შესახებ იმისა, თუ რომელ ქვეყა-
ნაში დაიწყო რევოლუცია.

ამ ცნობებისა ხალხს არა სჯეროდა და მას დაერქვა:
კრუ-კავროსტა. რამდენიმე ეკლესია დაეკეტათ. ჰკეტ-
დნენ კიდევ- დაკეტულ გუმბათებზე აემართათ წითელი
დროშები.

7

— ხომ არ შეიშალე! ხანა, რომელშიაც ვცხოვრობთ
არის მშვენიერი, არის იშვიათი...! — ასე წამოიძახა ლე-
ვან ფერეულმა გოგია კოკოსაძის ოთახში.

ცხელია, თუმცა მზე დიდი ხანია ჩასულიყო და მიმ-
წუხრი ეშვებოდა. კოკოსაძის ოთახში თავი მოეყარათ

ახალგაზრდებს. ისინი იჯდნენ, იწვნენ, აბოლებდნენ თამ-
ბაქოს, მხოლოდ აღსანიშნავი იყო არა ის, რომ ყოველივე
ამაში ოთახის პატრონს არა ეკითხებოდა რა, არამედ ის,
რომ მათ ჰპიროდათ. ამის გამო იყო ერთმა სთქვა:

— რა მურდალ დროს გავჩენილვართ, პური არ იშო-
ვება და კაცი იძულებული ხარ. ლუკმა პურისათვის ნა-
დირივით დაძრწოდე... ეს დამამცირებელია! — სამაგიე-
როდ ჩვენ ვსუნთქავთ დიდი ჰაერით! იცით თქვენ რაზე
საუბრობდნენ ძველად ოჯახებში?! ჩაქმულობაზე და
დროის ტარებაზე. ეს უფრო დამამცირებელია...

საუბარი ხშირად იცვლიდა საგანს და თუმცა ახალგაზ-
რდები უმხიარულონი იყვნენ, დრო-გამომეებით მაინც
იზადებოდა ხუმრობა და სიცილი.

— ეხ, ათი მილიონი რომ ვიყოთ!..

— ბარემ გენატრა. მთელ დედამიწაზე რომ ქართველე-
ბი ვიყოთ! აბა წარმოიდგინე, ივარგებდა!

ვაიცინეს. გოგია კოკოსაძემ დაიწყო პარსვა, თან გა-
მოსთქვამდა უცნაურ აზრებს და იყო რალაც შეუსაბამობა
ნის აზრებსა, ხმასა და გარეგნობაში. საზოგადოდ იგი
იყურებოდა აღმა-დაღმა და სიარული ჰქონდა ისეთი,
თითქოს დალილია, თავი სძალავს და სადაცაა წაიქე-
ვაო. ასეთ კაცს ეძახიან დო-ყლაპის, მაგრამ გოგიას, თვა-
ლები ჰქონდა შავი და პაწია, რომელნიც ჰქმნიდნენ საო-
ცარ შთაბეჭდილებას სულიერი ძალისა და გონიერების.
იგი იყო პატარა, ჯუჯა ტანის კაცი, ხმა ჰქონდა მსხვილი
და ლაპარაკობდა თითქოს გულუბრყვილოდ. მთი იწვევი-
და თავისადმი სიყვარულს.

ლევან ფერეულსაც უყვარდა გოგია კოკოსაძე და მას
უსმენდა ღიმილით.

— არ არსებობენ საგნები თავისათვად, არამედ არსე-
ბობენ ადამიანთა განწყობილებანი, რომელნიც ყველა-
ფერს შინაარს აძლევენ. ამიტომაც, ადამიანი ხედავს იმას,
რაც მას ჰსურს და ხედავს ისე, როგორც ჰსურს. როდე-
საც ეს არ შეიძლება, მაშინ ადამიანი იწყებს ბრძოლას.
აი, მაგალითად მე, არ მსურს ჩემი თავი დავიანხო პირუ-
ტყვად (მდლომა, ღმერთს, კარგად ხედავთ გაუპარასვი
რას ვგეგვარ!) ამიტომ ვიპარსებო... ლევანმა გაიცინა:

— იმიტომ აგრეთვე, რომ უნდა მოვიდეს ქსენია —
ახალგაზრდებმაც გაიცინეს. გოგია არ მალავდა, რომ ქსე-
ნია ადამიანთა შორის უმშვენიერესია, ხოლო მუშაკი —
იშვიათი. „მუშაკი“ ჰგულისხმობდა არალეგალ მომუშა-
ვეს, მებრძოლს.

ალაპარაკდნენ და სანამ გოგია სიტყვას დაიბრუნებდა,
აღიძრა საკითხი: რა მიზეზია რომ, „ივანეს“ მაინც-და-
მაინც თამარი იტაცებს და არა ქეთევანი.

— ეს მე ვიცი — გამოაცხადა ერთმა — ადამიანები, ისე
ვით პირუტყვები, უთუოდ სხეულიდან გამოვალენთ სხი-
ვებისდაგვარ ტალოებს, რაიც უთუოდ იმ გვარ მოვლენას
იწვევს, როგორცაა ელექტრომა! უნდა ვიფიქროთ აგ-
რეთვე, რომ ეს მოვლენა ძველთაგანვე შეუქმნევიათ, შე-
დევნი ამისი განსაკვეთი ყოველგვარი ყელსაბამები, ამულე-
ტები. ასე რომ, ჩვენი ველური წინაპრები არცა სცდებოდ-
ნენ და არც სტყუოდნენ; და თუ ოდესმე მეტყვიერებამ
დაინახა ადამიანის მიერ გამოვლენილი სხივები, მაშინ
აღმოჩნდება კიდევ თუ რა ვართ ადამიანები, მგლები თუ
მართლა კაცები.

— გოგიამ სთქვა:

— მგლები ბატონო, მგლები! განა ვერ ვხედავთ! დროა
ეს მივიღოთ! ამდენ ხანს ცხოვრებას ვქმნიდით ისე, რო-
გორც ჩვენი წარმოდგენით შეეფერებოდა ისეთ ადამიანს,
როგორც ჩვენ გვსურდა ვყოფილიყავით და თავის-თავს
ვარწმუნებდით: სწორედ ისეთი ვართ, როგორც გვსურ-
სო. ეს ტყუილი აღმოჩნდა. ნამდვილი ადამიანი ის არის,
რომელსაც ქრისტე ებრძოდა. ეს აშკარაა! ამიტომ ცხოვ-
რება უნდა მოეწყოს ადამიანის ნამდვილი ბუნების მი-
ხედვით, იმ ბუნებისა, რომელიც მართალია საძაგელია,

დამამცირებელია და ამიტომ დღეს-დღეობით უარყოფილი, მაგრამ რა გაეწყობა — არის უცვლელი და ურყევი! ეს გახლავთ მტაცებლობა, შური, მტრობა, ჩაგვრა, მრისხანება, მკონარება. ადამიანი არის ნაწილი ბუნებისა და მას არავითარი მოვალეობა, არავითარი მოწოდება არა აქვს ედიოს და ამყაროს რაღაც კანონ-ზომიერება ადამიანებში, გინდა სამყაროში; ეს მას არც შეუძლია, რადგან ადამიანის დასაწყისი და დასასრული არის არარაობა!

გოგია ლაპარაკობდა რაღაც გაბოროტებული, თითქოს თავისი თავის წინააღმდეგ და ლევანმა მას ჰკითხა:

— მაშ, გოგია, დავიშალოთ! ჩაუსაფრდეთ ერთი-მეორეს თავისი ნიჭისა და უნარის მიხედვით! ასეთი კაცობრიობა არსებობდა უწინ; მან ბევრი იხეტიალა, ბოლოს ხეტიალი მოსწყინდა და მოვიდა დღემდე.

— ერთი ეს შემატყობინეთ, როდის ახერხებთ ფიქრს ასეთ საგნებზე?! — იკითხა ერთმა. ეს იყო ბუნებისმეტყველი, რომელმაც ამას წინად ინატრა, ნეტავ ათი მილიონი ვიყართო. ის იყო წყნარი ადამიანი, თუმცა ფიქრობდნენ რომ უნდა ყოფილიყო ჩუმი ეშმაკი და როცა ასე იკითხა, კილოში არ ისმოდა უხუმრად ამბობდა თუ მოსაუბრეებს დასცინოდა და გოგიამ მიუგო:

— ლამით, როდესაც დავწევები, მაშინ ვფიქრობ ასეთ საგნებზე...

ლამდებოდა. მსურვალე ჰაერი უმოძრაოდ იდგა. სჭირდა სუნთქვა, სჭირდა მოძრაობა. რამდენჯერმე კისერში მოდენილი ოფლი, ცხვირსახოცით ამოიწმინდა ლევანმა; ეს იყო ძარღვების ამშლელი.

აგონდებოდა ამ დროს ზღვა და საზოგადოდ, სახარბიელო არაფერი იყო ამჟამად ტფილისში. უცრად ლევან ფერეულმა გოგია კოკოსაძეს რევოლვერი მოსთხოვა:

— შიმეცი რევოლვერი!

ახალგაზრდებმა ყურები სცქვიტეს. არავის არაფერი უთქვამს. გოგიამ ჰოლანდური ლუმელი გამოალო და ქალაქში შეხვეული რევოლვერი გამოიტანა. ლევანმა გამომეტყველებით ჰკითხა: დატენილია?

გოგიამ თავი დაუქნია. ლევანი წავიდა. ბუნების მეტყველმა სთქვა:

— ხალხი არ დახოცოს, რათ უნდა ნეტავი!
თუ რათ უნდოდა ლევანს რევოლვერი, არავინ იცოდა.

8

— გოგია კოკოსაძეს, ჩვენს ძვირფას გოგია კოკოსაძეს უქვევლია ქსენია უყვარს. ქსენიამ კი სთქვა: როგორ გინდათ თქვენ გოგია მიყვარდეს, ჯერ მარტო მისი სიარული რათ ჰღირს!

ამიტომ ქსენია, გოგიას მხოლოდ პატივს სცემდა, დიდ პატივს სცემდა. ეს არ იყო საკმარისი და გოგიას დასჩემდა უცნაურობანი; მაგალითად ცხარე საუბრის დროს ფიქრებით განმარტოვდებოდა, ან დაკინებთ იწყებდა რაიმე ისეთის მტკიცებას, რის წინააღმდეგ თვითონ იბრძოდა; შემდეგ, საუბრის დასასრულ გამოაცხადებდა: — რა ვიცი მე. შესაძლებელია კიდევ ვცდებები!

— თავისუფალ ადამიანს არაფერი არ უნდა უყვარდეს; ეს იქნებოდა მეტად კარგი! თორემ ბიძის სახლში, ნიკო თელიასას რომ რუსის ჯარები დაბანაკებულიყო, ამისი დანახვა იყო შეურაცხყოფელი! მაგრამ რა გამოვიდა, ის მასხარა ცხენი ისე კბილებ დახრჭენილი დასდევდა ჯარისკაცებს და ჭაბუკი რუსებიც, ისეთი გულითადი ხმებით იცინოდნენ, რომ ლევანს გაეღიმა, მაშასადამე მონაწილეობა მიიღო!

„გიყვარს ლევან ტფილისი!“
„ოჰ, ძალიან!“

„რატომ გიყვარს ლევან ტფილისი?“
„არ ვიცი!“ — ასე ესაუბრებოდა თავის გულსა და გონებას ლევან ფერეული, როდესაც მამა-დაეითის მთიდან ალექსანდრეს ბალისაკენ დაეშვა და რადგან ახალგაზრდა

კაცი გამვლელთ სკვრეტდა, ხოლო გამვლელთა შორის ანიკო არ სჩანდა, ამიტომ ისე ისმოდნენ ეს სიტყვები: გიყვარს, გიყვარს!, თითქოს ყვავები სჩხოდნენ: — ყვა, ყვა, ყვა! —

ლევან ფერეულმა ბალი გადასჭრა და პუშკინის სამკითხველოს მახლობლად, ქუჩაში ლოდინი დაიწყო. ბნელოდა. ლევანი იყო მშვიდად, მხოლოდ ხან-დახან როდესაც გული ძლიერ უწყებდა ცემას, იგი გონებაში იმეორებდა იმ თავის დასაცავ სიტყვას, რომელიც ხელისუფლების წინაშე უნდა წარმოეთქვა, თუ ჩავარდებოდა. ლევანი ამბობდა:

— მე ვაგძარცვე, რადგან მშობილა! მართალია ამითი კანონი დავარღვიე, მაგრამ კანონი პირველად დაარღვიეთ თქვენ! — ნეტავ ამაზე რას უპასუხებდნენ?

დაატუსაღებდნენ უეჭველია, მაგრამ ეს არ იქნებოდა ურიგო, რადგან კაცი, რომელსაც მთავრობა არ ხდევინდა, იყო საეჭვო.

რამდენიმე წუთის წინად, შხულით შემოიჭრა ბაღში ფრინველთა გუნდი და ხეებში დაბუღდა. ლევანი ხის ძირას, ჩრდილში იდგა. ბნელოდა, როგორც იცის გაავდრების წინ. დროგამოშვებით, დასავლეთით ელავდა.

რამდენჯერ ასე მდგარა ლევანი, როდესაც ქუჩაში შემთხვევით მუსიკა მოუსმენია. ანიკო თამაშობდა აგრეთვე მშვენივრად. ლევანს მენსიერებაში ჩარჩენილი რომელიღაც ზაფხულის წვიმიანი ღამე, თუ ღამეები, როდესაც ქუჩაში, ღია ფანჯრის წინ, ხის ძირას უმოძრაოდ დარჩენილი და მუსიკა განაგებდა როგორც მის გრძნობებს, აგრეთვე გარემოს.

უთუოდ ანიკო ეხლა სადღაც არსებობდა; ლევანს ჰსურდა და არ ძალუძდა დაენახა იგი ეს იყო რაღაც გაუგებრობა, შეუსაბამობა.

უცრად ლევანი ვიღაც მომავალ კაცს გადაეღობა და ყოველივე მოხდა სწრაფად და უბრალოდ.

— გაჩერდი! ფული, ვალუტა!

უცნობმა დააპირა თუ შეასრულა კიდევ ხელები უმწეოდ გაეშალა, მაგრამ დაინახა ლევანის რევოლვერი. უცნობი სიმწრით გმინავდა; მან მარცხენა ხელით გულის-ჯიბიდან ამოიღო საფულე, გახსნა.

ლევანს სჭიროდა რამდენიმე ოსმალური ლირა ან ორი დოლარი!

უცნობი შეფრთხილდა, რაღაც იგრძნო, რაღაც მიხვდა და იგი ალაპარაკდა ვით კეთილი ნაცნობი:

— ბატონო, მეტი ინებეთ, მე მაქვს!

მას დაავიწყდა შიში და ლევანმა გაბოროტებით, კბილების ხრჭენით სთქვა:

— ხმა!
ამის შემდეგ უცნობი ზურგმეტყეული უნდა მდგარიყო ადგილას და ლევანი წავიდა.

9

გოგია კოკოსაძისას იგივე ხალხი დახვდა ლევან ფერეულს, მხოლოდ მის გამოჩენაზე დამხვედრით საუბარი შესწყვიტეს და ლევანი მიხვდა, რომ მას, სახეზე ემჩინეოდა მელეღარება, მიუხედავად იმისა, რომ ბევრჯერ გადასინჯა საბუთები, რის გამო, ის უნდა ყოფილიყო უღარდელად.

„ბოლოს და ბოლოს მე მსურს გავაკეთო მობილო ავაზაკობა! როგორ! ნუთუ მართლა დედამიწის ტრიალმა იცის გარჩევა ბოროტისა და სიკეთის! ნუთუ დედამიწა, რომელსაც მე ვთვლი უსულოდ და უტყინოდ (და თუ რამ შინაარსი გააჩნია, იგი მიმიცია მე, ადამიანს) ნუთუ დედამიწა ჩემი უფროსი და მასწავლებელია? არა, ეს აღზრდისა და წინაპრების ბრალია, რომელთაც სისხლით ვადმომცეს ასი-ათასი ცრუმორწმუნოება, თორემ არავითარი უპირატესობა არა აქვს სიკეთეს ბოროტის წინაშე! ეს არის მხოლოდ, ადამიანი გამოცდილებით მივიდა და



ეს არის შეცდომა, თითქოს ურთიერთობისათვის ასე სჯობდეს და მოხდა აბრეშუმის ქიის ამბავი. ეხლა პარკის გარღვევა ძნელია და აი შე, პარკში მოქცეული, რომელიც შომხრე ვარ პარკის გარღვევისა, ვლელავ და ვონრავ, თითქოს ქვეყანა ინტრეოდეს“.

მიუხედავად ასეთი ფიქრებისა, ლევან ფერეულს არაფერი უჭამია. მან ორი დოლარი, ყოფილ მიკიტანს გადასცა, რომელიც ამჟამად ფარულად ვაჭრობდა და მოვიდა სასმელ-საჭმელი: ღვინო ხელადებით, მახობელა პური, მონარშული ლობიო, ყველი და ძწვანილი.

მოშივებული ახალგაზრდები საჭმელს დააცხრენ. დიდხანს უხბოდ სჭამდნენ და სვამდნენ. ისმოდა მათი ქშენა, თითქოს იბრძოდნენ, მხოლოდ შემდეგ, როდესაც მოსულიერდნენ, ერთმა სთქვა:

— ბიჭო, ბიჭო, გიშველა ღმერთმა!

მეორე იკითხა:

— კაცო, საიდან ეგა!?

მესამემ შენიშნა:

— შენ არაფერს სჭამ, კაცო!

საჭმელი-ბევრი არაფერი დარჩენილიყო, ცოტაოდენი პური, ძწვანილი და ღვინო იდგა კიდეც ხელადაში, რაიც გათვალისწინებული იყო ნიკალასათვის, რომელიც უქვეელი მოდიოდა, რადგან დაბლა კიბეზე უკვე ისმოდა მისი ნახიჯები. დაღვრემილი ლევანი, ახალგაზრდებს სახეს არიდებდა და გამოდიოდა ისე, თითქოს იგი თვალებს მგელივით ამრიალებდა, ხოლო ეს იმისი იყო, რომ მასში მრისხანება ებრძოდა მამა-პაპულ ღმობიერებას.

მან რალაც გადალახა ისეთი, რაც უქვეელია არ ექნებოდათ გადალახული მის წინაპართ და არა თუ გადალახული, დადგენილ მიჯნის პატივისცემაც კი, არ ექნებოდათ მათ შებრალებული!

ეს იყო სულმოკლეობა! ვერ გასძლო და ჩაიღინა, თუნდაც ცნობისმოყვარეობით! ხოლო ვაჟკაცი ადამიანები, ყოველგვარ ცდუნებას უძლებენ და არ სჩადიან!

ეს აღძრავდა გულის ტკივილს.

ღედა იტყოდა: ყველაზე ადვილი არის ავკაცობა! კაცური კაცი. პატივს უნდა სცემდეს სიძნელეს.

შენ კი შვილო მეტის-მეტად შფოთავ; დასცხრი ლევანის — ჭირიმე, ცოტა დასცხრი!

10

ახალგაზრდებს რომ ეგონათ ნიკალა მოდისო, ქსენია აღმოჩნდა; მთელ მამაკაცით დადიოდა ქსენია; დიდი, გაჩეჩილი თავი ჰქონდა, პაპიროსს ეწეოდა და როგორც გარეგნობით, ისე საქციელით იგი ჰგავდა ახალგაზრდა კაცს. შემოსვლისას მან დაიძახა:

— ყმაწვილებო, ამ საღამოს მიდიხართ!

ეს ეხებოდა ლევანსა და გოგიას. ქსენიამ სუფრას თვალი მიაკეთა: ყოჩაღ!-ო ერთი სთქვა და შეუდგა ჭამას, თან დაუცხრომლად ამბობდა: მისი ლაპარაკიდან გამოირკვა; რომ სტამბა, რომელიც ლევანს სანაპირო ქალაქში უნდა წაეღო, უკვე მატარებელში იყო. ასოთ-ამწყობად მიდიოდა გოგია კოკოსაძე; მხოლოდ გზაზე ლევანსა და გოგიას, უფროსი ამხანაგები სიფრთხილისათვის ურჩევდნენ ერთმანეთთან ურთი-ერთობა არ ჰქონოდათ.

— აბა მოემზადეთ!

მზად იყვნენ. კოკოსაძის ოთახში ისევე დაჩინენ სტუმრები, როგორც იყვნენ მანამდე. მათი საუბრის საგანი იყო ახალი ამბავი: ინგლისის დესანტი შავი ზღვის სანაპიროებზე და დამშეულთა მღელვარებანი რუსეთში.

სადგური ხალხით საცხე იყო. ხალხში მიმოდიოდნენ ჩეკის მსახურნი, რომელნიც ყველასა და ყველაფერს იკვით ათვალთვლებდნენ, თან ისე ამკარად და უბოდიშოდ, თითქოს ხალხი ყოფილიყო ღირსება გაძარცვული და პატივ-აყრილი. ხალხი გუგუნებდა. ქსენიამ ლევანი ერთ მუშა-კაცს გადასცა.

მუშა-კაცმა ლევანი ფანჯრიდან შეიყვანა რონოდაში, ადვილი და ნივთი უჩვენა და წავიდა. წასვლისას ლევანს მან უთხრა:

— აბა, ბედნიერად, ჩემო ბიძია! — უბრალოდ ხელი გაუწოდა, მაგრამ მის ხელის ჩამორთმევაში, ღიმილსა თუ ლაპარაკში გამოსჭირდა ის გარემოება, რომ ლევანთან მას აკავშირებდა ნდობა, იმედი და სიყვარული.

მატარებელი დაიძრა.

მცხეთაში გლეხებმა ფანჯრიდან შემოიყვანეს ბრმა მეჩონგურე. იგი ხმა-მალლა გაჰკიოდა:

— ღმერთმა გაგიმარჯოთ, ქარველებო! გაიზარდენით! გაიხარენით!

დაიწყო წვიმა. გორში მეჩონგურე დაეშვა.

როდესაც მატარებელი სამტრედიამი მივიდა, ღამე გატეხილიყო და ნისლში იშვებოდა ღლე. არ სწვიმდა. რონოდაში ხალხი ნაკლები იყო. ორთქლმავალი, საღლაც ქშენით მიმოდიოდა და ვილაცამ სთქვა: წყალს იღებსო.

ყველაფერზე ემჩნეოდა, რომ მატარებელი აქ შეირგვიანებდა. იქვე, მეორე ხაზზე იდგა ბათუმიდან ტფილისში მიმავალი მატარებელი.

ლევანი თავის ბუნავიდან დაეშვა. მას, შემდეგ აგონდებოდა, რომ უცემდა გული და ძალიან ჩქარობდა დაეთვალთვლებოდა ბათუმის მატარებელი, რომელიც უთუოდ მალე წავიდოდა — ისე მხნედ ორთქლავდა მანქანა და ისეთი დაიმედებული მოლოდინით მომდგარიყვნენ ფანჯრებზე ბათუმის მგზავრები.

ერთ ფანჯარასთან, მრავალია შორის იდგა პავლე ბადრიძე. ლევანი გაეშურა. ლევანი რალაცას თავდავიწყებით ლაპარაკობდა. უთუოდ პავლე ბადრიძე ლევანს მიესალმა, რადგან გაიღიმა და ხელიც აიშვირა. რონოდის სიღრმეში გამოჩნდნენ ქალების სახეები, ქალბატონი ბარბაღე და ანიკო.

მაშინ ლევანი ფანჯარას მოექიდა და მიუხედავად მგზავრების წყრომისა და აყაყანებისა, ფანჯრის რაფაზე მოექცა. ლევანი ამბობდა:

— რამდენად მონარული ვარ თქვენი ნახვით! როგორ ბრძანდებით, როგორ გიკითხოთ! — ამბობდა არა იმიტომ, რომ პასუხი მიეღო.

მგზავრები ჰყვიროდნენ:

— ჰეი, მოქალაქე, ჩადი დაბლა, ჩვენ აქ ძლივს ვეტყვით — უთუოდ მატარებელი დაიძრა. პავლე ბადრიძე შემკერთალი სთხოვდა ლევანს რალაცას. ქალები, ბარბაღე და ანიკო, სჩანდნენ გამხდრები და დასუსტებულნი და ისინიც ლევანის გამო შფოთავდნენ, იმიტომ რომ მატარებელი მიდიოდა და ლევანი ეკიდა ფანჯარაზე. ერთი გაიფიქრა ლევანმა: ნეტავ სტამბა არ მქონდესო, მაგრამ ამის ნაცვლად ანიკოს შეჰხედა:

— ნახვამდის — სთქვა, შემდეგ დაუმატა — ბედნიერად. მატარებელს მოსწყდა, ხრამში ჩაიმუხლა და ოდეს აიხედა, მატარებელი იყო შორს.

11

ქალაქ-ბაღთა სანაპირო ქალაქი.

ყოველ სახლს გააჩნია მოვლილი ეზო, ბოტანი.

უთხელიძეთა ბალი ნაწვიმარზე ახალშობილს ჰგავდა; ბალახი, ვარდ ყვავილთა ბუჩქები თუ ჰაბუკი კვიპაროსები ამართულიყვნენ ნოყიერებით აღსაესენი და მათ შორის, დილა-ადრიან ამდგარი ვანო უთხელიძე მიმოდიოდა ვით ადამიანი, რომელსაც ეკუთვნის ყოველივე ეს და აგრეთვე ბევრი რამ სხვა.

ვანო იყო პერანგის ამარა და ტიტველ ფეხთ ეცვა ფლოსტები, რომელნიც აღუებულ მიწაში იფლებოდნენ და ვანოს კიდეც სცივოდა ფეხებსა და გაღელილ გულ-მკერდზე და კიდეც მონარული იყო სიცივისა. მხოლოდ ვანო ცდილობდა არ შეემჩნია სიცივე, არც სიხარული.



წუხელის მან იქიფა კოტე და იონა თავაძესთან; ორივე დიდი კაცი იყო, ხოლო დიდ კაცებთან, ვანო პირველად იყო წუხელის თანასწორად მიღებული. ახალგაზრდა უთნელიძე ცდილობდა არც ამისი სიხარული შეემჩნია. ასეთ თავდაჭერას მისთვის, მისივე თვალში უნდა შეექმნა მოწიფული კაცის წონა და ღირსება.

ვანოსთან ერთად ამდგარიყო მისი ძალლი, შავი — პატარა გელეშა, რომელიც ბოსტნის ღობეს მომდგარი, მთელი ხეულით იკლავებოდა, თრთოდა და გაბმით წყმუტუნებდა, რათა დრო-გამომშვებით აღმოხდებოდა ვედრებით სავსე ყეფა. ეს ყეფა იყო უადგილო. ამას გაიგონებდა დედა და რომც არაფერი ეთქვა, გამოხედვით იგულისხმებოდა:

— შეილო, არ გაცივდე...

ვანო ვაჯავრებული გაქანა ძაღლის დასატუქსად, მაგრამ მოაგონდა რომ ერთჯერ გელეშას მანანა მიეფარა:

— რა მშვენიერია, არ იკბინება? — იკითხა მანანამ და რა ვანომ უპასუხა — არ იკბინებო! — მანანამ გელეშას ყურში ხელი ჩაავლო და დუნხზე აკოცა, თუმცა ხელათვე ტუჩები ცხვირსანოცით მოიწმინდა, თან დაბნეულად იციხოდა.

არ შეიძლებოდა გელეშას დასჯა და, რათა ძაღლს ყეფა შეეწყვიტა, ვანო შემოტრიალდა და ნელი სირბილით ბალის სიღრმისაკენ წავიდა.

მაღალ კვიპაროსების შუა-გულში იდგა ძველი ტალავები, შს ოსილი ხშირი სურათი. აქ მოდიოდა რამდენიმე კლავნილი ბილიკი და ტალავების ირგვლივ ჰხარობდნენ ყვავილები და ვარდები. ეს კუთხე, თითქოს შემთხვევით წარმოშობილიყო და ჰგავდა ველურს. აქ იყო მანანამ რომ წამოიძახა:

აჰ! — და შესდგა.

ვანო მაშინ, ალელეების გამო თუმცა ვერაფერს ჰხედავდა, მაგრამ უდავოდ, მანანას ვაჰვანერებოდა თვალები, რომელნიც უბრწყინავდნენ. ასეთი ბრწყინვალე თვალებით მანანამ შეჰხელა ვანოს, შემდეგ ყვავილებს დაჰხელა და რალაც ქალური სინაზით ყვავილებისაკენ დაიხარა, არა პირდაპირ, არამედ გვერდით ჩაუჩოქდა ყვავილებს შორი-ახლო მიუღალერსა და არც ერთი არ მოუწყვებია. მანანას ახლდნენ ტოლები. მათ თაიგულები დაჰკრიფეს; ისინი მანანას დასცინოდნენ, მაგრამ მორიდებულად, რადგან დაბრუნებულიყვნენ სასაფლაოდან, სადაც მანანას დედის საფლავზე ბევრი ეტირა. ოდნავ დასწითლებოდა მანანას თვალები; იგი ვანოს დედას ბავშური სითამაშით და მშობლიური ნდობით მკლავთ ეკვროდა.

ამ დროს ვანოს დედა იყო ღინჯი და უეჭველად ბელნიერი.

— ვანო მადლობელი იყო მანანასი.

არც ვანოს, არც დედას მანანასთვის ყვავილები არ მიუწოდებიათ.

ვანოს ერთი უცნაური შემთხვევა ახსოვდა: ვანო და მანანა, მდინარის პირად ხეივანში ისხდნენ. გამოჩნდნენ დოდიკო და კოტიკო, რომელთაც მოჰყვებოდა მათი დედა. ბავშვებმა იყვირეს.

— დედა მანანა! — და სირბილით გამოიქცნენ. დოდიკოს ხელთ ეჭირა ვარდის თაიგული, რომელიც მანანას აჩუქა. რა ბავშვები და მათი დედა წავიდნენ, მანანამ თაიგული იყნოსა და სრულიად მოულოდნელად შესწყვიტა სიცილი, თაიგული ხელიდან გაუვარდა და დაიწყო ტირილი.

ვანო ძლიერ შესწუნდა. დაიბნა. მან აიღო თაიგული, რომელიც იყო ჩვეულებრივი ვარდების კონა და გამოსცემდა საამურო სუნს.

— რა არის მანანა, რა! — ჰკითხულობდა ვანო.

მანანა ტირილით უპასუხებდა, რომ: ეს არის სისულელე და მალე გაივლის. შემდეგ უპასუხებდა, რალაც მოა-

გონდა, რისი გადმოცემა მას არ შეუძლია, მხოლოდ ვანოს სთხოვდა დამშვიდებულიყო.

მანანა ამბობდა მართალს.

დედის გარდაცვალების მეორე დღესვე, მკურნალს, ძია ალექსის გამოვეზავნა „დეზინფიკატორი“, რომელმაც დედის ოთახში რალაც თეთრი სითხე მოასხურა და ფანჯრები და კარები დაახშო, დაჰთვავა. ოთახი ერთი კვირის შემდეგ გააღეს. წამალს იქაურობა დაეთეთრებია, თითქოს გაეხრწა და ყველაფერი იწვევდა ტირილს.

კიდევ სტიროდნენ. ამ დროს, პაწია მაგიდის ყუთიდან შემთხვევით გადმოვარდა პაწია შუშა, რომელიც გატყდა; შიგ მდგარიყო ვარდის სუნნელი; სუნნელი მანანას ეჩვენა არა საამური, არამედ მძაფრი და კიდევ უარესი ვიდრე მძაფრი, რომელიც ერთბაშად იწვევდა მთელ სურათს გარდაცვლილ დედის ცხედრისა.

ეს სურათი ეხლაც აღდგა მანანას წარმოდგენაში.

ვანომ ეს არ იცოდა. არც შემდეგ გაუგია, მხოლოდ ალლო, აილო, რომ მანანა ერიდებოდა ვარდებსა და ყვავილებს.

ვანო ტალავერში შევიდა. უეცრად მას რალაც მოაგონდა და წარბები შეიკრა. (ქალაქის საათი რეკავდა ამ დროს დილის შეიდას თუ რვას.) წუხელის ახალგაზრდა უთნელიძემ იგონა შიში. კამათობდნენ კოტე და იონა. მთელი პატრისციმა, სიყვარულიც კოტეს მხარეზე იყო, რადგან კოტე ჰელავდა; ის ჰკვეთდა სიტყვებს და დრო-გამომშვებით თითქოს იონას ათამაშებდა.

იონა ღელავდა. ის ჩქარობდა შეეგნოთ მისი ჰეშმარიტება, მაგრამ ამ სიჩქარეში უპირატესობას ჰპოულობდა არა კეთილი სურვილი, არამედ მოუთმენლობა სწრაფი სულისა და მოუთმენლობასთან ერთად მუქარა. იონამ სთქვა:

— ვაი თქვენი ბრალი, ხელი თუ იარაღზე წავიცდით!...

ეს ისე სთქვა, თითქოს ნატრობდა, ხელი წასცდებოდათ. შემდეგ, მოკამათენი ერთმანეთს თვალეშში ჩასცქეროდნენ, მრისხანებით აღსავსენი: ამისი დანახვა იყო მძიმე; მათ სძულდათ ერთი-მეორე, მათ შეეძლოთ ერთი-მეორე მოეკლათ. მაშინ ვანომ დალია ღვინო, რადგან იგონა შიში თუ სიცივე. შიში არა იმიტომ, რომ მას მოელოდა ვნება, არამედ იწყებდა ჩენას რალაც სიავე რაიც თურმე აღამიანთა ურთიერთობაში ყოფილა შესაძლებელი.

იქნებ მართალი იყო ის კაციც, რომელიც წვერ-ულვაჰ გაპარსული, უკვე ხნიერი, კათოლიკურ სასულიერო პირსა ჰგავდა და ვანოსთან და ვანოს მამასთან ერთად, ორთვალაზე იჯდა. ის კაცი ისე ლაპარაკობდა თითქოს ჰქადაგებდა, მაგრამ ხშირად იცინოდა და როგორც ვანოს ეჩვენა, იცინოდა უადგილოდ.

ორთვალაში ებათ ორი ცხენი. ცხენთ ებათ ეყვნება და იმ წვერ-ულვაჰ მოპარსულ კაცის სიცილი ჰგავდა ეყვნების უღარუნს: მრავალ-ხმოვანი, არა საამური.

ის კაცი ამბობდა:

— თქვენ იცით მგლის ორმოები, რომელთაც ზევიდან ევეროებით ჰფარავენ. აი, თურმე ცხოვრება აღსავსე ყოფილა ასეთი ორმოებით. ბოლშევიკებმა ორმოები გამოაჩინეს და ჩვენ, თავზარდაცემულნი შევეყურებთ მათ და ნაბიჯი ვერ გადაგვიდგამს. ასეთივე ფარული ორმოები აღმოჩნდა ჩვენს სულიერ ცხოვრებაშიაც, რომლის საფუძველი გვეგონა მყარი და ჰარმონიული. აჰა, ამიტომ იყო ამდენ ხანს. ცხოვრება მიდიოდა ღინჯად და ხალხი თვის ურთიერთობას, რალაც დღესასწაულებრივი სიღარბის-ლით აღასრულებდა! უყურეთ აწი რა მოხდეს!

წვერ-გაპარსული კაცი თითს ზევით იშვერდა და ისეთი კმაყოფილებით იცინოდა, რომ უეჭველია, თვითვე მოსწონდა თავისი ნათქმა.

შესაძლებელია ის ყოფილიყო მართალი, მაგრამ ვანოს მისი ნათქვამი არ მოეწონა.



ვანო მუშაობდა „აგიტ-პროპ“-ში — აგიტაცია-პროპაგანდა მას აძლევდნენ შეკვეთებს პოლიტიკურ თემებზე და ის ხატავდა პლაკატებს. ხოლო როდესაც მისცეს თემა: სკამს ის, ვინც მუშაობს, ვანოს მოაგონდა წვერ-ულვაშ მოპარსული კაცი. გამოდიოდა, რომ ადამიანს შეეძლო, ადამიანივე სიმშლით მოეკლა და როგორც უთნელიძეს ეჩვენა, აგიტ-პროპი მისგან მოითხოვდა გაეტარებია სწორედ ასეთი სიკვდილის მუქარა.

ვანომ ეს არ ჰქნა. პლაკატი დასწერა დაახლოებით ისეთი, როგორცაა ხარმაცი მოსწავლის უსადილოდ დატოვება. ეს გამოვიდა სასაცილო და რაღაც ბავშური. აგიტ-პროპის გამგემ, ხელოვნების მოყვარულმა და მფარველმა, ჯერ სათვალავებით უყურა პლაკატს, შემდეგ სათვალავები მოიხსნა:

— ჰა შე კონტრ-რევოლუციონერო! — სთქვა მან და გაიცივნა. პლაკატი მოწონებულ იქნა. გამგემ შემდეგ უფხრა ვანოს:

— ამხანაგო უთნელიძე, თქვენ ვინდათ ეს ხუმრობად გადააქციოთ, მაგრამ ეს არაა ხუმრობა! ესაა სამკვდრო-სასიცოცხლო ზრძოლა!

ასეთ სიტყვებს სიმძაფრე დაჰკარგოდათ და ისინი, ვერაფრის შიშს ვერ ჰგვირდნენ. გამგე ამბობდა აგრეთვე:

— ნიჭიერი ხარ ამხანაგო უთნელიძე! ჩვენ, თქვენ უნდა მიგავლინოთ მოსკოვის სამხედრო აკადემიაში.

დღეს, რამდენიმე დღეა უკვე, ვანოს უნდა დაეწერა პლაკატი: „კომსომოლი აფეთქებს ღმერთს“.

ვანო ყოყმანობდა. შეიტყობდა დედა, მამა. სანაპირო ქალაქი პატარაა; ყოველი მორწმუნე ადამიანი შეიტყობდა და დასწყევლიდა ვანოს.

ჯერ პირველადვე მამას, დედისათვის საყვედური ეთქვა: თურმე ვანო კომუნისტებს ჰშველისო! — დედას როგორცაა დაემშვიდებია. ვანოსათვის კი, არაფერი უკადრებია მამას.

ის ვითარება, რომ მორწმუნენი ვანოს აუმხედრდებოდნენ, კოტათი სახალისოც იყო და ვანოს აღიზანებდა და სამოქმედოდ იწვევდა:

— ბოლოს-დაბოლოს ვანოს რომ არ დაეწერა, სხვა შეასრულებდა. — მაგრამ საქმე იმაშია, რომ უთნელიძის განკარგულებაში იყო მხოლოდ მასალა: ეკლესია, რომელსაც ანგრევდნენ და ხალხი, რომელიც ეკლესიას ანგრევს; ეს მასალა ვანო უთნელიძემ ვერ მოაწესრიგა, ვერ დაიმორჩილა, ვერ მისცა შინაარსი.

ხშირია შემთხვევა, ახალგაზრდები, როდესაც რაიმე სასწავლებელს ამთავრებენ, ერთი-მეორის მიბაძვით, განაგავლენით ირჩევენ ერთსა და იმავე ასარჩევს. ასე მოხდა სანაპირო ქალაქშიაც შარშან, როდესაც ვანომ გიმნაზია დაასრულა. მასთან ერთად, ხუთიოდე ახალგაზრდა აღმოჩნდა მხატვრობით გატაცებული.

ხუთივენი ვანოს უპირატესობას ანიჭებდნენ, ხუთივენი ვანოსთან მუშაობდნენ და რადგან პლაკატი დღეს უნდა დაწერილიყო, ვანომ გადასწყვიტა მათთვის მიენდო მისი შესრულება.

ასეთ ფიქრებში გართულ ვანოს, მუხლთ დაემკერა გელეში. ძალი საყვედურითა და სიყვარულით ჰყუფდა და ცდილობდა რაც შეიძლება მაღლა ამხტარიყო, რომ დაეკონცა პატრონი.

— ნეტავ ვინ შემოუშვა! — გაიფიქრა ვანომ.

კვიპაროსებში გამოჩნდა მომავალი მამა. იგი აუჩქარებლად მოდიოდა. სულ ახლოს იყო ტალავერთან მურზა უთნელიძე, როდესაც დაამთქნარა და ძველი ჩვეულების მიხედვით პირჯვარი გადაიწერა:

— დიდება შენ, ღმერთო!

სოლომონ ფერეულის ყანა მდებარეობდა ქალაქს გარედ, მდინარის პირად.

მზე იწყებდა ამოსვლას, როდესაც მამა და შვილი მუ-

შაობას შეუდგნენ. კოტე მუშაობდა მღვმარედ. მამაც იძულებული იყო მღვმარედ ყოფილიყო. თოხით მუშაობდნენ. სიმინდს მარგლაუდნენ. ეს იყო ადგილი და სამური საშუალო; სამური მითი აგრეთვე, რომ ყანაში ნორჩი სიმინდის სუნი ტრიალებდა. სოლომონმა ამაზე ერთჯერ სთქვა:

— დიდებულია სწორედ, ბატონო! — ხოლო სუნნელე-ბა სიმინდისა არ უხსენებია, რადგან ჯერ ერთი არ იყო დარწმუნებული, სიმინდი მართლა სუნნელოვანი თუ იყო, გარდა ყმისა, სუნნელოვნების განცხადება იქნებოდა რაღაც დიდკაცური, არა შესაფერისი ადგილისა და გარემოების. მუშაობაში მამა ხშირად დგებოდა და თვალს ავლებდა გარემოს: ნაწვიმარზე ძალ-ღონით აგვილ ყანას მუქი ფერი დაჰკროდა, თითქმის გამავეებულებოდა.

ყანიდან მოსჩანდა მდინარე. იგი იყო აღიდებული; მუქი და მღვრიე სწრაფად ილტოდა, მოჰქონდა გამავეებული ხეები და ღმუღოდა.

შორს, მდინარე სადაც უხვევდა, წამით გამოკრთა მომცრო ნაღვი და მიიმალა. შემდეგ მოისმა სტვენა და სტვენას მოჰყვა ძახილი:

— ეჰ-ჰეი — ნავიდან იძახდნენ. ძახილს კოტე გამოეხმაურა; მუშაობას თავი ანება და ნაპირისაკენ გაემართა.

მამა განაგრძობდა მუშაობას. მას არ გამოუჩენია ცნობის მოყვარეობა. მოხუცი შეეჩვია — ბევრი რამ არ დაენახა, ბევრი რამ არ სკოდნოდა, რადგან გრძნობდა, რომ აქ იყო რაღაც საიდუმლოება, რომელსაც შვილები, მამა მიედლოვებდა, არ დაუმალავდნენ საჭირო რომ ყოფილიყო.

კოტე დაბრუნდა უცნობი გლეხის თანხლებით. გლეხი იყო ხნიერი და რადგან ნაღვი იჯდა, უთუოდ მიტომ ფეხთ არაფერი ეცვა. იგი ათვალეირებდა ყანას. ყანა მას მოსწონებოდა და ეს მოწონება უსიტყვოდ გამოამჟღავნა; როდესაც სოლომონს მდაბლად მიესალმა:

— დილა მშვიდობისა, ჩემო ბატონო! სოლომონმა უპასუხა:

— ღმერთმა გადღერა გლეხის, ჩემო ბატონო! გლეხები ხშირად მოდიოდნენ ყანაში. ესენი იყვნენ კოტეს ნაცნობები და ყოველ მოსვლაზე, კოტე მათთან საიდუმლო ბჭობას მართავდა, მამა ამჩნევდა, რომ ამ ბჭობას განაგებდა თვით კოტე.

ერთჯერ, ბოლშევიკები ახალი შემოსული იყვნენ საქართველოში, კოტეს შეხვდა ხნიერი ქართველი მუშა. ეს კაცი იყო წარმომადგენელი მუშათა პარტიის და სანაპირო ქალაქში ცნობილი იყო თავისი გონიერებით.

კოტეს იგი მოესალმა ძველი ნაცნობივით და მიუხედავად იმისა, რომ დარი იდგა კარგი და ასეთ დროს იწყებენ შორიდან და ახსენებენ დარსაც, ნაცვლად ამისა, მან პირდაპირ მოსჭრა:

— კოტე ფერეულო! მე თქვენთან საქმე მაქვს. ჩვენს ქვეყანას დღეს უჭირს! არ არის ბევრი ლაპარაკი საჭირო. ჩვენ ვიწყებთ ბრძოლას და შენც გამოვიარეთ. თუ რომ შემცდარი ვართ, გამოგვიცხადე!

კოტემ უპასუხა: — არ შემცდარხართ!


ამის შემდეგ მოდიოდნენ გლეხები. რამდენჯერმე ახალგაზრდა გლეხებმა მამა და შვილს მუშაობაშიაც უშველეს და მამან, სოლომონმა თავისი თავი წარმოიდგინა დაბერებულ კაცად, ისეთად, როგორც იგი ნამდვილად იყო სხვათა თვალში და მას იამა, რომ უფროსი ბიჭი მოესწრო და ყველაფერზე ზრუნავს.

გლეხი მალე წავიდა. წასვლის წინ გლეხმა კიდევ ჰკითხა კოტეს:

— მაშ თომას კარავში არა!

— ჰო, მაგრამ ფრთხილად თუ კაცი ხარ!

— კი შენი ჰირიმე



ნავი სწრაფი სრბოლით აჰყვა მდინარეს; ნავს გადაჰქონდა ცოტაოდენი საომარი იარაღი: თოფები და ვაზნები.

ამის შემდეგ, მართალია კოტე განაგრძობდა დუმილს, მაგრამ ემჩნეოდა რაღაც მხიარულება. მან წამოიძახა:

— აბა, ბატონო სოლომონ!

ეს იყო ოჯახური გახუმრება, დადგენილი ჯერ კიდევ კოტეს ბავშვობის დროიდან და წარმოადგენდა სურვილს მამის გაჯავრებისა.

ამ გახუმრებაზე მამას მუდამ ელიმებოდა და ეხლაც გაეღიმა. ცოტათი იყო დასანანი, რომ მამას არ შერჩა უპირატესობა ხუმრობისა თუ ლაპარაკის დაწყების და როცა ის ლაპარაკს იწყებდა, მას ხშირად არ ენაშურებოდნენ, მაგრამ „ჩემო ხელმწიფე დრო თავისას შერება!“

ამჟამად კოტეს წამოიძახა: აბა, ბატონო სოლომონ! — იმას ნიშნავდა, რომ ყანას დღეს მორჩებოდნენ, დაძლეული იყო ამდენი სიძნელე და ამის შემდეგ, შეეძლოთ დამწეიდებით ეცადათ სანამ სიმინდი დამწეიდებოდა.

კოტე იცინოდა და გაშავებულ სახეზე სდიოდა ოფლი. — ო შე ქაჯო, შეხედეთ ნეტავ რას გავს... — ბუტბუტებდა ამ დროს მამა. მამა იღიმოდა თავმომწონედ, რადგან იცოდა კოტეს მუშაობაში ვერ გაუშკლავდებოდა მიუხედავად იმისა, რომ ეს კოტე იყო ის ბავში, რომელიც ერთჯერ მამამ მოატყვილა.

ეს იყო ძველად. ბუხრის წინ, სადაც ცეცხლი ენთო, კოტე თამაშობდა.

მამამ სთხოვა:

— მომაწოდე შვილო ნაკვერცხალი!

ბავშმა მამა ვერ ნახა. მამამ გაანახლისა:

— არ გცხვენია, ხელით მოიტა! — კოტე გაბრიყვდა; და მხოლოდ იმითი დაიწვა ბავშური სათუთი ხელი, რომ თითები ნაკვერცხალთან ახლო მიიტანა, მაშინ პატარა კოტემ მამას შეჰხენდა დიდი საყვედურითა და უნდობლობით და თუმცა თვალთ ცრემლები არ გაიმეტა, დედის ოთანისაკენ გაბაჯბაჯდა და რა დაინახა დედა, მხოლოდ მაშინ იწყო ტირილი. მამა ბავშს დაედევნა:

— ბატონო კოტე, ბატონო კოტე!

თავს დასტრიალებდა მტრად ბავშს მამა, რომელსაც მართლა ვული ეტკინა. ბავში იყო დედის კალთაში და რადგან მამა არ ეშვებოდა და უეჭველია (ბავშს ასე ეგონა) დასცინოდა, ბავშმა უეცრად მამას გაჯავრებით დაუყვირა:

— ბატონო სოლომონ!

ამისი დავიწყება ბატონმა სოლომონმა არ ისურვა. ის ხარხარებდა ვით გიჟი და ბავშს ჰკოცნიდა. შემდეგ ნაცნობებს მოუთხრობდა და მაშინაც გიჟივით იცინოდა.

ბატონი სოლომონი და ბატონი კოტე, მუშაობით მდინარის პირად გავიდნენ. მდინარეს მოჰქონდა ქაფი და მრავალი, კალიას დაგვარი მწერი, რომელთაც დაღლილობის გამო ფრენის უნარი წართმეოდათ და უმწეოდ ჰფარტებდნენ და ცვიოდნენ მდინარეში. მათ ჰყლაპავდნენ ღლაკები, რომელთა დაღებულები, შავი და ლორწოვანი ლაყუჩი აქა-იქ ჩნდებოდა მდინარის ზედაპირზე.

მდინარე იყო ბინძური და კოტე ფიქრობდა:

— შეუძლებელია დღეს ბანაობა, დაისვრები!

იგი ყოველ დღე ბანაობდა და მამა უცქეროდა ნაპირიდან.

მამა ჰფიქრობდა:

— აი, დგას ადამიანი ჰაერში დედამიწაზე დაბჯენილი და მიმოდის და ცხოვრობს; ღლავს ეს არ შეუძლია და საზოგადოდ განსაკვიფრებელია, რომ ადამიანს შეუქმნია მრავალი ისეთი მანქანა, რომელიც ძალ-ღონითაც აღემატება ადამიანს და გამძლეობითაც! — ასე გაიფიქრა სოლომონმა მაშინ, როდესაც მეორე ნაპირზე გამოჩნდა ტფილისის მატარებელი.

მატარებელი მოჰქროდა ნორჩ თხემლნარში, მოახლოვებული ჰკიოდა და კვამლი მანქანისა ეფინებოდა მიდამოს.

თუმცა ყოველივე ეს ჩვეულებრივი სანახაობა იყო, სოლომონს მოეხენა, თითქოს ყოფილიყო აღსავე მშვენიერებით, რომელსაც პირველად ჰხედებოდა.

ეს იყო განსაცვიფრებელი, რომ ყოველივეს პირველად ხედავდა! ასე ჯერ არასოდეს არ ეფიქრა და რადგან იგი, არავეს წინაშე არ იყო ვალდებული თავის ფიქრებში ყოფილიყო მწყობრი, ამიტომ მან გააგრძელა ფიქრი იმ მშვენიერებათა შესახებ, რომელთა შორის იგი ტრიალებდა, რომელთა აზრს, დღეს თავისებურად წვდებოდა და მარტავდა, თუმცა სიტყვით გადმოცემულნი ხდებოდნენ სასაცილონი, როგორც მაგალითად: დედამიწაზე დაბჯენილი ადამიანი, რომელიც დგას ჰაერში!

კოტე გამოეხმაურა მამას:

— უთუოდ ლევანი გვეახლა მამა!

სოლომონ ფერეული იყო განცვიფრებული და მოხიბლული.

ბადრიძეების ნახვით აღელვებული ლევანი დაბრუნდა სადგურში. სადგურს ეხვია დილის ნისლი. ყველაფერი მოწყენილი, ღარიბი. ხალხი, რომელიც უმთავრესად შემოსილი იყო ძველი და დახეული მხედრული სამოსით, ჰგავდა ლტოლვილს.

მზე ამოვიდა და მატარებელი დაიძრა.

რონოდაში ხალხი ნაკლები იყო. ლევანი იჯდა და სთვლემდა; ნამდვილად კი, სმენად ქცეული, მილულული თვლებით გასცქეროდა შემოსასვლელ კარებს, საიდანაც შესაძლებელი იყო შემოსულიყვნენ ჩეკის მოხელენი, რომელნიც ხშირად სჩხრეკდნენ მგზავრებს. ლევანმა არ იცოდა როგორ მოიქცეოდა ჩხრეკა რომ მომხდარიყო, მაგრამ დარწმუნებული იყო, რომ მგზავრებს წინასწარ ვინმე გააფრთხილებდა და გადასწყვეტდა მაშინ.

ჩხრეკა არ მომხდარა და დილის ათზე, ტფილისის მატარებელი მოვიდა სანაპირო ქალაქის სადგურში.

სადგური იყო უხმაურო. ლევანმა რონოდაში შეიკადა სანამ მგზავრები მატარებლიდან დაეშვებოდნენ; საეჭვო არაფერი სჩანდა; სამოდე ჩეკის მოხელემ, რომელნიც უთუოდ ამავე მატარებლით მოვიდნენ, ჩქარი ნაბიჯით ჩაიარა ბაქანი; არაჩვეულებრივი ამაში არაფერი იყო, რადგან ისინი ყოველ მატარებელს დაჰყვებოდნენ და ყოველ სადგურზე ჰქონდათ თავისი განყოფილება. ჩაიარა, თავისი აღმა-დაღმა სიარულით გოგია კოკოსაძეცა და ლევანი დაეშვა დაბლა. ლევანს ხელთ ეჭირა კალათი, რომელსაც იგი ცდილობდა და კიდევ ატარებდა მსუბუქად. კალათში ორად შეხვეული ეწყო ასოები, დაახლოვებით ოცდახუთი კილოგრამი, ხოლო ზევიდან ყურთ-ბალიში.

მგზავრებთან ერთად ლევანმა გაიარა ხიდი. ხალხი შეჰყურებდა ადიდებულ მდინარეს. ხიდი არ ჰქონდა გველილი ლევანს, რომ შენიშნა სადგურიდან მომავალი ორი ჩეკისტი. არც ეს იყო არაჩვეულებრივი, მაგრამ ლევანმა ოდნავ აუჩქარა. შესახვევს რა მიეფარა. ლევანი წავიდა სწრაფად და რა მოიხედა, თითქოს შემთხვევით, აღმოჩნდა, რომ ის არ იყო იმდენად დაწინაურებული ჩეკისტებისაგან, როგორც უნდა ყოფილიყო. მაშასადამე მოსდევდნენ! შესაძლებელია არც მოსდევდნენ, არამედ ეს ყოფილიყო უბრალო შემთხვევა, მაგრამ ახალგაზრდა კაცს მართებდა სიფრთხილე.

ამის შემდეგ ის მიდიოდა ისე, როგორც ადამიანი, რომელიც სახლში მიიქარის. პაპროსიც მოსწია გზაზე და როდესაც ასანთს გაჰკრა, ოდნავ შესდვა, რათა მისი მოქმედება ყოფილიყო აუღელვებელი და არა საეჭვო.



ქალაქში გავიდნენ. ქუჩები იყო ცარიელი. ჩეკისტები ისევ მოდიოდნენ; ისინი მოაბიჯებდნენ მღუმარედ და უთუოდ იცოდნენ, რა უნდა ექნათ.

ლევანმა მათი განზრახვა არ იცოდა. დარწმუნებული რომ ყოფილიყო მას მოსდევნე, ლევანი რომელიმე ოჯახში შევიდოდა. თუნდაც უცნობი ყოფილიყო იგი და ასობის დამალვას მოასწრებდა, მაგრამ ტყუილ-უბრალოდ მღელვარების გამოჩენა არ ვარგოდა.

ამრიგად ლევანი მიუახლოვდა ქალაქის ხეივანს, სადაც ყოფილ სავაჭროებში თავსდებოდა სხვა-დასხვა დაწესებულებანი და მათ შორის ავტ-პრობი. ავტ-პრობის მოგონებაზე ლევანი სიხარულით კინალამ შეხტა. მას დაებადა აზრი და ამის შემდეგ, მანაც იცოდა რა უნდა ექნა.

ლევანი ავტ-პრობის განყოფილებაში შევიდა. ფართო დარბაზში, სამი ახალგაზრდა კაცი ფუსფუსებდა; მათ განაგებდა ვანო უთნელიძე. ახალგაზრდებს იატაკზე გაეფინათ ვეებერთელა ქალაღი, სადაც ნახშირით დაეწერათ სურათის გეგმა. მათ ყალმები ეჭირათ და სურათს ფერადებით ასრულებდნენ.

ლევანმა თვალი მოჰკრა სურათზე ეკლესიის გუმბათს, რომელსაც ჯვარი ჰქონდა მოტეხილი; აღნიშნა აგრეთვე ლევანმა რამდენიმე სათლი, სხვა-დასხვა ფერის საღებავით სასე. ყმაწვილებმა რა ლევანი დაინახეს, მუშაობას თავი ანებეს და მხიარული გაკვირებით წამოიშალნენ, მაგრამ ლევანმა ანიშნა ჩუმად ყოფილიყვნენ; მან სასწრაფოდ გახსნა კალათი, ორი, ქალღმრთელში შეხვეული რალაც ამოიღო და ერთი, ერთს სათლში ჩასძირა, მეორე მეორეში. ჩეკისტები მოვიდნენ. როდესაც ისინი კარებში გამოჩნდნენ, საქმე გათავებული იყო და ლევანი მხატვრებს ხელს ართმევდა და სიცილით ამბობდა:

— გამარჯვებით თქვენი ბიჭებო, გამარჯვებით!

ჩეკისტებმა ჯერ იჭურობას მოავლეს თვალი, შემდეგ ერთმა მიმართა ლევანს:

— წამოდი ჩვენთან ამხანაგო!

ლევანი გაკვირდა:

— მე-ე? კეთილი, მაგრამ თქვენ უთუოდ ცდებით; მე მქვილ ლევან ფერეული, თქვენ ვის ეძებთ?!

საუბარი სწარმოებდა რუსულად. ლევანს უპასუხეს მკაცრად:

— არ არის საჭირო დროს დაკარგვა ამხანაგო, წამოდი!

წავიდნენ. თან წაიღეს კალათი. მხატვრები ჩუმად იცინოდნენ. ვანომ იხუმრა:

— ბიჭებო, ნამდვილად ყუმბარებია! არ აგვაფეთქოს მაგ ოხერმა ლევან ფერეულმა.

საგანგებო კომისია თავსდებოდა ძველსა და ვეებერთელა, ორსართულიან ხის შენობაში. შენობა იყო ჩამორთმეული; უმხიარულო, დაღვრკილი შენობა.

ჩეკისტებმა ლევანი ჯერ პაწია საგუშაგოში დასტოვეს, შემდეგ ეზოში გაიყვანეს და საკანში მოათავსეს.

— დაისვენეთ ამხანაგო ფერეულო! — სთქვა ჩეკისტმა, რა ლევანმა საკანში ფეხი შესდვა.

ლევანი აენტო, დაიყვირა: ბრიყვო! კარები გადარაზეს და ლევანს ესმოდა, როგორ გაშორდა იჭურობას ჩეკისტ მოხელე და როგორ მიმოდიოდა ამის შემდეგ გუშაგი. მეტის-მეტად ვიწრო საკანი, სადაც ლევანი მოექცა, უთუოდ ერთი კაციისათვის იყო გათვალისწინებული. შიგ ბნელოდა, მხოლოდ მაღლიდან, სადაც სარკმელზე აეჭედებოდათ ფიცრები, ქუჭურტანიდან ოდნავ აღწევდა ცრთადენი სინათლე. დასაჯდომი არ იყო და ლევანი იატაკზე დაჯდა. ყველაფერი ეს იყო უჩვეულო.

ახალგაზრდა ფერეულმა მუხლებზე ხელები შემოიჭო. მალე თვალები სიბნელეს შეეჩვიენ, ლევანი მხარ-თემოზე წამოწვა და ახალგაზრდა კაცს დაუბრუნდა ჩვეულებრივი

განწყობილება; მალე იგი სრულიად გამხიარულდა, იცინოდა, ფეხზე წამოდგა და ისევ დაჯდა: მას ბევრი რამ ავინდებოდა და ერთსა და იმავე დროს, სხვა-დასხვა ნაირად აღელვებდა:

— თუ ერთობ ღმერთი არ გასწყრა, ასოები გადარჩენილია და იმ ასოებს ღმერთმა გაუშარჯოს! მაგრამ კაცი რომ ავკაცობას ჩაიდენ და ბაღში მოქალაქეს გასძარცვავ, ტყუილია, არ შეგრჩება და სხვაგან გამოგიწევს! — ლევანი ამაზე იცინოდა.

ლევანი ცდილობდა წარმოედგინა, თუ ვინ როგორ შეხვედებოდა მისი დაჭერის ამბავს: ასეთი წარმოდგენა იყო სასიხარულო და ტკბილი;

მამა — ჯერ უთუოდ ხელებს გაშლიდა და განრისხების წინ, გაუგებრობაში მყოფი ასე დაიწყებდა:

— მაგრამ ჩემო ხელმწიფე, რისთვის...

ნათლად სხანდენ მანანასი და ბიცოლა ნინოს სახეებიც; შესაძლებელია ანიკოსაც გაეგო და ყმაწვილ კაცს წარმოუდგა მშვენიერებითა და მწუხარებით აღსავსე ჰაბუკი ქალი, მხოლოდ ლევანმა ვერ მიაგნო: კოტე რას იხანდა:

ასეთ ფიქრებში გართულ ლევანს მოესმა კედელზე კაკუნი და ჩურჩული:

— ვინა ხარ კაცი, მარტო ხარ?!

უქველია ლევანს გამოელაპარაკენ და მან უპასუხა:

— ლევან ფერეული. ვარ მარტო.

ხმა კარგად ისმოდა, რადგან მეორე მხრივ, საერთო საკნის ტუსალებს კედელი გამოეხერხათ.

— რა საქმეზე დაგჭირეს!

ლევანმა უპასუხა: კაცი გაეძარცვე! — და დაიწყო სიცილი. საერთო საკანში ეს ჩასთვალეს ხუმრობად და გაიცინეს.

ეს საერთო საკანი უმთავრესად, შესდგებოდა 26 მაისის ტუსალებისაგან.

26 მაისი, დღე საქართველოს დამოუკიდებლობისა, მთავრობამ ილესასწაულა, მხოლოდ მიტინგი ხელთ — ზაიგლო ისეთმა ხალხმა, რომელმაც მთავრობას შეუტია: — მოლაღატენი! დამპყრობნი! გამცემნი!!

მაშინ მთავრობამ მოინდომა მიტინგის დაშლა; ხალხი არ დაიშალა. ჩაერია ჯარი, გაიმართა ცემა-ტყევა, მიტინგი დაშალეს და მრავალი დაატუსაღეს.

— ყოჩაღად იყავ ფერეულო!

გამხნევა საერთო საკანმა ლევანი. მალე საკანმა სიმღერა წამოიწყო: „ბერი კაცი ვარ ნუ მომკლავ...“

სიმღერამ ლევანი უფრო ააღელვა. შესაძლებელია ამ სიმღერით, ტუსალები ლევანისადმი პატივისცემის გამოჰხატავდნენ, რადგან განსაკუთრებულ საკანში კაცი უბრალოდ არ მიჰყავთ, ხოლო როდესაც მიჰყავთ უბრალო ტუსალები მას პატივსა სცემენ. კრინით დაწყებული სიმღერა მალე გაძლიერდა და მაღლიდან მოისმა იატაკზე განრისხებული ფეხის ცემა. ვილაც გაჯავრებული, ხმა-მაღალი ლაპარაკით, უთუოდ ლანძღვით დაბლა ჩამოვიდა (იგი ჩამოიბოდა ხის კიბეზე) და საერთო საკნის კარები გაიღო:

— ვინ მღეროდა!

სიმღერა შესწყდა. გაჯავრებულ ხმას, ვილაცამ დამშვიდებით მიუგო, რომ არავინ არ მღეროდა და მღეროდა ყველა.

მეორე ხმამ იმავე კილოთი გააგრძელა:

— და თუ სიმღერას აგვიკრძალავთ, უთხარით მოქალაქე თავადეს, რომ ჩვენც აუკრძალავთ მას სიმღერას, როდესაც ის გვეყოლება დატუსალებული!

ლევანს სიცილი წასკდა; მხოლოდ საერთო საკანმა დაიმსახურა რისხვა; ჩეკისტ მოხელემ დაიწყო გინება და ტუსალებს დაემუქრა:



— კარგი! დღეს და ხვალ თქვენ არ გეკნებათ „გადაცემა“, აბა ვნახოთ როგორ იმდერებთ! — ეს სასჯელი საგრძობი იყო, მაგრამ საერთო საკანმა, სადაც უმრავლესობა, როგორც ნმებზე ეტყობოდათ ახალგაზრდები იყვნენ — ასტენა ხარხარი.

15

ნაშუადღევის სამზე, ვანო უთნელიძემ და მისმა სამმა თანამემგებმა, დასრულებული პლაკატი ქუჩაში გამოაფენად გამოიტანეს.

პლაკატი წარწერით: ახალგაზრდათა კომ-კავშირი აფეთქებს ღმერთს! შესრულებული იყო ფერადებით, სადაც სჭარბობდა შავი.

ხეივანში მყოფი ხალხი, გულგრილად შეჰყურებდა შორიდან, ახალგაზრდა მხატვრების ფუსფუსს. არავის არ ჰგვირდა სიამოვნებას ასეთ რამების ხილვა, მაგრამ ხალხის თავდაჭერაში მკლავდებოდა წინასწარი გადაწყვეტილება; რაც არ უნდა დაენახა გინდ მოესმინა, თავი არ გამოეჩინა, რადგან ყოველივე რაც ხდებოდა იყო წარმოვალი.

მხოლოდ ერთმა ხნე-კაცმა საყვედური სთქვა:

— რა მართლა! თუ კი ეს აუცილებელია, განა რუსეთმა უნდა მასწავლოს აგი? ხნე-კაცი არავის არ მიმართავდა, მან გული იჯერა.

ვანო უთნელიძის ჯგუფს „წყალქვეშა“ ჩაუარა; წელში ძლიერ მოხრილი, იგი უთუოდ მიდიოდა სათევზაოდ; ბამბუკის ტარებზე გაწყობილი ანკესები, ილლიაში ჰქონდა ამოხრილი. სურათს მან ცალი თეალით აპხედა, ფეხი შეითრია, რათა ჩიბუხი აებოლებია და წაეიდა.

სურათი გააკრეს. რამდენიმე ხანში, ორ ამხანაგის თანხლებით, ვანო შინისაკენ მიდიოდა. ახალგაზრდებს, მცველად დახეიული სამხატვრო ქალაქები მიჰქონდათ, ხოლო ქალაქში ედოთ ის რაღაც მძიმე, ლევანმა რომ დასტოვა.

ვანო უთნელიძის მშობლები სადილობდნენ.

ვანოს სკამზე იჯდა გელეში. მურზა უთნელიძეს ეს არ მოსწონდა და საზოგადოდ მას ჰსურდა, ვანო გამოსულიყო დარბაისელი და დარდიმანდი კაცი და არა ისეთი, როგორც ის უთუოდ გამოვიდოდა თუ ასე ივლიდა.

ერთი რომ, მუშაობის დროს ვანომ იცოდა დაუსრულებელი სტენა და ხშირად, როდესაც მარტო იყო, თავის თავს უღიბოდა; როგორც სჩანს ბავშს, ე. ი. ვანოს გულადობა არ აკლდა: იომა და დაიჭრა, მაგრამ ამ ბოლშევიკებთან დამეგობრება და მათთან სამასხური ვერაფერი სახარბიელო იყო; მაგრამ ყველაზე უარესი ის იყო, რომ მურზას არავისთვის არ შეეძლო ამ თავისი იჭვების გახიარება.

მამასა და შვილს შორის დამკვიდრებელიყო მორიდება და პატივისცემა, სოლო დედას ვანო ისე უყვარდა, რომ ვერ წარმოედგინა იგი სხვა-გვარად ვიდრე იყო. ამის გამო, მურზა ნელი ამოხვრით ჰფიქრობდა:

„ასეა ბატონო, გვერნია შვილს ზრდი, საკუთარ ბავშს... და გამოდის სხვა კაცი“.

გელეში აყეფდა და სკამიდან ისკუპა. ვანო მოდიოდა ამხანაგების თანხლებით.

— უიმე, რალა ვაჭამოთ ბავშვებს! — წამოიძახა დედამ. მამამ სთქვა:

— რაც ღმერთმა მოგვცა.

დაუწყეს ლოდინი. ახალგაზრდები იგვიანებდნენ; ბოლოს მშობლებმა დაინახეს, რომ ისინი ისევ უკან მიდიოდნენ და დედა მათ დაედევნა.

დედას ვერ წარმოედგინა: კაცი სახლში მიხვიდე და უსადილოდ ბრუნდებოდე! თავის მხრივ, ვერც ვანოს წარმოედგინა, თუ როგორ შეიძლებოდა სადილზე ფიქრი ასეთ დროს, როდესაც საკეთებელი იყო ამდენი საქმი.

— მე არ მინდა სადილი — სთქვა ვანომ — თუ ყმაწვილებს სურთ, ისინი ისადილებენ.

ვანო წაიდა. ამხანაგებიც წავიდნენ. დედას ეს ისე ეწყინა, რომ მხოლოდ შემდეგ მოაგონდა, თუ როგორ დაავიწყდა, ვანოს ამხანაგებისათვის მაინც ეთხოვა სადილად დარჩენა.

16

ვანო მიდიოდა ლევან ფერეულის სახლში.

ნაწვიმარზე, მეტად ცხელოდა და ახალგაზრდა კაცი ცდილობდა ჩრდილში ევლო, თუმცა ის იმდენად ავხნებულ იყო, რომ მხოლოდ დრო-გამოშვებით ჰგრძობდა შუადღის მსურველებას, ჩრდილსა, თუ სუნუნებებს აყვავებულ ხეებისა, რომელნიც ეზოებში გაშლილნი, ფილაქანასც ეფინებოდნენ;

ყმაწვილ კაცის წარმოდგენით ყველაფერი უნდა მომხდარიყო მარტივად: ის მივიდოდა სოლომონისას და იკითხავდა მანანას. ვანო და მანანა მესამე დღეა ერთი-მეორეს ემდურებოდნენ და მანანა, უეჭველია შედიდურად თუ არა, გაკვირვებით მაინც შეეგებებოდა ვანოს; მაშინ ვანო იტყოდა: „ჩემო ბატონო, საქმეა ასე და ასე...“ მანანას თავხარი დაეცემოდა და უთუოდ წამოიძახებდა: ვანოს სწაღდა სწორედ ასე წამოეძახა მანანას: ვანო გენაცვალე!

დამდურების დღეს, იგი ეუბნებოდა მანანას:

— მანანა, ჩემო მანანა! შენ ისე იცი თითქოს ვხედავდე აყვავებულ ატმის ხეს, რომელიც გააფხულზე აყვავებულა და ყვავილებს არხეებს ქარი!

მანანა, როგორც სახეზე ემჩნეოდა, გულში ფიქრობდა: გადარეული!; მხოლოდ ჰფიქრობდა მფარველობითა და მზრუნველობით, აგრეთვე იცინოდა:

— ღმერთო, საიდან მოსძებნით მუდამ ისეთ ხეებს, რომელნიც უსათუოდ აყვავებულა!

ისინი ხშირად აზრს გამოხატავდნენ არა სრულიად, არამედ დაახლოებით.

მაგალითად მანანამ სთქვა:

— რა უწყეს-რიგოდ მღერი?!

ვანომ უპასუხა:

— მე ასე მიყვარს წარმოიდგინე.

ასეთი დაახლოებითი ლაპარაკი, ვანომ მანანას შენიშნა და მოეწონა.

— აი, აქ შევიდეთ, საკმაოდ ჰყვავა!

ბაღში, სადაც ისინი შევიდნენ, მუქ-მწვანე მაგნოლიის ფოლებში ჰყვართდნენ ვეება თეთრი ყვავილები, რომელნიც გამოსცემდნენ მძაფრ სუნუნებებს.

— ასე მგონია — ამბობდა ვანო — ეს არის არა მარტო სუნუნელება, არამედ სუნუნელება, რომელიც ჰყვირის; აგრეთვე ჩემი აზრით, ფოთლები ისეთი მაგარი ფერისაა, რომ აღამიანს პირდაპირ ეხებია! ხოლო ყვავილები, ისეა გაშლილი ვით სულგრძელობანი.

ასეთ ლაყობაში იყო რაღაც ძალდაუტანებელი მშვენიერება, რაღაც ალტაცება და ყოველივე, მანანას მიზეზით. მანანა ამას გრძობდა.

როდესაც ქალაქის საათმა სამის ნახევარი დარეკა, ისინი მდინარის პირად სეირნობდნენ, მანანა ასლში უნდა წასულიყო და ვანოს მან ხელი გაუწოდა.


— დარჩი! — სთხოვა ვანომ.

მანანამ გააჯავრა: დარჩი მანანა!

კარგად ემსოდა ვანოს, რომ მას არ დასცინოდნენ და არა ამ მიზეზით აღელდა იგი და მკზნებარემ, იწყო სამდურავების ლაპარაკი:

— უნდა წახვიდე! სადილი დაგივინდება და ასეთი მსხვერპლი მე არ დამიმსახურებია! რა თქმა გიციდან! ეს ქალაქის საათიც სტყუის, აი, თუ არ გჯერა, ნახე...!?

ვანომ ხალათის გულ-ჯიბიდან მაჯის პატარა საათი ამოიღო. მანანას ჯერ თავ-დაუჭერელი სიცილი წასკდა, შემდეგ ოდნავ შეკრთომა დაეტყო, ხოლო როდესაც მან, ვანოსთან ერთად საათს დაჰხედა და აღმოჩნდა სამის ნა-



ხევაი და ამით გაჯავრებულმა ვანომ საათი მოიქნია და მდინარეში გადისროლა, მანანამ ხმა გაკიდა.

— რატომ ეს — ერთი წამოიძახა.

პირველად მანანას ძლიერ ეწყინა, მაგრამ იმავ წუთში, იგი მოიცვა ისეთმა სიხარულმა და სიტკბოებამ, რომლის მზგავსი ჯერ არ განეცადა და რომელიც, ალღო აიძულე-ბდა, არ უნდა გამოემეტაღვნიბია.

ვანო იღვა დაბნეული; სახეზე გაწითლებულიყო. ლო-ყახე აჩნდა ხალი.

მანანა, ეს მდიდრული ქალწული უხმოდ შემობრუნდა და წავიდა. ეს გი არ ჰსურდა მანახას; მანანას ჰსურდა რა-ღაც სხვა: ჰსურდა მიჰფერებოდა ვანოს, ლოყახე ხალს ალერსით შეჰხებოდა და ყველაფერი რაც ჰსურდა, იყო გაურკვეველი ვით სიხმარი.

— ნეტავ, ძალიან დავაშავე? — ტანჯვით ფიქრობდა ვანო.

გულმა გამალებით იწყო ძგერა, რა ვანო მიუხლოვდა სოლომონ ფერეულის სახლს. იგი შორიდანვე თვალებით დაეძებდა მანანას, მაგრამ ეზოს კარები ისე შეალო რომ არაეინ დაუნახავს.

მოისმა ბიცოლა ნინოს ხმა მაღალი ლაპარაკი; ალბად ბავშვებს სტუქსავდა და ვანომ დაინახა ონისიმე ფერეუ-ლის მეუღლე ედუ. ედუმაც დაინახა ვანო და გაჰკვირდა. ვანოსა და მანანას მეგობრობა, ქალაქში, ახლობელთა შო-რის ცნობილი იყო და ამ მეგობრობას შეჰყურებდნენ მფარველობით, როგორც ბავშვების ურთ-ერთით გატა-ცებას. ამ მფარველობას ვანოც გრძნობდა; გარდა ამისა იგი კარგად იცნობდა ონისიმეს მეუღლეს, მაგრამ იმდე-ნად მოულოდნელი იყო იმისი შეხვედრა (ვანო დარწმუ-ნებული იყო მანანას შეხვედრობა!) რომ ვანო, რა მანდი-ლოსანს მიესალმა, დაბნეული შესდგა და ხმას არ ილე-ბდა. შემდეგ ერთბაშად დაიწყო მობოდიშება, მაგრამ ისე-თი თავგამოდებით, რომ აღემატებოდა თავაზიანობას:

— უკაცრავათ ვარ, ბოდიშს ვითხოვ, გთხოვთ მაპა-ტოთ...!

იმავ წუთში, ეზოს სიღრმეში გამოჩნდნენ მდგურ-მაყუჩე-შები ლალო და თინა. ისინი, თითქმის შიშველნი გაურ-ბოდნენ ბიცოლა ნინოს, რომელიც მოჰყვიროდა:

— დამიჭირეთ ვინმემ ეს მოჯალაბენი, არ გაუშვათ! არ გაუშვათ!

ბიცოლა ნინოს ხელთ ეჭირა პირსახოცი და ბავშვები, თავზარდაცემულნი ჰკოდნენ ბედნიერებით აღსავსენი მითი, რომ ბიცოლას გაექცნენ და დედა დაინახეს. გამოჩ-ნდა მანანაც. ვანოს დახახვით გაკვირვებული, იგი შეს-დგა და მხოლოდ შემდეგ სახე გაუბრწყინდა და დაიწყო ლიმილი. ვანომ ეს დაინახა და იგი მოიცვა სიხარულმა.

ბიცოლა ნინომაც დაინახა სტუმარი და სახლში მიიწვია: — მობრძანდი შეილო სახლში.

ბავშვები დედას მოეხვიენ. ისინი სასაცილოდ მოთხერი-ლიყვენ და თინა ელულულულებოდა დედას: დედა, უთ-ხარი დიდედას, პირსახოცი თავზე არ წამიჯიკავოს...

ვანო გამხნვედა; არც გრძნობდა თუ გამხნვედა, მხო-ლოდ თავისუფლად, ვით მამაკაცი ქალებში, მიდიოდა მათთან ერთად და შესაფერისად აღელვებული, მოუთ-ხრობდა ლევანის დატუსაღების ამბავს. არაფერი უთქვამს სტამბისა.

ქალები შფოთავდნენ. ნინომ დაიწყო მათი წყევა, ვინაც ქვეყანა არია. ასეთი შფოთვით, ქალებმა მოამზადეს ლე-ვანის გადასაცემად სადილი, რომელიც წაიღეს მანანამ და ვანომ.

— მანანა, მანანა! ჩემო ძვირფასო მანანა!

ვანოს ისეთი ხმა ჰქონდა, ვით მთვრალს. რამდენჯერმე მანანამ, დაბლიდან, ცალი თვალით აჰხედა ვანოს; ასეთი ცქერით, ოდეს იგი იღიმოდა აგრეთვე, მანანა ვანოს ანი-ჭებდა უპირატესობას.

— მემდური? — ისევ მთვრალი ხმით იკითხა ვანომ. მა-ნანამ მას თვალი გაუსწორა და გაიღიმა. იმდენი თავ-ბრუ დამხვევი სიტკბოება ჰპოვა ყმაწვილმა კაცმა ამ ლიმილი-ში, რომ სწორედ ჰღირდა ამისათვის ტანჯვა, ამ სამი დღის დამდურების განმავლობაში.

ჩეკაში სადილი მიიღეს.

(ბაბრძელება იქნება)

ს ა მ შ ო ბ ლ ო ს

8. ჟიჟიანი

მხოლოდ შენა ხარ ამა ქვეყნის უპირველესი და შენს წინაშე მეტანით ვლიან მლოცველნი, შენზე დასწერა პოეზიამ პირველი ლექსი მშვენების რითმით და მუსიკით განაოცარი, მძიმე ფიქრებით დასწეულდა მოკვდა მგოსანი! გადარჩა მხოლოდ წარმოშვება ულამაზესი!

არ იცი კვნესა, არც სიცილი, არც ცივი ცრემლი, არც უხეში ხარ, არც მოქნილი და ლმობიერი, დაბადებიდან სიკვდილამდე ყველა მოგელის შენი მონაა თვით, ეშმაკის სული ცბიერი ასე ყველანი სიყვარულის სევდით ვხუტდებით, მხოლოდ შენა ხარ ეთად-ერთი მუდამ უცვლელი!

დილა ამოდის იის. ფერი, მზე ოქროს აფენს, ჰორიზონტიდან ეშვებიან მწვანე მინდვრები, ხან ცა ღრუბლებით ემსგავსება გაშლილ თირაფებს, ათასი ფერი ცისარტყელად შემოიკრების,

მიდის წლები სიყვარულის ეშხის ფურცლები, მხოლოდ შენა ხარ ერთად ერთი მუდამ უცვლელი!

შენვე წარმოშვი სატანჯველად სიციცხლის სული, და სიყვარულით მოველინე როგორც ზღვის ტალღა, სცემს დედა მიწა ცეცხლის ძარღვით შემოგარსული და ყუმბარები ეცემიან საწუთროს საზღვარს, შენგნივ შობილნი ნემთვის ვკვდებით გამოუტყდელნი, მხოლოდ შენა ხარ ერთად ერთი მუდამ უცვლელი!

და შენ მშვენებას გარდაუალს სამარადისოს ვუმღერ და ვეტრფი როგორც მონა მისი დიდების! თუ შენი ხილვა ბედმა ჩემმა ისევ მაღი/სოს, მოვიძღვნი გრძნობებს აფერილი ლურჯი იებით! დასრულდა ნატერა; მოვლენები მეტად სწრაფია, გახიზნულ წლებს წაეწერა „ეპიტაფია“

ვიყავ დევნილი მქონდა ზრახვა ივერიელის, მწამდა სამშობლო ყოველ ღმერთზე უფრო ძლიერი!

ყალბი თარიღი — ყალბი დასკვნა!

(მგოსან აკაკის ცნობარებიდან.)

ველას ეხსომება აკაკის ლექსი, რომელსაც წინად „ხანჯალი“ ერქვა, ბოლოს კი მწერლის საიუბილეო გამოცემის 1 ტომში (1940 წ.) აღნიშნულია ახალი სათაურით „ხანჯალს“ და ქვეშ უზის 1905 წლის თარიღი. ეს სწორე არ არის!.. ჩვენ-მიერ ამ საგანზე ბაასის ჩამოგდება — უბრალო შესწორების შეტანა არ არის. ბოლოს და ბოლოს შესანიშნავი ლექსისათვის შეიძლება არც ისე მნიშვნელოვანი იყოს ცოდნა, თუ როდის არის დაწერილი იგი. მაგრამ ამ სიყალბესთან დაკავშირებულია ყალბი წარმოდგენა მწერლის პიროვნებასა და მის იდეოლოგიაზე. მაგალითად იმავე 1940 წელს თბილისის უნივერსიტეტის-მიერ გამოცემულ აკაკი წერეთლის საიუბილეო კრებულში ჩვენ ვხვდებით შემდეგ აზრებს. შიხეილ ზანდუკელს თავის წერილ „აკაკი წერეთლის ლირიკა“-ში ჯერ მოჰყავს ციტატი პირველად ჩემს გამრცემა „თემში“ დაბეჭდილ ლექსიდან „ს-დ-ს“ (ე. ი. სოციალ-დემოკრატიას) და მერე ამბობს (გვ. 22).

„უსამართლოდ დაჩაგრული და დალაგმული პოეტი საერთო სახალხო მზადების პერიოდში თვითონაც ლესავს მახვილს. მასაც სურს მტრის დამარცხებაში მიიღოს ღირსეული მონაწილეობა. ამბობებული პოეტი ასე მიმართავს თავის ხანჯალს („კალამს“):

იგივე კრიტიკოსი იმავე თავის წერილში (გვ. 40) უწონებს აკაკის ოსტატობას — უსულო საგანთა (ჩანგი, ბედი, ხანჯალი და სხვ.) განპიროვნებას „ერთ მთლიან ემოციონალურ განწყობილებას“ შესაქმნელად და უწოდებს „ხანჯალს“ **პოპულარულ-რევოლუციურ ლექსს!** მისი დახასიათებით „მთელი ლექსი პოეტსა და ხანჯალს შორის ინტიმურ ურთიერთობასა და მიმართვაშია გაშლილი“.

აგრეთვე ცნობილი მკვლევარი პავლე ინგოროყვა თავის საყურადღებო შესავალ წერილში (გვ. მე-16, აკაკის ლექსთა 1 ტომი, გამოცემა 1940 წ.) „ხანჯალს“ ათავსებს იმ „ლექსებში, რომელიც პოეტმა ცხრაასხუთი წლის მოძრაობას უძღვნა“.

გარდა ამ შემცდარ ნაბეჭდისა, აკაკის ლიტერატურულ მემკვიდრეობაზე ბაასის დროს ამავე აზრს უფრო მკვეთრად გაიგონებთ „კლასთა ბრძოლის“ მოძღვრების აღმსარებელ ხალხისაგან. ჩვენ უნდა გადაჭრით, კათეგორიულად განვაცხადოთ, რომ ყოველივე ეს დიდ შეცდომაზეა დამყარებული. ლექსი „ხანჯალი“ თუ „ხანჯალს“ დაწერილია ვაცილებით უფრო ადრე, ვიდრე „ათას ცხრაასხუთი წელი“. საბედნიეროდ, მე შემრჩა უტყუარი საბუთი, რომ ეს ლექსი ჩვენ უკვე 1889 წელს ვიცოდით. ეს ვახლავთ პატარა ფურცელი ამა წლის კალენდარ-უბის წიგნიდან. ეს წიგნაკი რუსულად იყო გამოცემული. თუ არა ვცდებით მას სახელად „ტოვარიში“ ერქვა. ყოველ წელიწადს მას ვყიდულობდით, რადგან ქართული შესატყვისი გამოცემა იმ დროს არ არსებობდა. ამ შემთხვევით გადარჩენილ ფურცელზე ჩემის უგვანო ხელით (სამწუხაროდ ისიც ნაჩქარევად, მაშინ 19 წლისა ვიყავი) მეორე

ვერდზე დაწერილია ილია ჭავჭავაძის ელეგია „მკრთალი ნათელი სავსე მთვარისა, მშობელ მიწასა ზედ მოჰტენოდა“, პირველზე კი ბოლო „ხანჯლისა“. ამგვარად „ცხრაასხუთი წელი“ უკვე სწორე არ არის. „ხანჯალი“ დაწერილია ამაზე ადრე. მაგრამ არც ეს 1889 წელია მართალი... მე კარგად მახსოვს, რომ ეს ლექსი მე და ჩემმა განსვენებულმა ძმამ სანდრომ (ექიმმა) პირველად გავიგეთ მწიგნობარ სოსიკო მერკვილაძისაგან, რომელმაც გვაჩვენა ამონახევი ქართული გაზეთის ფელეტონიდან. მახსოვს აგრეთვე ძალიან კარგად, რომ ს. მერკვილაძემ ჩვენ გვითხრა, რომ ეს ლექსი საცენზურო პირობების გამო ვერ გამოქვეყნდებოდა. არ შემიძლია დავადასტურო ცენზორმა დაიჭირა ეს ლექსი, თუ თვით რედაქტორმა სიფრთხილის გამო გადასდო ამ ლექსის გამოქვეყნება პრესაში, არც ის შემიძლია კათეგორიულად ვსთქვა, რომელი გაზეთი იყო. უფრო იმ აზრისა ვარ, რომ ეს იყო დაუფიქსარი მწერლის ვანო მაჩაბლის „დროება“. ვაცილებით ნაკლებ დასაჯერებელია, რომ ეს ყოფილიყო ილიას „ივერია“, რომელიც ყოველდღიურ გაზეთად გადაკეთდა „დროების“ უმართებულო აღკრძალვის შემდეგ (1885 წ.).

ამასვე ამტკიცებს ის გარემოება, რომ არც აკაკი, არც სოსიკო მერკვილაძე არ იყვნენ ისე დაახლოებული „ივერია-სთან“ როგორც „დროებასთან“. ეს ლექსი ჩვენ იმავე წამსვე შევიტანეთ თავ-თავიანთ უბის წიგნში და ყოველ წლივ გადავჭკონდა ერთი წიგნიდან მეორეში. — ეს ლექსი სოსიკო მერკვილაძეს და მის ძმას ნოშრევანს (თერძს), თვითონაც მოლექსეს, თან დაჰქონდათ როგორც ქართულ მამულიშვილობის და ნაციონალიზმის მქადაგებლებს და ავრცელებდნენ ჩვენს ხალხში. ურიცხვი მსმენელები ჰყავდათ.

დანამდვილებით შეიძლება ითქვას, რომ „ხანჯალი“ აკაკის არ დაუწერია 1881 წ. მარტის 1-ის ადრე, როცა მან მაშინ ალექსანდრე 2-ის მოკვლის გამო შეთხზა სამაგალითო ლექსი „გაზაფხული“ („დღეს მერცხალი შემოფრინდა, ჭიკჭიკითა გადმომძახა; გაზაფხული! გაზაფხული! გულს იმედი ჩამესახა!“). შესაძლებელია, აკაკიმ ეს ლექსი დასწერა ცხონებულ დიდი ქართველი დიმიტრი ყიფიანის საზიზღარ პოლიტიკურ მკვლელობის შემდეგ (1887 წ.). მეორე დიმიტრი თავდადებული ხომ ასე ძლიერ უყვარდა მას. ეს დასკვნა შეიფერება „ხანჯლის“ შინაარსს, რომელიც შურისძიებას მოითხოვს.

ამგვარად, ჩვენი საყვარელი მგოსანი, დიდი ქართველი, დიდი გულის მქონე, სამოქალაქო ომის წამქეზებელი, კრიმინალურ მოძღვრების კლასთა ბრძოლის აღმსარებელი კი არ იყო, არამედ მთლიანი ერის იდეალის და უფლების დამცველი, ის იყო აგრეთვე ამავე დროს მედგარი მოსარჩლე გლეხობის და მუშების ინტერესებისა, შეთანხმების და სოლიდარობის ნიადაგზე, რამდენიც არ უნდა ხელოვნურად ჰხატონ და აფერადონ ჩვენი სამაყო ძველი



მწერლები ტენდენციის მოტრფიალე ხალხმა, ქეშმარიტება მიიწი თაუის გზას გაიკვლევს. ტყუილად კი არ უთხრა აკაკიმ თაუის ზემო ნახსენებ ლექსში: „სოციალ-დემოკრატიას“.

„ზოგი არ მომწონს რამ შენში,
მაგრამ საერთოდ კარგი ხარ...
ერთ დროს მეც გამომადლები,
თუმც ჯერ კი სხვისი ბარგი ხარ...“

აი სწორედ ამ ზოგი რამის არ მოწონება ახასიათებდა მამულიშვილ-მგოსნის უმწიკვლო პიროვნებას.

ერთი მოსაზრება კიდევ თარიღის შესახებ. საფიქრებელია „1905 წელი“ მიეთვისა „ხანჯალს“ იმიტომ, რომ სწორედ ამ წელს, როცა ოდნავ შეება მიეცა პრესას, ეს ლექსი პირველად გამოქვეყნდა.

ქვევით მოგვყავს თვით ლექსი. რომელმაც ჩვენ საღლისოდ კალამი აგვადლებინა, ხოლო უნდა ესთქვათ, რომ ვბეჭდავთ პირვანდელ ბარიანტს. აკაკის საიუბილეო ტომში მოყვანილ (გვ. 719 — 720) ლექსში მრავალი ცვლილებანი და შეუსაბამოებანი. დასაჯერებელი არ არის, რომ ამის თაოსნობა თვით მგოსანს ეკუთვნოდეს.

მეხუთე ტაეპში „მტრებმა“ კი არ უნდა იყოს, არამედ მტერმა: ყველგან ლექსში მხოლოდობითი რიცხვით არის სხენებული სიტყვა მტერი. ეს სწორეა, რადგანაც მგოსანს სახეში ჰყავს მოძალადე ერი, გაბატონებული მის ხალხზე. ამასთანავე უნდა შესწორდეს „შეასვეს“ მაგიერ შეასვა. ეს მრავლობითი რიცხვით აღნიშნული ამ ვარიანტში სიტყვა მტრები — მოგვიტევეონ გამოცემის რედაქტორებმა ა. აბაშელმა და პ. ინგოროყვამ — ამტკიცებს მხოლოდ, რომ შესწორება ტენდენციის გაელენის ბრალია. შემსწორებელნი გულისხმობდნენ უთუოდ არა ნაციონალურ მტერს, არამედ მტრულად განწყობილ „კლასებს“, რაც შეუძლებელია ავტორს მოსვლოდეს აზრად, მაგრამ განვადგომოთ შესწორებანი. მეექვსე ტაეპში „მიმიძღვენ“-ის მაგიერ უნდა იყოს „მიუძღვენ“, ჩაერქვეს მაგიერ — ჩაერქვე; მეშვიდე ტაეპში: „ჩემთვის“ მაგიერ — ქარქაშში, მერვე ტაეპში. „ქარქაშით“-ს მაგიერ — ქარქაშში, „მანდ“-ს მაგიერ — შენ. ახლა კი დავსტკებთ ასე განბანილ და გაწმენდილი ნაწარმოებით.

1 დეკემბერი 1943 წ. ბერლინი

გრიგოლ ღიასამიქი.

ს ა ნ ჯ ა ლ ი.

შენი ჭირიმე, ხანჯალო,
რკინაო ხვარასნისაო,
შენ ერთად-ერთო იმედო
მტრისაგან გამოხსნისაო!

გლესავ და გლესავ, მახვილო,
ამოგიფერავ გულსაო!
შენ უნდა ეძმო და ეყმო,
უმართლოდ დაჩაგრულსაო!

ნესტარიცა ხარ, ბასრიც ხარ,
ორივე გვერდით მჭრელიო;
გპატრონობს გული ფოლადი
და გიპურობს რკინის ხელიო.


მისი გამგენის ჭირიმე,
ვინც რომ შენ გამოგქედაო!
ჭირიმე, შენი ჭირიმე,
მტერს აუტირე, დედაო!

ბევრი ნალველი შეასვა
მტერმა ამ ჩემსა გულსაო,
შენ მიმკურნალე, მახვილო,
უმართლოდ დაჩაგრულსაო!

მიმოციქული მტრის გულთან,
მიუძღვენ ჩემი სალამი:
ის ვითომ ნაწერელია,
ჩაერქვე, როგორც კალამი!

მისი წითელი მელნითა
შემალეზინე ჭალარა,
იმისი კენესა იქნება
ჩემი დაფი და ნალარა!

გლესავ და გლესავ, მახვილო,
ფოლადო, ჩემო რკინაო!
დროა, ამოდი! — ქარქაშში
ალარ გაქვს აწ შენ ბინაო.





ვაჟა-ფშაველა და ქართული კულტურა

ეროვნული კულტურის თვალსაზრისით ვაჟა-ფშაველას რუსთველის გვერდით მეორე ადგილი უჭირავს.

ვაჟა-ფშაველას ეს სიდიადე მისი თანამედროვეების მიერ სწორად ვერ იქმნა დაფასებული, ამას მხოლოდ ილია ჭავჭავაძე გრძობდა. ცოტა გვიან გრიგოლ რომაქიძემ სწორად გაიგო მისი სიდიდე, მაგრამ ვაჟას ასეთი გაგება ფართო მასებისათვის ერთხანს უცხოდ დარჩა.

ევროპის მატერიალისტურმა ცივილიზაციამ, რომელიც ჩვენს ქვეყანასაც ესტუმრა, ისე დააბნა თანამედროვე ადამიანი წარსულის მიძარბო, რომ დღევანდელი საზოგადოების გარეშე ყველაფერი პრიმიტიულად გამოაცხადა.

თუმცა ვაჟა თვითონ გრძობდა თავის ძალას და კიდევ აფრთხილებდა ქართველ საზოგადოებას:

„ნუ შეგაშინებსთ, არ გაგნებსთ მთიდან ყვირილი ხარისაო“.

მაგრამ ბარი თითქოს არ ენდო და აკაკის პირით შეუთვალა:

„ენას გიწუნებ, ფშაველო მგოსანო მალალ მთისაო“.

ვაჟა გრძობდა, რომ იმ სიუხვეს და მრავალფეროვნებას ქართული სულისა, რომელიც მთის ხეობებით უნდა ამოეწყო, ბარის ენის საწყაული ვერ ჩაიტევდა, ამიტომ თავისი მდიდარი ლექსთა მდინარე მთის დიდიქტის მარგალიტებად აოჩნა; ხოლო აკაკის შემოუთვალა:

„ბუღბუღისათვის ვალობა დაუწუნია რომელსაო“?

მაგრამ აკაკი არსებითად არ იყო მართალი, რათვან ვაჟა თავისი პროზით გვიმტკიცებს, რომ ქართული ენის ცოდნით ის თვით ილიას და აკაკის არ ჩამოუვარდებოდა.

1915 წელს ვერ. ქიქოძე სწერდა: „ვაჟა-ფშაველა ჩამორჩენილი ადამიანი იყო. ვერც სემინარიის კურსმა, ვერც უნივერსიტეტის ლექციებმა თანამედროვე სული ვერ ჩაუტეგს. მისი გრძნობიანობა პრიმიტიული დარჩა, მისი ფანზია — ველური, მისი მორალი საშუალო საუკუნეებრივი“. და სხ. (ვაჟას ახალ გამოცემაში ეს აზრი ახლაც არის გამეორებული). ამგვარი შეხედულება ჩვენს საზოგადოებაში საკმარისად იყო გავრცელებული, მაგრამ მან დიდ ხანს არ გასტანა. როდესაც საქართველომ პოლიტიკური თავისუფლება მოიპოვა, შექმნა ქართული უნივერსიტეტი და ქართული აზრი და გონება ქართულ სინამდვილეს დაუბრუნდა, ვაჟაზედ ასეთი მცდარი შეხედულებაც მალე გაჰქრა. ჩვენში დაიწყო მეცნიერული ლიტერატურული კრიტიკის აღორძინება და ბუნებრივია, რომ პირველ რიგში ვაჟასთანა დიდი შემომქმენდი მოითხოვდნენ ღირსეულ დაფასებას. ასეთი დაფასება მოგვცა ვ. კოტეტიშვილმა თავის „ქართული ლიტერატურის ისტორიაში“ და კ. კაპანელიძემ თავისი „ქართული სული ესტეტიურ სახეებში“. უკანასკნელმა ის აზრად დიდ მსოფლიო შემომქმენდა სიმაღლემდე და მისი გმირები: მინდია, ალუდა ქეთელაური და სხვანი ჰამლეტის, ფაუსტის და სხვათა გვერდით დააყენა.

ამ ორ ნაშრომში ბევრი რამ სწორი და საყურადღებოა ნათქვამი ვაჟაზედ ქართული კულტურის თვალსაზრისით. ვაჟას „ჩამორჩენილობაზე“ ხომ ცხადია ლაპარაკიც აღარ შეიძლება. ვ. კოტეტიშვილი სწერდა ვაჟაზედ, რომ „იგი დიდი კულტურის რომანტიკოსი იყო... ჩამორჩენილი კი არა, მეტად წინ წასული იყო, იმ დიდი პოეტური ინტუიციის წყალობით, რომელიც ვაჟაში ენთა“. კოტეტიშვილის აზრით, მან ვაჟას პრობლემა მდგომარეობა მის გენიალურ ნიჭში, დიდ პოეტურ ნეტუიციში. რომ ამ ძალუმი იარაღით შედის ის არსთა სამყაროში და გარეშე

ყოველივე მანქანების, ლაბორატორიების, ცივილიზაციების და ქიმიურ-ფიზიკური ექსპერიმენტების, ბუნების კოსმიურ ვარსკოვანაში ამოიკითხავს წესსა და გახვებას ადამიანთა. ვაჟა სამყაროს ერთ მთლიან ორგანიზაციაში ჰქმნის თავის შორალურ-ფილოსოფიურ სისტემას და ეს კონცეპცია გადააქვს ადამიანთა საზოგადოებაში, როგორც მთლიან სამყაროს ხაწილში.

კ. კაპანელი კიდევ შორს მიდის, ის სწერს:

„ქართველი ხალხის მითოლოგია მთელი კოსმოლოგიაა, მდიდარი თავისი თქმულებებით და პოეზიით, საგნე სიბრძნით; საქართველოს მთას აქვს საკუთარი მეტეოროლოგიური-ასტრონომიული და რელიგიური-ფილოსოფიური სოფლ-ვაგება. ისეთი საინტერესო, ისეთი დიდი თავისი მინაარსით და ფორმით, რომ ფიქრს იწვევს — თითქოს ქართველ ტომებს ოდესღაც, პრეისტორიულად უცხოვრიათ თავისებური ისტორიული სოციალურ კულტურული დამორალურ ფილოსოფიური ცხოვრებით“ (ხ. ჩ. სი.).

მისი აზრითაც „ქართული სული საუკუნეთა განმავლოში შევიწროებული იყო საქართველოს ცენტრებში და თანდათანობით იხიზნებოდა საქართველოს გარეშე მთაში“.

ვაჟამ კი თავის შემოქმედების ქურაში გადაადღულა ხალხში ფართოდ შენახული ეროვნული სიბრძნის მარგალიტები და დამთავრებულ კულტურულ ძეგლებად ჩამოაყალიბა.

კ. კაპანელი მიუახლოვდა ისტორიულ ასპექტს ვაჟას პრობლემის ახსნისა და „თითქოს“ — ის კარებთან შეჩერდა.

ამგვარად მთავარი პრობლემა საბოლოოდ მინეც უპასუხრდ რჩება. სათავე ვაჟას შემოქმედებისა აუხსნელი. გენეზისი მისი სარწმუნოებესა გამოურკვეველი.

წინამდებარე მოხსენებაში ვიდევით აჩქარებულ ახსნას ვაჟას პრობლემის. აქ წამოვყენებთ მხოლოდ პრინციპს და ვრცელ გამოკვლევას კი ვუთმობთ მათ, ვისაც სპეციალური კალამი უჭირავთ ხელში.

საქართველოს მთის თემები და საზოგადოთ კავკასიონის პროვინციები რატომღაც ყველას ჩამორჩენილად მიაჩნია. მათი ყოფა-ცხოვრება — ნაშთად პრიმიტიულობის. მათი სოციალური და იურიდიული დაწესებულებანი, ადათები, ზნე-ჩვეულებანი და სხ. ადამიანის პირველ ყოფილ დაწესებულებად. ვაჟა მთაში სცხოვრობდა, იქითვან იკვებებოდა მისი შემოქმედება და იბადება საკითხი: დაბალ დონეზედ მდგომ კულტურულ და სოციალურ სინამდვილეს შეიძლოა თუ არა ვაჟა-ფშაველას მოცემა? კულტურის და ცივილიზაციის ისტორიები გვასწავლიან, რომ მაღალი გენიები მხოლოდ კულტურის წიაღში წარმოიშვებიან ხოლმე. რომ პირველყოფილი პრიმიტიულობისათვის უცხოა მაღალი აზროვნება, ისევე როგორც ინდივიდუალური გენიები. გენიები არსად არ იბადებიან სინამდვილის იზოლიაციაში, არამედ ისინი ყოველთვის გარკვეული სოციალურ და კულტურულ არეს გამოხატავენ ხოლმე. ხშირად მთელ ეპოქასაც. განა რუსთაველი შვილი არ არის ჩვენი ოქროს ხანის! დანტე იტალიის აღორძინებამ წარმოშვა. გოეტე და ნიცშე ევროპის ორი საუკუნის დუღილმა შექმნა. ყოველ ცალკე აღებულ ცივილიზაციას ახასიათებს ანალოგიური პერიოდები. ხანა დაბადების, გაფურჩქნისა და დეკადანსის. ის გაიარა უძველეს, მკირე აზიის არქაულმა ცივილიზაციამ, ანტიური საბერძნეთისა და რომისამ, ამას გაივლის თანამედროვე ევროპის ცივილიზაცია. შენგლური ფიქრობს, რომ ყოველი დროის დიდი ქმნილება: მეცნიერების, ხელოვნების, რელიგიური, პოლიტიკური, სოციალური და სხ. მსგავს ეპოქებში იბადებიან. რადგან ყველა დიდ ქმნილებათა შინა-



განი სტრუქტურა ურთიერთს მიაგავს. ისინი იბადებიან, ვითარდებიან და კვდებიან, ყველა კულტურულ ეპოქებში ერთ და იმავე დროს. თუ ეს ასეა, სრულიად გაუგებარი იქნებოდა ჩვენთვის ვაჟის მოვლენა, თუ მის წარმომშვევ სინამდვილეს ჩამორჩებილს და პრიმიტიულს დავარქმევდით. რასაკვირველია, სულ სხვა საკითხია თვით კულტურის ხარისხი და ხასიათი.

როდესაც ანალიზს ვუკეთებთ კავკასიის მთის ცხოვრებას, კულტურისა და ცივილიზაციის თვალსაზრისით, ჩვენს წინაშე მეტად საინტერესო ქვეყანა იშლება. ეს არც უნდა გავგვივიროდეს, რადგან ჩვენში დარჩენილი სულიერი კულტურის აუარებელი ნაშთები, იქამდე მაღალი ღირებულებისანი არიან, რომ თანამედროვე უვროპის კულტურამ მხოლოდ თეორიულად მიაღწია მათზედ ოცნებას. ხოლო ნამდვილ პრიმიტიულ ხალხებს ასეთ სინამდვილეზე წარმოადგენაც არ შეუძლიათ.

შენგდერი კულტურის ასეთ განმარტებას აძლევს:

„კულტურა არის ენა, რომლის საშუალებითაც სულს შეუძლია სიტყვას, რასაც ის გრძნობს“.

ამ განმარტებით თუ ვინელმძღვანელებთ, დავინახავთ, რომ დღევანდელ დიდ კულტურულ ხალხებშიაც კი არ არის სულის იმდენი გამოხატულება, რასაც ჩვენ მთაში ვხვდებით. ის მაღალი მორალური პრინციპები, რასაც დღეს ევროპაში ასობით მეცნიერი და ფილოსოფოსი აყალიბებენ სხვა და სხვა სისტემებში, ჩვენმა მთამ მარტივად ადათებსა და ტრადიციებში გამოხატა. უკვე ეს ფაქტი საკმარისია, რომ მას უკულტურობის ეპითეტი მოვაკილოთ. თუმცა ამ საკითხზე ბევრის თქმა შეიძლება მაგრამ უადგილობის გამო მცირეს დავასახელებთ. ერთი მეცნიერი ამტკიცებს, რომ ...

„კაცობრიობის ცხოველური მდგომარეობითგან ცივილიზაციაში გადასვლა ცხადდება უცვლელად სქესობრივი მორალის განსაკვირვებელი გაუმჯობესებით.

ხასიათები ამ გაუმჯობესების, როგორც მამაკაცების, ისე დედაკაცებისათვის თავშეკავების განვითარებაში გამოიხატება, კერძოდ ქალებისათვის კი სქესობრივი სიცივის გაძლიერებაში“).

ავტორის აზრით ეს ეპოქა ახასიათებდა ებრაელთა ცხოვრებას აბრამის დროს. სარა და რებეკა ცნობილი არიან როგორც სქესობრივი სიცივის მაგალითები. (მხოლოდ ეგვიპტის მშენ და ფარაონების სიმზურვალემ იხსნეს სარა ამ საშინელებისაგან!) იგივე ახასიათებდა ბერძენთა ხალხს ჰომეროსის გმირების ხანაში და რომს პირველ პერიოდში.

ეს სოციალური ფაქტორი ყოველთვის აღიბეჭდებოდა ხოლმე ხალხთა ადათ ჩვეულებებში და გადადიოდა ხშირად თვით კანონმდებლობაში, სადაც ის შექმნილია. მაგ. რომის სამართალი სამოქალაქო სფეროში იცნობს ქორწინების სამ სახეს. აქეთგან პირველი სახის ქორწინება, რომელსაც ეწოდებოდა „უზუს“ იყო ერთდროული. ეს იყო ნამდვილი ანარეკლი რომაელთა პირვანდელი ყოფაცხოვრების. ის არის ინკარნაცია სექსუალური სიცივის. ხოლო ხალხის კულტურულ წინსვლასთან ერთად ჩნდება ქორწინების მეორე და მესამე ფორმა, რომლის არსი ეწინააღმდეგება პირველობას. ყველა ამას რომ ვადარებთ კავკასიელთა და ქართველ-მთიულთა ყოფაცხოვრებას და ადათებს, დიდ განსხვავებას ვნახულობთ. მაგ. რომში თვით კულტურული აღორძინების ხანაშიც არ სხანს ისეთი ინსტიტუტები, რასაც კავკასიაში აქვს ადგილი. ფერერო ამტკიცებს, რომ თანამედროვე ცივილიზაციის მიერ მონაპოვარი ინდივიდუალისტური კონცეპცია ქორწინებასა და ოჯახზედ უცხო იყო რომაელის ვაგებისათვის. არასოდეს არ შეეძლო რომაელს ეფიქრა, რომ ქალს ჰქონდა უფლება თავის საქმროს არჩევის 2) იმ დროს, როდესაც კავ-

კასიის ხალხებში ძალიან ხშირი მოვლენა იყო ქალის მიერ საქმროს პირადი სურვილით არჩევა. ეს განსაკუთრებით ცნობილია ჩერქეზეთში. ცოლისა და ქმრის შორის ურთიერთობაც აქ უფრო განვითარებულ ფორმებს გვაძლევს. ქალის პატივისცემა, ოჯახის სიყვარული, ეს ხომ ჩვენი მთის ცხოვრების ქვაკუთხედი იყო. იქ უშვილობა მგ. სამარცხვინო რამედ ითვლება. ქმარს უფლება აქვს, ადათით, ამის გამო ცოლი მიატოვოს და სხვა შეირთოს. ცხადია, ეს პროცესი ძალიან მარტივად მიმდინარეობს, და უკმაყოფილებასაც ადგილი არა აქვს, რადგან ის ადათით დადასტურებულია. არც ისეთი ქალი მაინც და მაინც პატივცემული, ვისაც შვილებში ვაჟი არა ჰყავს. ეს ჩვეულება მთის თითქმის ყველა თემებში ერთნაირად არის გავრცელებული.

გარდა ამისა ჩვენ შევადარებ ძველი რომისა და საბერძნეთის იურიდიული დასკნებულბანი მთიულებისას და აქაც მსგავსება ვნახეთ ისეთ ელემენტებთან, რაც აღნიშნულ ქვეყნებს ახასიათებდათ მხოლოდ აღორძინების ხანებში. ამ მხრივ ძალიან საინტერესოა შედარება ათინის დემოკრატისთან, ჩერქეზეთის, ჩეჩნეთის, ოსეთის და თუშ-ფშავ-ხევსურეთის სოციალური და მოქალაქობრივი ცხოვრებისა.

ყველა ამ შედარებათა მაგალითებით არ გვინდა დავამიძიმოთ წინამდებარე მოხსენება. ხოლო ჩვენთვის გამოირკვა, რომ ისინი ღალადებენ მთის ცხოვრების ღრმა კულტურულ საფუძველს. რომ ეს ხალხი უკულტურო კი არ არის, არამედ მას გააჩნია თავისებური მაღალი სულიერი კულტურა, რომელიც გამოხატულა მის სოციალურ და სამოქალაქო დაწესებულებებში: ქორწინების, ღვინის, ღრების, დამარხვის, დატოვების, დალოცვის, გაფიცვის, სტუმართ მასპინძლობის, სისხლის აღების და სხ. მრავალნაირ ადათ-ჩვეულებებში.

მაგრად მთის ამგვარი ცივილიზაცია მაინც შორს არის თანამედროვე ევროპის ცივილიზაციისაგან და იბადება საკითხი: აქვს თუ არა ამ ცივილიზაციას რაიმე საერთო უკვე ცნობილ საკაცობრიო ცივილიზაციებთან, თუ ისე უშუალოდ, გამომწყვდეული კავკასიონში, ბუნებასთან უშუალო შეხვედრით და ხანგრძლივი, არსებობისათვის ბრძოლის დროს შეიქმნა ის?!

ერთი მეტად დიდი და შესამჩნევი თვისება კავკასიის ცივილიზაციისა გვაგულისხმებებს მის კავშირს სამყაროს სხვა ნაწილებთან.

კავკასიელთა ცივილიზაცია უაღრესად სოციალური და ჰუმანიური ხასიათისაა. მისი ამგვარი ხასიათი კი გულისხმობს რომ ის უნდა იყოს შედეგი მრავალ ხალხებთან დაუმსრულებელი შეხლა-შემოხლის. ასეთ ფიქრებს კი მივყავართ მცირე აზრის არქაულ ცივილიზაციასთან. ჩვენს დროში უკვე ბევრი რამ არის გამორკვეული ამ ცივილიზაციის შესახებ.

ის ვითარდებოდა ეგვიპტესთან პარალელურად და სულიერი კულტურის საქმოდ დაწინაურებული ფორმები შექმნა. პირველი კულტურა ეკუთვნისთ **სუმერებს**. ეს ის ხალხია, რომელთაც მის. წერეთელი უნათესავეებს ქართველებს. ინგლისელი შკელევეარი კლ. ვულე თავის გამოკვლევაში სუმერების შესახებ აღნიშნავს, რომ მაშინ, როდესაც მესოპოტამიაში სუმერთა კულტურა ჰყვავოდა, მათ ჩრდილოეთით და სამხრეთით ზაგროსის მთებში კავკასიური მონღოლის ხალხი ცხოვრობდაო. ფრანგი ისტორიკოსი დელაპორტიც ადასტურებს, რომ ქ. წ. მე-13-ე საუკუნეში მუსკები მთიან ადგილებში სცხოვრობდნო და სხ. რანაირიც არ უნდა იყოს ეს კვლევა-ძიება. ერთი რამ მაინც დადასტურებული ფაქტია, რომ ქართველი ტომები ოდესღაც სცხოვრობდნნ სწორედ იქ, სადაც შეიქმნა პირველი ცივილიზაცია. მაშასადამე, უკვე იმ დროიდან ქართველები არიან იმ ცივილიზაციის უდაო მატარებელნი. ქრ. წინ 40-30 საუკუნეებში მთელი მცირე აზია და იქ

1) R. H. Towner. La philosophie de la civilisation. t. I. p. 12

2) Ferrero. Les femas des Cosars ch. I.



მყოფი ხალხები ამ ცივილიზაციით სცხოვრობენ. 3000 წლებში ის უკვე გადადის ეგვიპტის კულტურებზე. 2000 წლებში მცირე აზიაში ჩნდებიან ხეთები და კიდევ შორს წაიღებენ ამ ცივილიზაციას. ამ დროს ეხსნება მას კარები და მიიმართება ბოსფორისა და კავკასიისაკენ. მამ ფაქტი ხდება ის გარემოება, რომ 2000 წლებში კავკასია ცივილიზაციის ადგილობრივი მცხოვრებლებით უკვე ნახიარებული იყო აღნიშნულ ცივილიზაციას.

გვგონია, რომ კავკასიაში შერჩენილი კულტურული საუბრე ნაყოფია ამ პირველი ცივილიზაციის, და რომელიც შემდეგმა ცივილიზაციებმა ველარ შეარყიეს, როგორც ქვემოთ ვხედავთ, ორი მიზეზის გამო. 1) რომ კავკასიის მთები მიუვალა იყო და 2) პირველი როგორც მისი ეროვნული შემოქმედების ნაყოფი, მისი დათრგუნვა სხვა ხალხთა და სხვა ინადაგზედ შექმნილ ცივილიზაციებისათვის ძნელი იყო.

კავკასიის ცივილიზაციის საფუძვლად არქაული ცივილიზაციის აღიარებას ადასტურებენ ყველა ფაქტები.

თუ ჩვენ დეტალურად განვიხილავთ კავკასიელთა წარმართული რელიგიის ნაშთებს, ვხედავთ რომ ისინი იშვიათის იგივეებით ხასიათდებიან სწორედ სუმერთა და მის მიმდებარე ხალხთა რელიგიებთან. როდესაც სემიტებმა მოახდინეს სუმერთა ასიმილიაცია, ბაბილონის კულტურა მთლიანად სუმერთა კულტურაზე აღმოცენდა. ბაბილონელებმა გადაიღეს მათი რელიგიის შინაარსიც. მათი პანთეონის მეორე ტრიადაში ვხედავთ სწორედ მნათობებს: სინ — მთვარე-ღმერთი, შამაშ — მზე-ღმერთი, იშთარ — ცდომელი ვენერა. საერთოდ მნათობთა რელიგია. დამახასიათებელია მთელი აღმოსავლეთისათვის. სუმერთა და ბაბილონელთა შემდეგ ის ვრცელდება ირანში. აქ მითია, მზის ღვთაებას წარმოადგენს. სხვათა შორის იგივე მნათობთა გაღმერთებას ვხედავთ ეგვიპტესა და შორეულ აღმოსავლეთშიც. იაპონიის შინჯოს რელიგიაში გაღმერთებულია მზე და წარმოდგენილია ქალღმერთად. მას ემორჩილება კაცობრივი მთვარე. ძველი ჩინეთის სარწმუნოებაშიც მზე პიროვნულ ღმერთს წარმოადგენს. ინდოეთში მითარა შეიქმნა სამართლის მთავრად. მისი ეს ფუნქცია დაცული იყო როგორც ბაბილონში ისე ირანში: ეგვიპტეში მთვარის და ცის ღმერთებზე ბატონობს მზის ღმერთი. ოზირისი, რომელიც შეერთებულია მზის ღმერთთან, ითვლება მოწყალედ და მოსამართლედ. რუსთაველიც სამართლის ღმერთად მუშათარს ასახელებს (იუპიტერი).

ზემო აღნიშნული ინგლისელი მეცნიერი დაასკვნის, რომ ყველა ანტიურ მოძღვრებებს, თვით დაბადებასაც საფუძველი სუმერებში აქვს 1) იუდაიზმმა ბევრი რამ მიიღო სუმერებიდან.

ხოლო ყველა ამას თუ შევადარებთ ქართული წარმართობის პანთეონს, დავრწმუნდებით, რომ ქართული წარმართული რელიგიისა და ცივილიზაციის სათავე სწორედ ამ პირველ ცივილიზაციაში იწყება. ქართველთა უძველესი რელიგია იყო იგივე, რაც სუმერების და მისი სული აღწევს რუსთაველსა და ვაჟა-ფშაველამდე.

კავკასური და სუმერთა ცივილიზაციების ნათესაობას უფრო ნათელჰყოფს მათი კანონმდებლობისა და ადათობრივი სამართლის დოკუმენტების შედარება.

ისე, როგორც ქართული, სუმერთა ცივილიზაცია მალა-ლი ჰუმანიურობით ხასიათდება. მათი კანონმდებლობა და ადათ-ჩვეულებები ამ მხრივ გაცილებით მაღლა იდგა ეგვიპტისაზე. როცა სუმერთა ნანგრევებზე ბაბილონის იმპერია აღმოცენდა. მათ გადმოიღეს ყველაფერი სუმერთაგან, მაგრამ დაამახინჯეს. გამოაცალეს მაღალი სული და შეიტანეს დაბალი მისწრაფებანი. ქამურაბის ცნობი-

ლი კანონების საფუძვლად სუმერთა კანონმდებლობა დედო. თვით მოსეს კანონებიც ხაწილობრივ სუმერთა კოდექსებზე იყო დამყარებული. მაგრამ ამ ევოლუციის დროს თავი იჩინა რასიულმა ხასიათმა. სუმერთა კანონმდებლობა სემიტების ხელში ეცემა ძირს. ეს სპეციალური საკითხია და არ შემოიძლია ფართოდ შეეჩერდე. საკმარისია თუნდაც ასეთი მაგალითის აღნიშვნა: ქამურაბის კანონებით მონას, რომელიც ბატონის უფლებებს დაარღვევდა, ყურსა სჭრიდენ. მაშინ როდესაც სუმერთა კანონით მას გაყიდდნენ 1) და სხ. აქ უკვე აშკარაა ორი რასის, სუმერთა და სემიტების განსხვავება. სუმერებს ახასიათებთ ჰუმანიური მისწრაფებანი, ადამიანის პატივისცემა, სიყვარულის გრძობის დაფასება და სხ. ხოლო სემიტების ხასიათი არის დაუნდობელი, ადამიანის ცხოველური დამფასებელი.

ქართული ადათ ჩვეულებების და კანონმდებლობის შედარებასაც სუმერთა კანონმდებლობის სულთან მიეყვართ.

ვახტანგ მე-VI კანონმდებლობის შედარება ევროპის და რუსეთის ფეოდალიზმის დროის კანონმდებლობასთან ანალოგიურ სურათს გვაძლევს.

მაშინ როდესაც ევროპასა და რუსეთში ყმის ღირებულება ნივთის ღირებულებამდე იყო დაყვანილი, ჩვენში პიროვნებას თავისი ადამიანური ღირებულება მინიჭებული ჰქონდა. აქ გლეხი მხოლოდ ქონებრივად არის დამოკიდებული ბატონთან, მას აქვს დამოუკიდებელი ადამიანური უფლებები, რაც ევროპაში არ არსებობდა.

ამგვარად ჩვენ გვგონია, რომ კავკასიონმა შეინარჩუნა პირველი არქაული ცივილიზაცია, რომელიც უდაოდ იყო მისი ეროვნული მონაპოვარი.

მან ის განასახიერა თავის რელიგიასა, ადათ-ჩვეულებასა და სამოქალაქო წყობაში. რამდენადაც ისტორიაში უკან დავიხვეთ, იმდენად მკაფიოდ ამოვიკითხავთ ამ სულს. მას განიცდის რუსთაველის დიდი ქმნილება და მე-12-ე საუკუნის სოციალურ-პოლიტიკური წყობილება.

ქართველი ერის დღევანდელი მდიდარი სულიერი კულტურა სწორედ იქით მიდის. ხოლო ვაჟა მისი ნამდვილი მოძღვარია, რათგან მთაში ეს სული შეურყენელად იყო დაცული. ჩვენი კულტურის ამ შორეულ და ღრმა საფუძველს ამტკიცებს ნიკო ფიროსმანიშვილის მოვლენაც. მართლაც სრულიად გაუნათებელი ადამიანი, მაგრამ როგორც მხატვარი „პრიმიტიული“ გენია. ეს არავის გაუკვირდება, რადგან აღნიშნულმა ცივილიზაციამ ქ-წინ 3000 წლებში კანონმდებლობასა და ხელოვნების სხვა დარგებთან, მოგვცა ისეთი გენიალური პოემა, როგორც არის „გილგამეში“...

ესტქვით ცოტა რამ ანტიურ და თანამედროვე ცივილიზაციათა გავლენაზე კავკასიაში.

პლატონი ერთ თავის დიალოგში (ეპინომის 987-ე) ამბობს, რომ ის რაც ჩვენ მივიღეთ ბარბაროსებისაგან, კარგად და მშვენიერად გარდაქმენითო. სინამდვილეშიც ბერძენთა კულტურა მცირე აზიის კულტურაზე აღმოცენდა, მაგრამ განვითარების მაღალ საფეხურს მიაღწია. როდესაც 1500 წლებში ქ. წინ ბერძნები შედიან დასავლეთის მხარეს. მათ იქ დახვდებოთ კრეტის და ხეთების კულტურა. რომელნიც კავშირში იყვნენ: ფინიკიასთან, ეგვიპტესთან, ლიდიასა და ფრიგიასთან. აზია გადასცემს რა ცივილიზაციის (ცეცხლს ელადას თვით პოლიტიკურ ანარქიაში შთაინთქმება. ასურთა იმპერიის დანგრევისა და აქემენიდების გამარჯვების შემდეგ იწყება ელადის კულტურის უკუღმა გაერცილება. სწორედ ამ ხანებში უნდა მომხდარიყო ელადის მცირე გაილენა დასავლეთ კავკასიის ხალხებზე. ამ დროს ბერძენი მწერლებიც ხშირად იხსენიებენ ჩერქეზთა ტომებს. უფრო ძლიერი გაილენა კი უნდა მოეხდინათ საქართველოს დასავლეთ ნაწილზე. ეს იყო ცნო-

1) იხ. აგრეთვე მ. წერეთლის შენიშვნები „გილგამეშიანის“ თარგმანში.

1) Cl. Wollag. Les Sumeriens. 1930. Paris.



ბილი ელინიზმის ხანა და ამ დროს აღმოსავლეთ საქართველოსა და როგორც მუა ისე აღმოსავლეთ კავკასიას, თავისი მიუდგომელი ბუნების წყალობით, ელინიზმის ტალღები უფრო ხაკლებად უწვდებოდნენ.

ელადის დეკადანსის შემდეგ რომს აღმოსავლეთისათვის ახალი არაფერი მიუცია და სულ მალე აღმოსავლეთის რომის ანუ ბიზანტიის იმპერიაში ისევ აღმოსავლური სული შეიჭრება. რომში პოლიტიკურ დაცემას დასწრო სულიერმა დეკადანსმა. აქ ადამიანი უკვე უკმაყოფილოა ძველი სულიერი კულტურით და ის ძიილტვის ირანული კულტურისაკენ, რომელიც სასანიდების ხელმძღვანელობით, ალექსანდრე მაკედონელის შემდეგ ფეხზე წამოდგება და დაიწყებს გავლენის მოხდენას დასავლეთზე. რომის დეკადანს და მის შემქმნელ ადამიანის სულიერ სიკაცლიერეს შეებრძოლება მითრას კულტი. მაგრამ ამ დროს მას უნდებდა ახალი მეტოქე, ჯერ ბუნდოვანი მოძღვრება, შობილი პალესტინაში. და როდესაც რომის საზოგადოება იდეოლოგიურად გამოიფიტა, რელიგიურ და მორალურ გრძობათაგან გაკორტრა, შეიქმნა ნიადაგი ახალი რელიგიისთვის. ქრისტიანობა, რომელიც მოდიოდა ნუგეშის სიტყვით, მაღალი ჰუმანიური მორალით, ადამიანთა შორის ძმობა-ერთობის, ხოლო ღვთის წინაშე თანასწორობის დოგმებით, და შეეფერებოდა დაცემის გზაზე შემდგარ რომის ფსიქოლოგიას, ადვილად გადაიქცა ბატონად ახალი საზოგადოების სულიერ-სამკვიდროთა.

ქრისტიანული ცივილიზაციის მეზარაზტრედ ბიზანტია გადაიქცა. ბიზანტიური ცივილიზაცია არ იყო ელინური, არც წმინდა აღმოსავლური, ის იყო ორივე ნარევი¹⁾. ქრისტიანიზმიც სწორედ ამ ორი ცივილიზაციის სინთეზში წარმოიშვა, ამიტომ ბიზანტიის ცივილიზაციის შეიძლება ეწოდოს ქრისტიანული ცივილიზაცია. ეს სული გამომჟღავნდა მის სამართალში, ადმინისტრაციაში, სამოქალაქო და სოციალურ წყობაში, აღზრდის სისტემასა და ადათჩვეულებებში.

ბიზანტიის კულტურის ნიადაგზე შეიქმნა ძლიერი ხელოვნება, რომელიც აგრეთვე შესდგებოდა სხვა და სხვა ელემენტებისაგან: ბერძნული, რომაული, არამეველთა, ირანული და სხ.

ვინაიდან საქართველომ მიიღო ქრისტიანობა, ცხადია, აღნიშნული სინთეტიური ცივილიზაციის გავლენა უნდა განეცადა მასაც. მაგრამ საქმე იმაშია, რომ ქრისტიანული ცივილიზაციის ის ელემენტები, რომელნიც მორალს შეეხებიან, ქართველებისათვის არ იყვენ უცხონი. ის ქრისტიანობამ აღმოსავლეთიდან მიიღო, ხოლო ქართველობის მას ადრე იყვენ ნაზიარები. წმიდა დასავლურმა ელემენტმა საქარველოში ფეხი ვერ მოიკიდა. საქართველოსთვის უცხო იყო ქრისტიანიზმის ის გავება, რაც დასავლეთ ევროპაში განვითარდა. ქართველ ხალხში ქრისტიანობამ საიქიოს იდეალის გვერდით შემოინახა სააქიო ცხოვრების იდეალი და ჩვენში ყველა დიდი მეუღაბნოენი იმავე დროს მხედრები და ქვეყნის საზოგადო მოღვაწენიც იყვენ. ევროპა ბრმად დაიმორჩილა ქრისტიანობამ და საუკუნეების განმავლობაში გაბრუებული ატარა. ჩვენში, პირიქით, ის ეროვნული კულტურის ბერკეტად გადაიქცა და ჩვენი ისტორიის განსაკუთრებული პირობების წყალობით დიდი პოლიტიკური როლიც აღასრულა. აი რატომ იცავდა ქართველი ერი ქრისტეს სარწმუნოებას. ჩვენს ისტორიას არ ახსოვს მწვალებლობა. არც ასკეტისმმა მიიღო გავრცელებული სახე. ქართველი ბერ-მონაზონების მთელი ასკეტობა სამწერლო და აღმშენებლობით მუშაობაში გამოიხატებოდა. ასეთი იყო საერთო ხასიათი ქრისტიანობისა ჩვენში. კერძოდ მთაში, როგორც ქართველებში, ისე ჩვენს მონათესავე მთიულებში, თუმცა ის გავრცელდა, მაგრამ მან მხოლოდ გარეგნული სახე მიიღო და ხშირად მხოლოდ სახელებით შესცვალა წარმართულ ღმერთ-

თა სახელები. შინაარსით აქ რელიგია იგივე დარჩა, ხოლო მთიული უფრო წარმართად ვიდრე ქრისტიანედ. ამგვარად ამ ახალი ცივილიზაციის ტალღამაც დიდი ცვლილება ვერ შეიტანა მთის ხალხში.

ვაჟას მთამ ასევე უარი შეუთვალა ევროპის ახალ ცივილიზაციას და ძისგან თავი შორს დაიჭირა.

საჭირო იყო მაღალი თანამედროვე ტექნიკა, რომლის წყალობით ადამიანი გადავიხდებოდა იალბუზის მწვერვალებს. საჭირო იყო დღევანდელი გართულებული და განვითარებული მიმოსვლის საშუალებანი, რომ ადამიანი ამ სიძველეთა მუზეუმშიც შეჭრილიყო და დაერღვია იქ მყოფთა სულიერი ძყუდროება...

მცირე აზიის არქაულმა ცივილიზაციამ ვერ შექმნა აზროვნების და ხელოვნების ის მაღალი ფორმები, რაც შემდეგ საბერძნეთში გაიფურჩქნება.

ამ ცივილიზაციამ ვერ მოგვცა ისეთი ტექნიკა, რამაც თანამედროვე კაცობრიობა მთლიანად გარდაქმნა, შექმნა მატერიის კულტი და ადამიანთა მაღალი სულიერი სამყარო ნივთს დაუმორჩილა.

მაგრამ პირველმა შექმნა სხვა რამ. რაც ვერც ბერძენთა და ვერც ევროპულმა ცივილიზაციებმა ვერ განავითარეს, აქ ის ფილოსოფიას და ლიტერატურას ვერ გასცილდა.

თავისებური გაგება ადამიანის დანიშნულების: ადამიანთა ურთიერთობა, ოჯახი, სიყვარული, ტრადიციები; სოციალური, სამოქალაქო და ოჯახური მორალი. ყველა ეს სათავეები ადამიანთა სულიერი და ზნეობრივი კულტურის აღმოსავლეთის ცივილიზაციამ მარტო თხზულებებში კი არ აღწუსა, არამედ ადამიანთა სულში ჩასდო და მათი ცხოვრების დაურღვეველ კანონად აქცია.

სულიერი და ზნეობრივი კულტურის ეს მწვერვალები კავკასიის მთამ შეინახა შეუღაზავად თავის მიუვალ ხევეებსა და უღრან ტყეებში. მთიულის სულიც მისი ქვეყნის ბუნებასათვის მიუვალი აღმოჩნდა. და როდესაც ახალ ცივილიზაციათა ტალღები საუკუნეთა განმავლობაში ეხეთქებოდნენ ხოლმე მის კალთებს, კავკასიონის მყინვარი გული მათ არ იღებდა და უკანვე ერეკებოდა.

ასეთ სინამდვილეში სცხოვრობდა ვაჟა-ფშაველა და მისი შემოქმედების სათავედაც ის გადაიქცა. ვაჟამ მთელი თავისი ტიტანიური შესაძლებლობით გადმოგვცა ამ ცივილიზაციის სული. იმ იდეებს, რომლითაც ათასეულ წელთა განმავლობაში სცხოვრობდნენ ჩვენი წინაპრები და რომელთა ნაშთიც მთაში შემოინახა, ვაჟამ ხორცი შეასხა და უსვდავი სული ჩაუდგა.

ვაჟა უარპყოფს თანამედროვე ტექნიკურ ცივილიზაციას. აქ ის ყველაფერში ხელოვნურს და ნაცოდვილარს ხედავს. ცოდვილს და გარყენილს. ამ გზით ბუნებასთან მისვლა ვაჟას რაღაც ცოდვად მიაჩნია. ასეთი გაგების გამო იყო, რომ მას ველური უწოდეს. მაგრამ აი ვაჟა რას უპასუხებს:

„ზოგებს არ მოსწონთ, მართალი არის, ჩემი სტვირისა ველური ყღერა. იმათ იყბედონ, სხვებს ხომ მანცა ჩემი ანდერძი გულს დაეწერა... — ყველა ის მიყვარს, სადაც სიბრიყვემ სწავლის სახელით არ მიაღწია, და ბუნებრივი წმინდა ქმნილება ცოდვილის ხელით არ მიაღწია.

როცა ვაჟა უარპყოფს მას, ამისათვის აქვს თავისი ფილოსოფიური შეხედულება. ვაჟას გაგებით ამ ქვეყნად ყურადღების ცენტრში ადამიანი სდგას. რაც ადამიანის ამღვლებას ემსახურება ის არის მისთვის პროგრესი, ხოლო რაც მის „ბუნებრივ წმიდა ქმნილებას“ „ცოდვილის ხელით“ შეეხება, ის ვაჟას სიბრიყვედ მიაჩნია. ვაჟა ხედავს, რომ თანამედროვე ცივილიზაციამ პირველი მიზანი, ადამიანი, მოსპო. ის დაუმორჩილა მის მიერვე მოგონილ მანქანას და მის მონად აქცია. არქაული ცივილიზაციით

1) St. Runciman. La sivilisation byz. Paris. 1934.

ადამიანი მბრძანებელია ყველაფრის, ახლა კი მან ეს პრივილეგია დაჰკარგა. ადამიანის ხანგრძლივი ბრძოლა არსებობისათვის მიძარბულია ბუნების გამოყენების და მის ძალთა დამორჩილებისაკენ. ახალმა ცივილიზაციამ ამ მხრივ ყველაზე დიდი ნაბიჯი გადადგა. ის დაეუფლა ზღვას, ხმელეთს, და ჰაერს. დღევანდელი ადამიანი ქარავნის მაგიერ თვითმფრინავით დაფრინავს და საერთოდ პროგრესი თავბრუსხვევით სისწრაფით მიდის წინ. მან შეაშოკლა დრო და სივრცე. ამან ადამიანის ფსიქიკაშიც გარდატეხა მოახდინა და ის მის და უნებურად ივიწყებს თავის თავს. ამ ცივილიზაციამ თავის და შეუმჩნევლად მთელ ბუნებასთან ერთად ადამიანიც დაიმორჩილა. და ვაჟა სწორედ ამ უდიდეს ცოდვას, ებრძვის. ადამიანს კი, რომელიც ვახდა მსხვერპლი ამ „სიბრყველთა“, რომელმაც დაჰკარგა ის სულიერი სიმდიდრე, რაც წინადა ჰქონდა, საბრალო თვალთ დასცერის და ნაღვლიანად ეკითხება:

რა უყავ კაცო, რა უყავ
ის შენი დიდი ქონება:
სული წრფელი და მდიდარი,
ნათელ მოსილი გონება?

ვაჟს შემოქმედებაში იბრძვის ამ ორი ცივილიზაციის ორგვარი დასაბამი სულიერი და მატერიალური. ბრძოლა ხშირად უკიდურეს წერტილამდე ვითარდება. ახალი ცივილიზაცია დაუნდობლად ებრძვის პირველს. ხშირად მისი ძალის პირველობაც ცხადდება, მაგრამ მთის სულის წინაშე ბოლოს ის მაინც მარცხდება; მარცხდება, მაგრამ გამარჯვებულს ხშირად ის სიცოცხლის ფასად უჯდება.

ვაჟა თავის შემოქმედებაში იშვიათის დრამატიზმით გადმოგვცემს ბრძოლას ამ ორი დასაბამის შორის. ხშირად ახალი იდეები რევოლუციონური გამბედაობით ებრძვიან ძველ ტრადიციებს და აქ ვაჟაც იძულებულია ქედი მოიხაროს, მაგრამ დათმობით ის მაინც არ უთმობს. ის არჩევს თავისი საყვარელი გმირები სამშობლოდან ვანდევენს, თავი მოაკვლევინოს, ოღონდ თემის წმიდათა წმიდა ნუ შეირყვნება. ოღონდ სჯული უცვლელი დარჩეს.

ამის მშვენიერ ნიმუშს წარმოადგენს გოგოთურ და აფშინა. გმირი გოგოთურ სწუხს დიდად, რომ ომის აღარფერი ისმის. ის მოწყენილია უმოქმედოთ. ცოლი კი შეურბნდა და აქეზებს, რომ ნივთიერ ცხოვრებაზე იფიქროს:

მე იმას ვამბობ ბეჩავო,
სახლისადა ხარ ურგები
რა სარჩოდ გამოვადგება,
თათრების დაჭრილ ზურგები?
ლაშქრობით რა მოგიტანავ
ტანზე წყლულების მეტია?
მარტო სახელი რას გიხამს
თუ სარჩოც არა ჰხვეტია.

დალონდა მეტად გოგოთურ და პირობა მისცა ცოლს სურვილის ასრულების. და როდესაც საყაჩაღოდ გასული, შემთხვევით, ცნობილ ყაჩაღს აფშინას გადაეყრება, მას ავიწყდება მისი ვასვლის მიზანი და სწორედ მის წინააღმდეგ, აფშინას მოუსპობს ყაჩაღობის სურვილს. არამც თუ თვით ვერ შეუერთდა მატერიალურ ქვეყანას, სხვაც ააცდინა მას. აქ ვაჟამ განგებ შეახვედრა მას აფშინა, რათა მისი გამარჯვება გამოეცხადებინა. ვაჟამ გოგოთურის ეს გამარჯვება იქამდე აღამალა, რომ განთქმულ ყაჩაღს აფშინას აგრძნობინა მისი შეცდომა. და ეს გრძნობა ისე იყო ძლიერი, რომ აფშინა ამის შემდეგ სახლში ჩაიკეტება და სირცხვილით კარშიც ველარ გამოდიოდა. თემში კი ლეგენდა დადის, თითქოს სოფელ ბლოში დამლაშობით მოისმოდეს სევდა აფშინასი:

ამბობენ ქვითინი მოდის
ლამ ლამ ბლოს თავით კაცისა:
„ვაჰ, მკვდარო ვაჟაკობაო,
ცოცხლად დამარხავ თავისა!“

ძველი ტრადიციისა და ახალი მორალის შორის ბრძოლა განსაკუთრებით ძახვილ სახეს იღებს ალუდა ქეთელაურში. აქ ვაჟამ უკიდურეს ძლიერდომამდე განავითარა ახალი მორალის პოზიცია. მაგალითისათვისაც მეტად ჰუმანიური მოვლენა აირჩია, ისეთი, როდესაც პოეტს შეეძლო სწორედ ახალი მორალი გაემართლებინა, მაგრამ ამის მატარებელმა გმირმა ცოცხალი თავი არ დაუთმო, ხოლო თემის წინაშე ის მაინც დაამარცხა.

ქეთელაური ჰკლავს მტერს მუცალს. ჰკლავს ტრადიციას და მას მარჯვენა მკლავს არა სჭრის:

იტყოდა „ცოდვა არიო;
ვაჟაკო ჩემგან მოკლულო
ღმერთმა გაცხონოს მკვდარიო,
მკლავზედაც გებას მარჯვენა
შენზედ ალალი არიო.
შენ ხელ შენ გულზედ დამიწდეს,
ნუმც ხარობას ქავის კარო,
კარგი გყოლია გამდელი
ღმერთმ გიდღეგრძელოს გვარიო“.

მაგრამ თემმა არ მიიღო ალუდას ასეთი საქციელი, და ზურგი აქციეს ალუდას პირითა ჯავრიანითა ალუდას აუგს იტყოდენ სიტყვითა შხამიანითა.

ჩვეულება რჯულზედ უმტკიცესიაო, ამბობს ქართული სიბრძნე. თემიც დაუნდობლად მოექცა ალუდას. უკანასკნელი პროტესტს უცხადებს. არჩეული სულის უკანასკნელი და უდიდესი გმირე მაინც მინდია. მინდია უკვე ფილოსოფიურ ახსნას აძლევს მსოფლიოს. ამ მხრივ მინდიას ტრადედია, იგივე ვაჟს ტრადედია. მინდია 12 წელს ტყვედ იყო დევნებში. მოსწყინდა. თავის მოკვლის მიზნით გველის ხორცი სჭამა, მაგრამ უტბად ის მისნად იქცა, ბრძნად. მას ყველაფერი ესმის ცოცხალი და არა ცოცხალი სამყაროს, ის ხედავს რომ

რაც კი რამ დაუბადია
უფალს სულიერ უსულო
ყველასა თურმე ენა აქვს
არა ყოფილა ურჯულო.

მაგრამ მინდიას ეს სიბრძნე შემურდდება ახალ ქვეყანას. ის ცოლს ირთავს, ის ჩაითრია მატერიალურმა ცხოვრებამ და მასთან ერთად მან დაჰკარგა თავისი მადლი, ბუნების მიერ მიმადლებული ნიჭი. ის ჰკარგავს იმ ძალას, რითაც მთელ სამყაროსთან უშუალო კავშირში იყო.

მინდია სიმბოლიურად ძველი ქვეყანაა, მისი მისნობა ეს ძველი ცივილიზაციის სულია — ვაჟას რელიგია. ახალი ცივილიზაცია მას ამარცხებს და მასში ნივთი სულსა ჰკლავს. მაგრამ ვაჟამ არც ახლა დათმობინა მინდიას და ის განდევნილი ბუნების მიერ თავს იკლავს. ჰჭრება მისი ინდივიდუალობა და მას თან მიყვება ვაჟას ნაღველიც.

ჩვენს მიერ წარმოდგენილი კონცეპციით მკაფიოდ ირკვევა ვაჟას შემოქმედების ხასიათი. მისი პოეზიის პრიმიტიული სახე, ხოლო მასში მალალი კულტურის გადმოცემა. ვაჟას მალალი მორალურ ფილოსოფიური სისტემა, რომელიც ბევრისათვის დღესაც რაღაც ამოუცნობ სფინქსად აღიმართება. რომ ვაჟა უკულტურო კი არა, მას გაცილებით ღრმად აქვს შეცნობილი ყველა კულტურათა სული და ის გარკვეულ სიცხადით აღიარებს ცივილიზაციათა ერთი ქვეყნის უპირატესობას მეორესთან.

ვაჟას დაფასება ეროვნული კულტურის თვალსაზრისით ერთი კალმის მოსმით არ შეიძლება. აქ ნაჩვენებია მთავარი ნაწილები მხოლოდ აღმავალი წერტილებია მისი დაფასებისათვის. ვაჟამ ქართულ ეროვნულ აზროვნებასა და მსოფლმხედველობას დიდი დიდი დააჩნია. აქაც ის ეროვნულ ტრადიციას მიყვება.

თარგმანი

მრავალთაგან აქ სანიმუშოდ ერთ ფაქტორს შეგვხვებით, რომელიც ვაჟამ ქართული სულის კანკაზე ეროვნული კულტურის ძაფით ამოქარავს. ეს არის ვაჟას პატრიოტიზმი. უწინარეს ყოვლისა უნდა აღვნიშნოთ, რომ ქართულ პატრიოტიზმს დაახასიათებს ბრძოლის კულტი ისე, როგორც არსად.

ქართველი ერის მრავალ ათასწლოვანი ისტორია, არის განუწყვეტელი ბრძოლების ისტორია. ბრძოლა ქართველი ერისთვის სრულიად ნორმალურ მოვლენად იქცა. და საუკუნეთა განმავლობაში მის მიმართ ქართველში თავისებური ფსიქიკა შეიქმნა.

ალბად არც ერთი თაობა არ მოსწრებია საქართველოში მუდმივ მშვიდობას. ამიტომ ბუნებრივია, რომ ქართველ ხალხის წარმოდგენაში ბრძოლას მიეღო ისეთივე აუცილებელი პირობითი ადგილი, როგორც სმა-ქამა. ის იყო მისი ხსნის და დღეგრძელობის ერთად ერთი ფაქტორიც. მაშასადამე ხალხის ადამ-ჩვეულებებში, ტრადიციებში და თვით კანონმდებლობაშიც ბრძოლის კულტის ფაქტი უნდა გამოჰქადაგებულყო. მეტბრძოლის და გმირის სახელი ჩვენში ყველაზე მალა იდგა. მას ყველა შესტრფოდა. გმირულად მოკლულის გვამს ქალწულნი დაიტირებდნენ ხოლმე. მის თავგადასავალს მოხუცნი, როგორც ზღაპარს ისე გადასცემდნენ მოზარდ თაობებს. დედები აკვანში ჩამღეროდნენ ყრმას და მას გმირულ სულს აღუზრდიდნენ.

ეს ფაქტორი ჩვენი ეროვნული კულტურის წიაღში საპატიო ალაგს იკავებს და ვაჟას შემოქმედებასაც ქვაკუთხედად დაედო. ვაჟას აზრით გმირი უნდა იყოს ისეთი, რომ

„წყლოლი სენას დედის კოცნადა,
თავის ლოვინად — სამარი,
საკაცე თავის ლურჯადა
ქვა-ლოლი — ნაბად-საფარი ...
სულეთს შავიდეს ხმლიანი
ლალი ლალისა ცხენითა ...
ქება უყივლონ გმირებმა
გადასულეებმა ჩვენითა.
ერეკლემ ხელი მაჭვიოს
დაისვას თავის გვერდითა,
გამოეგებოს თამარი,
მცინარი თავის ფეხითა ...

ეს მოვლენა ჩვენს ცხოვრებაში ისე ღრმად იყო ფეხმოკიდებული რომ ის ოჯახსა და აღზრდის საქმეშიც დიდ როლს ადასრულებდა. ვაჟას მოხუცი ამბობს („მოხუცის ნაამბობი“)

ჩემს დროსა ქალი ვაჟაკსა
შეიყვარებდა მაშინა,
როცა ჰხედავდა მეტბრძოლსა
შეუპოვრად მტრის წინა.

როცა კითხულობთ ვაჟას პატრიოტულ და საგმირო პოეზიას, რაღაც ზებუნებრივი გრძნობები გიპყრობთ. გაეიწყლებათ ღუბჭირი და შერყვნილი თანამედროვე სინამდვილე და ჩვენს წინ ხედავთ მის განყენებულ იდეებს ხორც შესხმულად მოვლენილთ.

ვაჟას შინაგანი ცხოვრება, არის ხილვა მრავალ ათასწლოვან წელთა მანძილზე, მის წინაპართა მიერ განვლილი ცხოვრებისა. სადაც ის ხედავს მუდმივ შფოთს, შეუზღებლობას, ბრძოლას მამულისათვის. ამგვარი სინამდვილე მასში რაღაც განსაკუთრებულ სულიერ გარინდებს იწვევს. ვაჟა არ იცივის. არც სტირის. მისი სული რაღაც ამოუცნობი კონტრასტებით არის დაღარული. მისი სიხარულის ციხე-კოშკის გვერდით სევდისა და მწუხარების ნაკადულები მოსჩქეფენ. მის დარდი-მანდობასა და ღრეობას ნაღველი და მელანქოლია ამკობენ. ყველა ეს კი განსახიერებაა ჩვენი ეროვნული ფსიქოლოგიის. ის ქართველი ერის სიხარულსა და საუკუნეებრივ ტანჯვას ერთ წუთსა და ერთ წერტილში განიცდის და ძარღვთა ტიტა-

ნიური დაჭიმულობით შეჰკლმუვის მალა ღმერთსა და ძირს. დედა-მიწას იმ უსამართლობას, რის მსხვერპლიც გამხდარა მისი სამშობლო. მისი ყვირილი იქამდე ძლიერი და მრისხანია, რომ მისწინაშე ძრწოიან ბუნების ძაღნი. მის სულიერ განწყობილებას ეხმაურება მთელი მიწიერი და ზეციური სამყარო.

სიზმრად და ცხადად მას ევლინებოდა განგების ძალნი და გამარჯვებას უწინასწარ მეტყველებენ. ბუნების მრისხანე სტიქიონი მის ბრძანებას ემორჩილება. როცა პოეტი ბრძოლის გრიგალში ებმის, იწყება გრგვინვა და ქუხილი. როცა ის იჭრება მტრის განხურებული ტყვიით, ლაყვარდოვანი ცა ღრუბლებით იხურება და მის დაჭრილ სხეულს ბნელი ნისლების საბანი გადაეხურება.

ერის და ქვეყნის ტანჯვა ვაჟამ ბუნებასაც განაცდევინა. ადამიანი მან შეიყვანა ბუნების უნივერსალობაში და მისი არსებობა საერთო კოსმიურ ჰარმონიას შეუთანხმა.

ამიტომ ადამიანის სიხარული და მწუხარება გამოძახილს ჰპოებს ბუნებაშიც. და როდესაც საზოგადოება ველარ ჰპატრონობს ქვეყნის დიდებას, ის ბუნებას შეეხიზნება:

„ოცნება ტანჯულ ქვეყნისა
ქვითინებს მთისა წვერზედა“.

მთა და დარჩენია, რომელიც მის გამოუთქმელ დუმილში ატარებს ღრმა ფიქრებს და ეს ფიქრები არიან სამშობლოს ფიქრები

„ნისლი ფიქრია მთებისაო“ ...

მთის პატარა ქუჩი გაკვირვებული დასცქერის ირგვლივ არე მარეს. ამ დროს ყველა „რალაცას ფიქრობენ, უსაზღვროა მათი ფიქრი, გამოუცნობელი იმათი გულის წადილი და რაც ამას ვუტყერი „მეც ესტირი მაშინო“.

ვაჟასთვის სამშობლოს იდეალი არის უკვდავი, მარადიული. რომელიც საუკუნეთა მანძილზე გაივლის მრავალ თაობათა რგოლებს, მრავალს მსხვერპლად შეიწირავს და ასე განაგრძობს არსებობას. ამიტომ უკვდავების მიზნით გაღებულ მსხვერპლიც უკვდავია. ეს შესაწირავი ვაჟასათვის ისეთივე წმიდაა, როგორც მსხვერპლი ღმერთთა წინაშე შეწირული:

მწამს მარად მი ძებია
მუდმივ სიკოცხლე სულისა,
კარგისა ქვეყნის მოყვარის
ქვეყნის ბედსაგან წყლოლისა;
მრწამს ფერფლსი კარგის გულისა,
ქარმ რომ გაჰფანტოს ველადა
თითოში მაინც ენთება
ტიალ სურვილი ცხელადა ...

ვაჟასათვის სამშობლოსთვის თავდადება უკვდავებაა. აქ ის გვევლინება ქართული სულის და კულტურის უდიდეს მოგვად. რადგან ქართველებს რომ თავდადების მსგავსი გაგება არა ჰქონებოდათ, ვინ იცის აქამდე სად იქნებოდა გაბნეული ჩვენი ფერფლი! ამ მხრივაც ვაჟა გაგრძელებდა დიდი რუსთაველის ტრადიციის. რუსთაველიც გვეტყობდა, რომ სამშობლოსთვის შეწირულთა სულები ზეცად რბიანო.

ვაჟა გრძნობს, რომ ჩვენი ერის არსებობას მის თავდადებას და ძლიერ პატრიოტიზმს უნდა ვუმაღლოდეთ. ამიტომ მტრის წინააღმდეგ ბრძოლა, ბრძოლა დაუზოგელი მისთვის კანონია:

მტრისათვის მტრობა უზომოა
წესია ჩვენის მიწისაო.

მაგრამ ვაჟას პატრიოტიზმი. არ ჰგავს არც ძველი ბერძნების და არც თანამედროვე ევროპელების პატრიოტიზმს. ბერძენთა პატრიოტიზმი სხვის სიძულვილზე იყო აღმოცენებული. პრაქტიკულად ვერც ევროპა გასცილდა ამას. ვაჟა კი აქაც ძველი აზიის სულის მემკვიდრეა, ქარ-



თული ჰუმანიური კულტურის შვილი. მისი პატრიოტიზმი მხოლოდ თავის თავის საყვარულსა და თავდაცვის აუცილებლობაზე აღმოცენებული. ის ასევე პატივს სცემს სხვათა პატრიოტულ გრძობას, ოღონდ მას ხელი არ შეუშალონ:

სამშობლოს არვის წაკართმევთ,
ჩვენც ნურვინ შეგვეცილება
თორემ ისეთ დღეს დავაყრით
მკვდარსაც კი გაეცინება...

ვაჟა სამშობლოში არავის ეცილება, ხოლო ვინც მას შეედავება, ის დაუნდობელია, ამისთვის მთლად გაწყდება და სამშობლოს სხვას არ დაუთმობს. ასე უნდა იყოს აღზრდილი მთელი ერი. ცოლი უნდა ამყობდეს ქმრის თავგანწირულებით, დედას უნდა ახარებდეს სამშობლოსათვის შვილის დაღუპვა. აი, რას ამბობს შეიდი ვაჟის პატრონი, დედა სანათა: („ბახტრიონი“)

შეიდი გავზარდე ვაჟკაცი
თითო ლომისა დარია.
შეიდნივ გამიწყდა ერთ დღესა,
მამაც იმათთან მკვდარია.
ხოშარის გორზედ დავმარხენ
თავზე დასტირის ქარია.
ორ კვირას საფლავებ ვსთხარე
იმათ თავშესაფარია...

და ამის შემდეგ საწყალი დედა მაინც მტრის დამარცხებას შეჰხარის და დასძენს, ოღონდ ეს მოხდეს:

ჭრელს ჩაეციომდი კაბასაო.

სამშობლოსათვის თავდადების გრძნობები ვაჟამ უმაღლეს მწერვალებამდე განავითარა. ამ მხრივ შეუდარებელი არიან ბახტრიონის ლელა, კვირია, ზეზვა, ლუხუმი. ვაჟასთვის

სამშობლოსათვის მამაცი
არის მადლი და დიდება.

ვაჟამ ეროვნული იდეალი არა მარტო აღამაღლა, სხვა ყველაფერი, ყოველივე ძვირფასი მას დაუმორჩილა. სიყვარულიც, რჯულიც, ადათიც, ტრადიციაც. ვაჟა აქაც შეუდარებელი მებაირახტრეა ჩვენი ტრადიციული პატრიოტიზმისა. ამ მხრივ დრამატიზმით არის აღსავეს პოემა სტუმართ-მასპინძელი.)

ქისტი ჯოყოლა გადაეყრება ხევსურ ზვიადაურს, მოსისხლე მტერს მისი თემისა და საკუთარი ძმის მკვლელს. ქისტი ვერ იცნობს ზვიადაურს. მიიპატიჟებს სტუმრად და ძმად გაეფიცება.

თემი შეიტყობს მოსისხლე მტრის სტუმრობას და მიეჭრება ჯოყოლას. უკანასკნელი კი უპასუხებს:

დღეს სტუმარია ეგ ჩემი
თუნდ ზღვა ემართოს სისხლისა
მითაც მე ვერ ვულალატებ,
ვფიცავ ღმერთს ქმნილი იმისა.

ქისტები მაინც მიუხტენ, წაართვეს ჯოყოლას სტუმარი და მოჰკლეს. ზვიადაური დამარხეს და მისი საფლავი დასტოვეს ეულად. ვაჟა ასე გადმოგვცემს მის გლოვას:

სიკვდილსა გლოვა უხდება
მკვდარს ძმას-ტირილი დისაო.
ტყეს ხარი ირმის ნაფრენი
ზოგ დროს ყმული მგლისაო.
ვაჟკაცსა ომში სიკვდილი,
ხელში ნატეხი ხმლისაო,
ომს-ლხინი გამარჯვებულთა
და დამარცხება მტრისაო.
ზვიადაურსა გლოვობდა
შფოთვა და ბორგვა წყლისაო,

1) იგივე იდეალია გამოხატული მეორე პოემაში „სისხლის აღება“, სადაც სტუმართ-მოყვარეობის ტრადიცია ხდება მსხვერპლი სისხლის აღებისა, რადგან უკანასკნელი ეხებოდა სათემო ინტერესებს.

ნიადავ ჩამონადენი
ოხვრა მალალის მთისაო.
ცრემლი ნისლების ჯარისა
ნაბრძანებია ღვთისაო.

ბუნების ამ საზარელ გლოვას შეუერთდება მხოლოდ ჯოყოლას ცოლის, ალაზას გულსაკლავი მოთქმა. როდესაც ტყეს ბნელი მოიცავს, ის გაეპარება სახლითან ქმარს, მივა ზვიადაურის საფლავთან და უწყნოდ მოკლულ სტუმარს ღრმად დაიტრებს. შემდეგ სახეზე სამსწერს შეაჭრის, შეახვევს ჩიქილის ყურში და სახსოვრად წამოიღებს... მაგრამ საზარელი ამბავი ხდება ამ დროს. ალაზამ რომ ქისტების მოსისხლე მტერი დაიტრია, განრისხდენ ქისტის მკვდრები და უცბად მას საფლავებიდან საშინელი ხმა შემოესმა:

„რას შერები უნამუსოვო“
„მალალი ღმერთი გრისხავდეს“
გამწარებულნი ჩიოდენ, —
სამართი შემოჰჭიოდენ.

როდესაც ალაზა სახლისაკენ გაეშურება, გზაშიც მთელი ბუნება იღვიძებს და მას სასტიკ პროტესტს უცხადებს:

„უნამუსოვო“ მისძახდენ
ტან დაწყებილი დეკანი
ბალახნი, ქვანი ქვიშანი
იმ არე მარეს მდებარნი.

თვით ალაზას ძმა, ზვიადაურის ხელით მკვდარი, მიჰკივის დას:

ვაჰ, დაო, დაო რა მიყავ?
რისხვა რად დამეც მედგარი?
მეორე საფლავში ჩამდე
ერთს სამარეში მდებარე.

ალაზა კი ვერ ურიგდება გმირის სიკვდილს, თუმცა ხმა ისევ ესმის მკვდრებისა მანს ბანს აძლევენ სხვანიცა სამღურავს ეუბნებიან ალაზას გიშრის თმანიცა.

ასე მედგრად იცავენ ვაჟას გმირები სტუმართ მასპინძლობის წესს და ვაჟა მათ არა ნაკლებ თანაუგრძნობს, მაგრამ თემის ინტერესი უფრო მალალია და ეს წესიც მას მსხვერპლად უნდა შეწიროს. წესის დამცველნი მას ბოლომდე იცავენ და თვითონაც მსხვერპლად ეწირებიან. და როდესაც ჯოყოლა განმარტებულ ბრძოლაში განგებ თავს შეაკლავს მტრებს, სტუმრისა და ქმრის დამტირებელი ალაზა მდინარეში შთაინთქმება და დაიღუპება. ხოლო იქ, სადაც ჯოყოლა მოჰკლეს ღამ-ღამე თურმე ხალხს ასეთი სურათი ელანდება:

კლდის თავს წადგება ჯოყოლა
სასაფლაოსკენ იძახებს:
„ზვიადაურო, ძმობილო
რად არ მაჩვენებ შენს-სახეს?“
სასაფლაოდან წამოვა
აჩრდილი ფარხმალისანი,
გულზე უწყვია დაკრეფით
მკლავები სამკლავიანი.
მივა და მიესალმება
თავის ძმობილსა მღუმარედ.
იქვე ალაზაც ამოდის
სახე მოწყენით მწუხარეთ.
ენთება ცეცხლი მათ გგვრდით,
მკრთალადა ბეუტავს მთაზედა,
იმათ ჰმასპინძლობს ალაზა,
ჯიხვის მწვადს უწყავს აღზედა.
ვაჟკაცობისას ამბობენ,
ერთ ურთის დანდობისასა
სტუმარ მასპინძლის წესხედა
ცნობას და და-ძმობისასა,
როცა მათ ხედავს ერთადა
კაცი ვერ ძლება ცქერითა...

როგორც ალუდა ქეთულაურში, სტუმართ მასპინძლობას და ძმად ნაფიცობას წესი სასტიკად იქნა დაცული. აქაც საბოლოოდ წესის დამცველთ საერთო ინტერესის წინაშე ქედი მოახრევეინა და აღახასაც შემდეგი ათქმევინა:

„მე უფრო დიდი ცოდვა მაქვს უცხოთვისი ცრემლი ვღვარია“.

აქ მინდა წერტილი დავსვა, რადგან ვაჟას პატრიოტული შემოქმედების ზღვა ამოუწყობელია და მის დამახასიათებლად ეს ორიოდვე მაგალითიც საკმარისია.

აქედან ირკვევა, რომ ვაჟა ეროვნული იდეის ქვეყანაში ცალკე ბილიკებით არ შედის. მისი შემოქმედების ეს დიდი შარა გამოდის მისი რწმენის კოსმოსისაგან, მისი ბუნებითი რელიგიის სამყაროდან, მისი უნივერსალობის კონცეპციიდან და საამაყოა, რომ ეს გაგება მოგვცა ქართველის ერის შეილმა, იმ ერის რომლის არსებობის გზა იყო ყველაზედ გრძელი და სუსხიანი. იმას რასაც მრავალი ფილოსოფოსები და სოციოლოგები უმსხვერპლია, რაზეც ახლაც მრავალი თავები ხმებენ, ვაჟამ თავისი ღრმა ინტუიციით ქართველი ერის სისხლიან მკერდზედ ამოი-

კითხა და ნაღვლიანის სიძღვრით გადმოგვცა, აძენდად ვაჟა სრულყოფილი ქართული სულისა და ქართული კულტურის, რუსთაველის შემდეგ ქართული სული შვიდი საუკუნე ბორგავდა, ცხრაკლიტურში გამოაწყვედულბ. და ბოლოს

სადაც დიდებულს მთასა მყინვარსა ორზნი არწიენი ვერ შეხებინა,

სადაც მიუვალი ბუნება მტარგალთა შემუსვრისაგან იფარავდა მას, მხოლოდ აქ იფეთქა და ვაჟა-ფშაველას სახით ქართულმა ცხოვრებამ მეორედ იხილა მისი დიდი წინასწარმეტყველი და ეროვნული კულტურის ქურუმი.

ვაჟა-ფშაველა ქართველი ერის დიდება და სიამაყეა, მისი შემოქმედება ქართული სულის კოცონია.

ვაჟას მითი დღესაც სკოცხლობს და ის თავის გმირებს: ლელას, კვირიას, ლუხუმს მიუძღვის ფშავეის მთებიდან ბასტრიონისაკენ. ვაჟას შეურთებელი ლანდი დღესაც დაძრწის საქართველოს მთა-ველებში და ის იარსებებს საუკუნედ, რადგან მისი ამაყი სულის სამკვიდრებელი ყოველი ქართველის გულია.

ალ. მანველიშვილი

კ უ რ თ ხ ე უ ლ ი მ ი წ ა

ბ. ბ.—მ

ვით შეედარება რიონს და ყვირილას.
მტკვარს ანდა ალაზანს სხვა ქვეყნის მდინარე?!
მოჰქრიან ხევებში კვნესით და ყვირილით, —
ხან დინჯად მავალნი, ხან შფოთით მძვინვარე.

ნაპირებს არტყიათ ტყეები უღრანი.
ქათიბი ამშვენებს გადაშლილ მდელოსა,
დაბერავს ნიავი, შრიალებს მუხნარი: —
ხავსიან ლეგენდებს ძველ საქართველოსას.

კარგია მინდვრები, კარგია ტყეები,
კარგია ჰაერი სუფთა და ხალასი.
ამოშრეტს სინედღეს მხურვალე დღეები, —
თუ სიო არ მოვა ცივ ნაქერალასი.

ნეტავი ძვირფასო შენ კიდევ მენახე,
ნეტავი თუ გზურავს ნისლეზის საბანი.
გლეხები გასხლავენ გამარგლილ ვენახებს
და შემდეგ მორწყავენ ლურჯ შაბამანით.

სექტემბრის დამღევში დამწიფდა კრახუნა.
ჩქერებში შექუჩდა წვერა და სრამული.
ბოსტანში გადახმა ქინძი და ტარხუნა.
და დასკდენ ლეღები იშტით დანამული.

პურპურის მანდილი ცას გადაფენია...
კაშკაშებს ცვრიანი ველი და კორდები.
უნდა კაცს შესწევდეს რემბრანტის გენია,
რომ შესძლოს დახატოს ეს ნატურ-მორტები.

სალამოს ბინდები მიდამოს ეღება...
უკუნით ივსება ხევი და ტევრები,
და მთვარეს მისდევენ ღრუბლის ნაფლეთები: —
ვით ქალს მოტაცებულს ფეხნალი მდევრები.

ლოცვებს ბუტბუტებენ ტყეები უღრანი...
სიო ხვაშიადობს ნამიან მდელოზე,
და განთიადამდე შრიალებს მუხნარი: —
ხავსიან ლეგენდებს ძველ საქართველოზე.



ვ ა ჟ ა ფ შ ა ვ ე ლ ა

1

ხშირად დიდი პიროვნება თავისი თაობის მიერ ვერ არის გაგებული და დაფასებული. ამ შემთხვევაში თაობა და დიდი პიროვნება სხვა და სხვა გზით მიდიან, სხვა და სხვა მიმართულებით, სხვა და სხვა სოფლგაგებითა და სულის მძლეობით. ისინი ერთმანეთს კომპრომისს არ უკეთებენ.

ვაჟა ფშაველას ასეთი ბედი არ ხვდა წილად, მაგრამ ხშირად მას აბუჩად ივლებდნენ, ენას უწუნებდნენ, მის შემოქმედებას ამცირებდნენ.

აკაკიმ უსაყვედურა ვაჟას: „ენას გიწუნებ ფშაველო“-ო, ხოლო იპოლიტე ვართაგავამ საკმაო ცოდნა ვერ გამოიჩინა მისი შემოქმედების დაფასების დროს. (სიმღერა მთის შვილის ვაჟა ფშაველასი „განათლება“ 1913 წ. № 10 და 1914 წ. იანვრის, თებერვლის, მარტის და აპრილის N N-ში) ვაჟა ამ გვარ დაფასებას გარეგნულად დინჯად და თითქო აუღელვებლად შეხვდა, მაგრამ ნამდვილად ძარღვები ეშლებოდა და ბრაზი ახრბოდა. იპ. ვართაგავამ ვაჟა მოთინებიდან გამოიყვანა და 1914 წელსავე გახვთ „სახალხო ფურცელში“ უპასუხა. „ბ. ვართაგავას ძალიან გულთ უხდა გაიგოს ამ პოემებში რა ეკუთვნის ხალხს და რა მე, როგორც ავტორს. სურვილი საფუძვლიანია და ღირსი დაკმაყოფილებისა. ამ სურვილს კრიტიკოსისას მე დავაკმაყოფილებ, თუმცა ეს მეტ შრომად მიმაჩნია და თანაც მწყინს. ბ. ვართაგავად, თუ მას კარგი კრიტიკული ალღო აქვს, უნდა ჩემ დაუნხარებლად გაიგოს რაა ამ ნაწარმოებებში ხალხური და რა ინდივიდუალური. უნდა ყველამ კარგად იცოდეს, — ხალხის თქმულება, რაც უნდა იგი მდიდარი შინაარსისა იყოს; აზრიანი და ხელოვნური, თუ პოეტმა იგი არ გარდაქმნა, საკუთარ სულიერ ქურაში არ გადადნო, მასალიდან ახალი რამ არ შექმნა და დაწერა ისე, როგორც ხალხი ამბობს, არაფერი გამოვა, ერის გულში ამისთანა ნაწარმოები ბინას ვერ იპოვნი, ვერ დაისადგურებს და ვერც ხელოვნურ ნაწარმოებად ჩაითვლება“. „ავტორი „ფაუსტს“, გიოტეს გარდა ასობითა ჰყვანდა, მაგრამ გიოტეს მეტმა ნამდვილი „ფაუსტის“ დაწერა ვერავინ შესძლო, რადგან საკუთარმა სულიერმა ქურამ სხვა მწერალთა ვერ შესძლო გადაღობა. ხალხისაგან მოცემულს მასალისა და მის საკულტურო გარდაქმნა. ესევე დაეძაბათ შექსპირის „მანეტის“ „მეფე ლირს“ რომელი და ჯუღელტას და სხვა. ესევე ითქმას დიდებულ შოთახე და მის „ვეფხისტყაოსანზე“. მე, თქვენნი უმორჩილესი მონა, რა სახსენებელი ვარ ამ გოლიათებთან, მაგრამ ერთი გარემოება მაძლევს უფლებას ჩემი თავი იმათთან ერთად ვახსენო — ეს განხლავთ მსგავსება ქმნისა, შემოქმედებისა. დიად კატა თუმიკ ვეფხვი არაა, მაგრამ სხვა ცხოველებზე მეტად ვეფხვს უფრო ისა ჰგავს“. ვაჟა შემდეგ ჩამოთვლის „სტუმართ მასპინძლობის“ „გველის მკამელის“, „ალღუდა ქეთელაურის“ და სხვა პოემების ხალხურ გადმოცემის ძირს და როგორ დაამუშავა მან იგი. მისი პოემების დიდი ნაწილი საკუთარი ფანტაზიის ნაყოფი ყოფილა, მიუხედავად იმის რომ თავში აწერია ძველი ამბავი, ზღაპარი, ეს მიტომ რომ ცნობურას ადვილად გაეშვა... ვაჟა ამბობს: „ეს, რა თქმა უნდა, დანაშაულად უნდა ჩაითვალოს იმდენადვე, რამდენადაც ხალხური ქმნილების მითვისება, როგორც ამის უფლება არ აქვს არავის, ისე თავის ფანტაზიის ნაცოდვილარის ხალხისთვის მისაკუთრება, ხალხურ ამბად გასაღება. ამ ნაკლს გავასწორებ მაშინ როცა დაიწყება ჩემი ნაწერების ცალკე წიგნებად გამოცემა, — მაშინ აღვნიშნავ რომელი მართლა ძველი ამბავი და რომელი მთლად ჩემგან დაძველებული, ძველ ამბად მონათლული“.

არ შემძლია კიდევ ერთი მოზრდილი ამონაწერი არ მოვიყვანო ამ ისტორიული წერილიდან, იმის ნათელ საყოფად, თუ რამდენად დაცილებული იყო ვაჟა და ჩვენი ძაშინდელი საზოგადოების დიდი ხაწილი ერთმანეთს. ვაჟას უსაყვედურებდნენ, რომ აოც ერთი მისი ნაწარმოები ხელსახებად არ გამოხატავს იმ ძტკივან საკითხებს, რომელსაც ჩვენი ქართული ცხოვრება აყენებს, არც ერთში განჭვრეტელი არაა საქართველოს მომავალი ბედი თუ წარსული უბედურება. ბ. ვართაგავამ ეს ბრალდება გარკვეულად დაუყენა პოეტს. ვაჟა ამბობს: „ამ გვარი კითხვის პასუხი არ შეიძლება ერთმა ლექსმა, ან მოთხრობამ გამოხატოს, არამედ მთელმა პოეტის ცხოვრებამ, მისმა მოღვაწეობამ, მთელმა იმის ნაწერებმა. როგორ გგონიათ! არ მაქვს მე წარმოდგენილი მომავალი ჩემის ქვეყნისა ბრუყინვალედ? ნუთუ ეს არა სჩანს ჩემი ნაწერებიდან? რომ ეს არა მწამდეს, თქვენ გგონიათ მე კალამს ავიღებდი ხელში?! ურწმუნოთა შრომა ამაოა, შეუძლებელიც, მგოაია: თუ ხილის, რომლის გადებაც მუშამ შეუძლებლად იცნო, თავისი ღრეში გასადებლად არ შეუღებება. ნუთუ ჩემი ნაწერები ამ მომავალს ჩვენს ყოფა-ცხოვრებაზე, ჩვენს ბედზე არას ამბობენ? ვერაფერი პოეტი ვყოფილვარ, თუ ეს მომავალი არა სჩანს იქ, არა სჩანს ის, რაც „დროთა სელამ“ უნდა განახორციელოს. დიად, იმ დროთა სელამ, რომელიც თქვენ უმნიშვნელო, ფუქსავატი სიტყვები გგონიათ. თუ მე ნიჭი მაქვს ქეშმარიტი შემოქმედებისა, უეკველად წარსულის თუ აწმყოს აღწერით უნდა რამეს ვამბობდე მომავალზე, თუ არა და ჩემი ნიჭიერება ცარიელი მცნება, უმინაარსო სიტყვებია. ერთმა უსწავლელმა ფშაველმა მითხრა, რომელსაც „ბახტრიონი“ წაეკითხა. მოსწონებოდა ძალიან და ყველადადებით. თითქო შეკახმულს ცხენსა მთხოვდა საჩუქრად, მეხვეწებოდა, მეკითხებოდა: ვაჟავ, თუ ღმერთი გწამ, ნუ დამიძალავ, სწორედ სთქვი, საქართველოს თავისუფლებას არა გულისხმობ „ბახტრიონში“, რომ ამბობ „ელირსებაო ლუხუმსა ლაშარის გორზე შადგომაო“.

— იქნება ვგულისხმობდე. — ვუპასუხე. „სწორედ საქართველოს თავისუფლებაზეა ნათქვამი“, დეიქინა ფშაველმა და ხუთმეტი ათასი მჭერმეტყველი პროფესორი რომ მოგეყვანათ, იმას რწმენას, აზრს ვერ გამოუტყვლიდნენ, თუ ჩემს მკითხველებს ამისთანა რამეს აგონობინებს, ჩემი ნაწერები, საკმარისია. მამასადამე საკმარისად წარმოდგენილი მქონია საქართველოს მომავალი სვებედი. ხოლო თავისუფლება ისეთი მცნებაა, იმას ბევრი კომენტარიები არა სჭირდება“. ამ წერილში საკმაო გარკვეულობით სჩანს ვაჟას პიროვნება, მისი კულტურული დონე და იგი საუკეთესო პასუხია ვართაგავასთან ერთად იმათთვისაც, ვინც ვაჟას ჩამორჩენილად სთვლიდა, ვინც კულტურული უკულტურობით, ნილილიზმით, თანამედროვე ცივილიზაციის გარეგნული მტყერიითა და ხვესით დაბრმავებული იყო. ჩვენთვის საყურადღებოა ამ პასუხში მისი მოკრძალებული კილო და საბუთების მოხერხებულად შერჩევა. შთაბეჭდილება ისეთი გრჩებათ ამ პასუხიდან თითქო მასწავლებელი უეცი მოწაფეს ტუქსავს უხეირო და შეურაცყოფელი შენიშვნისათვის.

რომ ვაჟა ჩამორჩენილი ეგონათ, ორი მთავარი მიზეზი თამაშობდა ამაში გადამწყვეტ როლს. ეს იყო მისი პიროვნული ცხოვრება და ჩვენი მაშინდელი საზოგადოების ერთი ნაწილის დაცილება ქართულ კულტურულ ნიადაგიდან. ვაჟას რომ ყოველ ღღეწვერი გაეპარსა, ევროპული კოსტიუმი ჩაეცვა და თან ერთი ფუთი ციკატები ილლიაში ამოედო, ჩამორჩენას ვერავინ დასწამებდა, მაგრამ ვაჟა ჩოხა-ახალუხით და ხანჯლით დადიოდა, თავზე ნაბდის ქუდი ეხურა, ფრჩხილები დაუსწორებელი ჰქონდა და ხე-

ლები დაკორძებული. იგი უმეტეს ნაწილად ფშავში ცხოვრობდა ისე სადად და უბრალოდ, როგორც მისი მეზობლები. ეს იყო ტონის დარღვევა, როგორც სამართლიანად შეიზნავს ვ. კოტეტიშვილი. მაგრამ ეგ ტონი ვაჟამ შევინებულად დაარღვია და ამის გამგები მაშინ ბევრი არ იყო. ერთი საკითხი თავიდანვე უნდა იქნას გარკვეული. ესაა ვაჟას ლექსის ტენიკა. მან ხალხური შიირის ფორმა გამოიყენა თავის პოეზიაში და ხშირად მისი რითმა ია-თი ან ა-თი ბოლოვდება. გარეგნულად თითქო ეს გარემოება ერთფეროვანს ხდის მის ლირიკას, ასუსტებს მისი პოემების სილიერეს. მაგრამ პოეზიაში რითმის ოსტატობა არაა გადაწყვეტი, — არამედ რიტმი, მუსიკალობა, სახეების შექმნა, შინაგანი სიმღერე. და სწორედ ეს თვისებები ახასიათებს ვაჟას პოეზიას. იგი ისეთ ჯგუფს და ჯადოქრულ სიტყვებს ხმარობს, მას ისეთი მკვეთრი და ძარღვიანი თქმები აქვს, რომ ბევრი დიდი სახელის პატრონ მწერალს გაუჭირდება მასთან ახლო დადგომა.

2

ვაჟას არ შეეძლო არც ბარში შემუშავებული ქართული ლექსის ფორმა მიეღო და არც სრულიად ახალი საკუთარი შეექმნა. ეს შეუსაბამო იქნებოდა იმ თემატისთვის, იმ სოციალ-კულტურულ და საზოგადოებრივ ნიადაგისთვის, რომელსაც ის ხატავს. ფშავ ხევსურეთის მეტყველება მეტად თავისებური კილოკავია ქართულ ენაში. ამ კილოკავს თავისი საკუთარი გრამატიკული წესები აქვს, სწორედ ამიტომ შეუძლებელია, მინდია, თორღვაი, ჯოყოლა, ლუხუმი, ზეზვია, ალუდა, მუტალი, ილიას ან აკა-კის ენით ლაპარაკობდნენ. ვაჟა მთაში ბრუნავს, მთის ცხოვრებას ხატავს და ამ შემთხვევაში, მას არ შეეძლო მისი მეტყველებისთვის გვერდი აეხვია. აბა ნახეთ მისი პროზა, სადაც იგი ბუნებას, ფრინველებს, ცხოველებს ალაპარაკებს, მათ ყოფა ცხოვრებას ხატავს, როგორ დაწმენდილია მისი ქართული, მაგრამ ამაზე ქვევით. საინტერესოა ვიცოდეთ თუ როგორ პირობებში სწერდა ვაჟა. რა ნაირი იყო მისი შემოქმედებითი ქმედობა. მისი ქალის გადმოცემით, ვაჟას უყვარდა ჩონგურის დაკვრა. როცა მარტო იყო, ან ყველას ეძინა სახლში, აიღებდა ჩონგურს, იცქირებოდა ცისკენ, ააკენებდა და თან სიტყვებსაც დაატანდა. შემდეგ გაჩერდებოდა, ჩასწერდა და კვლავ განაგრძობდა. ამიტომაცაა რომ ვაჟას თითქმის მთელი ლირიკა ერთი ვაბმული სიმღერაა, ერთმანეთს შორის ძნელად გასარჩევი და დასაცილებელი. საგულისხმოა, რომ 191 სალირიკო ლექსიდან 83, ე. ი. დაახლოებით ნახევარს — სიმღერა ეწოდება.

„მხრები მესხმება, ვიზრდები,
ცად ვიწქე ასაფრენადა.
გაჩნდება სითლაც ნათელი,
გულ ჩამიდგება სვეტადა;
ზღვაველება მწყობრი სიტყვები
ქალღმრთელ დასაბერტყადა
მითითიან გულის სიმები,
სიამოვნების ღმერთადა.

და ეს სიმღერა ის კი არაა, ადამიანი რომ მღერის სიამოვნებისათვის ან გასართობად, არამედ იგი შინაგანი წვის ნაყოფია, მორღვეული სულის ახმაურებაა, გულის ქრისტის აკვნესებაა. იგი ერთფეროვანი კი არაა, არამედ ერთი ჰანგია, ერთი კილო, ერთი დიდი ლამაზი და მომხიბლავი სიმღერის.

3

ვაჟა ფშაველას საკუთარ ფილოსოფია აქვს და საკუთარი სოფლგაგება, თავისი მორალური და ზნეობრივი კათეგორიები. იგი არავისა ჰგავს ჩვენს მწერლობაში. იგი მარტოდ სდგას მუხასავით დაგრაგნილი და წელ-მაგარი. მას არც წინა მორბედი ჰყოლია და არც მიმდევრები.

ვაჟა მთის ყოფა-ცხოვრებიდან მოდის, მაგრამ აქვე უნდა შევნიშნოთ, მან მთის ყოფა მთლიანად არ მიიღო. ეს უკანასკნელი მისთვის არის საყრდნობი, გამოსავალი წერტილი, სამოქმედო არე. მთაში დგომით მან ბრძოლა გამოუცხადა მე-19 საუკუნის ე. წ. ევროპულ ცივილიზაციას რუსის პოლიციელს რომ გვერდით შემოჰყვა ჩვენში. შეიძლება ვინმემ იდავოს ყოველივე ამის სისწორეზე, მაგრამ ამ შემთხვევაში ამას არ აქვს მნიშვნელობა. არსებით ისაა რომ ვაჟას სიდიდე აქედან იწყება. მან უდიდესი ხელოვნებით ნათელი გახადა ის ფაქტი, რომ მივარდნილ ფშავ ხევსურეთში, რომელსაც ბარის ქართველობა და რუსი პოლიციელი ველურს ეძახდა, ეს „ველური“ ქართველობა ცხოვრობს სრულიად თავისებური ცხოვრებით და ამ ცხოვრებაში თავისათავად, შინაგანად იბადება ყველა ის დიდი საკაცობრიო იდეები, რომელიც საზოგადოებრივ და ეროვნულ ცხოვრებას დასაბამიდან მოსდევს, რომელიც სწავდა და აღლვებდა, ადამიანთა ყველა მოდემის, აზროვნების და შემოქმედების უდიდეს წარმომადგენელთ.

ვაჟა კარგად ხედავდა, რომ მისი თაობის ერთი ნაწილი აფასებდა მას. ეს ნაწილი გრძნობდა, რომ ვაჟაში რაღაც დიდი, თუმცა არ ესმოდათ რაში იყო ეს სიდიდე. ხოლო ნაწილი არარად ავდებდა. ჩვენი საზოგადოების ამ ნაწილს მან მოსწრებულად უპასუხა:

„ზოგებს არ მოსწონთ, მართალი არის,
ჩემის სტერიისა ველური ქდერა,
იმით იუბედონ სხვებს ხომ მაინცა
ჩემი ანდერძი გულს დაეწერა.
ყველა ის მიყვარს, სადაც სიბრიყვემ
სწავლის სახელით არ მიაღწია,
და ბუნებრივი წმინდა ქმნილება -
ციოდელის ხელით არ მიარღვია“.

4

მე-19 საუკუნის ჩვენი განვითარება მთელი თავისი უარყოფითი და დადებითი მხარეებით „განათლებულ სიბრიყვედ“ დასახა პოეტმა და უარყო. საკითხი იბადება, რატომ გაემიჯნა ვაჟა ამ ცივილიზაციას, რატომ უარყო მან ეს კულტურა? იმიტომ რომ ეს კულტურა და ცივილიზაცია მოვიდა არა პიროვნებისა და ადამიანის საკეთილდღეოდ, არა ქართული საზოგადოებრიობისა და ეროვნული ცხოვრების ამოღებისათვის, არამედ მის დასამონავევლად, გასარყუნელად, გადასავგარებლად.

ვაჟა ვერ დაეტია მის დროინდელ ბარის ქართულ საზოგადოებრიობაში, ვერ დაეტია იმიტომ, რომ იგი მთიდან იყო მოსული. მთა საქართველოს სულიერი და ნივთიერი კულტურის მუზეუმი. როცა საუკუნეების მანძილზე საქართველოს მტრები იბყრობდნენ, საეკლესიო და სახელმწიფო ქონება მთაში გაქონდათ, იქ ინახავდნენ, ფშავ ხევსურეთში, სვანეთში, რაჭა ლეჩხუმში. ვაჟა კარგად ხედავდა, რუსი პოლიციელი როგორ ჩაუღდა კრიჭუში ჩვენს განვითარებას და გასაქანს არ აძლევდა, ხოლო ამის გვერდით ამ სანაქებო, ევროპულმა ცივილიზაციამ, დააჩივავა ქართველი ადამიანი, მდაბალი ინტერესები შეუქმნა. ქართველი საზოგადოებრიობა გაწოლილი იყო რუსი პოლიციელის ჯიხის ქვეშ, ხოლო ევროპულ ცივილიზაციამ და სავაზო კაპიტალმა მოძრაობა და ბორგვა დაიწყო, რაღაცეებს ცოდვილობდა. ვაჟა ამან არ დააკმაყოფილა. მის სულში ქართული კულტურის დიდი პოტენცია ხმაურობდა, მან იგრძნო რომ ბარი დასცილდა თავის თავს, თავის პირველ წყაროს, თავის არსსა და აზრს — მთას. ამიტომ იყო მან მთელი თავისი შემოქმედება მთიდან გადმომდგარ ხარის ყვირილს შეადარა, რომელსაც დაეკარგა ქმა თუ დაჰ, მისი სისხლი და ხორცი. შეუდარებელია ეს სიმვოლიკა. აქ მოცემულია მისი შემოქმედების მთელი გასაღები.



ვაჟას გავებისათვის საჭიროა ამ ორი ქართული მსოფლიოს ნათლად და გარკვევით წარმოდგენა. ბარისა და მთის. როცა თქვენ ამ მეორე ქართულ მსოფლიოში შედინართ — მთაში — გრძობთ, რომ ვაჟა ატანილია მთელი იმ საშინელი და მწვავე კითხვებით, რომელიც ბარში აკაკის ცრემლებად აღნობდა, ხოლო ილიას ბრახით ახჩობდა. კიდევ მეტი, იგი ვაცილებით შორს წაყვია და დააყენა ისეთი პრობლემები, რომელზედაც საუკუნეთა განმავლობაში, აუარებელი ფილოსოფოსები, მეცნიერები, მოაზროვნენი, ხელოვნები და რევოლუციონერები მუშაობდნენ. ეს საკითხებია ადამიანი, ადამიანი და საზოგადოება, მათი ყოფის ამოცანები და მიზნები, ბუნება, ბუნება, როგორც საწყისი ყოვლობის, საიდანაც მოდიან და სადაც ესვენებიან, მთელი ცივილიზაციები, ყოველი მოდგმა, რომელიც სიცოცხლის ნიშანს ატარებს. ეროვნ-საზოგადოებრივი ცხოვრება საუკუნეთა მანძილზე განიცდის ვეებერთელა ცვლილებებს. ეს ცვლილებები მზადდება და ხდება ხშირად ევოლუციით ზოგჯერ რევოლუციით და კატაკლიზმებით. მაგრამ მთავარი და ძირითადი კითხვები სხვა და სხვა ფორმით დაახლოებით ერთი და იგივეა, ერის, საზოგადოების და პიროვნების წინაშე რომ ისმის. როგორაა შესაძლებელი, ერის, საზოგადოების და ადამიანის ინტერესების და სიცოცხლის აზრის დათანხმება თუ შეთანხმება, რაც შეიძლება მეტი სრულ ქმნით, მეტი თავისუფლებით, მეტი სამართლიანობით, მეტი ზნეობრივი და მორალური სისალით.

ხშირად ამ ნიადაგზე ერის ინტერესები ეპირისპირება საზოგადოებას, საზოგადოება პიროვნებას და პირიქით. ხშირად სამთავე ერთმანეთისაგან არამც თუ მნიშვნელოვან კომპრომისს, არამედ დიდ მსხვერპლსაც ითხოვენ. ამ სამში ყველაზე ძლიერი ერთი, შემდეგ საზოგადოება, ხოლო ყველაზე უფრო სუსტი ადამიანი, პიროვნება.

განსაზღვრულ ისტორიულ ეპოქაში ერს, საზოგადოებას მთელი რიგი გადაულახავი და დაურღვეველი კანონები აქვს შემუშავებული, ზნეობით, ტრადიციით. მისი გადამლახავი პიროვნება ისჯება სასტიკად. მთელი ეს მოჯადოებული წრე კაცობრიობის ცხოვრებაში ჰქმნის იმ განუწყვეტელ ბრძოლებს, რომელშიაც ცხოვრება მომდინარეობს. ხშირად ერთი ადამიანი მეორეს სიცოცხლეს უსპობს და ამ ნიადაგზე მამოძრავებელი მიზეზები სრულიად სხვა და სხვაა, ნივთიერი, ფსიქოლოგიური, უფლებრივი. კაცობრიობის აზროვნების, ფილოსოფიის, სამართლიანობის და მორალის უდიდესი წარმომადგენლები მუდამ იბრძოდნენ ამის წინააღმდეგ. ემანუელ კანტმა იმპერატიული მორალი დასახა „იმოქმედე ისე რომ შენი თავისუფლება მოათავსო სხვის თავისუფლებაში“. ჰამლეტმა არ მიიღო უზენა და გარყვნილი ქვეყანა, ბაირონმა ბრძოლა გამოუცხადა ყველაფერს, რაც მოძალადე და მხაგრავია ამ ქვეყანად. ნ. ბარათაშვილი უმნიშვნელო რეზერვით ვემიჯნა ამ სოფლის ამაოებას, ხან ცის იქით ეძიებდა სადგურს და ხან უდაბნოში სამარეს, სადაც ზარით ღრილით ქარი მიწას მიაყრის. ხევსურეთის პატარა სოფელ შტბლის მოქალაქე, ალუდა ქეთელაური შეებრძოლა თემის ტრადიციას, როგორც ზემოდ დასახელებული დიდი მორალის რევოლუციონერები.

5

საუკუნეთა განმავლობაში ფშაე ხევსურეთი, გადაურჩა როგორც საგარეო მტრების თარეშს, დარბევას, ისე ქართველი ფეოდალების სულთამხუთაობას. ისინი მუდამ ბარის საქართველოს ემარებოდნენ, ხოლო ბარის დახმარება მათ იშვიათად თუ დასჭირებიათ, თავისი განსაკუთრებული გეოგრაფიული მდებარეობის გამო. ისინი თითონ უმკლავდებოდნენ თავიანთ კავკასიონის ზოგიერთ ტომებს, რომლებიც მათზე გაბედავდნენ თავდასხმას. ფშაე ხევსურეთმა დიდ რევოლუციამდე და საქართველოს ხელ-

მეორედ დაპყრობამდე მოიტანა, მარტივი მართველობის დემოკრატიული ფორმა თავისი ხევის ბერთა ინსტიტუტით, ხოლო რელიგიის სფეროში შეინახა ბუნების კულტი თავისი კობალა — იახსარებით, მუხის ანგელოზებით, ლაშარის ჯვრით, მძლე უქმეებით და ადგილის დედებითა.

ფშაე ხევსურეთში მოქალაქე მაშინ იყო ღირსი საზოგადოების წევრობისა, ვინც მის ტრადიციას, ზნეს, ჩვეულებებს წმინდათ ინახავდა. აქ ძველთაგან დაკანონებული იყო წესი, როცა ხევსური მტრს მოკლავდა მისთვის მარჯვენა მკლავი უნდა მოეჭრა და მოეტანა თემში, როგორც ნივთიერი საბუთი თავისი მამაცობის და გმირობის დასამტკიცებლად. აი ეს წმიდათა წმიდა წესი დაარღვია ალუდა ქეთელაურმა, როცა მან ქისტი მუცალი მოკლა და გამარჯვებულმა მკლავი არ მოსჭრა.

„წესი არ არის მტრის მოკვლა, თუ ხელ არ მოსჭარ დანითა, ვაი ეგეთსა სამართალს. მონათლულს ცოდვა ბრალითა“.

ამბობს ალუდა. მაგრამ ამ დროს, მეორე გმირს როცა მუცალის მოჭრილი მარჯვენა მკლავი მოაქვს, ბერდია, თემის სინიდისი და მართმსაჯულების წარმომადგენელი აცხადებს:

„ხალხო მინდა ის გავიგო პასუხი თქვენი გულისა, დაჯარდით ხევსურთ შეილებო, ყველანი დიდი — მცირენი, სამართალი ვქნათ ვუმტყრიოთ ალუდას სახლის დირენი. ნუ დაინანებთ ექმენით, ცოლშვილის ამაძმირენი, მოკვეთილ იყოს სხვა ქვეყნის ცა ღრუბლის შენამზირები წადით უმტყრიეთ შავებელსა, სახლისა, ციხის კარები. ცეცხლი მიეციეთ სამოვარს, ცასა სწვდებოდეს ალები. სათემოდ გამოირეკეთ, ცხვარი, ძროხა და ხარები. შატლს ცოლშვილი უტყრიეთ გუდანს — შინშნი და ქალები“.

საშინელი და შეუბრალებელია თემი, როცა მის ტრადიციას, მის ზნე ჩვეულებას არღვევს მისი წევრი. თემი მას სჯის, როგორც მოლაღატეს, როგორც შემარცხვენელს, როგორც სამღვთო წესის დამრღვევს. საქართველოს ბარის საზრისით ალუდას ჩადენილი დანაშაული შეიძლება უმნიშვნელო ან სრულიად არავითარი დანაშაული არაა, მაგრამ ეხლა ფშაე ხევსურეთის საზრისით მიუღებით მას? იგი უდიდეს დანაშაულად აღმოჩნდება.

ამ პოემაში დაპირისპირებულია ორი დიდი პრობლემა. ერთი თემის სასიცოცხლო ინტერესები, მისი დაუწერელი კანონები და მხედრული მორალი, მეორე ადამიანის სულში დაბადებული ახალი, მაღალი ზნეობრივი ნორმები. ალუდას აზრით მტრის მოკვლა უწმინდესი მოვალეობაა და გმირობაც, მაგრამ რა ვაჟაკობაა მოკლულს მარჯვენა მკლავი მოაჭრა. ეს ლაჩრობაა და არა გმირობა, ეს ცოდვაა და ბრალიც. მისი გაბედული მოქმედება მიმართულია იქითკენ, რომ თემმა გადასინჯოს და შეასწოროს თავისი დაუწერელი კანონი და მხედრული მორალი. მაგრამ თემს ამის ვაგონება არ უნდა. იგი ალუდა ქეთელაურს აძევებს თავის ცოლშვილით სამშობლოდან და სარჩო საბადებელს, მთელ უძრავ-მოძრავ ქონებას ართმევს თემის სასარგებლოდ. ალუდა ემორჩილება თემის მკაცრ განაჩენს, ხოლო თემის მიმართ იოტის ოდენა კომპრომისს არ აკეთებს. ალუდა ტოვებს თავის საყვარელ

Handwritten notes in the left margin.



თემს, თავის სამშობლოს, სიდაც დაიბადა, სიდაც აღიზარდა, რომელიც ყველა ღმერთებზე უფრო უყვას, მაგრამ თავის სიძარტლედი დაიბადა დაჯეობული და არაფერსა სთვობს. მას რომ ბოდიში მოეხდა, ქედი მოეხარა, თავი დანაშაულად ელიარებინა, შესაძლებელია თემს ეპატიე-ბია დანაშაული, მაგრამ როგორ, როცა დარწმუნებულია თავის სიძარტლედი! ეს უკომაროძისა ძიებაა სრულქმნი-ლი ზნეობისა და ქეშპარიტების, ხეცსურეთში იგი ხორცს ისხამს, პიროვნების და საზოგადოების შეტაკების ფაქტად ხდება. გაძევებული ქეთელაური სტოვეებს თემს. საშინე-ლი ამინდა, თოვლი ქარი და თქეში. დედა ეუბნება ალუდას:

— „შვილო, იარე ნელო,
შენთან ვერ გაველებთ ვერც მენა,
ვერც შენი ცოლი ლელო,
ბალები აგვიბოჟირდა,
ხელფეხ დაგვიზრა ძნელო.
ვაჰმე, რა უგზოდ დავდივართ
ვაჰმე როგორა ბნელო.“

და შემდეგ:

თავის მიწის წყლის გაწირვა
ძნელი ყოფილა მეტადა;
მამაკვდავს დაფერებვიარ,
გონი გამხდია რეტადა.
მუხლებ არ მამდეგს, გულშია
ბნელი ჩამიდვა სვეტადა.
ვაჰ, მამა-პაპის საფლავნო,
კლდენი დამდგარნო სვეტადა“.

ალუდა უჯავრდება დედასა და ცოლს ამ სიტყვების გა-გონებაზე.

...„ღიაცნო, ნუ ხართ ყბედადა,
მოდით, მამყევით, ვიღინოთ,
ღმერთმა ეს გვარგუნა ბედადა,
ჯვარს არ აწყინოთ, თემს ნუ სწყევთ,
— ნუ გადიქცევით ცეტადა!“

თემს ნუ სწყევთ, ეს არის ნამდვილი სოკრატისებული ფილოსოფია. უსამართლობის ჩადენა არც ერთ შემთხვე-ვაში არაა მისაღები, თუ გინდ იგი მიმართული იყოს მათ წინააღმდეგ ვინც შენ უსამართლოდ მოგეცა.. როდესაც 399 წ. (ქრ. წინ.) სოკრატე გაასამართლეს, ხუთას ერთის სასამართლომ სამოცი ხმის უმეტესობით სიკვდილით დას-ჯა გადაუწყვიტა. მისი მეგობარი კრიტონი მზადაა სოკ-რატე ციხიდან გააპაროს. სოკრატე არ თანხმდება, იგი თავის აზრს ასაბუთებს ასე: „თუ ჩვენ სამართლიანად მიგ-ვაჩნია შენი დალუფვა და განადგურება, შენც უნდა გავგა-ნადგურო ჩვენ, კანონები და სამშობლო; რამდენადაც ეს შენს ხელთაა და ამის შემდეგ შენ იტყვი სამართლიანად მოვიქცეო?.. ვანა შენი სიბრძნე იმდენად მდარეა, რომ ვერც კი შეამჩნიე, რომ დედაზე, მამაზე და ყველა სხვა წინაპარზე უფრო ძვირფასია სამშობლო; რომ ის უფრო ტკბილია და უფრო სახიერი, უფრო მეტ პატივშია აღმერ-თებთან და ადამიანებთან, რომელნიც გონიერნი არიან; საჭიროა უფრო მეტი პატივი სცე სამშობლოს, ვიდრე მა-მას, დაუთმო და მოეფერო მას, თუ ის გაჯავრდება; ან უკეთესი უნდა ასწავლო მას, ან და გააკეთო, რასაც ის მოითხოვს, და მოთმინებით აიტანო ის ტკივილები, რომელსაც ის შეგამთხვევს, — ცემა იქნება ის თუ ბორკი-ლები, ომში დაკოდე თუ სიკვდილი; ყველაფერი ეს უნ-და აიტანო... არც უნდა დასთმო, არც უკან უნდა დაიხიო, არც შენი სადარაჯო დასტოვო. ძალდატანება მამისა და დედის მიმართაც დასაძრახისია, მით უმეტეს სამშობლოს მიმართ“. სოკრატის აზრით რესპუბლიკა და კანონები მარ-თალი არიან, როცა ისინი მას სჯიან, რადგან ისინი თავს იცავენ, ხოლო როცა თავის სულში იხედება, თავის ნააზ-

რეც ყოველმხრივ სინჯავს, რწმუნდება, რომ თითონაც მართალია, მაგრამ წინააღმდეგია თავისი სიბრძნე ძალადო-ბით მოახვიოს თავს სამშობლოს და კანონებს, რომელმაც იგი აღზარდა. ალუდა სოკრატესავით ლეტულობს თემის განაჩენს. იგი უფლებას არ აძლევს ცოლსა და დედას საყ-ვედური სიტყვებ ან დასწყევლობს თემი და მისი კანონები ამ მძიმე განაჩენისათვის. მათ შორის სულიერი, ფსიქოლო-გიური და მორალური ნათესაობა არის.

ალუდა ქეთელაური ისეთი დიდი მნაშენელობის ტიპია ქართული კულტურისათვის, როგორც ფაუსტი გერმანე-ლენდისათვის, ჰამლეტი ინგლისელებისათვის, ანტიგონე ბერძენებისათვის. ალუდა, ფაუსტი, ჰამლეტი, ანტიგონე თავიანთ ეროვნულ საზღვრებს სცილდებიან და საკაცო-ბრიო სიმაღლეზე დგანან.

6

ვაჟა ფშაველა, პოემა „სტუმართ მასპინძლობა“—ში ხელ ახლა უბრუნდება იმ საკითხს, რაც „ალუდა ქეთელაური“ დაყენებული, აქ თემისა და პიროვნების დაპირისპირე-ბაა. ეს პოემა უაღრესად საყურადღებოა, რადგან პირველ პოემაში დასმული პრობლემა აქ ერთგვარად გადაწყვე-ტილია. ხეცსური ზვიადური, რომელსაც ქისტი მუცალი შემოაკვდა, შემთხვევით მოხვდება სტუმრად მის ძმა ჯო-ყოლასთან. ჯოყოლა ვერა სცხობს და უმასპინძლდება. მაგრამ ამავე დროს ქისტების თემმა გაიგო, რომ ზვია-დურია სწორედ ის კაცი, ვინც ჯოყოლასთან სტუმრადაა. მთელი ქისტების სოფელი მიდის ჯოყოლას ბინაზე და ითხოვენ ხეცსურის თავს მან ეხლა გაიგო, რომ უფიდაუ-რი, მისი ძმის მკვლელია, მაგრამ თემს არ აძლევს უფლე-ბას ეხლა სისხლი აიღონ, რადგან „ღღეს სტუმარია ეგ ჩემი თუნდ ზღვა ემართოს სისხლისა“. სოფელი უკან არ იხევს, იმუქრება და ძალით უნდათ სახლის კარები შეამტვირონ. ამ დროს ჯოყოლა იძრობს ხანჯალს და კლავს ერთ მომ-ხდურთავანს. ამის შემდეგ სოფლელები კარებს შეამ-ტვირვენ, ჯოყოლას ხელ ფეხს შეუკრავენ, ზვიადურს კი მის მიერ მოკლულ ქისტის საფლავზე დააკლავენ. ჯოყო-ლას ცოლი ალაზა ჩუმად დაიტირებს საბრალო ხეცსურს. ჯოყოლა თემმა გარიცხა როგორც ადათისა და ჩვეულებ-ების დამრღვევი. გადის ხანი და ხეცსურები დაეცემიან ქის-ტებს, ზვიადურის სისხლის ასაღებად. ჯოყოლა მიდის ხეცსურების წინააღმდეგ საბრძოლველად. მაგრამ მიდის არა თემთან ერთად, არამედ დამოუკიდებლად, მარტოდ. იგი ვაჟკაცურად იბრძვის და ამ ბრძოლაში მას კლავენ. თემი სამარხ მიწას არ იძლევა. მისმა ცოლმა ალაზამ საღ-დაც შორს წაიღო და დამარხა. თითონ კი მდინარეში თავი დაიხრჩო. მომხდარმა ამბებმა თემი დააფიქრა. თემი თით-ქო გრძნობს თავის დანაშაულს და ერთგვარ სინიღისის ქენჯანსაც განიცდის. მთელი სოფელი ყოველ ღამე მოჩ-ვენებას ხედავს: საფლავიდან ამოდის ჯოყოლა და თავის ძმას ზვიადურს უძანის, მათ გვერდით საბრალო ალაზას ლანიც ამოდის და...

„იმათ მასპინძლობს ალაზა,
ჯიხვის მწვადს უწვავს ალხედა
ვაჟკაცობისას ამბობენ,
ერთ ურთის დანდობისასა,
სტუმართ მასპინძლის წესზედა
ცნობის და დაჰმობისასა.
როცა მათ ხედავთ ერთადა,
კაცი ვერ ძლება ცქერითა.“

აქ ვაჟამ გვაჩვენა, რომ პიროვნების თავგანწირვა სა-მართლიანობასა და მაღალი ზნეობრივი იდეალებისათვის ყოველთვის უქმად არ ჩაივლის, რამოდენიმე ხნის შემდეგ უთუოდ თავის გზას გაოკავებს და ნაყოფს გამოიღებს. ალუდა პირველი მსხვერპლი იყო ამ გზაზე, ხოლო ჯო-ყოლა, რომელმაც მას მიბაძა; ამან უკვე ნაყოფი გამოიღო.



თემის ტრადიცია თუ არ შეირყა, ძისი გადასინჯისთვის ერთგვარი ნიადაგი მზადდება. აქვე უნდა ავლენიშნო ერთი ძეტად საგულისხმო ფაქტი, ვაჟას აჯახებული გმირები უაღრესად დიდი ზნეობრივი და სულიერი სიმტკიცის მატარებელი ადამიანები არიან, მათ მოქმედებაში რაღაც სარწმუნოებრივი წინასწარ დაგეგმილი ჯიუტობაა ჩაქსოვილი, უმალლესი მიზნისთვის ბრძოლაში. ვაჟას სწამს, რომ პიროვნებას, მნიშვნელოვანი როლის თამაში შეუძლია საზოგადოებრივ ცხოვრების გარდაქმნასა და ამაღლებაში, მაგრამ ამისათვის საჭიროა თვით პიროვნება იყოს მთლიანი, გაუტეხელი, უკანდაუხვევი. სულით, ნებისყოფით, აზრის სიღრმით, მორალური სიმაღლით და ვაჟაკობით. მაშინ შესაძლებელია დაუძლეველის დამლევა, გადაულახავის გადალახვა, აუტანელის ატანა. ფიზიკურად სიკვდილი არ ნიშნავს მორალურ სიკვდილს, არამედ ზოგჯერ გამარჯვებას. პოემა აგებულია იმაზე თუ როგორ ესმის მთიელს, ამ შემთხვევაში ქისტებს, სტუმართ-მასპინძლობა. თუ კი თქვენ მთიელმა ოჯახში მივიღოთ, შემდეგ არავის აქვს უფლება შეურაცყოფა მოგაყენოს, თუ გინდ თქვენ ღირსიც იყოთ ამ შეურაცყოფის... როგორც მთის სხვა ტომებში, ფშავ ხევსურეთშიც განმტკიცებულია ეს ტრადიცია. თუ როგორ აფასებს ხევსური პურმარბოს, როგორი მოწონებით ეპყრობა იგი სტუმარს. ეს სწავს ხალხური თქმულებიდანაც: „პურადი კაცი მამაცზე სამი გაფრენით მეტია“. პურ მარბო, სტუმრის პატივისცემა, ვაჟაკობაზე წინაა დაყენებული, ხოლო ვაჟაკობა მათი ზნეობრივ მორალური ცხოვრების პირველი დამახასიათებელი ნიშანია. ჯოჯოლას არ უნდა მიეღო ზვიადაური ოჯახში, მაგრამ მან არ იცოდა, რომ იგი მისი ძმის მკვლეელი იყო... და რადგან მიიღო, შემდეგ მთელ თემს ალუღდა წინ მის დასაცავად.

7

მესამე პოემა, რომელიც განსაკუთრებული ყურადღების ღირსია ვაჟა ფშაველას მთელ პოეზიაში არის „გველის მკამელი“. ამ პოემაში აღძრულია სამი დიდი საკითხი: თავისუფლებისთვის თავ განწირვაზე, კაცობა და მიწიერი ყოფის გადაულახავი მიზეზები.

მინდია, ქაჯებს ჰყავთ ტყვედ 12 წლის განმავლობაში. იგი საშინლად იტანჯება, მას აგონდება ჩამოთოვლილი მთები, ჩაბნელებული ხევები, უსწორ-მასწორო გზები, მგლოვიარე დედ-მამა და ძმები, მიწური ქოხი, მისთვის რომ სამოთხის სწორია. ბევრი ეცადა, მაგრამ ამაოდ, ტყვეობიდან თავის დასხნა ვერ მოახერხა. ბოლოს გადასწყვიტა: „თავსა მოვიკლავ, ასეთ სიცოცხლეს სჯობია“. ამ მიზნით მიმართა ერთ საშვალებას: ქაჯები გველის ხორცს ხარშავდნენ ქვაბში, მოიპარა ერთი ნაჭერი და ზიზღით ქურდულად შეჭამა. მოხდა სასწაული. იმის მაგივრად რომ მოწამლულიყო „ახლად სული ჩაედგა“, გადახალისდა მისი ტანის ყოველი უჯრედი. იგი მიწვედა ბუნების მთელ საიდუმლოებას და ქაჯების სიბრძნეს. მინდიამ იგრძნო, რომ ყოველი არსება, რომელსაც ადამიანი უსულოს ეძახის: ბაიანი, ხე, ყვავილი, ქვა, მთა, მდინარე, სულიერი არსებანი ყოფილია უნიღესი მგრძნობილო და ჰქონიათ. მათაც შესძლებათ ტანჯვა, სიყვარული, თავგანწირვა, მეტი სილამაზით, მეტი რაინდობით, მეტი კეთილშობილებით და მეტი სულიერი სიფაქიზით, ვიდრე ადამიანებს. მათში არაა ანგარება, ღალატი, ჯაშუშობა და სინიდისით ვაჭრობა. მათი არსებობის საფუძველი მაღალი მორალი და სათნოება ყოფილა. „თურმე ბნედა სჭირთ ყვავილთა, ოღონდ ეწამლონ სნეულთა“. და ეს ყვავილები, ეს მკენარეები სთხოვენ მინდიას — მოგვწყვიტო, რომ სნეული განკურნოს, დავრდომილი ფეხზე დააყენოს, დაჭრილს კრილობა გაუმთელოს. მინდია გულთმისანია, ბრძენი, გადაულახავის გადალახავი, მიუწვდომელის მიმწვდომი. გრიგოლ რობაქიძის თქმით „იგი თავის თავად გაზრდილია“. როგორ მოხდა ამ დიდი პიროვნების თავის თავად

გაზრდა. ძინდია უაღრესად მთლიანი პიროვნებაა, უკომ-აროდისო, ძალადობის წიანძე ქედმოურელი, თავგასწი-რული. იგი ვეო მოსტენა 12 წლის ტყვეობად, ხოლო როცა გაათავისუფლების ყოველი იმედი დაჰკარგა თავის მოკვლა არჩია მოხობას, ყოველივე ამისათვის ბუნებამ დააჯილდოვა, მას აჩუქა არა ძარტო სიცოცხლე, აოაჟედ სიბრძნე და გულთმისობა. საზოგადოებამ ერთბაშად არ მიიღო მინდია. ეჭვი დაატანა მის ყოვლის შემძლებლობას. ერთნი ამბობდნენ: „მინდია სცრუობს სწორედ“. მეორენი: „მაგ ფიქრს რომ მივეყვით შენს მტერსა როგორღა გვეცხოვრებინა“. მაგრამ საზოგადოება აღრე დარწმუნდა, რომ მინდია მატყუარა არაა. რადგან: „თუ დაჭრილს ცოცხალს მიუტყრო, ნუ აქვს სიკვდილის დარბა, შუაზე გაჭრილს გახკურნავს მის უებარი წამალი“. როცა გაზაფხულდება; ბუნება შეიმოსება და გაცოცხლდება, მინდია გადის მთა ველში, ყველა მცენარეს, ბალახს, მღილს, სალამს აძლევს. ბუნებაც მინდიას გამოჩენაზე „ეამას“ უძახის „მდიდრად მორთულს ალმითა, ყვავილნი ყელ გადავდებით, დახატულები კალმითა, მინდიას გაუმარჯოსა ერთბაშად ასტეხენ ჟივილსა, ხეები ფოთლებს არხევენ ბუნება იწყებს ბიბინსა“. მინდია ზე კაცია, ღრმა ერთთან — ან ღმერთთან დატოლებული, რომელიც სულიერად და ხორციულად გადადის კოსმოსში, როგორც არსისა და აზრის სიჯანსაღე, როგორც სიცოცხლის დამოუკიდებელი თაური თუ საწყისი. მაგრამ მინდია ბოლომდე ვერ გაყვა ამ გზას. ვაჟა ფშაველამ შუაზე გადატეხა ზე კაცი. მას არ მისცა არც ალუღა-ქეთელაურის და არც ჯოჯოლას ხასიათის სიმტკიცე. მინდია ცოლს ირთავს, ოჯახს ეკიდება. იგი, ახლა იძულებულიცაა და ვალდებულიც ოჯახზე იზრუნოს. ხოლო ოჯახზე ზრუნვამ იგი დააცილა ზეკაცობის გზას. მინდია იძულებული შეიქნა ჭანდარი მოეჭრა, ოჯახში შეშა იყო საჭირო. ხმელი ფიჩხი ოჯახს არ ეყო გასათბობად ზამთრის სუსხში. მთელი ოჯახი განსაცდელშია, არა და ხე ემუდარება მინდიას „ნუ მომჭრიო“. რამდენიმეჯერ წავიდა მოსაქრელად, მაგრამ როცა ხის მუდარა შემოესმა, უკან გამობრუნდა, ბოლოს ქვის გული ჩაიდგა და მოსჭრა. ამის შემდეგ მინდია რაცარიელდა ცოდნიდან. ბუნებამ წაართვა ის სიბრძნე, რაც მისცა. იგი სტირის, ცრემლებად დნება, ვერ უძლებს ამ სასჯელს და თავს იკლავს. ეს ისეთი დიდი თვითმკვლელობა იყო, რომ ვაჟამ თვით ბუნება დააფიქრა ამაზე. „მთვარეცა ვადმოაშუქა საჯახევეების სერიითა და დააშტერდა თავის მკვლელს მოზარე ქალის ფერათა“.

რატომ გადატეხა ვაჟამ შუაზე ეს დიდი პიროვნება? შესაძლებელია იმიტომ, რომ აქ პრობლემა სრულიად სხვა სიღრმითაა დასმული, ვიდრე მთელ მის დანარჩენ პოემებში. აქ ზეკაცობა დაპირისპირებულია მიწიერი ყოფის გადაულახავ მიზეზებთან. ამ დაპირისპირებაში წინაა დაყენებული მიწიერი ყოფა. ეს ზეკაცი რომ შუაზე არ გადაეტეხა ვაჟას, მაშინ მინდიას ოჯახისთვის ხელი არ უნდა მოეკიდნა ანდა როცა არჩევანი დაუდგა ოჯახის კერძო საჭიროებაზე ზრუნვა თუ ბუნების ერთგულება — ცოლს უნდა გაყროდა და განდევნილად წასულიყო. განდევნილობა გაქცევაა ნამდვილი ცხოვრებიდან. მინდია ღალატობს ბუნებას. მაგრამ საკითხავია მინდიას ჩადენილი საქციელი შეიძლება თუ არა ღალატად მივიჩნიოთ. აქ ინტერესთა წინააღმდეგობასთანაა გვაქვს საქმე. ამ შემთხვევაში ბუნებამ უნდა დაეთმო ადამიანისათვის, თუ იგი ადამიანის არსებობას და ცხოვრებას არ ეწინააღმდეგება. მაგრამ ბუნებამ არ დაუთმო ისე, როგორც თემმა არ დაუთმო ალუღა ქეთელაურს და ჯოჯოლას, თუმცა მოზარე ქალის ფერად კი დააშტერდა მის ცხედარს. ეს გასაკვირიც არაა. მინდია, მისი შვილი იყო, მისი სისხლი და ხორცი. მისი მისაიდუმლე. მინდია შეცდა, მაგრამ შეცდა კი? მას არ შეეძლო ასე არ მოქცეულიყო, თუ იგი ნამდვილი ცხოვრებიდან არ გაიქცეოდა. ხოლო ნამდვილი ცხოვრებიდან გაქ



ცევა მიხდის არ შეეძლო იმ მორალური და ფილოსოფიური შეხედულებებით რომელსაც მან ტანჯვით მიაღწია, რომელიც მან თავის თავად იწამა. ვაჟა ფშაველამ აქ მთელი სისასიით დავეცხა ის მოჯადოებული წრე, რომელშიაც ადამიანი მოქცეული. ალუდა ქეთელაური, ჯოჯოლა თემს და საზოგადოებას უპირისპირდება, როგორც მაღალი მორალის რეცოლიუციონერები, ხოლო მიხდია, რომელიც გამეცნიერდა, ზეკაცობის მწვერვალზე ავიდა, იმულებული გახდა თავის მშობელს, თავის აღმზრდელს და მოძღვარს — ბუნებას დაპირისპირებოდა და შებრძოლებოდა, სრულიად კერძო ოჯახურ საჭიროების ნიადაგზე. ეს კერძო, ოჯახური საჭიროების ამბავი თუმცა უმნიშვნელოა. პატარა, შედარებით სხვა დიდ მნიშვნელოვან საკითხებთან, მაგრამ ისეთი დიდი ღირებულების მქონე, როგორც უაღრესად რთულ მექანიზმისათვის პაწია მარკვალი, რომლის ამოძრობა ვებერთელა მანქანის მოძრაობას შეაჩერებდა. ვაჟა არ სწყვეტს საკითხს. იგი მხოლოდ აცხადებს: ძნელი გასაგებია ვის მხარეზეა მისი თანაგრძობა. იგი მიუღვამოდ ნატავს მდგომარეობის სირთულეს და მისი შემოქმედების სიმდიერე სწორედ აქაა. ვაჟა მოსამართლე არაა, არამედ მხატვარი და შემოქმედი.

საიდან აიღო ვაჟამ „გველის მკამელის“ შინაარსი. ამის შესახებ თითონ ავტორი იძლევა შემდეგ განმარტებას პასუხში ვართავაგასადმი. „გველის მკამელის“ არაკი რაც მე გავიგონე შემდეგია: ხევსური მიხდია ჩაუვარდება ტყვედ ქაჯებს. ტყვეობამ თავის მოკვლამდე მიიყვანა, თავის მოსაკვლელად გველის ხორცი ჭამა, რომლითაც ქაჯები იკვებებოდნენ. გველის ჭამამ სრულიად სხვა ნაყოფი გამოიღობს: მიხდია ბრძენ კაცად გადაიქცა. მას ესმის მცენარეების ენა. ისინი თითონ ამბობენ რომელი რის წამალია.. ხალხური თქმულება ამას იქით არ გადის“. ამ უბრალო არაკიდან ვაჟამ შექმნა ისეთი დიდი ნაწარმოები, რომელიც ქართულ ლიტერატურულ შემკვიდრებაში ვეფხის ტყაოსანს ვერდის უმშვენებს.

არ ვეხები დანარჩენ პოემებს, რომელთა რიცხვი 41-მდე აღწევს. მათზე შეჩერება დიდ დროს მოითხოვდა. დღეს კი მხოლოდ იმაზე შეჩერდი, რაც არსებითი და ძირითადი იყო.

8

საკაცობრიო საკითხებთან ერთად, ვაჟა ფშაველამ ქართული პატრიოტიზმი უმაღლეს მწვერვალამდე აღამალა. როცა ვაჟა საკამოდ გამოჩნდა ქართული მწერლობის ასპარეზზე ილიამ სთქვა, ამიერიდან მე ლექსების წერას თავს ვანებებო. თუ მართალია ეს თქმა, რასაც ილიას აწერენ, ქეშმარიტად სწორად უგვრძნია ამ დიდ ქართველ პოეტს და მოაზროვნეს ვაჟა ფშაველა. ეს ნიშნავდა ვაჟას წინაშე თავის დახრას პოეზიაში, როგორც ამბობენ, ვაჟამ ეს არ გაიკვირვა, ირამედ მიიღო როგორც კუთვნილი და ბუნებრივი რამ.

განსაკუთრებით აჯაკიმ და ნაწილობრივ ილიამ პუბლიცისტული და დარღეს ქართული პოეზია. შეიძლება ჩვენი ეროვნული ცხოვრების ვითარება საჭიროებდა ამ პუბლიცისტურობას, მაგრამ ხელოვნების საზრისით ეს ნაკლია და არა ღირსება. ვაჟამ არ მიიღო ეს პუბლიცისტური ჟანრი. იგი სხვა რწით ალაპარაკდა. იგი თითოეულ ნივთს, თუ მოვლენას სახელს არ არქმევს. იგი სიმბოლოებით ლაპარაკობს და ეს სიმბოლოები ისეთი საკვირველი შინაგანი ცეცხლითაა გავარგავილებული, რომ დაუეჭვებლად გრძობით პოეტის გულის თქმასა და სულის მღელვარებას. ვაჟა ბუნების შესაბამისად, როგორც მიხდია. მას აქვს ხილვის საოცარი სიმანვილე. შემეცნების უნახესი მგრძობებლობა და აზრის განსაკვირვებელი ლოდიკა. მთების ნისლი ჩვენი ქვეყნის ფიჭვი ჰკონია, შვილის ნუკრის ჩივილი, რომელსაც მონადირემ დედა მოუკლა ჩვენი ქვეყნის ჩივილია, ხოლო „ხმელი წიფელი“ დაპყრობილი და მანდილ ახდილი საქართველოს უდიდესი სიმბოლო. მას აქვს ზოგადი, მაგ-

რამ გარკვეული ფორმულა. ერთი ადამიანი მეორეს არ უნდა ჩაგრავედეს, ერთი ერი, მეორეს არ უნდა იპყრობდეს... „კაცმა, შეუბრალებელმა ადამიანმა მოგვიკლა გული. მოგვიკლა შვილი და დაგეტოვა თვალ ცრემლიანი. გულში და დღეს ჩვენ ბევრი ვიტრით, გვენანება იმ ადგილის განშორება, სადაც დავიბადენით, ადვიზარდენით, სადაც სიცოცხლე ვიგრძენით“, ასე ალაპარაკებს ვაჟა შველის ნუკრს, რომელსაც მონადირემ დედა მოუკლა. აქ ეს პაწია ცხოველი აყვანილია მაღალ ქმნილებამდე — რომელსაც საშიხელი ტრალედია დაატყდა თავსა. იგი ვერ შორდება იმ ადგილს, სადაც დაიბადა, სადაც პირველად სიცოცხლე იგრძნო, თავის სამშობლოს; იგი ცრემლებად დნება, მისი მწუხარება უსაზღვროა და უნაპირო. თქვენ გესმით რანაირი სიმწვავეთ, როგორი გულის ტკივილით უნდა ეგრძნო ვაჟა ფშაველას საქართველოს ეროვნული ცხოვრების ტრალედია, როცა იგი ცხოველის, მცენარის, მწერის და მდილის დაჩაგვრაზედაც უზომოდ შეწუხებულია. ვაჟას აქვს ერთი პატარა მოთხრობა „მთის წყარო“ სადაც დიდი ოსტატობით ეროვნული თუ პიროვნული დამოუკიდებლობის საკითხი არის დაყენებული. „არაფერი ცოდვა არ მიქნია ჩემს დღეში. ვერც ერთი სულიერი, თუნდ უსულო, ჩემს ცოდვას, ჩემს სიავეს ვერ იტყვის. ღმერთს ესე დაუწესებია: უნდა ვიძინო, ვიძინო, ყველამ ჩემით უნდა მოიკას წყურვილი. ვახურებულს ზაფხულის დღეში რამდენი ნადირი მოდის, სეამს ჩემს წყალსა, რამდენი დალაღულ-დაქანცული მუშა მოვა, მოიტანს ცელს, ნამგალს გასალესად... კაცნი მსმენ და ათასში ერთი თუ იტყვის „დაილოცე, ცივო მთის წყარო, რომელი ღვინო შეგედრებო?!“ „უმრავლესობა ზედ მაფურთხებს.. ვერსის სიგრძეზე ვარ მხოლოდ ბედნიერი და უცოდველი რა ვქნა, მე ვერავის მივაფურთხებ...“ „ორისა თუ სამის მერე დამღვეს, ჩამნთქავს უხარმაზარი მდინარე, დაიკარგება ჩემი სახელი, ჩემი ვინაობა. როგორც უნდა, ისე მატრიალებს. თითონ ხომ ღრიალებს, ბორბავს, აწყდება აქეთ-იქით, ანგრევს დედა მიწას, გლეჯავს ხეებს და მიათრევს, მეც იმასეე ჩამადენინებს. მაგრამ მაშინ მე ის აღარა ვარ, რაც ეხლა, ამ წამში, როდესაც პირველად კლდიდამ ვიბადები. ოჰ, ამ მდინარისაგან გული მაქვს გახეთქილი! რამდენჯერ აქ მესმის ხოლმე ხალხის ყივილ-ხივილი: „დაახრო წყალმა კაცი, უშველეთ ღმერთი არავის გწამთო!“ „ცოტა არ არის, მეც ბრალი მედება. ევჰ, ჩემო თავო! ნეტავი დამბადებელს ესე არ დავეწესებინე“. ვაჟა ხედავს უდიდეს სრულ ქმნასა და ბედნიერებას; პიროვნულსა და ეროვნულს დამოუკიდებლობაში, მას სული ეხუთება იქ, სადაც იროდევა ამ დამოუკიდებლობის სათავეები. ვაჟა პროზაში უმთავრესად ბუნების ცხოვრების აღწერას იძლევა. იგი ეძებს და პოულობს ამ ბუნებაში მაღალი ცხოვრების მიზანსა და მისწრაფებას. „ია“, „მთის წყარო“, „მთანი მალაღნი“, „ხმელი წიფელი“, ეს უძვირფასესი პოემებია დიდი შემოქმედის და ოსტატის ხელით დაწერილი. არა მგონია მსოფლიო ლიტერატურაში რომელიმე ერს ჰქონდეს ასეთი დიდ მნიშვნელოვანი ხელოვნური ქმნილებანი, როგორც ვაჟა ფშაველას შემოქმედებაა. მოისმინეთ პატარა ნაწყვეტი „მთანი მალაღნი“-დან, რომ დარწმუნდეთ რამდენად გამანვილებული აქვს ვაჟას მგრძობებლობა ბუნების სულში ჩასაწვდობად. „იდგნენ და ელოდნენ, უსაზღვრო მთების მოლოდინი, უსაზღვრო ზღვად სდვას იმათ გულში, წითლად, სისხლის ფრად შედღელებული უთიმთიმეს გულ-მკერდში. ვარეთ, სახევე კი არაფერი ეტყობათ, გარდა მტერობისა. ეს არის კიდევ ნიშანი მოლოდინისა. ვინ რა იცის, რა ამბავია მთების გულში, რა ცეცხლი სდღუს და გადმოდის. მთებო, მთებო! რას ელით, ვის ელით! ნუთუ გყავთ სატრფო დიდი ხნის უნახავი? იქნება შვილი დაპყრობეთ? იქნება ძმა, ან დედა გყავთ შორს წასული და არაფერი ამბავი მოგსვლი-



ათ? პასუხი არ ისმის. სდგანან წარბშეუხრელად. ელოდ-
ნენ, ელიან და კვლავ ექნებათ მოლოდინი, რა დააშრობს
იმათ გულში ამ მოლოდინის ზღვას? არა აქვს იმას ბოლო,
არც დასასრული, როგორც ღვთაებას“.

9

ვაჟა ფშაველას ფანტაზია, მისი აღქმის, მისი შეხების
ნერვები ისეთი საკვირველი მგრძობელობის და სიმახვი-
ლისაა, რომ მას თავისუფლად ეხერხება ჟრუანტილის
მომგვრელი სურათის შექმნა. აიღეთ მისი ლექსის ერთი
მაგალითი „მდევების ღვინიდან“

„ცეცხლი დაენტო ძლიერი,
გარს უხუნდნ ყოტებივითა,
თავ ცხვირი წამოეშვირათ,
სალის კლდის ლოდებივითა.
დაღრენილი აქეთ ლაშები,
სალუდეს ქობებივითა,
წითელს იქნევენ ენებსა,
გრძელებსა შოთებივითა“.

ან და ეთერიდან კულიანი ბებერის სურათი.

„თვალეზი ცეცხლისა უხუნდა,
კბილეზი ჰქონდა მინისა,
ცარიელ ძვლებზე ზედ ეკრა,
ტყავად ფურცელი რკინისა,
ფეხეზი ჰქონდა კაცისა,
ხელად ბლაღეზი ციცისა,
და თმის მაგივრად სულ ძაღლსა,
მოკლე ფაფარი კვიცისა“.

ვაჟას ჩამორჩენა, ანდა მეორე ბრალდება, რომელიც ამ
უქანასკნელად გ. ქიქოძემ დააყენა, თითქო მას აზრის სი-
ღრმე აკლდა, უმეცრებასა და გაუგებრობაზეა აგებული.
შეიძლება ნილილიზმის და უტილიტარიზმის საზრისით
ვაჟა მართლა ჩამორჩენილი იყოს, მაგრამ ამას არა აქვს
არავითარი მნიშვნელობა, რადგან არც ერთი ამ მიდგო-
მით არ შეიძლება. ნამდვილი ხელოვნური შემოქმედების
დაფასება. ვაჟას შემოქმედებამ ქართული კრიტიკა სწო-
რედ იმიტომ დააბნია, რომ მას არც ერთი ერის მწერლო-
ბაში წინამორბედი არ ჰყავდა, მაშასადამე წინას წარ არ
იყო გარკვეული და დაფასებული ამ მგვარი შემოქმედე-
ბის ღირებულება და მნიშვნელობა. გარდა ამისა ვაჟა არც
ერთ ლიტერატურულ სკოლას არ ეკუთვნის. იგი ყოველ
გვარ სკოლის გარეშე სდგას. ქართული კრიტიკა, ნაჩვევი
იყო უცხოეთის წაბაძვით ესა თუ ის მწერალი ჩაეკეცებოდა
ამა თუ იმ ლიტერატურულ მიმართულებაში რომანტიზმი
იყო ეს თუ ნატურალიზმი, რეალიზმი თუ სიმბოლიზმი,
მიუხედავად იმისა უდგებოდა თუ არა სავსებით ამ მწე-
რალს ეს ლიტერატურული სკოლის პრინციპები. ვაჟას ვე-
რაფერი მოუხერხეს, რადგან მან ყველა სკოლის პრინცი-
პებს გადაეხეჯა. ვაჟას ვაგება ჩვენი წარსულს ღრმა შეს-
წავლას ითხოვს. მის შემოქმედებასთან არც თავ ცარიელი

და არცნილილისტების თუ უტილიტარისტების ციტატებით
მისვლა არ შეიძლება. ვაჟა ქართული სიტყვის მოგვიამისი
შემოქმედება, საუკუნეებით შეკრული, ქართული კულ-
ტურული ღირებულებების მთიდან მომსქდარი ზეგავია,
ჩვენი საზოგადოებრივი ცხოვრების ხევეში მგრგვინავი
ხმაურით ჩამოვარდნილი.

ვაჟა ქართულ მითოლოგიაში ბრუნავს და ბორგავს.
მისი ფანტაზია ისეთი მცხოველმყოფელია, რომ მთელი ეს
არა-კი, მთელი ეს ფანტასტიური ამბავთა ქსელი, რომელ-
შიც რეალობის უმნიშვნელოვანესი ელემენტია დატანე-
ბული, ხოლო ეპოპეა წარმოდგენებით და დანართებით
არის გაცოცხლებული და ხორცშესხმული, მისთვის ნამ-
დვილად მომხდარი ამბებია. იგი არ არსებულ გმირს პი-
რის პირ ესაუბრება, როგორც ნამდვილ, ცოცხალ და მომ-
ქმედ არსებას.

მთელი ეს მხედრული, გმირული თუ ყოფაცხოვრებითი
ამბები თითქოს მის თვალწინ ხდება. იგი მოყურადეა თუ
მონაწილე მისი. ვაჟა თითქოს საკუთარი ნერვებით განი-
ცდის, საკუთარი ხელებით ეხება ათასწლოვან მითოს და
ლეგენდას. ხოლო ის ყოველ დღიურობა, რომელშიაც
იგი ნამდვილად იყო, ამაზე ხელს აქნევს ფშაველი ჯიუ-
ტობით, ფეხს აბიჯებს მთელ იმ კულტურულ სიბჭყვი-
ლეს, ჩვენში რომ მოგორავდა პოლიციური სითეთრით და
გულ შაობით. ვაჟა მთა-ღრეებში იხიზნება, სადაც ქართუ-
ლი კულტურის ცხოველმყოფელობას, მთელი ტანითა
სუნთქვამდა.

იგი არ იყო ევროპიული კულტურისა და ცივილიზა-
ციის წინააღმდეგი, მაგრამ მისი ღრმა რწმენით, ეს ცივი-
ლიზაცია, ევროპიულის სახელს რომ ატარებს, ჩვენი ყო-
ფა ცხოვრება, კულტურული ღირებულებისა და წარსუ-
ლი მემკვიდრეობის ძირებიდან უნდა გამოდიოდეს ან და
ეს ახალი, ამ ძირებზე უნდა ემყნობოდეს, ჩვენი, საკუთა-
რი, ქართული ხელით.

ცივილიზაცია და კულტურა ეროვნული და პიროვ-
ნული ცხოვრების ამალგებას და დამოუკიდებლობას,
სრულთქმას, თავისუფლებას და ბედნიერებას უნდა ემსა-
ხურებოდეს. ცივილიზაციის და კულტურის სახელს არ
შეიძლება ატარებდეს ის, რაც ეროვნულ და პიროვნულ
ცხოვრების მთლიანობას არღვევს, აჩანავებს, რყვნის, ავ-
ვარებს და ანაგდურებს.

ვაჟას, შეუძლებელია, მხოლოდ პოეტური ალლოთი და
ქვეცნობიერებით მიეგნო ამ ნიადაგისათვის, რომ მას ღრმა
აზროვნების უნარი არა ჰქონოდა.

ვაჟა, მისი შემოქმედება და ცხოვრება ერთი განუკვე-
თელი მთლიანობაა, ერთი უზზარო რვალი, ქართული
გრძელი წელთაღრიცხვით და კულტურული მემკვიდრე-
ობით დატვირთული. ამიტომაც იყო, რომ მას ყველაზე
მეტად მის თანამედროვეებში სწამდა ჩვენი დამოუკიდე-
ბლობის აღდგენა. სწამდა ბრმად, სარწმუნოებრივი გატა-
ცებით და ფშაური ჯიუტობით.

ი. მახვილაძე

ეროვნული ერთობის საფუძვლები

ახალი ცნობების ასპარეზზე.

მეცხრამეტე საუკუნის განმავლობაში ქართული ცხოვრების ასპარეზზე ბრძოლა იყო გამართული ქართული სკოლისათვის, თეატრისათვის, ეკლესიისათვის, წიგნისათვის და სხვა ყოველი ეროვნული საქმისათვის, რაც რუსული საშიშროებისგან დაცვას მოითხოვდა. თითქმის მთელი ქართული განათლებული თაობა ჩაბმული იყო ამ ბრძოლაში. რომელი ამ მოღვაწეთაგან დავასახელოთ, სახელი მათი ლეგიონია, ხოლო მებაირახტრე ილია ჭავჭავაძე.

1860 წლიდან 1900-მდე, ორმოცი წლის მანძილზე აღუდგა ქართული ცხოვრება და ფრთა გაისწორა ეროვნულმა შემოქმედებამ თვითმოქმედების ნიადაგზე. ანუ როგორც უკვე დავხასიათეთ ეს მოვლენა: „ყველაფერი ეს — თითოეული წამოწყება ეროვნული ცხოვრების ასპარეზზე, — მიზნად ისახავდა ქართველი ხალხის გამოფხიზლებას, ფეხზე დაყენებას და ეროვნულად მომზადებას, — და ამ მუშაობას ანათებდა შორიდან იდეა საქართველოს თავისუფლებისა, — საკუთარი ეროვნული ცხოვრების მოწყობის იდეა! ეს იყო ის დიდი დადებითი და დამტკიცებითი მუშაობა, მუშაობა მძიმე და რთული, მომთხოვი და დამხარავი აუარებელი ენერჯისა, განუზომელი სიყვარულისა და ნებისა! მაგრამ ამ „წვრილმა“ მუშაობამ, ამ ყოველდღიურმა, დაუღალავმა ფუსფუსმა, რომელიც ეროვნული დამოუკიდებლობის ვარსკვლავს მისდევდა, ერთ ჩანთა, ვერ გადაყლაბა ყველა ენერჯი, ყველა სურვილი და პარალელურად კვლავ გრძელდებოდა ქადაგება და ბრძოლა ერის თავისუფლებისათვის: — სიტყვითა და კალმით, ლექსითა და პროზით... (იხ. „კავკასიონი“, პარიზი, 1934 წ.). მწერალთა მთელი თაობანი უმღეროდნენ და შესტრფოდნენ საქართველოს, მხატვრული სიტყვით უგალობდნენ მის წარსულს და ამჟღავნებდნენ იმედს მის მომავალზე. ქართული მწერლობა წარსული საუკუნის სამოციანი წლებიდან იყო ეროვნული ბრძოლის პანგებით აქლერებული, რომლის უმაღლესი სიტყვა იყო: საქართველოს დიდება, მისი ბრწყინვალე წარსული და იმედიანი მომავალი. ეს ხანა მოითხოვდა დიდ ღვაწლს და იგი არავის დაუშურებია, ვინც კი საზოგადო საქმიანობის უნარით იყო დაჯილდოებული. მაგრამ ეს მოღვაწეობა არ იყო ცალმხრივ, მარტო მწერლობით, მხოლოდ ლიტერატურით. ცხოვრება არა მარტოდნენ სულიერი მოვლენა, და მისი ნივთიერი მხარეც მხედვემელიც მაწუხებს, მაწუხებს და მბაბრებს“...

ქართული ეკონომიური ცხოვრება მეცხრამეტე საუკუნის სამოციან წლებამდე ნატურალური მეურნეობით ხასიათდებოდა, ხოლო ბატონყმობის გადავარდნის შემდეგ ფულადი მხარე ამოძრავებას იწყებს და ამით ძველი ეკონომიური წესწყობა რღვევის განვითარებას შეუდგა. ნატურალური მეურნეობის დაშლისა და ფულადის დაწყებამ ქართულ ცხოვრებაში დიდი კრიზისი გამოიწვია. სწორედ ამის შესახებ სწერდა ჩვენი დიდი მწერალი გრიგოლ ორბელიანი სოფიო ორბელიანს: „ყოველ მხრიდან, ყოველის სახლიდან მოისმის მხოლოდ ხმა ვაებისა და კენესისა; სიგლაზე მიაღწია უკანასკნელ ხარისხამდის და სად არის გამომხსნელი ჩვენი? ეს არის საზარელი ფიქრი, რომელიც მაწუხებს, მაწუხებს და მბაბრებს“...

ქართველი მოღვაწენი კარგად ხედავდნენ ამ სივალახის მიზეზს, რადგან ისინი სინამდვილეს ღია თვალებით აფასებდნენ. იწყებოდა ახალი სამეურნეო ცხოვრება და ხალხიც უნდა ჩაბმულიყო მასში, განსაკუთრებით კი თავდახნაურობა, რომელსაც კიდევ გააჩნდა დოვლათი, რათა თანამედროვე სავაჭრო-საბრუნველო განვითარება-

ში მონაწილეობა მიეღო. ილია ჭავჭავაძე პირდაპირ მიუთითებდა ქართველობას, თუ რა საბიჯით და საით უნდა წასულიყო იგი. „ხშილთ მოსულმა ვერა დავგაკლო-რა. ძროხით და გარჯით, ცოდნით, ხერხით მოსული კი თან გავგიტახს; ფეხქვეშიდაი მიწას გამოგვაცლის, სახელს გავგიქრობს, გავგიწყვეტს, სახსენებელი ქართველის ამოიკვეთება და ჩვენს ძველებს გავგიტახს, როგორც უბატროხო საყდარს, სხვანი, დეპატრონებანი, თუ შრომასა და გარჯას, ცოდნასა და ხერხს, შრომა და გარჯა, ცოდნა და ხერხი წიხ არ მივაგებეთ, წიხ არ დავახვედრეთ, წიხ არ დავუყენეთ“, ამიტომ ილია ჭავჭავაძე ძიშართავს ქართველობას: — ჩაებით ვაქრობა-ძოვრელობაშიო! გუთანს ხელი არ გაუშვათ, რადგან მთავარი მასაზრდოებელი მაინც მიწაა, ხოლო ვაქრობაც საჭიროაო. „მომწიფდა ჩვენში ის აზრი, — სწერდა იგი, — რომ სულიერ ღონესთან ერთად უნდა ვლიდეს ღონე ხორციელიც, რომ სულის, ქუისა და გონების გაძლიერებას მხარადახარ უნდა მოსდევდეს ქონებისა, ჯიბის გაძლიერებაცაა, რომ ერი და ქვეყანა, რომელთაც ან ერთი აკლია ან მეორე, ცალ-ფეხა კაცსა ჰგავს“... როგორც ვხედავთ ილია ჭავჭავაძემ და მისმა თაობამ საკითხი სწორად დასვა და სწორადვე გადაწყვიტა: თანაბარი განვითარება სულიერი და ნივთიერი ცხოვრებისა, სოფლისა და ქალაქისა, ეკონომიური განვითარება ერის წიხსვლა, — და ამ მიმართულებით გაწეულმა მუშაობამაც ჩვენს ცხოვრებას ღრმა დალი დაამჩნია. 1875 წელს დიმიტრი ყიფიანის ხელმძღვანელობით დაარსდა თბილისის გუბერნიის თავადაზნაურთა საადგილმამულო ბანკი, რომლის თანხა შესდგა იმ ფულიდან, რაც თავადაზნაურობას ერგო გლეხთა განათვისუფლების საქმეში. ასეთივე ბანკი დაარსდა ქუთაისშიც. ეს ბანკები შეიქმნენ ქართველი ხალხის ფინანსიურ დაწესებულებად და მისი წლიური კრებები კიდევ პარლამენტად. ყველა საზოგადო საქმეს ეს ბანკები ეხმარებოდნენ: სასწავლებლები, თეატრები, წერაკითხვის გამავრცელებელი საზოგადოება, თუ სხვა რამ ეროვნული დაწესებულება მაშველ ხელს ბანკში პოულობდნენ. მარტო თბილისის ბანკი ყოველწლიურად ასეთ საქმეებზე ათიათას თუმანს ხარჯავდა. სათავადაზნაურო ბანკები გადაიქცნენ ქართველი ხალხის ფინანსთა სამინისტროდ. ამიტომ იყო რომ თბილისის ბანკის თავჯდომარე, იგივე ილია ჭავჭავაძე, როდესაც იგი ამ ძვირფას დაწესებულებას — ბანკს — მტრებს უგერიებდა, ამ დაწესებულების მნიშვნელობაზე მიუთითებდა: „აბა ერთი სხვა ბანკი გვიჩვენეთ იმისთანა, რომ მისი მოგება არავის ცალკე ჯიბეში არ მიდიოდეს და მარტო, საზოგადო, საქვეყნო საქმიანობას ჰხმარებოდეს. აბა ერთი იმისთანა ბანკი მიჩვენეთ, რომ ფულს მე ჩამოვსულიყავ და მოგება — კი საზოგადო საქმიანობისათვის შემეწიროს. ქვეყანაზე ამისთანა ჰუმანიურს, თანასაგრძობელს დედა-აზრზე აგებული ბანკი სხვა არსად გამიგონია“ —ო. და ეს სრული ჭეშმარიტება!

მესამოცე წლების მოღვაწეთა ყველა ნაბიჯი, ყველა ზომა, ყველა მოქმედება, საერთოდ მთელი მოღვაწეობა მხოლოდ ერთ აზრს ექვემდებარებოდა. ეს აზრი და მიმართულება იყო ქართველი ხალხის ეროვნულ საფუძველთა დაცვა, ქართველი ერის დაკემული ვინაობის აღდგენა; ამიტომ მათი სახელმძღვანელო დებულება ერთადერთი და მართალი იყო: „ყოველი ჭეშმარიტი ლიბერალი, ჩვენი კაცი დღესაც მაგ მიმართულების მიმდევარი უნდა იყოს ჩვენში. ნურავის ნუ ჰგონია, რომ ეგ მიმართულება, რადგან დიდი ხნისაა, და რადგანაც ძველია, ამიტომ უჭედრისია და სათაკილო ლიბერალებისათვის. დეე ოთხ ფრა-



ზიანმა ლიბერალებმა ეგრე იფიქრონ, ჩვენ კი ამას ვიტყვით, რომ ეგ თიაროთულება იქნება ახალი იმ დროდღე, თინამ ჩვენი ვითარობა შეაფერს და კუთვნილს ადგილს აო დაიჭერს ჩვესა ცხოვრებაში და საზოგადო საქმეთა სათავეში არ მოექცევა. (ე. ი. სახამ ქართველობა არ იქნება თავისი თავის სრულფუნქციონირება აატრობი, სანამ საქართველო თავისუფალი არ იქნება, ვ. ნ.) სხვა საგანი ამხედ უძძიმისი, ამახედ უსაჭიროესი არა აქვს ეხლანდელს საქართველოს შვილს. ყველამ, ვისაც რამ შეუძლიან, ამ მიმართულებებზე ქვეშ უხდა მოიყაროს თავი, და ერთად, ძმურად იმოქმედოს. ყოველივე საქმე, ყოველივე საგანი, რაც ჩვენი ცხოვრების მიძველობაში თავისით თუ სხვისით აღმოჩნდება, სულ ყოველისფერი ჩვენს ვინაობის საქმეს უნდა შევეუბნოთ, ქვეშ დავუყენოთ, სკოლაა, ბანკია თუ თეატრი, ყველაფერს სულ მაგისაკენ უნდა მივუბრუნოთ თავი. ვაყენებთ სადმე კაცს მარშალად, თუ ბანკის გამგებლად, თუ მასწავლებლად, თუ სადმე სხვად, — მაგ მიმართულებების სასწორზე უნდა ავწონოთ. აი ქეშმარიტი ლიბერალის საქმე რა არის ჩვენში — სწერდა ილია ჭავჭავაძე 1881 წელს.

ამგვარად, ერი და მისი ინტერესები გამოცხადებულ იქნა უზენაეს დებულებად, რომელსაც ყველაფერი უნდა დამორჩილებოდა. ამიტომ იყო, რომ ნიკო ნიკოლაძე შემდეგ ივონებდა, ყველა საქმეში ქართულ ხაზს ვატარებდით და ვიცავდით. და ეს მუშაობა, ეს ბრძოლა უაღრესად საჭირო და გარდაუვალად აუცილებელი იყო, ვინაიდან შესაქმნელი იყო ცხოვრების ახალ პირობებთან შეგუებით მრავალი ქართული დაწესებულება; დასაცავი იყო თითოეული პატარა ეროვნული კერა, როგორც ნივთიერი, ისე სულიერი ღირებულებანი; დასაცავი იყო ყველაზე უფრო კიდევ ის ეროვნული ერთობა, რომელმაც ქართველობა უგრძესი ისტორიის მანძილზე ატარა და გადარჩინა. ყოველი საკითხი, ყოველი საქმე განიზომებოდა და აიწონებოდა ეროვნული ვინაობის, ეროვნული მეობის დაცვისა და განვითარების განჭვრეტით. და ვინაიდან ილია ჭავჭავაძის მთავარი შეხედულება იყო, რომ „უბრალო გლეხობა — ეს უმრავლესობა ქართველობისა, ეს სული და გული ჩვენი ეროვნული იმედებისა“ არისო, ამიტომ იგი უნდა აღიზარდოს, განათოდეს, გამდიდრდეს. თავისთავად ცხადია, სამეურნეო სკოლებს ამ მხრივ დიდი მნიშვნელობას აძლევდნენ და როდესაც ილიას მეგობარმა წინამძღორი შვილმა თავისი კერძო პირადი თანხებით სამეურნეო სკოლა გახსნა, ამას ქართული საზოგადოება დიდი სიხარულით შეეგება. ქართული თაოსნობითვე იქმნა დაარსებული სამეურნეო საზოგადოება, საჩვენებელი მეურნეობა, სხვადასხვა სამეურნეო კავშირები. მოკლედ, სამეურნეო დარგშიც, ისე ვით კულტურულშიც, თავისი კერძო თაოსნობითა და თვითმოქმედებით ქართველობა გზას იკვლევდა და ეკონომიურ პირობათა წაწვევით ცხოვრების კეთილმოწყობას ესწრაფოდა. სოფლის მეურნეობის ამოღება, ვაჭრობის ასპარეზის გაფართოება და სამრეწველო წამოწყება ქართულ ეკონომიურ ცხოვრებას ახალ გზაზე აყენებდა და კეთილ მომავალს უქმნიდა. ამ მიმართულებით უნდა წარმოებულყო საზოგადო მოღვაწეობაც ყველასი, მაგრამ ქართველობის ნაწილს ეს საქმე ასეთი სინამდვილის შეგრძობით არ გაეგებოდა. ჯერ კიდევ შენევაში თავმოყრილმა ქართულმა ინტელიგენციამ, როდესაც მან კავკასიის ფედერაციის აზრი წარმოადგინა, მას საფუძვლად დაუდო სოციალისტური დებულება. ხელნაწერ ჟურნალ „დროშა“-ში, 1873 წ., მოთხოვნილი იყო: „თავისუფალი ფედერაცია ყველა კავკასიელ ხალხებისა. განწყობილთა ყველა მოქალაქეების ეკონომიურ თანასწორობისამებრ“. მაშინ ამისი ქადაგება იყო უეჭველად, სულ ლბილად რომ დავახსიათოთ, მხოლოდ ოცნება.

ილია ჭავჭავაძის გაზეთი „ივერიის“ პროგრამის დედააზრი იყო: „ჩვენი გულითადი რწმენა ყოველთვის ისა ყო-

ფილა და არის, რომ ერის წარმატება, ქონებრივი თუ გონივრული, შესაძლებელია მხოლოდ მაშინ, როდესაც ერთ-ერთადერთად დაუყოფლად დიდ-პატარაობის გასურხველად და გამოუკლესლად, ერთიანის იეცადისეობითა და გარჯით ცხოვრების გზა გაიკვალოს და ათოთი ბედისა გაიტანოს“-ო (1882 წ. № 231), ამის საპასუხოდ კი გ. მაიაველი (ზდანოვიჩი) იმავე წელს სწერდა: იბრძოლეთ პირველად ყოველისა ეკონომიური ჩავგვის ძროსაპობად, დამყარეთ ეკონომიური თანასწორობა და ეროვნული ჩავგრა თავისთავად მოისპობაო; ასუ როგორც ნ. ურბნელი (ხიზახაშვილი) ამბობდა: „ჯერ ძმობა განახორციელებთ და მხოლოდ მაშინ გვიქადაგეთ, სხვადასხვა მიმართულებას თავი დაანებეთ და ერთ უღელში შევებით... მაგრამ მაშუღლიშვილობას წინ და უკახ უნდა ძისდევდეს აწინდელი ევროპის პროგრესული პროგრამის შესრულება“-ო, ესე იგი, სოციალისტური პროგრამის განხორციელებაო. 1880 წლებში ქართულ ასპარეზე სოციალიზმის განხორციელების ქადაგება — სინამდვილის სრული შეუგნებლობაა და ცხოვრებას მოწყვეტილი ცარიელი ოცნება; გაზეთი „ივერია“ — კი მთელი თავისი სიძძიმით სინამდვილეს ებჯინებოდა და მოითხოვდა: ერთობა საქართველოსი, ერთობა ქართველი ერისა, ერთობა ყველა წრისა ეროვნული სახეობის დასაცავად და გასაფორჩქნად. აი პროგრამა „ივერიისა“: „ყოველი ჩვენგანის მოქმედების საწყაო, საზოგადო საქმეებში, თუ ლიტერატურაში, მარტო ის უნდა იყოს, თუ ვინ რამდენად ასრულებს და მისდევს ამ ჩვენთვის მიუცილებელს საგანსა და გზას (ეროვნული აღდგენისა და დაცვისა, ვ. ნ.). სხვა საწყაო ტყუილია და ამაო: სხვისა ბაძი იქნება და არა ჩვენის თავის საჭიროებაზედ გაშტორილი“. მაგრამ ილია ჭავჭავაძის ეს გარკვეული ბრძნული მოთხოვნილება შესრულებულ არ იქმნა ყველას მიერ, „სხვისი ბაძი“ დაიწყო ნაროდნიკების მიერ, გაგრძელდა სოციალისტური მიმართულებით და დასრულდა ბოლშევიკებით.

ეგრედწოდებულ ნაროდნიკულ-სოციალისტური მოძრაობა საქართველოში რუსეთიდან შემოიხიზნა და თუმცა იგი მკვიდრად ვერ დასახლდა, მან მაინც ერთგვარად ნიადაგი მოუმზადა მარქსისტული სოციალიზმის წამოწყებას, რომელიც ქართულ ნიადაგზე მახინჯად გადმოიხერგა. ჩვენ აქ ამ ამბავის ისტორიას არა ვწერთ, მას უკვე შევეხეთ ერთჯერ (იხ. „ორნატი“, თებერვალი, 1934 წ.) და ამიტომ აქ მოკლედ მოვჭრით. მარქსიზმმა მეოცე საუკუნის დამდეგს თავისი ბუნების თანახმად დასაბამიდანვე კლასთა ბრძოლის თეორია სავალდებულოდ გამოაცხადა, საქართველოს კაპიტალიზმის სწრაფი განვითარება აღუთქვა და დალადპყო სოციალიზმის დამყარების აუცილებლობა. თვით ამ დებულებამ ქართულ პრესაში მწარე კამათი გამოიწვია; ზოგი სრულიად უარპყოფდა კაპიტალიზმის დაფუძნების საჭიროებას და არა სთლიდა მას აუცილებლად. მაგრამ ფულადი მეურნეობა უკვე დაწყებული იყო და სამრეწველო განვითარება ტაატით ფეხს იდგამდა. ამას ხელი შეუწყო გერმანული სიმენსის ფირმის მიერ ტელეგრაფის გაყვანამ 1868 წლის შემდეგ და რკინისგზის დაგებამ 1871 წელს, პირველად ფოთისა და ზესტაფონს შორის, შემდეგ კიათურის რკინისგზის აგებამ და ბოლოს ბათუმ-თბილის-ბაქოს რკინისგზის გაერთიანებამ 1888 წელს. აღებმციკობის ხანა, სამრეწველო მუშაობა-ნელნელა ფეხს იკიდებდა საქართველოში, მაგრამ არა ისეთი სწრაფი ნაბიჯებით, როგორც ეს მარქსისტებმა თავშივე ყალბად წარმოიდგინეს. კაპიტალიზმის სწრაფი განვითარება, როგორც ამას მარქსისტები ჰქადაგებდნენ, საქართველოში არ მოხდა და ეს შემდეგ თვით მარქსისტების ხელმძღვანელმა ნოე ჟორდანიამ 1910 წელს დაადასტურა: „ამ 12—15 წლის წინად გვიგონა, რომ ქართული კაპიტალი და ქართველი ბურჟუაზია უფრო სწრაფად გამძლავრდებოდა, ვინემ ეს ნამდვილად მოხდა. ცხადია, მაშინ ინტერნაციონალური კაპიტალის როლი კავკასიაში



საზოგადოთ, — და საქართველოში კერძოდ, — ნათლად არ გვეჩვენა წარმოდგენილი —ო. (ნ. ჯ. ნაწერები. ტ. 1, შესავალი, 1910 წ.). პროლეტარიატის შექმნასა და განვითარებასთან დაკავშირებით, რომელიც მარქსისტების თვალში აგრეთვე განვიადებულია იყო წარმოდგენილი, ვინაიდან ისინი სინამდვილის დაფასების უნარს მოკლებული იყვნენ, ეროვნული საკითხიც დოგმატიურად გადასჭრეს. რადგან სოციალიზმის დამყარების აზრი მარქსისტებისათვის პირველადი იყო და გამოსავალი წერტილი ყველა სხვა საკითხის გასარკვევად თუ გადასაწყვეტად, ამიტომ ქართველი ერის მდგომარეობის შეუსწავლელად და გამოუძიებლად, რადგან თავიდანვე მათ თეორიულად აღიარეს თავისი თავი პროლეტარულ პარტიად, ეროვნული საკითხიც მას დაუმორჩილებს და განაცხადეს: „ჩვენ ვემხრობით ისეთ მოთხოვნებებს, არის ეს ეროვნული თუ სოციალური, — სულ ერთია, — რომელიც ხელს უწყობენ პროლეტარიატის მსვლელობას და აახლოვებენ საბოლოო მიზანს“ —ო ესე — იგი სოციალიზმის დამყარებას (ნ. ჯ. ტ. 1. გვ. 205). მაშასადამე, ყველა საკითხი უნდა გადაჭრილიყო იმის მიხედვით, თუ სოციალიზმის დამყარებისათვის რა იქნებოდა ხელსაყრელი, როგორც ამას ნაოროდნიკებაც ფიქრობდნენ. ამგვარად, სოციალიზმი იყო პირველადი და უზენაესი. ერის საკითხი კი ქვემდებარე და მასზე დამორჩილებული. ეს დებულება საკვებით ეწინააღმდეგებოდა და აყირავებდა ვაზეთ „ივერიისა“ და საერთოდ ილია ჭავჭავაძის თაობის მიერ შექმნილ ეროვნულ თეორიასა და პრაქტიკას, საფრთხეში აყენებდა ნახევარი საუკუნის მანძილზე წარმოებულ უანგარო მოღვაწეობასა და უმძიმეს პირობებში გაწეულ ღვაწლს. ჭავჭავაძის თაობის დებულება იყო: პირველად ყოვლისა — ეროვნული, და ამისათვის ერთობა. მარქსისტული მიმართულების დებულება იყო: პირველად ყოვლისა — სოციალიზმი, და ამისათვის კლასთა ბრძოლა. ეს ორი სრულიად მოწინააღმდეგე დებულება, ცეცხლი და წყალი, ერთმანეთს ვერ შეეგუებოდა და ამიტომ ამ ორი მოვლენის შორის მკაცრი მეტოქეობა და დაუზოგველი ბრძოლა გაიმართა. ამ საკითხის სწორი გადაჭრას მიუახლოვდა გიორგი წერეთელი, როდესაც მან გამოსთქვა აზრი, რომ ეროვნულიც და სოციალურიც შეერთებული უნდა იყოს, ჩვენ ეროვნული სოციალისტები, ნაციონალ-სოციალისტები უნდა ვიყოთო, მაგრამ მაშინ ეს ხმა ყურად არავის უღია და ბრძოლა გაგრძელდა ამ ორი მთავარი მიმართულების შორის. 1901 წელს ვაზეთმა „ივერიამ“ გამოაცხადა: „ვერედ წოდებული დასებრივი ანუ როგორც ენლა ამბობენ — კლასიური მიმართულება, ჩვენი შეხედულებით, ვიწრო ბილიკით დაიარება“ —ო და წინა რიგში კვლავ ეროვნული დააყენა. ამის საპასუხოდ, მარქსისტებმა გამოაცხადეს: „არც ერთ ხალხს ისე ნაკლებად არ აინტერესებს ნაციონალური კითხვა, როგორც ქართველ ხალხს“ —ო, (ნ. ჯ. ტ. 1. გვ. 554). რასაკვირველია, ეს მართალი არ იყო. ქართველი ხალხი ვაჟყვა სოციალდემოკრატიულ მოძრაობას არა იმიტომ, რომ მას მარქსის იდეოლოგია ჰქონდა; არა იმიტომ, რომ იგი „პროლეტარული“ პარტია იყო; არა იმიტომ, რომ იგი „ეროვნული პროგრამა“ მას ძალიან მოსწონდა, თანაც სოციალიზმის დამყარებას ეტრფოდა და მასზე ოცნებობდა; ვაჟყვა იმიტომ, რომ სოციალისტური მოძრაობა ებრძოდა რუსეთის წესწყობილებას და მოითხოვდა სოციალური საკითხების გადაწყვეტას, კერძოდ, რაც ყველაზე უფრო ქართველ გლეხს აინტერესებდა, მიწის საკითხის გადაჭრას. ვინაიდან მიწის საკითხი საქართველოში მთავარი და მწვავე საკითხი იყო — ამ მიწის საკითხის გარშემო კიდევ არა ერთი და ორი თეორია არსებობდა: ნაციონალიზაცია, მუნიციპალიტაცია, კოლექტივიზაცია და კიდევ სხვა ამნაირიზაცია. ხოლო როდესაც 1918 წელს, საქართველოს დამოუკიდებლობის ხანაში, ეს საკითხი პრაქტიკულად წამოიჭრა, იგი გადაწყდა არა რომელიმე...ზაციის მიხედვით, არამედ კერძო საკუთრების აღიარე-

ბით, გლეხთა ინტერესების დასაკმაყოფილებლად, როდესაც მძორმელთ შვილ-შვიდი დესიატინა ძიჟა საკუთრებად მიეცა. უწინ კი ამაზე მარქსისტები და სოციალისტები სრულიად არა ფიქრობდნენ და ძველ მოღვაწეთ სასტიკ ბრძოლას აძლევენ. ამ ბრძოლაში ხანაში წარმოიშვა კიდევ ახალი სოციალისტური პარტია, ე. წ. სოციალისტ-ფედერალისტური სარეკოლუციო პარტია, რომელმაც ეროვნულ მოთხოვნილებად საქართველოს ავტონომია წარმოადგინა.

ილია ჭავჭავაძის თაობა, მარქსისტული და სოციალისტ-ფედერალისტური მიმართულება, — აი ამ სამი მთავარი ჯგუფის ბრძოლათა სახე ქართული უკანასკნელი ათეული წლების თავგადასავალი, და განსაკუთრებული დრამატიზმითაა აღვსილი ორი უკანასკნელი პარტია — სოციალდემოკრატიისა და სოციალისტ-ფედერალისტურის დაჯახება, რომელიც უმთავრესად ეროვნული საკითხის გარშემო ტრიალებდა. წარსული საუკუნის სამოციან წლებში გამოსული მოღვაწეთა რიგი ბუნების კანონის მიხედვით შესუსტდა, ბევრი გარდაიცვალა, ბევრი ღრმა მოხუცებულებაში შევიდა, და ახალი ძალა მას სუსტად ემატებოდა, რადგან სოციალისტურმა პსიქოზმა მოიცვა თითქმის მთელი ინტელიგენცია, რომელიც უმთავრესად სოციალისტურ პარტიებში ვანლადა, რასაკვირველია, რუსეთში დაწყებულ რევოლუციურ მოძრაობას თავისი დიდი გავლენა ჰქონდა საქართველოშიც და ღრმა კვალს ამჩნევდა ქართულ ცხოვრებასაც. ქართული რევოლუციური მოძრაობა ერთში თან მისდევდა რუსულს; ეს იყო რუსული თვითმპყრობელობის დანგრევის მიზანი. ხოლო ეროვნული საკითხის ასპარეზზე იგი მაინც სხვადასხვაობას გამოხატავდა. მოკლედ რამ დავახასიათოთ, მეოცე საუკუნის პირველ ხანაში ეროვნული საკითხის გარშემო შემდეგი სრულიად გარკვეული მიმდინარეობანი არსებობდნენ: 1) რუსეთთან 1783 წელს დადებული ხელშეკრულების დამკველი მიმდინარეობა, რომელიც ამჟამად რევოლუციონერთა ხელში გადაიქცა საქართველოს პოლიტიკური ავტონომიის მოთხოვნილებად, ეს მოძრაობა ვაფართოვდა, ვიზარდა და მის გარშემო შემოკრებილი ინტელიგენციის დიდი ნაწილი და ქართული დაწესებულებანი, რომელთაც ოფიციალურადაც კი მოითხოვეს ავტონომია. მაგალითად, 1905 წელში, როცა თავადანხაურთა კრებებმა და ქალაქთა თვითმართველობებმა ავტონომიის გადაწყვეტილებანი მიიღეს; 2) საქართველოს დამოუკიდებლობის მომხრეთა მიმდინარეობა, რომელიც ღიად და ამკარად უცხოეთში არსებობდა; 3) მარქსისტული მიმდინარეობა, რომელიც ამტკიცებდა: „ყოველი ერი მიდის თავისი საკუთარი გზით და საკუთარი ტყუით; ქართველობის საკუთარი გზაა — გზა ინტერნაციონალური, რის შეცვლა შეუძლია არა ქადაგებას, არამედ მხოლოდ ისტორიულ პირობებს, ეს პირობები რამდენიმეთ გაჩნდება სხვილი ბურჟუაზიის აღორძინებით. მაშინ ჩვენი ინტელიგენციის ნაციონალიზმი ამ ბურჟუაზიის ნაციონალიზმი იქნება. მარა ამ დროისთვის პროლეტარიატში ისე ძლიერი იქნება კლასიური შეგნება და ინტერნაციონალური სული, რომ ნაციონალიზმი მას და მის მიმყოფ გლეხობას ოდნავათ ვერ ჩაითრევს“ —ო. (ნ. ჯ. ტ. 1. გვ. 578.). ანდა კიდევ: „და ასე, ქართული გლეხობა, ბურჟუაზია და მუსა არ ვითარდება ნაციონალური გზით. ამიტომ მათი ნაციონალური თვითგამორკვევა არ შეიძლება იყოს მიმართული წინააღმდეგ უცხო პოლიტიკური და ეკონომიური ძალისა. პირიქით, ეს თვითგამორკვევა აუცილებლად უნდა იყოს და კიდევაც არის ინტერნაციონალური“ (იქვე, გვ. 577). ეს ყველაფერი, რასაკვირველია, იყო ნებარი ლაპარაკი; გამომდინარე ერთჯერ აღიარებული მარქსისტული დოგმიდან, თორემ სინამდვილე სწორედ სულ სხვა იყო.

ქართველი ერიც იმავე გზით მიდიოდა, როგორც სხვა სიცოცხლის — უნარიანი ერი; მას თავისი ეროვნული სა-



ტივიარიც ჰქონდა და სოციალურიც რომლის მორჩენას იგი მთელი თავისი ძალებით ცდილობდა. ეს აჩემებული „ინტელიგენციის ნაციონალიზმი“, რომელიც ვითომ ბურჟუაზიის ნაციონალიზმი უნდა ყოფილიყო, და პროლეტარიატი, რომელიც მაინცდამაინც ინტერნაციონალური უნდა გამხდარიყო, და ეს გლახობაც ამ ინტერნაციონალიზმში უნდა გაეხსნა და ვაპყროლოდა, ცხოვრების სინამდვილეში სულ სხვა იყო, ვინემ ეს მარქსისტულ მიმდინარეობას წარმოედგინა. გლახობას მიწის საკითხი აწუხებდა და აინტერესებდა; აწუხებდა, რომ მას ქართული სკოლა, ქართული სამმართველო და ქართული სასამართლო არა ჰქონდა. და ეს ქართველმა ხალხმა ბევრგან გვაჩვენა 1905 წლის რევოლუციის ხანაში, როცა თვით ხალხმა გადააყენა რუსული ადმინისტრაცია, ბოიკოტი გამოუცხადა რუსულ სასამართლოს და ქართული ადგილობრივი ხელისუფლება დაამყარა. ეს გლახობა კიდევ ჩვენი ერის დიდზე დიდ უმრავლესობას წარმოადგენდა, გარნა პროლეტარიატი იყო მეტად მცირედი. მსოფლიო ომის წინ, 1914 წ. საქართველოში ირიცხებოდა 15.500 მუშა! (და ამ რიცხვში რამდენია ალბად უცხო ხალხი: სომეხი, თათარი, ბერძენი, აისორი, ოსი, რუსი და სხ.) და 3286 ფაბრიკა-ქარხანა. თითო ფაბრიკაზე მოდის 44 მუშა! და მარქსისტების აზრით ამ რაოდენობის მუშას უნდა წაეყვანა მთელი ერი! ცხოვრება და სინამდვილე სხვა იყო. თვით სოციალდემოკრატიულ პარტიაში გაჩნდა ავტონომისტური მიმართულება ლადო დარჩიაშვილის მეთაურობით, რომელიც ბეჭდავდა ჟურნალ „ახალ კვალს“ და შემდეგში კიდევ ე. წ. ალიონისტების მიმართულება ანუ გაზეთი „ალიონის“ მიმდევრები, რომელნიც აგრეთვე საქართველოს ავტონომიის მომხრენი იყვნენ. და დაბოლოს, თვით ნ. ჟორდანიას, რომელიც ბევრსა სწერდა ქართველი ხალხის არა-ნაციონალისტობის შესახებ და ებრძოდა სხვა პარტიათა თუ ჯგუფთა ნაციონალიზმს, მსოფლიო ომის წინა ხანაში თვით ვახდა იძულებული ნაციონალურ ნიადაგზე გადასულიყო და აღიარა მან. ე. წ. „კულტურული ავტონომია“. ამ კულტურულ ავტონომიასა და პოლიტიკურ ავტონომიას შორის დიდი ზღვარი აღარ იყო; მსოფლიო ომის უკანასკნელის აღიარებაც, მაგრამ მსოფლიო ომთან დაკავშირებით ისტორია სხვა გზით წარემართა. ამ ცხარე ბრძოლის ხანაში დაიბადა კიდევ ახალი მიმდინარეობა რომელიც თავისი მსოფლმხედველობათა და ეროვნული მისწრაფებებით ახალი არ იყო, მაგრამ რომელმაც იმჟამად დაიწყო გარკვეული პარტიული სახის მიღება და საბოლოოდ პარტიად ჩამოყალიბდა 1916 წელს. ეს იყო ნაციონალ-დემოკრატიული პარტია, რომელიც ვით სახელი გვიჩვენებს, არ იყო სოციალისტური და ამგვარად ყველა სხვა პარტიათა შორის გამონაკლისს წარმოადგენდა. ხოლო ეროვნულ საკითხში ღიად საქართველოს ავტონომიას მოითხოვდა. არა ერთი და ორი იყო ისეთი გამოცემა, რომელიც ეროვნულ საკითხს უტრიალებდა და მათ შორის აღსანიშნავია ყოველ კვირეული დიდი გაზეთი გრ. დიასამიძისა: „თემი“.

ქართველი ერის წარსულზე ერთი თვალისგადავლებით და სწრაფი ნაბიჯებით ამ უგრძეს გზაზე ჩვენ მივადექით ახალ ხანას, 1914 წლის მსოფლიო ომის მძვინვარებაში რომ წარმოიშვა, რომელმაც ქართველი ერის უკანასკნელი დროის ცხოვრება სრულფეროდ შეატრიალა და ახალ გზაზე შეაყენა. ეს იყო 1918 წ. ვარდის თვის — მაისის — 26-ს საქართველოს სახელმწიფოებრივი დამოუკიდებლობის გამოცხადება.

ბრძოლა ეროვნულ უფლებათა მოპოვებისათვის

რუსეთის ბატონობის პირობებში ქართველ ხალხს ანუ უფრო ზუსტად, მის ხელმძღვანელებს არ შეეძლოთ ღიად და აშკარად საქართველოს სახელმწიფოებრივი აღდგენის ქადაგება და ამ ნიადაგზე მოღვაწეობა თუ ბრძოლა.

ამიტომ ბუნებრივად ეს საკითხი გადატანილია თავისუფალ ასპარეზზე, რომელსაც უცხოეთი წარმოადგენდა. ჯერ კიდევ 1870 წლებში უცხოეთში მოსწავლე ახალგაზრდობა, რომელმაც აქ უფრო მწვავედ იგრძნო ქართველობის უფლებებობა, 1873 წ. ენევაში სწერს პირველ ქართულ გაზეთს, სახელით „დროშა“, რომლის მეორე ხომერში შემდეგია წარმოდგენილი: „აი ჩვენი საზოგადოებრივი იდეალი: თავისუფალი ფედერაცია ყველა კავკასიელი ხალხებისა, განწყობილთა ყველა მოქალაქეების ეკონომიურ თანასწორობისამებრ“. ენევის გაზეთი „დროშა“ კავკასიის დამოუკიდებლობის მომხრეა და კავკასიის ხალხთა ფედერაციას ქადაგებს. ამ მცირე მომზადების მერმე, შემდეგ წელს, 1874 წ., ენევაში შესდგა კავკასიელთა ყრილობა, რომელზეც აღიარებულ იქმნა ამიერკავკასიის დამოუკიდებლობისა და ფედერაციის პროგრამა. პირველად ენევეურ ქართულ გაზეთ „დროშა“-ში ეროვნულ-პოლიტიკური საკითხი დაკავშირებულია ეკონომიურ პროგრამასთან. ადგილი შესამჩნევია, რომ ზემოდ, „დროშა“-დან ამოწერილ წინადადებაში, „ფედერაცია ყველა კავკასიელ ხალხებისა“ მკვიდრდება მოქალაქეთა ეკონომიურ თანასწორობაზე ესე იგი „დროშა“ მოითხოვს 1873 წ. დამოუკიდებელსა და ფედერატიულ ამიერკავკასიის სოციალისტური წესწყობილებით. მუგრამ ყველა ამ აზრისა არ იყო და მესამე ხომერში მეველე (დავით მიქელაძე) ამაზე უპასუხებს: „მე მგონია, მშვიდობიანი პროგრესი, ერობის დაარსების მოწოდება, სამოქალაქობრივი წყობილება მომავალში, ნაფიცი კაცები სამსჯავროში, ვერც ერთი ესენი ვერ გვიხსნის, და ჩვენ მოგველის ადრე თუ გვიან გაქრობა, როგორც ნაციონალიზმს. „მაშ რა ვქნათ? იკითხავს ვინმე. ვუპასუხებთ: ყოველი ჩვენი ღონე, ცოდნა, გამოცდილება, ენერჯია უნდა მოვახმაროთ იმას, რომ ჩვენი ხალხები, როდესაც რუსეთი გარეშე მტერს შეებმება, — და ეს უამი არ არის შორის, — მაშინ ისინი იარაღით ხელში ბრძოლის ველზე გამოვიდეს, დიდი და პატარა. ამ სანატრელ და დიდებულ დროს... ერთგულად, ძმურის თანხმობით უნდა შევძახოთ: „თავისუფლება ან სიკვდილი!““.

ეს უკიდურესი შეხედულება იარაღის საშუალებით დამოუკიდებლობისათვის ბრძოლის შესახებ 1873 წ. მხოლოდ ოცნება იყო, და თუმცა დავით მიქელაძე სიკვდილამდე სეპარატისტი, რუსეთისაგან განცალკევების მომხრე დარჩა, მაინც ცხოვრების პირობებთან შეგუებით ეწეოდა იმავე ეროვნულ მუშაობას, რაც ისტორიამ მესამოცე წელთა მოღვაწეებს დააქისრა.

გარდასული საუკუნის ოთხმოციან წლებში ქართველების ერთმა ჯგუფმა უცხოეთში ინგლისის მაშინდელ მთავრობის თავჯდომარეს, პრემიერ მინისტრს გლადსტონს მემორანდუმი მიართვა, რომელიც რუსეთ-საქართველოს ხელშეკრულების განადგობასა თუ დამოუკიდებლობას ეხებოდა. ჩვენ ეს ამბავი გავვივია, მაგრამ მის საბუთს ჯერ ვერ მივაგენით.

1903 წელს პარიზში გიორგი დეკანოზიშვილმა დაარსა ქართული ჟურნალი „საქართველო“. მის თანამშრომელთა უმრავლესობა იცავდა ავტონომიას ესე იგი საქართველოს პოლიტიკურ თვითმართებლობას რუსეთის ფარგლებში დარჩენით: „ჩვენი სურვილი დამოუკიდებელი სახელმწიფოს აღდგენა არ არის. ნათლად და აშკარად ვამბობთ: ჩვენ პოლიტიკური სეპარატიზმის მომხრე არა ვართ. ჩვენი წადილი და მისწრაფება — განსაკუთრებულ, საქართველოს პირობებთან შესაფერი კონსტიტუციის მოპოვებაა. ჩვენ გვსურს დავრჩეთ რუსეთის პოლიტიკურ ორგანიზმის ჩარჩოებში, მხოლოდ ამასთან შინაურ საქმეებში გვინდა ვიყავთ სრულიად დამოუკიდებელნი. ერთი სიტყვით, ჩვენ გვსურს ავტონომია მოვიაპოვოთ“... ამათი ჟურნალ „საქართველოში“ თვით ავტონომიის შინაარსის შესახებ აზრთა სხვადასხვაობა არსებობდა; აღსანიშნავია მხოლოდ ის უცნაური აზრი, რომელიც იმეორებდა



დრომოკმულ ნაროდნიკულ შეხედულებას: „ავტონომია უნდა იყოს პოლიტიკური ფორმა ეკონომიურად გათანასწორებული ხალხისა“ -ო. ეს უსათუოდ იყო ხარკი იმ ხანისათვის, რომელიც სოციალიზმის ფსიქოზით ხასიათდება. „საქართველოს“ ზოგი თანამშრომელი დამოუკიდებლობის ნიადაგზე იდგა, და როდესაც რუსეთ-იაპონიის ომი დაიწყო, დავით მიქელაძის აზრი გაცოცხლდა: იარაღით რუსეთის წინააღმდეგ ბრძოლა!

რუსეთ-იაპონიის ომმა ქართველ მოღვაწეთა შორის იმედი დაბადა საქართველოს განთავისუფლების შესახებ და პრაქტიკული ამოცანებიც დასახა. ამ მოვლენით აღტაცებული ქართული წრე უცხოეთში ჩაება საქართველოს დამოუკიდებლობისათვის ბრძოლის საქმეში. 1904 წელს გიორგი დეკანოზიშვილი იაპონიის წარმომადგენლებთან მოლაპარაკებას აწარმოებს რუსეთის წინააღმდეგ ბრძოლის შესახებ, იაპონელებმა მას იარაღი მისცეს საქართველოში აჯანყების მოსაწყობად. ნაწილი ამ იარაღისა ფოთს მალულად მოვიდა და რევოლუციაში გამოყენებულ იქმნა (ამ საკითხის შესახებ ჩვენ ვაქვეყნებთ იერი საინტერესო საბუთს.).

1907 წელს დაარსებულ იქმნა ლონდონში „საქართველოს დამხმარე ინგლისური კომიტეტი“.

1907 წ., როდესაც ჰააგაში შესდგა საერთაშორისო საზავო კონფერენცია, — აქ სახელმწიფოთა დელეგატებს დაურევდა მემორანდუმი საქართველოს საკითხის შესახებ, მიმართვას ერქვა „ქართველი ხალხის თხოვნა“, რომელშიც ავტორები, სთხოვდნენ სახელმწიფოებს ჩარიეულიყვნენ რუსეთ-საქართველოს ურთიერთობაში და აეძულეებინათ რუსეთი, მის მიერ დარღვეული 1783 წლის ხელშეკრულება (ეს საბუთი ჩვენ უკვე გამოვაქვეყნეთ. „ქართლოსი“, 1938). აღედგინა:

სიტყვა-სიტყვით ამ თხოვნაში ნათქვამი იყო:

„სამართლისა და საერთაშორისო კანონის სახელით, ჩვენ, უძველესი დამოუკიდებელი ქრისტიანული სამეფოს, საქართველოს მოქალაქენი, მივმართავთ განათლებული ევროპის ერებს, მათი დელეგატების სახით საერთაშორისო საზავო კონფერენციაზე, ჰააგაში.

„ჩვენ დარწმუნებული ვართ, რომ ჩვენი ხმა გამოიწვევს თქვენს ყურადღებასა და თანაგრძობას, თუ ჩვენ გადმოგცემთ ჩვენს სამართლიან და ლეგალურ მოთხოვნილებებს რუსეთის საიმპერიო მთავრობის მიმართ იმ საერთაშორისო ხელშეკრულების ლოიალური დაცვის შესახებ, რომელიც დაიდო დამოუკიდებელ საქართველოსა და რუსეთის საიმპერიო მთავრობის შორის და დამტკიცებულ იქმნა ორივე მხრივ, ხოლო სისტემატიურად დარღვეული უქანასკნელის მიერ“.


ვ. ჩერქეზიშვილი და მისი თანამშრომელი არ იყვნენ, რასაკვირველია, ისეთი გულუბრყვილონი, რომ იმედი ჰქონოდათ აქედან რამე გამოსულიყო, მაგრამ ეს იყო ბრძოლის ერთი მოკლე და ქართულ საკითხზე ქადაგების საშუალება. ამავე მიზნით დაარსებულ იქმნა „საქართველოს ხელშეკრულების უფლებათა დამცველი კავშირი“, რომელმაც 1914 წლის ივლისის 12-ს „ინგლისის მშვიდობაანობის საზოგადოების კონგრესს“, ლივერპულში, წინადადება მიალენა. ამ წინადადებაში, სხვათა შორის, ნათქვამია, რომ რუსეთის განზრახვა ტერიტორიის ველზე სამხედრო საიარჯიშო ბანაკის მოწყობის შესახებ არღვევს საქართველოსა და რუსეთის შორის 1783 წ. დადებულ ხელშეკრულებას (ჩვენ ამ საბუთს ვაქვეყნებთ, ლეგიონერთა გახვით „საქართველოს“ დამატებაში). ამას გარდა, იგივე „საქართველოს ხელშეკრულების უფლებათა დამცველი კომიტეტი“ მოუწოდებდა ქართველი ერის მეზობლებს დახმარებისათვის: „ჩვენ იმედი გვაქვს, რომ მათ შორის (მეზობელთა შორის) ძმური თანაგრძობასა ვპოვებთ და შეიძლება დახმარებასაც ჩვენს ცდაში, რომ ვაიძულოთ რუსის მთავრობა აღასრულოს ხელშეკრულება საქართველოს და რუსეთის შორის დადებული 1801 (!)

წელს, სადაც რუსეთის იმპერატორთა პატიოსანის ფიცით იყო აღთქმული ჩვენ უფლებათა დაცვა“. რუსეთის ასი წლის ბატონობის გამო საქართველო, რომელიც ვით ერთეული ამოშლილი იყო პოლიტიკური რუკიდან, ევროპის ცოდნის ფარგლებში აღარ შედიოდა, და ამგვარი ქადაგება მივიწყებულ საკითხზე დიდათ მნიშვნელოვანი იყო.

1908 წელს ჟენევაში პეტრე სურგულაძის ხელმძღვანელობით დაარსებულ იქმნა ქართული ყურნალი „თავისუფალი საქართველო“. თვით სათაური აშკარად ღალატეული, რომ ყურნალი ემსახურებოდა საქართველოს დამოუკიდებლობის მისწრაფებას და მართლაც პირველად ნომერში გამოცხადებულ იქმნა: „შემომქმედი საქართველო, ქართველი დემოკრატია ეროვნულ განთავისუფლების გზაზე მომუშავე, ეროვნულ დამოუკიდებლობისათვის მებრძოლი — აი ვის მივმართავთ ჩვენ. დამოუკიდებელი, დემოკრატიული საქართველო, საქართველოს დემოკრატიული რესპუბლიკა — აი ჩვენი მიზანი“. ეს იყო ე. წ. სეპარატისტთა ჯგუფი, რომელიც მარტო ამ ქართული ქადაგებით არ კმაყოფილდებოდა და უცხოელთა შორისაც საქართველოსათვის გამოსადეგ მუშაობას ეწეოდა ხელსაყრელი შემთხვევის გამოსაყენებლად. ეს შემთხვევა დაიბადა მსოფლიო ომთან დაკავშირებით. დაფუძნებულ იქმნა „საქართველოს დამოუკიდებლობის კომიტეტი“. რუსეთის წინააღმდეგ გერმანიის მხარეზე ბრძოლაში ჩაებნენ უცხოეთში მყოფი ქართველები და შედგენილ იქმნა ქართველი ტყვეებისაგან და სხვებისაგანაც პირველი ქართული ლეგიონი უცხოეთში 1915 წელს. ხოლო სტამბოლში დაარსებულ იქმნა კიდევ „კავკასური კომიტეტი“, რომელსაც კავშირი ჰქონდა თურქეთთან. მოითხოვდა კავკასიის სახელმწიფოს შექმნას და ამ მიზნით გერმანიის მთავრობის სახელზეც მიმართვას სწერდა 15 ოქტომბერს 1915 წელს და სთხოვდა ძლიერად დახმარებას „კავკასიის ეროვნული იდეალის განსახორციელებლად, რომელსაც აქვს მისწრაფება შექმნას ახალი სახელმწიფო, რაც დაკავშირებული იქნება თავის ქველმოქმედებთან საუკუნო მადლობის კავშირით და გულთა შესთავაზებს ყოველგვარ ეკონომიურსა და კულტურულ უპირატესობებს, რომელიც მის ღირსებასა და ჩიყყის დამოუკიდებლობის პრინციპს შეეგუება“-ო. ამ მიმართვას ქართველების მხრიდან ხელს აწერდნენ გიორგი მაჩაბელი და ჩუჩუქსულ თავდგირიძე. (ამ საბუთსაც გამოვაქვეყნებთ.).

როგორც მოთხოვნილი ამბებიდან სჩანს, საქართველოს საკითხის გარშემო ევროპაში სამი გარკვეული მიმდინარეობა სუფევდა: 1) ქართველთა ერთი ნაწილი იდგა რუსეთისაგან საქართველოს გამოყოფის, სეპარაციის ნიადაგზე; 2) მეორე ნაწილი მოითხოვდა რუსეთ-საქართველოს 1783 წლის ხელშეკრულების აღდგენასა და განაღმდებლას, ესეიგი რუსეთის მფარველობის ქვეშ დარჩენის. მართალია, ფორმალურად არ არსებობდა რუსეთ-საქართველოს ხელშეკრულება, არამედ ქართლ-კახეთისა, იმერეთისა და სხვ., მაგრამ ვინაიდან რუსეთ-ქართლ-კახეთის ხელშეკრულება მთავარი და ტიპიური იყო, გადამწყვეტიც მთელი ქართველი ირისათვის. ამიტომ როდესაც რუსეთთან ხელშეკრულებაზეა ლაპარაკი, ყოველთვის მხედველობაში აქვთ მთლიანი საქართველოს უფლება აღნიშნული ხელშეკრულების მიხედვით; 3) მესამე ნაწილი ქართველთა საქართველოს პოლიტიკურ ავტონომიას მოითხოვდა,

უცხოეთში იოლი იყო დამოუკიდებლობისათვის ბრძოლა, ხოლო თვით საქართველოში კი, სადაც რუსეთი და მისი ბეჭდვითი კინზურა არსებობდა, ეს ადვილი საქმე არ იყო და ამიტომ არაღიგაღიურა, საიდუმლო მუშაობა უფრო მოსახერხებელი. ამნაირად, 1892 წელს ქუთაისში მოეწყო ქართველ სტუდენტთა მალული ყრილობა და შედგენე წელს ვარშავაში დაარსდა „ლიგა საქართველოს განთავისუფლებისა“, რომლის წევრები მალე იქნენ დაჭერილი. ხოლო 1901 წელს, როდესაც რუსეთთან „საქართველოს შეერთების“ ასი წლის თავი იდღესასწაულეს,



და ამ დღეს თბილისს გარს ერტყა ასიათასი რუსის ჯარისკაცი; გამოცემულ იქმნა 4 სექტემბერს, პროკლამაცია, რომელშიც ავტორები, სხვათა შორის, სწერდნენ:

„...ქართველები დასტირიან თავიანთ მეფეების ბედს, რომელნიც რუსეთის მთავრობის მიერ განდევნილ იქმნენ ოსმალეთში და იქ იღუპებოდნენ; ქართველები დასტირიან თავიანთ პოლიტიკურ დამოუკიდებლობას, რომელიც მოლაპატურად წაართვა მას ამ ხელისუფლებამ; მაშინ, როდესაც ქართველი ხალხი იტანჯება მიწის სიმციროს გამო, რადგან ეს მიწა მიითვისეს რუსეთის თავადებმა, იტანჯება პოლიციის თვითნებობით და უმეცრებით, აუტანელ გადასახადებით. — ამ იროს რუსეთი აწყობს იოგნასაწაულს მის მიერ დაღუპულ ცხედრებზე“ —ო... და სხე.

უგულბულ არა ვყოფთ აგრეთვე მალულად გამოცემულ მეორე ფურცელს, რომელსაც ხელს აწერს „ქართველ დემოკრატთა კომიტეტი“. 1901 წლის 28 სექტემბერს, სადაც, სხვათა შორის, ნათქვამია:

100 წლის დღესასწაულის გამო რუსეთს იმპერატორის მიერ გამოცემულმა მანიფესტმა „სასაცილოდ აიღლო თავადაზნაურობა და დაამცირა და შელახა ხალხი. ვისაც შეერჩა თავადაზნაურობაში პატიოსნება, თავისი ღირსება, დღეიდან რუსეთის მთავრობის მტერი უნდა შეიქმნეს. ვი გამოფხიზლდება და დაინახავს, რომ მთავრობასთან კავშირი არამც თუ სამარაზინოა, დამოუკიდელი და დამამხობელია. ქართველი ხალხი, მუშა და გლეხი, სამუდამოდ დარწმუნდა, რომ ბრძოლის ველზე უნდა გამოვიდეს და მტერს გაუმკლავდეს... ხალხის ინტერესი მონიხვის საქართველოს პოლიტიკურ თავისუფლების აღდგენას, რადგან უმთავრესი მიზეზი ჩიენი დაჩვევითებისა არის რუსეთის მთავრობის გაბატონება საქართველოში, იმ მთავრობისა, რომელიც ქართველ ხალხის მოსპობას ლამობს. ქართველობამ მტკიცედ უნდა დაიმასხა იგროს ეს და ემზადოს ხალხურ-ეროვნულ ინტერესების დასაცავად“...

ხოლო 1905 წელს საქართველოს თავადაზნაურობამ, მოითხოვა საქართველოს ავტონომია. უნდა ვიცოდეთ, რომ 1846 წელს, საქართველოს თავადაზნაურებამ მიიღო წოდებრივი უფლება, ჰქონოდა თავისი საკრებულო და ხელმძღვანელი, მარშალი. თავადაზნაურთა ამ საკრებულოებს ჰქონდათ უფლება დამოუკიდებელი საჭიროებოთო საკითხებზე იმპერატორისათვის მიემართათ, და ამიტომ იყო ილია ქვეჭაბაძე იმ საკითხს, თუ ვინ უნდა მოითხოვოს ქართველი ერის უფლებანი, უპასუხებდა: „ჩვენს ვინაობას ჩვენს (ახორებაში უსათუოო გზა უნდა მივიკის და ამაზე თავადაზნაურთა კრებამ თვისი ხმა უნდა ამოიღოს, ხმა კანონიერი, დინჯი, დარბაისლური და მშვიდობიანი. უამისოდ წარმატების გზა შიოთბილია. ასეთი ყოფი წარმატების გზისა ერთნაირად საიშნობელია ყველასათვის. ამ ერთს ტაფაში თავადიც იწვის, აზნაურიც, მღვდელ-

ლიც და ერიც“. (1882 წ.). და ვინაიდან თავადაზნაურობას ხმისამოღების უფლება ჰქონდა, ამიტომ მან ისარგებლა მით და 1905 წლის აპრილში ჯერ თბილისის გუბერნიის, მერმე ქუთაისის გუბერნიის თავადაზნაურთა ყრილობებმა გამოიტანეს დადგენილებანი საქართველოს ავტონომიის შესახებ; თავის გადაწყვეტილებაში ქუთაისის გუბერნიის თავადაზნაურობა ამბობდა:

„...ქართველი ერის დაწყნარებისა და მის მშვიდობიან, კულტურულ განვითარებისათვის ერთად ერთი საშუალება ის არის, რომ საქართველოს, — რომელიც შესდგება ტფილისისა და ქუთაისის გუბერნიებისაგან, ბათუმის მხარისა, სონუმისა და ზაქათალის ოლქებისაგან, — მიენიჭოს უფლება თავისი შინაური საქმეები განაგოს ისეთი კანონებით, რომელსაც დაადგენს ხალხის წარმომადგენელთა კრება, არჩეული საქართველოს ყველა მცხოვრებთაგან, საზოგადო, ფარულ, პირდაპირ და თანასწორ კენჭის ყრით“... ამ მოთხოვნებში ორი ნათელი დებულებაა: გარკვეულბა საქართველოს მიწაწყალი და მისი საზღვრები, და მოთხოვნილია ავტონომია ანუ თვითმართველობა რუსეთის ფარგლებში დარჩენით.

ის საკითხი, რომელიც ერეკლე პატარა კახმა 1783 წელს გადასჭრა, 130 წლის შემდეგაც კლავ სადავო იყო. ერეკლე მეფემ ქართლ-კახეთზე რუსეთის მყარელობა აღიარა; რუსეთმა ეს პირობა დაარღვია და საქართველო „შეიერთა“. რუსეთის ბატონობამ საქართველოში ოცზე მეტი აჯანყება გამოიწვია და მრავალი სისხლი დაიღვარა, მაგრამ რუსეთი მაინც დარჩა საქართველოში და ქართველი ხალხის გარუსება მოიწადინა. ქართველობამ ამ ცუდას სასტიკი წინააღმდეგობა გაუწია და ბრძოლის ყიჟინად დასძახა: ეროვნული ვინაობის დაცვა. ამ ბრძოლაში გაიზარდა და დაეაყვაცდა, მომწიფდა და გამოიბრძმედა ქართველი ხალხი. საკითხი დამოუკიდებელი ქართული სახელმწიფოებრივი არსებობისა ქართულ აზროვნებაში ტრიალებდა და თუ რუსეთი საგარეო ვითარებათა შედეგად დასუსტდებოდა, საქართველო თავის სახელმწიფოებრივ დამოუკიდებლობას უეჭველად აღადგენდა. თავისი საკუთარი ძალებით ქართველ ერს არ შეეძლო რუსეთის საქართველოდან გაძევება და სწორედ ამით აიხსენება ქართულ პოლიტიკურ პარტიათა შეჩერება ავტონომიის ნიადაგზე. მაგრამ ისტორიის ღმერთმა სხვაგვარად ინება. ისტორიულ მსვლელობათა შედეგად რუსეთის იმპერია დაიღწეა 1914—18 წლის გერმანიასთან ომში და 1918 წლის მაისის ოცდაექვსს იმავე გერმანიის დანმარებით გამოცხადდა საქართველოს სახელმწიფოებრივი დამოუკიდებლობა და მრავალ საუკუნეთა შემდეგ კვლავ აღსდგა მთლიანი, ერთობილი საქართველოს სახელმწიფო. როგორ და რანაირად მოხდა ეს? ამაზე შემდეგ.

3. ნო.აჰჰ



მოგონებანი და განცდანი

საპარტოვლოს დამოუკიდებლობის ხანიდან

(მასალა საქართველოს ამ ხანის შესახებ)

დამოუკიდებელი საქართველოს არსებობამ გასტანა ფორმალურად სულ 2 წელიწადი და 10 თვე, ე. ი. 1918 წლის 26 მაისიდან 1921 წლის 16 მარტამდე, როცა საბოლოოდ დამარცხდა ჩვენი სამხედრო ძალები და ათათუშიშთავობის წევრები გემში ჩასდნენ ევოპაში გასაგზავრად. ფაქტურად კი საქართველო უკვე 28 თებერვლიდან 1917 წ. იძულებული გახდა თავის საქმეებს თითოხვე გასძლოლოდა, ვინაიდან უზარმაზარი რუსეთის იმპერია დაინგრა, ფრონტი მოიშალა და საქართველო თავის ანაბარა დარჩა.

თებერვლის რევოლუციამ მე მომიწრო ქალაქ ცარიცინში — ახლა სტალინგრადი, სადაც ვიყავი ცარიზმის რეჟიმის მიერ გადასახლებული და საიდანაც 1917 წ. მარტის თვეს ვიქმენი ვაწვეული პეტროგრადში მუშათა და გლეხთა საბჭოს აღმასრულებელ კომიტეტის წევრად. ამ რევოლუციის დედა ქალაქში, საიდანაც დაიწყო ძველი რუსეთის ნგრევა, მომიხდა შუშაობა და მოღვაწეობა თითქმის ერთი წელიწადი. ჩემს თვალსწინ გაიარა მრავალმა აბობოქრებულმა დღეებმა, ბოლშევიკების ივლისის გამოხვლამ, ოქტომბრის რევოლუციამ, დამფუძნებელ კრების ვარეკამ ბოლშევიკი, მატროსების მიერ ებრაელ უკრეკის მეთაურობით და დავრწმუნდი რა რომ ჩემი იქ ყოფნა სრულიად ზედმეტი იყო, 1918 წ. მარტში დაუბრუნდი ჩემს სამშობლოს, ქალაქ თბილისს, სადაც ჩემი ძალების და მიხედვით შეუდექი მონაწილეობის მიღებას იმ აღმშენებლობითი მუშაობაში, რომელიც იქ იყო უკვე დაწყებული.

ამ რიგად მეც გაეხდი მონაწილე იმ ამბებისა რომელიც ჩვენს ქვეყანაში შემდეგში დატრიალდა, აქტიური მონაწილე ბევრ ჩვენთვის საბედისწერო ნაბიჯების მიღებაში და მათი ცხოვრებაში გატარებაში.

ჩემი განზრახვაა აქ, მკითხველს მოუთხრო ამ წლების დრამატიზმით აღსავსე მომენტებზე და ეპიზოდებზე, რომელშიც გამოქვლივდა ჩვენი ხალხის ეროვნული შენძრევა, მიუხედავად მმართველობის სისუსტისა ან ცალმხრობისა, გამოქვლივდა ქართველ ერის ეროვნულ სულის სიძლიერის, რაც ასე ახასიათებს ქართველ კაცს და რომელსაც ვხედავთ ჩვენდა საბედნიერად ახლაც, 25 წლის განმავლობაში უცნო ძალის გაბატონების შემდეგ.

ვფიქრობ ეს ჩემი მოთხრობა დღესაც ბევრს დაეხმარება მომენტის სწორ შეფასებაში და გარდა ამისა დეე ჩვენს მომავალ თაობის ისტორიის მკვლევარს გადაეცეს ეს მოგონებანი, როგორც ერთი ხელშემწყობი მასალა, მისი უკანასკნელი, პირუთენელი მსჯავრის გამოსატანად.

ეს პირობები სანუგეშონი არ იყვნენ საქართველოსათვის. ვინც მოსწრებია ამ ხანას და თვალყური უდევნებია ჩვენი მაშინდელი ცხოვრებისათვის, ყველა დადასტურებს, რომ ჩვენი შეიარაღებული ძალებისათვის, თუ მმართველობისათვის — კარგი იყო თუ ცუდი, ეს სხვა საკითხია — ერთი დღეც არ ყოფილა, რომ იგი მოსვენებული ყოფილიყო და დადებითი ორგანიზაციული მუშაობის საშუალება მისცემოდა. ჩვენი პოლიტიკური მეთაურობა, თუ სარღლობა, თავის უკანასკნელ ძარღვებს სჭიმავდა, რათა ყოველ მხრიდან მოზღვავებულ მტერთაგან ჩვენი ქვეყანა გადაერჩინათ.

ჯერ იყო და რუსეთის მხედრობის დამარცხების შემდეგ კავკასიის ფრონტიდან უგზო-უკლოდ აყრილი რუსის გაბალშევიკებული ლაშქარი, ანუ უკეთ ბრძოლები. ზღვის ტალღებსავით წალეკას უქადდა ჩვენს, ჯერ კიდევ გაუმავრებელ ეროვნულ-სახელმწიფოებრივ ორგა-

ნიზმს. რა პოლიტიკური და ტაქტიკური მოქნილობა არ დასჭირდა ჩვენს ხალხს, რომ ეს საფრთხე ქვეყნისათვის ძოედორებინა. ეს ისტორიული ფაქტია, ამ ქვეყნისათვის უაყოფა არ შეუძლიან არც ერთ კეთილ-სინდისიერ მკვლევარს, რომელიც კი იმ დროს მომქმედ პირთა, სხვა და სხვა ძალთა ტრიალთა და ერთი ერთმანეთში გადანასკენილ ვარემოებათა განხილვას შეუდგება. ეს ხანა დასრულდა ჩვენი ქვეყნის საბედნიეროთ 12 ნოემბრის 1917 წ. გაბედული, თავგანწირული აქტით. ამ დღეს თბილისის ქართველ მუშების თაოსნობით და განსაცვიფრებელი მოხერხებული ნაბიჯით თბილისის იარაღის საწყობი — არსენალი აღებულ იქნა. თავისთავად არსენალზე გაბატონება თბილისში გაბატონებასაც ნიშნავდა, და ესეც ყოფილა ისტორიულად. ტყუილ-უბრალოდ კი არ აქვს სუბათაშვილს თავის გენიოსურ დრამა „ლალატში“. მეტეხის ციხე, მაშინდელი თოფ-წამალის საწყობი, თბილისის ბურჯათ გამოყვანილი. მეტეხის ციხის აღებით თავდება პრძოლა თბილისზე გასაბატონებლად და ამით, რასაკვირველია, საქართველოზედაც. გადაჭრით შეიძლება ითქვას: თუ არა 12 ნოემბრის აქტი, ჩვენ ვერ ველირსებოდით ვერც საქართველოს დამოუკიდებლობის ხილვას და ვერც მის სიტკობებს. იგივე ყოველის გამანადგურებელი სტიქია დაისადგურებდა ჩვენს ქვეყანაში, რაც უკვე მთელი რუსეთის სივრცეზე მძინავრებდა. მართალია — ხან მოკლე იყო ეს ხანა ჩვენი დამოუკიდებელ ცხოვრების, სულ 2 წელი და 10 თვე. მაგრამ სამაგიეროთ, ქართველ ერის ისტორია სულ ძირ ბუდიანათ შემოაბრუნა და დააშორა რა სამუდამოთ იგი რუსეთის ორბიტას, მისი ღერძის ტრიალი დასავლეთისაკენ გადახარა.

რუსეთის გაბალშევიკებულ ბრძოების მოშორებით არ დამთავრდა საქართველოზე მოწოლილი მტრულ ძალთა საშიშროება. ამას მოჰყვა 1918 წ. ოსმალთა შემოსევა. მან დაიჭირა ბათუმი, ოზურგეთი ბრძოლით აიღო, ახალციხე — ბორჯომის მიმართულებით კი თვით თბილისს დაემუქრა. ამნაირ მდგომარეობიდან საქართველო მხოლოდ შეეძლო სასწაულს გადაერჩინა, ვინაიდან ჩვენი ძალები იმ დროს ოსმალთა შეიარაღებულ ძალებთან შედარებით, არარაობას წარმოადგენდა. და ეს სასწაული მონდა გერმანიის საშუალებით. მის ინტერესებში არ შედიოდა ოსმალთა კავკასიაში სრული გაბატონება. ამიტომ საკმარისი იყო გერმანიას მხოლოდ სამხედრო პოსტები დაეყენებია საზღვრებზე, რომ იმ წამსვე შეწყვეტილიყო ოსმალთა მიერ სამხედრო მოქმედება და ქვეყანამაც თავისუფლად ამოისუნთქა. მეტიც ოსმალეთი იძულებული გახდა ჩვენს მიწა-წყალზე შემოჭრილი ძალები თავის საზღვრებისკენ დაებრუნებია. ამ მხრივ დაუფასებელია გერმანიის მხედრობის დახმარება საქართველოსადმი. ეს შეგვიძლიან ჩვენ თამამად და ხმა მალლა განვაცხადოთ. ყველგან, სადაც კი საშიში აღვიღებო იყო, მათი სამხედრო ნაწილები ჩადგა. თვით დარიალის საზღვარიც კი მათი შემწეობით იქნა გამაგრებული. ბორჩალოში ბრძოლებთან ბრძოლაში მათი სისხლიც კი დაიღვარა ქართველებთან ერთად და სიმბოლიურად უნდა ჩაითვალოს, რომ ქართველი მებრძოლი (სახალხო გვარდიელი) და გერმანელი ჯარის კაცი ერთად არიან დამარხულნი ბორჩალოში, ალბათ ნიშნად მტკიცე მეგობრობისა. ექვს ვარეშეა — ხანა გერმანიის მხედრობის საქართველოში ყოფნისა უმშვიდესი ხანა საქართველოს დამოუკიდებლობის დროისა. სამწუხაროთ ეს სულ ხუთი თვე მშვიდობიანი მდგომარეობა დღიხანს არ გავრძელდა. გერმანიის მხედრობის და-

მარცხების შემდეგ 18 წელში, საქართველოს საზღვრებს ანტანტისაგან დაიმედებული დენიკინის თეთრი ჯარი დაემუქრა. აქაც დასჭირდა ქართველ ხალხს მთელი მისი სასიცოცხლო ძალების დაქმნა, რომ ეს საშიშროება თავიდან აეცილებინა. ამ მიმე მდგომარეობას ზედ დართო საუბედურო სომეხ-ქართველთა ომი. საქართველოს ისტორიას არ ახსოვს ამ ორ მომე ერის სისხლიანი შეტაკება. ახალმა ხანამ ეს სიმწარეც დაგვალეგინა.

ამ საბედისწერო ომს შეეწირა ქართველ ხალხის ღირსების ერთი საუკეთესო და მედგარი დამცველი, უბრალო თბილისელი მუშა, ჩვენი მეგობარი სანდრო მაისურაძე, სახალხო გვარდიის მთავარ შტაბის პრეზიდენტის წევრი. გაზვიადებული არ იქნება თუ ვიტყვით: მისი დაკარგვა დიდი დანაკლისი იყო ქართველ ხალხისათვის. ის იმ პიროვნებათა რიგს ეკუთვნოდა, რომელიც სწორედ გასაჭირში იჩენს მთელს, თავის ბუნებაში ჩამარხულ პოტენციალ ძალას, ენერგიას, მოხერხებას, გამძლეობას, სულის სიმტკიცეს. 'ასაც სახიფათო მდგომარეობიდან გამოჰყავს ადამიანი. სომეხებთან ომი ჯერ კიდევ არ გათავებულიყო. შეიარაღებულმა ძალებმა ქ. ეკატერინოფელის შემოართყეს ალყა, სადაც დაბანაკებულიყო ჩვენი საკმაო სამხედრო ძალა — ლენერალ სტ. ანმეტელის მეთაურობით. ქალაქი გარშემორტყმულია მტრის ძალებით. თბილისისაკენ მიმავალი გზა დაჭერილი და იქ მდგომი არტილერია ხელში ჩაგდებული. გვარდიის მთავარ შტაბის წევრები ვალიკო ჯუღელი, ალექსანდრე დგებუაძე, სანდრო მაისურაძე და სხვები ხელში უვარდებიან, მამასადამე მტერს. აქ რა გამოსავალი შეიძლება? და აი აქ, სანდრო მაისურაძე მამაკურად, გადაჭრით და თითქმის ბრძანების კილოთი იძლევა წინადადებას: ან სიკვდილი, ან გამარჯვება. გადავიდეთ ყოველ მხრით შეტევაზე, იერიშზე, ეს სიტყვა — შეტევა, იერიში თითქმის აფხიზლებს ყველას, გამოჰყავს ბურუსიდან. საჩქაროთ ეწყობა რაზმები შესატევად ყოველ მხრივ და ისეთის სისწრაფით და თავგამოტებით ეძგერებიან მტერს, რომელიც სჩინს არ მოვლოდებოდა ასეთ თავზედობას, რომ ის იძულებულია არეც დარევით უკან დაიხიოს. მტერი დამარცხდა, მაგრამ სანდრო მაისურაძე შეეწირა ამ ქართულ ხმლის გამარჯვებას. ვინ იცნა, იქნებ შემდეგ თბილისთან ბრძოლებში რუსების ბოლშევიკებთან კიდევ მსხნელად მოვლინებოდა თბილისის და ამით მთელს საქართველოს, მაგრამ ამის შესახებ ქვემოთ იქნება სიტყვა, როცა თბილისთან 1921 წლის თებერვლის ბრძოლების აღწერას შეუდგები.


— ასე გათავდა მე-18-ტე წელი და გადავიდით მე-19-ტეში. ეს წელიც საქართველოსთვის კვლავ გამუდმებული ბრძოლების ხანა იყო, რომ სიტყვა არ ვაგვიგრძელდეს, მხოლოდ ჩამოვთლით ამ ბრძოლებს: ოსების ორი აჯანყება, ბოლშევიკების მრავალი აჯანყებები და შემოტევები აბხაზეთით და დარიალით. ახალციხის მამადიან ქართველთა აჯანყება, რომელიც თითქმის ბორჯომამდე მოვიდა. ყველა დამეთანხმება, რომ ყველა ამ გამუდმებულ ბრძოლებმა აურიცხველი მსხვერპლი მოითხოვა და სახელმწიფოს ჯერ კიდევ გაუმაგრებელ ორგანიზმს მრავალი ჭრილობა მიაყენა.

არც 20 წელი იყო მშვიდობიანი. მოვიხსენიებ ბოლშევიკების ამ წელში, მათხის შემოტევას ახლა უკვე გასაბჭოებულ აზერბეიჯანიდან. ცნობილია რუსეთის იმპერიალიზმის ვერაგობა კერძოთ საქართველოსადმი, მაგრამ წითელ რუსეთის ვერაგობამ და გაუტანლობამ ყოველ საზღვარს გადააჭარბა. იმ დროს, როდესაც ის საქართველოსთან მოსკოვში ხელშეკრულობას ამუშავებდა და 7 მაისს უკვე თვით მთავრობის თავმჯდომარის ლენინის მონდობილობით კარახანმა ამ ხელშეკრულებას ხელი მოეწერა. მოსკოვის აკენტები ახლად დაპყრობილ აზერბაიჯანიდან იმავე საქართველოზე იერიშით მოდიოდნენ.

საბედნიეროდ ეს სამარცხვინო ცდა პირის გამტეხა სეთისა ამჟამად სამარცხვინოდვე დამარცხდა და ისინი იძულებული გახდნენ 30 მაისს ახალ ხელშეკრულებაზე ხელი მოეწერათ, ახლა უკვე აზერბაიჯანის სახელით. ცხადი იყო თუ საქართველოს რავვარ კონტრაგენტთან ჰქონდა საქმე. მისთვის ყოველ გვარ ხელის მოწერას ფარატინა ქალაღლის მნიშვნელობა ჰქონდა.

ამავე წელს ოქტომბერში სომხეთის გასაბჭოება მოხდა, რასაც ქემალ ფაშის შემოტევამ და განზრახვებმა დიდათ შეუწყო ხელი. ამნიარად, ამ ორი კავკასიის ხალხის დაპყრობით, მთა უკვე ადრე იყო დამორიღებული, საქართველო პირისპირ დადგა რუსეთის ბოლშევიზმის საშიშროების წინაშე. ამას დაემატა სხვა გარემოებაც. ქემალ ფაშის თურქეთმა კვლავ დიდი მავნებელი როლი ითამაშა საქართველოს მიმართ. ჯერ კიდევ ბოლშევიკურ ძალების თავმოყრა არ დაწყებულიყო ჩვენს საზღვრებთან, რომ ქემალ ფაშის რაზმები დაემუქრნენ საქართველოს ლორბამბაკის მიმართულებით. საქართველო იძულებული იყო 3-4 თვის განმავლობაში საკმაო შეიარაღებული ძალები ჰყოლოდა ამ საშიშროების თავიდან ასაცილებლად. ყოველ სამხედრო პირს კარგად მოეხსენება, რას ნიშნავს სამი, ოთხი თვის განმავლობაში უმოქმედოთ შეიარაღებულ ძალების დაბანდება, ისიც ცოც შემდგომის და ზამთრის ყინვებში. ამ მდგომარეობამ საშინელი ზიანი მიაყენა ჩვენს სამხედრო ძალებს. მრავალი ჯარის კაცი დაავადმყოფდა, დასნეულდა. სამხედრო ერთეულები თითქმის განახევრდნენ. რამოდენიმეთ ამით აიხსნება უზუნღიარ-შავალის საშინელი კატასტროფაც, სადაც სამი სამხედრო ათასეული თავისი ოფიცრებით, მთელი შტაბით, თოფის გაუსროლეღად, მტერს ჩაუარდა ხელში. ამ მდგომარეობით, როგორც სჩანს, შესანიშნავად ისარგებლეს ბოლშევიკებმა.

ასეთია შინაური მდგომარეობა, ასეთია ობიექტიური მდგომარეობა. საქართველო, გარშემორტყმული ყოველ მხრიდან. მტრებით, არავითარ დახმარებას ვერ ღებულობს გარედან, მაშინ როდესაც ყველა პატარა სახელმწიფოები, როგორც ლატვია, ესტონეთი, ლიტვა, ფილანდია და თვით პოლონეთიც კი აქტიურ დახმარებას ღებულობენ მეზობელ ქვეყნებიდან. კერძოთ ფილანდიის განმათავისუფლებელ ბრძოლაში გერმანია აქტიურ მონაწილეობას ღებულობს, როგორც იარაღით, ისე ცოცხალი ძალებით. აქ საჭიროა ერთი დოკუმენტის მოყვანა, რომელიც ნათლად ჰყოფს თუ რამდენათ მნიშვნელოვანია ამ ქვეყნისათვის გარეშე დახმარება. გერმანია ფილანდიის საზოგადოების მიერ გამოცემულ ჟურნალში „ნახრისტენ ბლატ“ № 2-3 1934 გამოქვეყნებულია წერილი, სათაურით: „ფილანდია პატივით იგონებს გერმანიის 27 გმირთ სს. 57-სა, რომელთაც თავი შესწირეს ფილანდიის თავისუფლებას; ძეგლს, რომელიც 17 მაის იქნა გახსნილი, შემდეგი წარწერა აქვს: „1917 წელს. ნოემბერის 1-ს, ღამის წყვილადში ჰანსკერში შემოვიდა გერმანიის წყალქვეშა ნავი უ. სს. 57. სამხედრო მასალით დატვირთული. წყალ ქვეშა ნავს მოჰყავს გერმანიის შემდეგი მხედრები — ჩამოთვლილია 27 სახელი და გვარი, — „რომელნიც ველარ დაუბრუნდნენ თავის სამშობლოს, აღიმართნენ მარმარილოს ძეგლი გერმანიის იმ მხედართა მოსაგონებლად და სამახსოვრად, რომელთაც ფილანდიის დამოუკიდებლობისათვის ბრძოლას შესწირეს თავი, მომთხრობლად სამშობლოს ამ უღიდეს დროისა და გამამფრთხილებელი მომავალ თაობის, მოპოვებული თავისუფლება წმინდათ შეინახოს“. ამავე ჟურნალს მოჰყავს ცნობები იმის შესახებ თუ რა სწნის და მნიშვნელობისა იყო დახმარება, რომელიც დასახელებულმა წყალ ქვეშა ნავმა ფილანდიას მოუტანა. „გარდა გერმანელ მხედრებისა ამ წყალ ქვეშა ნავში იმყოფებოდნენ ერთი ნაწილი ი. წ. ფნიელ მონაღირეთა, ფნიეთში იგვირ, რომელნიც პრუსიულ-ფინურ მონაღირეთა ბატალიონში



იყვნენ გაწვრთნილი და აგრეთვე მრავალი სამხედრო მასალა ლენერალ მანენრაპაიმის ჯარისთვის, რომელიც ფილანდიის ჩრდილოეთით წითლებს აუჯანყდა. მაგრამ ყველაზე მნიშვნელოვანი ის იყო, რომ ეს ფინელ მონადირეთა გუნდი აფეთქების და რადიო ტელეგრაფის საქმეში გერმანიაში იყო გაწვრთნილი — ეს გუნდი იყო, რომელმაც შემდეგში რუს ბოლშევიკებს ზურგში ქარელიის ვიწროებში მრავალი ხიდები აუფეთქა და ამით მათ შემავრთებელი ხაზი პეტერბურგთან მოუჭრა“...

ეს კიდევ ცოტაა. აი რას ვკიბხულობთ რაიხს არხივში, სათაურით: დერ ველტკრიგ 1918. დოიტშე ტრუპენ ინ ფინლანდ სათაურით:

ფილიანდიის მოხალისეებს ძალიან უძნელდებოდათ ბოლშევიკების შეკავება. ფინეთის სახალხო მთავრის 1918 წ. გენ ფონ დერ ჰოლციის მეთაურობით ერთი რილის 1918 წ. ვოფ ფონ დერ ჰოლციის მეთაურობით ერთი დივიზია ქალაქ ჰანგოსთან ჩვენი შეიარაღებულ ძალებისა. და ამის შემდეგ ჩქარა მოხერხდა ბოლშევიკების განდევნა ფინლანდიის რესპუბლიკის საზღვრებიდან. ამას გარდა უნდა ისიც აღინიშნოს, რომ მრავალი ფინური ნაწილები გერმანიაში იყვნენ გარწვთნილი. შეიძლება გადაჭრით ითქვას: გერმანიის ამ დახმარების მიუღებლად ფილანდია ვერ შესძლებდა თავის საკუთარ ძალებით მტრის გამკლავებას“.

მე შემძლო ცნობების მოყვანა თუ რა კონკრეტული დახმარება მიიღეს ლიტვამ, ლატვიამ, ესტონეთმა და თვით პოლონეთმა კერძოდ ვარშავასთან ბრძოლებში საფრანგეთისგან, მაგრამ რომ წერილი არ გავვიგრძელებდი მოყვანილი მასალათა დაკმაყოფილებით. გარდა ამ გარეშე დახმარებისა აქ აღსანიშნავია ერთი ფრიად დიდ ღირებულების გარემოება. ეს სახელმწიფოები ერთმანეთს კი არ ამტრედენენ თავ-პირს, როგორც ჩვენ, კავკასიაში არამედ საგრძობლად ეხმარებოდნენ ერთმანეთს საერთო მტრის წინააღმდეგ ბრძოლებში.

ყველა ზემოთ ნათქვამიდან, ვფიქრობ, ნათელი უნდა იყოს ის ობიექტური პირობები, რომელშიც ჩვენი ქვეყანა იმყოფებოდა დამოუკიდებლობის დაკარგვის წინ. აგრეთვე უეჭველი უნდა იყოს ისიც, რომ ვერც ერთი პირუთვნელი ისტორიკოსი, რომელიც კი ჩვენი ქვეყნის ამ დროის შესწავლას შეუდგება და ჩვენი დამარცხების მიზეზების გარკვევას შეუდგება, გვერდს ვერ აუვლის ამ მხარეთ.

რაც დრო გადის საქართველოს ცაზე შავი ღრუბლები იკუმშებიან. გვარდიის მთავარ შტაბს — მისი განსაკუთრებული კავშირის მეოხებით ბაქოსთან, ცნობილ გეკერის (ბოლშევიკების ოფიცერი) მემორანდუმი უფარდება ხელში. ეს მემორანდუმი გადაეცა აგრეთვე გენერალურ შტაბს გვარდიის შტაბისაგან და არა უშუალოდ ჩაუყარდა გენერალურ შტაბს, როგორც ლ. ოლოშელიძე შეცდომით სწერს თავის მოხსენებაში. ამ გეკერის მოხსენებიდან ნათლად სჩანს, რომ მტერი შემოსატევედ ემზადება. მას დახასიათებული ჰყავს ქართული სამხედრო ძალების ცალკეული შემადგენლობა, მისი გენერლები და ამ ძალების გამძლეობა. ის მოითხოვს წითელ ჯარებისათვის მეტს ტენიკურ ნაწილებს. ამ საბედისწერო მომენტისათვის ქართული სამხედრო ძალები დახანაკებული იყვნენ ერთი მხრით შავალ-უზუნლიარის მიმართულებით; ვარის ნაწილები — ეს მარცხენა ფრთა. მარჯვენა ფრთა კი ეკავა სახალხო გვარდიის ნაწილებს. ეს ლორის ხეობა ვარან-ცოკვიდან, ჯალალ-ოღლი ბეზობზდალის უღელტეხილამდე. 11 თებერვალს მტერი, გაკომუნისტებულ სომხის ნაწილებით და რუსის ბოლშევიკებისაგან შემდგარი გადმოვიდა შესატევედ მოულოდნელად — ვერაგულად.

ჩვეს ხაზზე ყველა პოზიციები 11—14 თებერვლამდე მტკიცეთ იყო დაცული. მტრის ცდას ბეზობზდალის თოვლიან უღელტეხილის გადმოსალახაყად სასტიკი წინააღ-

მდეგობა გაეწია. 14 თებერვალს კი მივიღეთ ცნობა ტელეფონოგრაფა გენერალურ შტაბიდან, რის მიხედვით ჩვენი ძალებით უნდა დაგვეხია ქალაქ ეკატერინოველდამდე. ჯერ კიდევ მთლად არ ვიყავით ამ ქალაქში შესული, რომ მეორე ბრძანება მივიღეთ საჩქაროთ თბილისისაკენ დასახევად. რასაკვირველია — ჩვენ ვიხევედით და მტერიც ფეხ და ფეხ მოგვდევდა და ხშირიც იყო მასთან შეტაკებები. 16 თებერვალს დილით ჩვენ უკვე ვიყავით სოფელ არახლუსთან. ჩვენი ძალების ერთმა ნაწილმა მდინარე ხრამიც გადმოლახა. აქ კი შესწყდა ყოველივე კავშირი თბილისთან. ყოველ მხრივ სიხუმე გვარწმუნებდა, რომ ჩვენ შეიარაღებულ ძალებს რკინის გზის ხაზი თბილისამდე მიტოვებული ჰქონდა. ამის გამო ორიენტაციის მისაღებად თუ რა გზით უნდა წასულიყო ჩვენი ძალები, მე სადგურ სანდარისკენ მოტოციკლეტით გავეშურე. მაგრამ ჩქარა გზაშივე გამოირკვა ჩემთვის, ერთი ადგილობრივი თათრის წყალობით, რომ სანდარი უკვე დაკავებული იყო მტრის მიერ. მე დაუყონებლივ უკანვე დავბრუნდი. როგორც სჩანდა — მტრომა შენიშნა ჩვენი მოძრაობა და ის ყოველ ღონით ცდილობდა ყოველ მხრიდან გზების მოჭრას. ვიდრე მე მივხსნიე სოფელ არახლუს სადაც ჩვენი ძალები დავტოვე; მათ უკვე მიეტოვებინათ პირდაპირი ხაზი თბილისისაკენ და, როგორც შემდეგ გამოირკვა ჩემთვის, კოჯრის მთებით არეულ-დარეული თბილისში ჩასულიყო. მე შემუშავებდა თბილისისაკენ, ყოველ ცნობებს მოკლებული — მოწყვეტილი, ჩემს გულს რაღაცა კაემანი ვადაეფარა. შავმა ფიქრებმა შემიაპრო.. შიში, თბილისის დაკარგვის და ამით მთელი ქვეყნის დაკარგვის შიში დაეპატრონა ჩემს გულს. ამან მთელი ჩემი არსება მოიცვა. ამიტომ თავდავიწყებით გამოვექანე ცხენით კუმისის ტბის გასწვრივ პირდაპირ თბილისისაკენ, თუმცა ამ მიმართულებით ძალიან ადვილად შეიძლებოდა მტრის ხელში ჩავარდნა. 16 თებერვალს, საღამოს მივეწიე სოფელში მახნიაშვილს რაზმს. აქ გავიგე ბევრი ახალი, შემადრწუნებელი ამბავი. ვავიგე შავალის მიმართულებით ჩვენი კატასტროფა. ლენერალ ოდშელიძეს მაგივრად ლენერალ კვინიტაძეს მთავარ სარდლად დანიშნენა. მთავრობამ მას მიანდო თბილისის დაცვა და ისიც ენერგიულად შეუდგა და ახალ-ახალ რაზმებს უყრის თავსაო. ჩემს დამმარებულ გულს იმედის სხივები მოეფინა. კარგათ ვიცნობდი ლენერალ კვინიტაძეს ახალციხის და სომხებთან — შულავერთან ბრძოლების დროს. ვფასებდი მის გამჭრიახ გონებას და მამაცურ ვადაწყვეტილებებს. განსაკუთრებით კი მის ვაბედულ, უკომპრომისო სიტყვებს მთავრობის სხდომებზე. გვარდიის მთავარ შტაბში ბევრი დიდ ღირებულებად სთვლიდა მის სწორეთ ამ თვისებებს. საღამოს უკვე ვიყავი თბილისში და ახალის ენერგიით შეუდექი ვაცხოველებულ მუშაობას. 17—18 თებერვალმა განვლო ამ ციებ-ცხელების სამზადისში. 19 თებერვლის დილით 5 საათზე მტერი პირველად ეძგერა თბილისს, მაგრამ აქ გამოჩნდა ქართველ ხმალის სიმავრის სასტიკად დამარცხდა. აქ უნდა გაესყას ხაზი ერთს გარემოებას: იერიშზე წამოსული მტერი ლენერალ მახნიაშვილის ბრძანებით რაც შეიძლება ახლო იქნა მოშვებული და მხოლოდ ამის შემდეგ იქნა ჩვენი მხრით ცეცხლი დანთებული. ამ ტაქტიკურმა ხერხმა, როგორც მოსალოდნელი იყო, საუკეთესო შედეგი მოიტანა. მტერი არ მოელოდა ასეთ დახვედრას და იძულებული გახდა უგზო-უკლოდ არეული უკან დაეხია. ზიანი მოუვიდა საგრძობობი მოკლულებით და დაჭრილებით. ამ ბრძოლაში წესის განსაკუთრებული სიმტკიცე; გამძლეობა გამოიჩინა ქართლის ორმა გვარდიის ათასეულმა. მან მტერი ზოგ ალაგას 30—50 ნაბიჯზე მოუშვა ახლოს და მხოლოდ ამის შემდეგ დაუშინა ტყვია სანგრებიდან, რის შემდეგ თავის მხრით გადავიდა კონტრ შეტევაზე. სამხედრო საქმეში ჯარის ასეთი გამძლეობა იშვიათ ღირებულებას წარმოადგენს.

ამ დღეს თბილისმა პირველად იხილა რუსის ბოლშევიკები ტყვეების სახით დაგლეჯილ ფარაჯებში. მის იმედს საბოლოო გამარჯვებაში ახლა, ამ სურათის მნახველს, ვერაფერი ლა შერყევდა. 19—24 თებერვალამდე, ე. ი. 6 დღის განმავლობაში მტერი სასტიკი იერიშებით მოდიოდა თბილისზე ყოველ მხრიდან და ქართული იარაღი ბრწყინვალე გამარჯვებებით გამოდიოდა ყოველთვის. 24 საღამოს კი მოხდა რალაც მოულოდნელი, დაუგერებელი, როგორც თბილისისათვის ისე მის დამცველ ქართველ ლაშქრისათვის. — მაშ აღვადგინოთ მესხიერებაში რა მოხდა ამ დღეს:


თბილისთან ფრონტი წარმოადგენდა შემდეგ სურათს: ვაზიანის მიმართულება — მარცხენა ფრთა ლენერალ ჯიჯინიას მეთაურობით, შუა ხაზი — სოლანლუდის მიმართულება ლენერალ მახნიაშვილი და მარჯვენა ფრთა — კოჯრის მიმართულება ლენერალ ანდრონიკაშვილის მეთაურობით. ჯერ კიდევ 23 თებერვალს ვაზიანის მიმართულებით მტერმა დიდი აკტიობა გამოიჩინა უმთავრესად ტენიკურ და ცხენოსან ჯარით. (მოვიგონოთ გეკერის მოხსენება) ალაგ-ალაგ ტაქტიკურ გამარჯვებასაც მიახწია, თუმცა საღამოს ჟამს ყველა დაკარგული პოზიციები უკანვე დაბრუნებული იქნა. ეტყობოდა მტერი განსაკუთრებულ ყურადღებას ამ მარცხენა ფრთას აქცევდა და ეს ვასავებოდა. მტერს, როგორც ცხენოსან ჯარის, ისე ტენიკურ ნაწილების მოქმედების მეტი საშუალება სწორეთ ამ რაიონში ჰქონდა. ლენერალი ჯიჯინია ამას თავის პირველ ტელეფონოგრამაში აღნიშნავდა და მოითხოვდა მაშველ ძალებს. ის ელოდა მტრის მთავარ ძალების შემოტევას სწორეთ ამ მიმართულებით. მართლაც 24 თებერვალს მტერმა დილით, 5 საათზე, განახლა ამ ხაზით შემოტევა. ამის გამო იყო, რომ გვარდიის მთავარ შტაბის წევრები ვალიკო ჯულელი, ალექსანდრე დგებუაძე და ვალიკო ჯიბლაძე საჩქაროთ გაეშურენ ამ ფრონტზე. 12 საათზე ლენერალურ შტაბში მოხდა მდგომარეობის დასაფასებლად და მნიშვნელოვან გადაწყვეტილების მისაღებად სხდომა. აქ პირველად იქნა მოსმენილი ლენერალურ შტაბის უფროსის ლენერალ ზაქარიაძის მოხსენება ანუ უკეთ ლენერალურ შტაბის გადაწყვეტილება თბილისის დატოვების საჭიროების შესახებ. მე რამდენადაც ვიცი, იდეა თბილისის დატოვების შესახებ ლენერალ ზაქარიაძეს ეკუთვნის. მოტივი — დასახლება ამ გადაწყვეტილებისა იყო შემდეგი: ჩვენი ფრონტი გაქიმულია დიდს სივრცეზე და ცხრა ათას ხიშტით მისი დაცვა შეუძლებელია. მტერი ფრთებიდან გვივლის. ქვემო ავჭალა, წყნეთი საფრთხეშია. აქ არავითარი ძალები ჩვენ არ მოგვეპოება. ამ პირობებში ჩვენ დავკარგავთ მთავარ ცოცხალ ძალას; მის შესანახად, რაც მთავარია ომის დროს, საჭიროა დახევა და ფრონტის სივრცის შემცირება. ამ ადგილად დასახლებული იქნა მცხეთა.

ამ რიგათ ქართული ძალები იძულებული გახდნენ თბილისი მიეტოვებინათ. ღამის 12 საათზე დაიწყო ფრონტიდან ჯარების მოხსნა და მცხეთისკენ დახევა. თბილისში მტერი შემოვიდა 25 თებერვალს. ამით მან მიახწია თავის მიზანს დაარღვია რა უსირცხვილოდ 1920 წლის, მაისის ხელშეკრულება.

— აქ რამოდენიმე სიტყვა იმის შესახებ, თუ როგორ დაიდო ხელშეკრულება რუსეთთან, ვინაიდან ბ. ამირეჯიბის თქმისა არ იყოს, მისი წარმოშობის და დაბოლოების ისტორია საიდუმლოებით არის მოცული. დღესაც არ იცის საზოგადოებამ თუ როგორ მოხდა ეს ამბავი. მე ამ ხელშეკრულების დაწერის დროს პირადათ მოწამე ვიყავი მოსკოვში. ასე ვსთქვით მონაწილედ. ამიტომ ჩემს მოვალეობათ და დროულადაც მიმაჩნია საზოგადოებას გადავცე ცნობად ის, რაც ვიცი ამის შესახებ:

1920 წ. იანვარს მე გავრის ფრონტზე უნდა გამგზავრებულიყავი. ჩვეულებად იყო მიღებული, გვრდის შტაბის ყოველ წევრს, რომელიც კი რომელიმე ფრონტზე წავიდოდა, ენახა მთავრობის თავჯდომარე, იმავე დროს კონსტიტუციის ძალით გვარდიის პირდაპირი ბრძანებელიც. მეც ვინახულე თავჯდომარე ნოე ჟორდანიას, უკანასკნელ; ასე ვსთქვით, ინსტრუქციის მისაღებად. ეს ის დრო იყო, როცა გამოირკვა, რომ თეთრი რუსეთის მოძრაობა ყოველივე მისი ფრთებით, დამარცხდა საბოლოოდ და ბოლშევიკები, გამარჯვებულნი უკვე კავკასიის, კერძოდ საქართველოს საზღვრებს უახლოვდებოდნენ. ამიტომ მე მთავრობის თავჯდომარეს შევეკითხე, თუ ის სასარგებლოდ და საჭიროდ ჩასთვლიდა ჩემ მიერ საბჭოთა საზღვრის ვადალახვას, მოსკოვში მისვლას და იქ, როგორც კერძო კაცი, პირადი ნაცნობების საშუალებით ნიადავის მოძებნას, გავებას იმისას, თუ რა განძრახვები აქვს საბჭოთა რუსეთს საქართველოს მიმართ. მე დავეუბატე, რომ თუმცა სახიფათოა, მაგრამ ვფიქრობ, ამას მე მოვახერხებ. იმედი მაქვს მოსკოვში ვინახულე პირად ნაცნობებს კამენევს, ტროცკის, თვით ლენინს, სტალინს და სხვათ. ნოე ჟორდანიამ სრული თანხმობა განმიცხადა ამასზე. მე საჩქაროდ გავემგზავრე ფრონტზე, მე ამ საქმეს ვავარებდი გვარაში, რომ, ასე მარტის დამლევს, 1920 წ. ჩამოვიდა ჩემთან მოულოდნელად გრიშა ურატაძე. მას მოჰყვა ვიღაც ქართველი, ჩემთვის უცნობი. გრიშა ურატაძემ ძალიან საიდუმლოდ გადმომცა, რომ მე, ნოე ჟორდანიას ბრძანებით, უნდა წავყოლოდი მათ მოსკოვში. მან მიაბო, რომ მათ უკვე სცადეს კავკასიის მიმართულებით გადასვლა საზღვარზე, მაგრამ ეს გერ მოხერხდა. უკან დავბრუნდით თბილისს და ახლა ნოე ჟორდანიას რჩევით აქეთვე წამოვედითო. იმედია შერ შესძლებ ამას, ვინაიდან შერც გაქონებია ასეთივე განძრახვაო. მე განვუცხადე ჩემი თანხმობა. ამის შემდეგ მან გამაცნო ის უცნობი ქართველი. აღმოჩნდა ბოლშევიკი, ვინმე კ. კობახიძე — რუსული გვარით, მირსკი.

გამოირკვა შემდეგი: ის ჩამოსულა მოსკოვიდან სპეციალური დავალებით საქართველოში აჯანყების მოწყობისათვის მუშაობა ეწარმოებინა. მას თან ჩამოუტანია დიდძალი თანხა ამ მიზნისათვის და შესდგომია მუშაობას, დაუარსებია მრავალი ორგანიზაციები, მაგრამ ერთ დღეს ის უცბად დაუქერიათ, და ციხეში გაუგია და დარწმუნებულია აქ ამნაირი განძრახვების უსაფუძვლობაში. მისივე სიტყვით. მის მიერ შექმნილ-დაარსებულ ორგანიზაციაში ხუთი წევრიდან სამი ნოე რამიშვილის ან გვარდიის აგენტი ყოფილა. ამიტომ გადაუწყვეტია მას ამნაირი ცდის უნაყოფობაში ნახოთა რუსეთიც დაეჯერებინა. მისი ერთადერთი სურვილი ახლა ის და ყოფილა, რაც შეიძლება ჩქარა მოსკოვში მოსულიყო და იქ ამ მხრივ მუშაობა ეწარმოებინა, რათა ამ ორი ქვეყნის შორის მშვიდობიანობა დამყარებულიყო, სიმართლე უნდა ითქვას, მართლაც მან დიდათ ხელი შეგვიწყო მოკოვში ამ მხრივ, სპეციალური მოხსენებაც კი მოამზადა და გადასცა საქართველოს მდგომარეობის შესახებ, როგორც ლენინს ისე სტალინს. ეს თავისი სურვილი ციხიდან საქართველოს მთავრობისთვისაც შეუტყობინებია. მთავრობამაც ისარგებლა ამ პირით, ციხიდან გამოუშვა და გამოაყოლა მას გრიშა ურატაძე, ეს ამბავი და ჩემთვის მოულოდნელი შემთხვევა, ჩემი გეგმის შესრულებას საგრძნობლად მიაღვილებდა. ამიტომ დაუყოვნებლივ შევუდექი ენერგიულ მუშაობას. იმ დროს ჩვენს საზღვრებს გავრის მხრით მოადგა ბოლშევიკების მიერ დამარცხებული კუბანის ყაზახობის ლაშქარი. მე ვაწარმოებდი მათ განიარაღების საქმეს, ვისარგებლე ამით და მათი ხელმძღვანელობიდან მივიღე სათანადო საბუთები ჩვენ საზღვარზე გადასასვლელად. შემდეგ ჩავიყვანე გრ. ურატაძე და კ. კობახიძე სოჭაში და იქ ერთ მეგობრის ოჯახში დავმალე, შემდეგ დავიქირავე პატარა გემი 310 000 მანეთად ქართველ კაპიტნის მეთაუ-



რობით და ღამით გამოვიყვანე დამალული პირები ოჯახიდან, ჩავსხედით გემში და საჩქაროდ პირდაპირ მიმართულეობით ნოვოროსისკენ გავემართეთ ჩვენი ეროვნული დროშით.

ნოვოროსისკი უკვე ბოლშევიკების ხელში იყო გადასული. ორი დღე და ღამის მოგზაურობის შემდეგ მივაღწიეთ ნოვოროსისკის ნავთსადგურს და დაუყოვნებლივ მივატყურეთ ჩვენი გემი ნაპირას. იქ, რასაკვირველია, ჩეკისტები დაგვხვდნენ და სწრაფად შემოგვარტყეს ალყა. მათ გაკვირვებას საზღვარი არ ჰქონდა ჩვენი ეროვნული დროშის ხილვით. აქ კი უკვე ბოლშევიკ კობახიძემ ითხოვა ჩვენი დაცვა და თავზე იდგა „საქართველოს დელეგაციის“ მოსკოვში მიყვანა. მხოლოდ როსტოვში, სერგო ორჯონიკიძე შეეცადა ხელი შეეშალა ჩვენი წინსვლისათვის, მაგრამ კობახიძემ პირდაპირ მავთულის საშუალებით მოსკოვთან, პირადათ ლენინთან ლაპარაკით ეს განზრახვა ბოროტი ორჯონიკიძესი ჩაშალა. მოვიდა ლენინის ბრძანება, რათა „საქართველოს დელეგაცია“ საჩქაროდ მოსკოვისაკენ გამოეშვათ. სერგო ორჯონიკიძე იძულებული გახდა ჩვენი ცალკე ვაგონი მიეხა სოკოლნიკოვის სპეციალურ მატარებლისათვის, რომელიც სურსათით დატვირთული მოსკოვისკენ მიემართებოდა. როგორც იყო ჩავედით მოსკოვში. იქ დაგვებინავეს თვით კობახიძეს ბინაზე, რომელსაც ძმათა კრესტოენიკოვების თერთმეტ ოთახიანი ბინა ეჭირა ცოლ-შვილით. პირველ ყოვლისა ვინახულეთ სტალინი. მის კაბინეტში კამენევიც დაგვხდა. ისინი კარგათ შეგვხვდნენ და, როგორც სჩანდა, საქართველოსთან მორიგება მათთვის სიძნელეს არ წარმოადგენდა.

მაგონდება და წინ ნათლად მიდგას სტალინი — სოსო ჯულაშვილის ღიმილი. ჩვენ შეკითხვაზე: „შეუძლიან თუ არა საბჭოთა რუსეთს მშვიდობიანად დასტოვოს შორეული, პატარა საქართველო“, იგი მიუბრუნდა იქვე მჯდომ კამენევს, მის ძველ მეგობარს, რომელიც ის ასევე „მეგობრულად“ შემდეგში დაახვედრებინა იაგოდას, და წარმოსთქვა: „მართლაც, რა საჭიროა ბევრი თავის მტრევა, იცხვარონ ისე, როგორც მათ სურთო“, რაზედაც კამენევა ნიშნად თანხმობისა თავი დაუქნია.

ამას შემდეგ საჭირო იყო ჩიჩერინის ნახვა.

ლენინს განეცხადებინა, ქართველებს ვინახულე, როცა საქმე მოთავდებათ.

გამორკვეა, რომ საბჭოთა რუსეთი თანახმა იყო საქართველოს სუვერენობა ეცნო, მხოლოდ ამ უკანასკნელ უნდა განეცხადებინა თავის მხრივ, რომ იგი თავის ტერიტორიაზე არ დაუშვებს ისეთ ძალებს, რომელნიც საბჭოთა რუსეთის წინააღმდეგ მუშაობენო. გრიშა ურატაძე ყველაფერზე თანახმა იყო. მხოლოდ ჩიჩერინი სთხოვდა მას წარედგინა საბუთი, რომ მას საქართველოს მთავრობიდან დაეალეებული აქვს ხელშეკრულებაზე ხელი მოაწეროს.

გრიშა ურატაძეს დაეალეებული ჰქონდა მხოლოდ მოლაპარაკება ეწარმოებინა, ანუ უკეთ, ნიადაგი მოეძებნა ამ ოფიციალური მოლაპარაკების საწარმოებლად. ასეთივე დაეალეება — სიტყვიერი, როგორც ზემოთ უკვე მოვიხსენიე, მეც მქონდა. გრიშა ურატაძემ მოითხოვა პირდაპირი მავთული თბილისთან და საქართველოს საგარეო სამინისტროს ულტიმატუმი დაუსვა: ან გადმომეცით უფლება ხელის მოწერის, თუ არა და დაუყოვნებლივ ვბრუნდები უკანვეო.

მე რამდენადაც ვიცო, საგარეო სამინისტროს განზრახვა ჰქონდა, ეს ოფიციალური მოლაპარაკება ქალაქ კავკაში ეწარმოებინა, სადაც ჩამოვიდოდა, რასაკვირველია, მთელი შტაბი გამოცდილი პირთა, როგორც დიპლომატიურ ისე სამხედრო საქმეში, მაგრამ ურატაძის მუქარამ გასჭრა. მან მიიღო უფლება ეს საქმე მოსკოვშივე გაეთავებინა. ჩიჩერინმა ამ საქმის დეტალურად მოგვარება თავის თანაშემწეს — კარახანს გადასცა. მას და ურატაძეს დავა ჰქონდათ ზაქათალა საქართველოს საზღვრებში შედის თუ

არაო. ამის გამო საჩქაროდ ვინახული კარახანი ვიპოვედი. საც ჩემი პეტერბურგში ყოფნის დროს კარგათ ვიცნობდი. მას მე მოვავაგონე, რომ ამ საქმის მოსაგვარებლად საჭიროა მხოლოდ თუ გინდ რუსული ძველი რუკის გამინჯვა და ის დარწმუნდება, რომ ზაქათალა საქართველოს საზღვრებში შედის. კარახანს ბევრი აღარ უყოყმანია ამის შემდეგ, ის უდავოდ დამეთანხმა და ქართულადაც დაუმატა „კაცო, ამაზე ჩხუბი არ გვინდაო“. ამის შემდეგ მალე ურატაძემ და კარახანმა ხელშეკრულებას ხელი მოაწერეს 7 მაისს. 1920 წ.

ამ ამბის გაგებაზე მოსკოვში მცხოვრებ ქართველობის სიხარულს საზღვარი აღარ ჰქონდა. ამის გამო პროფესორ ლაშვარაშვილის თაოსნობით, ბანკეტიც გავემართეს, სადაც ალექსანდრე ლუმათაშვილიც დაესწრო. განსაკუთრებულად ის იყო აღელვებული ამ საერთო სიხარულის გამო. ის მოხარული იყო, რომ რუსეთთან ასი წლის დავა ასე მშვიდობიანად გათავდა. საქართველო ამ დღეს ხელმოწერედ დაიბადაო.

ასე დასრულდა ესე ამბავი. ჩვენ ჩქარა დავბრუნდით საქართველოში კავკავის გზით და 30 მაისს უკვე თბილისში ვიყავით. აქ გავიგე, რომ ჩვენ ჯარებს ბოლშევიკები დაემარცხებინათ და რამოდენიმე დღეში ახალი ხელშეკრულება დაიდო, ერთი მხრით ახლად გაკომუნისტებულ აზერბაიჯანს და საქართველოს შორის მეორე მხრით.

გარეგნულად სჩანდა, თითქოს მოუსვენარი რუსეთი დაწყნარდა, თავი სკალაპოტში ჩაღდა. მოსკოვში და თბილისში საკუთარი ელჩებიც დაინიშნენ. მოსკოვმა გამოგზავნა თბილისში თავის წარმომადგენელად ვინმე ებრაელი შეიშანი. ეს ფაქტი კარგის მომასწავებელი არ იყო, ვინაიდან შეიშანი სრულიად უმნიშვნელო პიროვნება იყო, ახლად მიტმანებული კომუნისტურ პარტიას, გაიძვერა, უიდეო, და ამავე დროს „შიპერი“, ამ პიროვნებისაგან საქართველო კარგს ვერაფერს მიიღებდა. იგი ჩამოვიდა საკმაოდ დიდი შტაბით და პირველ დღესვე შეეტყო თბილისის ქუჩებს აფორიაქება, რუსული სომხურ და მრავალ ქრულ ელემენტების მტრული ამოძრავება. თვით შეიშანი კი ისე იჭერდა თავს, თითქოს ის დიდი ხნის მეგობარი ყოფილიყო საქართველოს და მას სხვა საზრუნავი აღარაფერი ჰქონდა გარდა კეთილ მეზობლურ დამოკიდებულების ჩამოგდებისა ბოლშევიკურ რუსეთსა და საქართველოს შორის. ის აწყობდა ხშირად ბანკეტებს, სადაც თავის მეგობრობას ეფიცებოდა ყველას, ვისაც ასე თუ ისე გავლენა ჰქონდა იმ დროის საქართველოს პოლიტიკურ ვითარებაში. საიდუმლოდ კომუნისტურ ელემენტებს აქეზებდა, ალბათ მოსკოვიდან მიღებულ ინსტრუქციების მიხედვით, საჯაროდ კი ყოველ კომუნისტურ გამოსვლას ჰგმობდა.

რაც დრო გადიოდა, საქართველოს ცაზე ღრუბლები იკუმშებოდა და ამ დროს ხდება ერთი უჩვეულო ამბავი. შეიშანი აწყობს ბანკეტს და იწვევს სახალხო გვარდიის მთავარი შტაბის მთელ შემადგენლობას. მოწვევის ბარათი მე მივიღე. შეიშანი, ელჩი ჰპატიჟობს არა მთავრობას, არამედ სამხედრო ორგანიზაციას, სადაც ეგულება ბევრი ისეთი პირი, რომელთაც მისი ნდობა არა აქვთ. ამ მოწვევის გამო გვარდიის შტაბში თათბირის დროს გადაწყდა, მიუხედავად ასეთ უცნაურობისა, ამ მოწვევის მიღება. ბანკეტი გამართული თვით საელჩოში, საუცხოო გამოდგა. მრავალ სასმელ-საჭმელი. შეიშანი თვით გახლდა თამადა და გვარდიის ყოველ წევრზე საკუთარი სადღევრძელო წარმოსთქვა. ამ სიტყვებში გვეფიცებოდა ის თავის მეგობრობას და მშვიდობიან ცხოვრების სარგებლობას ორ ქვეყნის შორის, რომელთაც ის და ჩვენ წარმოვადგენდით. და ბოლოს მომიბრუნდა მე და განაცხადა: რასაკვირველია მხოლოდ ერთიო, იმ ადამიანში, რომელმაც ყველაზე მეტი ვააკეთა, რათა ჩვენ ქვეყნებს შორის კეთილი განწყობილება დამყარებულიყო, ყველაზე მეტ უნდობლობას



ვხედავო. ვაი, რომ ის იყო მართალი. დიახ, მე არავითარი ნდობა აღარ მქონდა არც მოსკოვის ბატონების და არც მით უმეტეს მათი ელჩისა თბილისში. ყველაფრიდან სჩანდა, რომ მას უნდოდა ჩვენი მიძინება ან ჩვენი გულის წაღილის გაგება. მას მშვენივრად ჰქონდა შესწავლილი ყოველივე ჩვენთაგანის პიროვნება, რაც რასაკვირველია, მეტს იჭეებს იწვევდა. ჩვენი ბანკეტი დამთავრდა გარეგნული მხიარულებით; მაგრამ ჩვენთვის ცხადი იყო, რომ რაღაცა საშინელი მზადდებოდა ახლო მომავალში, რისთვის მზად უნდა ვყოფილიყავით, ამიტომ იმ საღამოსვე მოხდა შტაბის სხდომა, სადაც მთავრობის თავმჯდომარეც იქნა მოწვეული. გადაწყდა სასწრაფო სამზადისი ყოველ მოსალოდნელ ამბებისათვის. ამ ამბებმაც აღარც დაიგვიანა.

ორი კვირის შემდეგ, 11 თებერვალს რუსეთი ხელმოკრულ შემოესია პატარა საქართველოს. გაჩაღდა სამკვდრო-სასიკოცხლო ბრძოლა. ზარბაზნების ხმა თბილისში ისმოდა, მაგრამ ქალაქის მცხოვრებლებში არავითარ შიშს არ იწვევდა. თბილისი დარწმუნებული იყო თავის შვილების სიმტკიცეში, მის დამცველთა სიმამაცეში, მხოლოდ ჩქარა აღმოჩნდა რომ თბილისი იყო განწირული და ამით რასაკვირველია საქართველოც. შემდეგი ბრძოლები უკანასკნელი გაბრძოლება—ლა იყო. ჩვენმა ჯარებმა დაიხიეს მცხეთაში, შემდეგ გორში და სურამის უღელტეხილამდე. ლენარალი კვინიტაძე აქ ერთხელ კიდევ შეეცადა ომის ბედის მობრუნებას, მაგრამ ამისათვის ძალები აღარ იყო საკმარისი, ვინაიდან რუსეთის ცარიზმის ვერაგულ პოლიტიკის გამო საქართველოს საკუთარი იარაღის ქარხნები არ მოეპოვებოდა, ამიტომ იყო, რომ ამ საბედისწერო ჟამს მისი სამხედრო ძალა უიარაღო დარჩა. მიუხედავად ამისა, ბრძოლები და ძალიან ცხარეც, გაგრძელდა სურამის იქითაც. უმთავრესად წიფაში და ბათუმის შესავალითან. ბათუმშივე მოიყარა თავი როგორც ეროვნულმა მთავრობამ, დამფუძნებელ კრების წევრებმაც; აგრეთვე ყველა სახელმწიფო და საზოგადო დაწესებულებათა თანამშრომლებმა. აქ ხდება უკანასკნელი თადარიგი ევროპისკენ გასამგზავრებლად. ყველასათვის ცხადი იყო, რომ მიუხედავად თავგანწირვისა, ამ ქალაქში თავდებოდა დამოუკიდებელი საქართველოს ბედი.

მთავრობის გემი, ანუ უკეთ, გემი რომელზედაც საქართველოს ეროვნული მთავრობა იყო მოთავსებული და მისთან ერთად კიდევ მრავალი მებრძოლი, უკვე ღია ზღვაზე იდგა. მე, ვლადიმირ ჯიბლაძე და განსვენებული ნიკოლოზ ჭუმბურიძე ზღვის ნაპირას დადუმებული, პირშეკრული ვიდექით და გავყურებდით ზღვის მიმართულებით, სადაც ჩვენი ხალხი გვეგულდებოდა. ვმორიდებით სამუდამოთ ან დიდი ხნით ბევრს ჩვენთან თანამებრძოლოთ, ბევრს შეგობარს. ჩვენ შეგნებულად ავირჩიეთ ეს გზა. დავრჩით ჩვენს ქვეყანაში, მიუხედავად იმისა, რომ ბევრი გვირჩევდა უცხოეთში დროებით თავის შეფარებას. ბევრს ხანს ვიდექით ასე გარინდებული და საკუთარ ფიქრებში წასული, ვიდრე იმ ხანით, სადაც ჩვენები გვეგულდებოდა. აი შეინძრა დიდი წერტილი და ბოლოს საშუალოდ მიეთარა ჩვენს თვალებს. მხოლოდ ამის შემდეგ შესძლეს ჩვენმა გაჩუმებულმა პირებმა ამტყვევლება, ნიკომ დაიწყო; — ისინი წავიდნენ, აბა ახლა ჩვენ რა ვქნათ? ჯიბლაძემ გასცა პასუხი: წავიდეთ ქალაქში, ვნახავთ! მე დაუმატე: იქაც ჩვენები, იქაც ხალხია. ბევრი ჩვენ გვიცდის, მათ მოვლა უნდა, დაბინავება — ზოგი თბილისელია, ზოგი კახეთ-ქართლიდან და მრავალ სხვა და სხვა ადგილებიდან საკუთარ სახლ-კარს მოგლეჯილი. ამ ხალხის გამგზავრება საჭირო, ზრუნვა მათზე. აი დღევანდელი ჩვენი საქმე. ამ ლაპარაკით მიველით უკვე შუა ქალაქში. აქ გავივით, რომ ქალაქში უკვე რევკომია შემდგარი სერიოზუა ქავთარაძის მეთაურობით და რომ ის ჩვენ გვეძებს. ჩვენც გავსწიეთ მის საბრძანებლისკენ. მან მეგობრულად მიგვიღო და გადმოგვცა ცნობა, რომ თურ-

ქები ცდილობდნენ ბათუმის ხელში ჩაგდებას და ეს არას შემთხვევაში არ უნდა მოხდესო; გვთხოვდა თანამშრომლობას ამ საქმეში და შეგვეკითხა, ვის გვირჩევთ სარდლის ადგილზე ბათუმის დასაცავადო. ჩვენ უყოყმანოთ მივიღეთ წინადადება და ლენარალი მანხიაშვილი დავუსახელებთ ამ საქმისათვის. ის დაგვეთანახმა და აი დაიწყო ჩვენი ახალი მუშაობა, ახალ-ახალ რაზმების მოყრა და ფრონტზე გაგზავნა. გუშინ წარმოუდგენელი დღეს სინამდვილეში გადაიქცა. ჩვენ ჩვენის თავისუფალი კადაწყვეტილებით ვებმარებოდით გუშინდელ მტერს ქალაქის დაცვაში. ჩვენი არსება ერთი წუთითაც ვერ შერიგებოდა იმ აზრს, რომ ქალაქი ბათუმი, ან რომელიმე ნაწილი ჩვენი ქვეყნისა ჩამოეგლიჯებოდა მთლიან საქართველოს. ამისათვის ღირდა მუშაობა და თავის გაწირვა. და აი აქ მოხდა ერთი საკვირველება. გუშინდელ უგზო-უკლოდ დაყრილი ჯარი ღომ-გმირად გადაიქცა თურქებთან წინააღმდეგ ბრძოლაში. ეს იყო სრულიად სტიქიური მოვლენა. უნდა გენახათ აქ ქართველი ჯარის კაცი, რომ მისი პატივსცემით განმსკვალულიყავით. ათი ოცს სჯობდა, ოცი ორმოცს და ორმოცი კიდევ ასს. თითქოს ქართველი მებრძოლი აქ, მრავალ ხნობით დაგუბებულ ბოლშას და ჯავრს თურქებზე ანთხევდა, მრავალიც შეეწირა სამშობლოს ღირსების დაცვას. და როდესაც მსხვერპლთ აზიზის მოედანზე ვასაფლავებდით, აქ გავიგე საბჭოთა მხედრობის ერთი წარმომადგენლისაგან სიტყვა, რომელიც ჩემს გულს მზამდევით დაწვევთა და სამუდამოდ დალი დააჩნია.

ამ მოედანზე შემხვდა ჩვენი მტრის ცხენოსანი რაზმის უფროსი ჟლობა. ის გამომეცნაურა და ლაპარაკის დროს გაკვირვებით შემეკითხა, თუ ასეთი გულადი, მამაცი ჯარი გაყვდა, რომელსაც ჩვენი ჯარისკაცი ვერ შეედრება, გაუგებარია რატომ დასტოვეთ თბილისიო. გარწმუნებთ, ასეთ თავგანწირულ ბრძოლას, როგორც მე აქ ვნახე, ჩვენი მოშლილი ჯარი ვერ გაუძლებდაო. მას ეგონა ეს სიტყვები ჩემთვის მანუგეშებელი რამ იყო, სინამდვილეში კი ეს საწამლავი იყო ჩემთვის. მან არ იცოდა ჩვენი სუსტი მხარე, უიარაღობა.

ბათუმის დასაცავათ ბრძოლები გათავიდა ჩვენი ბრწყინვალე გამარჯვებით, თურქები საზღვრის იქით იყვნენ გადაყრილნი. ახლა კი საჭირო იყო დადლილ-დაქანცულ ჯარის და გვარდიის ნაწილების თავთაიან სახლებში გასტუმრება. ეს მოვალეობა ჩამაბარეს მე. საჭირო თანხა და საშუალებაც გამოვითხოვე რევკომისაგან ამ საქმისთვის და შეუდექი მუშაობას. რიგ რიგობით გავამგზავრე სხვა და სხვა მიმართულებით თავიანთ მიწა-წყალს მოწყვეტილი ქართველი ჯარის კაცები და გვარდიელები, და ბოლოს მეც რამოდენიმე გვარდიის შტაბის მოსამსახურე ქალებით, რამოდენიმე აფიცრებით და ჯარის კაცებო, რომელთაც ყველას თბილისისაკენ ჰქონდათ გზა — გამოვსწიე თბილისში. დავტოვე მშვენიერი, ლამაზი, შეუღარებელი ბათუმი ჩვენი ქვეყნის მტერთ, რომლის შესახებ ერთი მათგანი, იმ დროს იქ მყოფი და ერთ დროს კი კრეტაში „მოაზროვნე“ — ვინმე ნიკოლი კაცანი, ასე სწერს:

„ერთი მკაცრი ხმა ჩემს არსებაში მიბრძანებს აქედან საჩქაროდ გაქრობას; მოშორებას ამ წყნარ მზეს, ამ დიდებულ მიდამოებს და საკუთარ ბედნიერებას, მაგრამ ტანი და ხელი ვერ ემორჩილებიან ამ განშორებას. მიუხედავად ამისა საჭიროა გავიდეთ და რაც შეიძლება საჩქაროდ, ვინაიდან ჩემი კომუნისტური რწმენა ანუ მშენე, როგორც სანთელი, და იმას, რასაც ჩვენ ჩრდილოეთში კლასთა ბრძოლას ვუწოდებთ, აქ, ამ ქვეყანაში ნახს და შერბილებულ ფორმას ღებულობს. მე დარწმუნებული ვარ, რომ კარლ მარქსი აქ დაბადებულიყო და ყოველ დღით თავისი მძიმე ტანი და ვაშლილი წვერები ამ ლურჯ ზღვის ტალღებში განებანა და შემდეგ მოქანცულ: აყვავებულ მაგნოლების ქვეშ დაესვენა, ეპვს გარეშა, მისი მსოფლმხედველობა მიიღებდა სხვა სახეს და ხალხთა ბედი



უფრო შელმილებულ, მხიარულ, ჰუმანურ ფორმას ატარებდა. ახლა კი ეს უკვე გვიანაა“.

ამაზე სასტიკი განაჩენი მარქსის მოძღვრებისათვის ჯერ არავის გამოუტანია. კაცანის, იდეურ კომუნისტურ სიტყვით — იგი ჰუმანიური რამ არა ყოფილა, არამედ გამოდის, ბარბაროსული.

ბათუმიდან თბილისისკენ ჯერ კიდევ სწორი მიმოსვლა არ იყო აღდგენილი. გზაში მრავალ ალაგას ხიდები ჩამტვრეულია ჩვენი ჯარის მიერ დახვევისას. ყველგან კვალი გაპარტახების და საშინელი განცდების მომგვარელი. ასეთ სულიერ განწყობილებაში ერთი კვირის მგზავრობის შემდეგ როგორც იყო მივახწიეთ თბილისს.

კვლავ ვიხილე ჩვენი დედა ქალაქი, მაგრამ რა ვნახე! იგი მიბუზულიყო, თითქოს მას სხვა სახე მისცემოდა, ყველგან — მხოლოდ უცხო ელემენტი, ქუჩაზე, იშვიათად ქართული სახე. ეს სანახაობა იყო დიახ, დარდებ ამშლელი, მაგრამ არა, რას ვწუხარ, დარდს და ბოღმას რა ადგილი აქვს ჩემს გულში! თბილისს მრავალ საუკუნეების განმავლობაში რა გვარი სახეები არ უნახავს. ყველა ეს სახეები, მისთვის უცხონი, მას მოუჭამია, გადაუტანია და მტერიც თან გადაუტანია. იმედია ამ ახალ, მისთვის შეუფერებელ სახეებს იგი ერთხელ კიდევ მოიშორებს. ამ რწმენით მივადექი ჩემს სახლს, ჩქარა ავირბინე ზემოთ, სიხარულით მივესალმე და ჩავკოცნე მთელი ჩვენი ოჯახობა.

მეორე დღეს გამოვცხადდი სამხედრო უწყებაში. მე ვალდებული ვიყავი ფინანსური ანგარიშები ჩამებარე-

ბია. იქ მიმითითეს ერთ ოთახისკენ. შვეელი შიგ და ჩემს გაკვირვებას საზღვარი არ ჰქონდა, როცა ოთახის უფროსმა ქართველად მომცა სალაში. აღმოჩნდა ვინმე ათასეულის უფროსი ლორთქიფანიძე. ის მოუძღვოდა სხვებთან ერთად მტრის ლაშქარს თბილისისაკენ. აი მეც ამ პირს ვაბარებდი ანგარიშს. მას, როგორც სჩანდა, ეს ჩემი ანგარიში სრულიადაც არ აინტერესებდა. უცბად, შუა გზაში შესწყვიტა ანგარიშის ჩაბარება, მოაგლო ყველა საბუთებს ხელი და სწრაფად პორთფელში ჩააწყო. ანგარიშის ჩაბარების მაგიერ მომიბრუნდა და დიდის საიღუმლოებით შემეკითხა: მითხარით ბატონო! რამ გაიძულათ, რატომ დასტოვეთ თბილისი? და აქ მის სახეს, თითქოს მწუხრის იერი გადაეფარა, — ჩვენი ლაშქარი ხომ ისეთ სავალალო ყოფაში იყო, რომ თქვენი ერთი მაგარი შემოტევა და მას ჩვენ როსტოვამდე ვეღარ შევაჩერებდითო. ამის გავება ჩემთვის იყო მეორე ჯერ ლახვარი. მე პასუხიც კი ვერ მოვახერხე. ჩვენ სიჩუმით დავმორდით ერთმანეთს. ის თავის საკუთარ ფიქრებში გართული. მე კიდევ დაძმარებული.

სჩანდა, არც ბათუმში ელობას და არც აქ, თბილისში ქართველ კაცს, წარმოდგენა არა ჰქონდათ იმაზე, თუ რას ნიშნავდა რუსეთის იმპერიის ბატონობა საქართველოში 117 წლის მანძილზე. ამ უცნაურ კონგლომერატისა „იმპერიის“ პოლიტიკა ხომ ყოველთვის იქითკენ იყო მიმართული, რომ განაპირა ქვეყნები ყოველ მხრივ ყოფილიყვნენ სუსტნი და საქართველოც ხომ გამონაკლისი არ იყო ამ მხრივ.

დ. სალირაშვილი

მხატვარი ფელიქს ვარლამიშვილი

პარიზი.





ბამ არა ერთხელ მიმართა გენერალ კუკოლის ამის შესახებ, მაგრამ მან არავითარი ზომები არ მიიღო. პროტესტით და თხოვნით მიმართა კუკოლის აგრეთვე მუსულმანი ქართველების მეთაურმა მამედ-ბეგ-აბაშიძემ, რომელიც აუწყებდა გენ. გუბერნატორს იმ საშინელ მდგომარეობას, რაც გამეფდა ქალაქში და ოლქში. კუკოლისმა არც ამას მიაქცია ყურადღება. არამც თუ დენიკინელები, ზოგი ინგლისელი ოფიცრებიც ისე გრძობდნენ თავს, თითქოს მათთვის ყველაფერი ნებადართული იყო. ამის საბუთად საკმარისია თუ გინდ ის, რომ 5 ოქტომბერს ბათუმის სადგურზე ნივთების გამსინჯავმა კონტროლიორმა, წინააღმდეგ ყოველივე კანონისა, დაიწყო დაღობატიური ვალიზების შინჯვა. ამის წინააღმდეგ პროტესტი განაცხადა საქართველოს საგარეო სამინისტროს მოხელე მასხარაშვილმა; იგი ამ უბრალო პროტესტისათვის იქვე რევოლუციის ტყვეით დასჯრა კაპიტანმა რევემა.

თებერვალში 1919 წ. გენ. გუბერნატორმა მართლაც დანიშნა ქალაქის არჩევნები. საარჩევნო კანონი შეადგინა სპეციალურმა თათბრებმა, რომლის ყველა წევრი, დაბინძურებული იყო თვით გენერალ-გუბერნატორის მიერ. ასარჩევი იყო 36 ხმოსანი, რომელთაგან ქართველებმა გაიყვანეს 20 ხმოსანი, რუსებმა — 2. ბერძნებმა 8, სომხებმა 4. ებრაელებმა 2, ბინის მჭირავეებმა 1. ამ არჩევნებში ბათუმის მცხოვრებლებმა გარკვევით და საჯაროთ აღიარეს, რომ ბათუმში ქართული ქალაქია და, რომ ის საქართველოს ნაწილია. რუსებს სწორედ ეს არ მოეწონათ და ამიტომ იყო, მათი გავლენით ინგლისის სარდლობამ არჩია ქალაქის უსაბჭოდ დატოვება, ღინემ მისი დამტკიცება, და იგი ისე წავიდა ბათუმიდან, რომ მას საბჭო არ დაუმტკიცებია.

მართლაც, ფორმალურად ეს იყო მუნიციპალური არჩევნები, მაგრამ არსებითად იგი იყო პოლიტიკური პლებისციტი. ასე გაიგო ეს საქართველოს დამფ. კრებამაც, რომელმაც ერთხმად დაადგინა: „მოისმინა რა განცხადება ბათუმის მუნიციპალურ არჩევნებში საქართ. დემ. რესპ. მომხრეთა ბრწყინვალე გამარჯვების შესახებ, დამფ. კრება აღიარებს, რომ ბათუმის მოქალაქეთა ეს ვოტუმი ერთხელ კიდევ საქვეყნოდ ამტკიცებს ბათუმის და მისი ოლქის საქართველოსაგან სრულ განუყოფლობას და სრულ იმედს გამოსთქვამს, რომ მთავრობა დროზე მიიღებს ყველანაირ ზომებს ამ ჩვენი ქვეყნის განუყოფელ ნაწილის დედა-სამშობლოსთან დასაბრუნებლად“.

ქალაქის არჩევნების ასეთმა შედეგმა კიდევ უფრო გააძლიერა დენიკინელების მუშაობა საქართველოს წინააღმდეგ, როგორც ქალაქში, ისე ოლქში, განსაკუთრებით მას შემდეგ, რაც ბათუმის მცხოვრებთა წარმომადგენლების ყრილობამ საქართველოსთან შეერთების დადგენილება გამოიტანა, მათ მოინდომეს, ყრილობის ამ დადგენილების გაყალბება და ამ მიზნით კუკოლისის ნებადართვით და სახელით აწარმოებდნენ მთელს ოლქში ამ დადგენილების წინააღმდეგ დიდ ენერჯიულ მუშაობას. ისინი იწვევდნენ ადგილობრივი მთავრობის სახელით ოფიციალურ კრებებს და ხალხს იძულებით აწერინებდნენ ხელს წინ და წინ შედგენილ საპროტესტო ოქმებზე. ეს ოქმები შემდეგ, როგორც ოლქის მცხოვრებთა ვითომდა თავისუფალი ნებისყოფის გამოხატულება, ეგზავნებოდა პარიზში სამშვიდობო კონფერენციას. იმ ადგილებში სადაც ხალხი უარს ამბობდა ასეთ ოქმზე ხელი მოეწერათ. — იქ აძლევდნენ ხელის მოსაწერად მეორე რეზოლუციას, რომელიც მოითხოვდა ოსმალეთთან შეერთებას. ამ გეარ რეზოლუციებს კი უგზავნიდნენ პარიზში საზონოგს, რათა ამით დაემტკიცებინათ თუ რამდენად სამუსულმანო საქართველო ოსმალეთის ორიენტაციის მომხრეა და ამ მხრივ რუსებისათვის საშემოგებას წარმოადგენსო.

საქართველოს პრესტიჟის და გავლენის დასამცირებლად კუკულისმა აკრძალა ბათუმში და მის ოლქში ქართული ფული (ბონები) და ამავე დროს კი ოფიციალურად

ნება დართო დონის რესპუბლიკის ბონების შემოღებაზე. აღარავისთვის აღარ იყო საიდუმლო, რომ საქართველოს წინააღმდეგ მომქმედი ერთი უდიდესი ბანდის მეთაური თურქი ოფიცერი ქესკინ-ზადე კვირაში რამდენჯერმე ნახულობდა გენ. გუბ. კუკოლისს.

დენიკინის დამარცხების შემდეგ ფოთში შემოვიდა მოხალისეთა ოთხი გემი და გემზე მყოფ მოხალისეთა ჯარის დელეგაციამ ითხოვა გემების დროებით ფოთში დატოვება. ამ გემზე იყო სხვათაშორის 700 მეტი სომეხი, მოხალისეთა ჯარის ნაწილი, რომლებიც იარაღით სომხეთში უნდა გამგზავრებულიყვნენ. ადგილობრივმა ხელისუფლებამ გემებს დარჩენის უფლება მისცა. ცოტა ხნის შემდეგ ფოთის ნავთსადგურს მოადგა ინგლისის კრეისერი, რომლის კაპიტანმა ულტიმატუმით მოითხოვა 12 საათის განმავლობაში გემების გაშვება. მთავრობამ ენერჯიული პროტესტი განაცხადა, კერძოდ კრეისერის უფროსის მიერ ადგილობრივ მთავრობისადმი ულტიმატუმის წარდგენის წინააღმდეგ და ფოთის გარნიზონის უფროსი უბრძანა არ შეასრულოს კრეისერის უფროსის მოთხოვნილება და ძალიდობას ძალადობითვე უპასუხოს. 12 საათზე კრეისერი, რომელზედაც კუკოლისი აღმოჩნდა ნავთსადგურში შემოვიდა და თავისი მოთხოვნილება განიმეორა და ნახევარი საათის ვადა მისცა, წინააღმდეგ შემთხვევაში გემების ძალით წაყვანას იმუქრებოდა. კრეისერის მოთხოვნილება მეორედ იქნა უარყოფილი, რის შემდეგ კაპიტანმა განაცხადა, რომ ამ ამბავს ბრიტანეთის საზღვაო მართველობას აცნობებდა და უკან გაბრუნდა... ამის შესახებ შემდეგ ბათუმში გაიმართა მოლაპარაკება და დამთავრდა შეთანხმებით.

ბათუმის საოკუპაციო მმართველობის სამტრო მოქმედება საქართველოს წინააღმდეგ იქამდე მივიდა, რომ საქართველოს მთავრობა იძულებული იყო ენერჯიული პროტესტით მიემართა უცხო სახელმწიფოთა ყველა მისიებისათვის, ხოლო როცა ინგლისელებმა წასვლა განიზრახეს და ბათუმში და მის ოლქში საქართველოს მტრების მუშაობა მეტის ინტენსივობით ვითარდებოდა, მოსალოდნელი საფრთხის ასაცდენად საქართველოს მთავრობამ გადაწყვიტა ოლქში თავისი ჯარების შეყვანა. 6 მარტს 20 წელს ეს აცნობა როგორც ინგლისის მისიას, ისე სხვა ყველა მისიებსა და თან უმატებდა იმ მოსაზრებას, რომელიც აიძულებდა საქართველოს მთავრობას ოლქში თავისი ჯარი შეეყვანა. საფრანგეთის სამხედრო მისიის უფროსმა დენონანკენმა წერილობით აცნობა საქართველოს მთავრობას; საფრანგეთის მთავრობამ უკვე იცის რამდენად სამართლიანია საქართველოს მოთხოვნილება ამ ოლქის შესახებ, მეორეს მხრივ მე ვაუწყე ჩემს მთავრობას, რომ მეტად რთულ შედეგი ექნება ინგლისის ჯარის გაყვანას, თუ თავის დროზე გამგებლობა არ გადაეცა შესაფერ ძალას. ამის შესახებ მე ჩემი აზრი ამოვთქვი, რომ რადგან მოკავშირეთა ძალები არ არის, ადგილობრივ ძალებში ყოველი დღის გამოუტყველობისა და საერთოდ დაუწყნარებლობის გამო, მე შემძლიან მხოლოდ მოვიწონო საქართველოს მთავრობის სამხადისი თავისი საზღვრებზე-ო (22 თებრ. 1920 წ).

ჩვენი მთავრობის ასეთ განზრახვას კუკოლისმა დიდი წინააღმდეგობა გაუწია. მიუხედავად ამისა ჩვენი ჯარები მაინც შევიდა ოლქში და დაიჭრა არტანუჯი, შავშეთი, და ხულო. 25 მარტს ამის გამო თბილისში ჩამოვიდა თვითონ კუკოლისი და ინახულა მთავრობის თავმჯდომარე, რომელსაც განუცხადა, რომ მიეღო გენ. მილნისაგან ბრძანება — მისცეს საქართველოს მთავრობას წინადადება გაიყვანოს ბათუმის ოლქიდან თავისი ჯარები არა უგვიანეს ორი აპრილისა. მთავრობის თავმჯდომარე ნ. ყორღანიამ სთხოვა მას, ეთქვა თუ ვისგან არის მოსული ეს ბრძანება. — ლონდონის მთავრობიდან თუ მთავარსარდლისაგან. ჩვენთვის ძლიერ საჭიროა, ვიცოდეთ, ვისთან



გვაქვს კონფლიქტი, ვინაიდან ამის მიხედვით სხვა და სხვა დასკვნებს გავაკეთებთ“. ამაზე კუკოლისმა პირდაპირი პასუხი არ მისცა, მაგრამ ბოლოსა და ბოლოს გამოიჩინა, რომ განკარგულება იყო. გენ. მილნისაგან, რადგან მთავრობისგან, რომ ყოფილიყო ინგლისის ოფიციალური წარმომადგენელს უფროდ ეცოდინებოდა. ნ. ჟორდანია დაპირდა, რომ მთავრობა განიხილავდა მის წინადადებებს და თავის დადგენილებას აცნობებდა. მთავრობამ განიხილა ეს საკითხი და დაადგინა: ჯარი ოლქიდან არ გამოიყვანოს. და ბოლოს კუკოლასი შეუძრავდა ჩვენი ჯარის ოლქში დარჩენას. მოხდა დროებითი შეთანხმება, — ჩვენი ჯარი დარჩება ოლქში და როგორც ინგლისის მოაკვეთრე დაექვემდებარება ინგლისის სარდლობას. ასეთ პირობებში ჩვენი ჯარების ოლქში შესვლამ ხელი ვერ შეუშალა ჩვენს საწინააღმდეგო მოქმედებას, პირიქით, ბანდები და მათი მეთაურები კიდევ უფრო გათამამდნენ და ხულოში ჩვენს პატარა რაზმს, ზევით ნახსენებ თურქ ოფიცერ ქესკინ-ზადეს მეთაურობით ალყა შემოარტყეს. ჩვენმა მთავრობამ სთხოვა ინგლისის მისიას, ჩვენი რაზმის ხულოდან იარაღით გამოშვება და თუ ეს არ მოხდებოდა, ინგლისელებს ხელი არ შეეშალათ ჩვენი რაზმისათვის იარაღით მოქმედებაში.

ინგლისის მალა — კომისრის მოადგილე ლუკმა განაცხადა, რომ ის მოელაპარაკებოდა ამის შესახებ კუკოლისის და დასძინა, ვფიქრობ, არ იქნება ძნელი თქვენი მოთხოვნების დაკმაყოფილება. მეორე დღეს კი მთავრობამ მიიღო ბათუმის პასუხი, რომ იარაღით რაზმის გამოშვება შეუძლებელია, ხოლო რაც შეეხება ბანდების წინააღმდეგ ოპერაციებს, ამის თანხმობას ინგლისის მთავრობა ვერ მოგცემთ, მაგრამ არც ამის წინააღმდეგ იქნება, მაგრამ ამ ოპერაციებში არაერთარ დახმარებას არ გავიწვევთ იარაღით და არც სურსათის თავისუფლად გატარების ნებას მოგცემთ. ხოლო თუ ჩვენი ჯარი გადაცილებოდა ბორჩხა-ქედა-ქობულეთის ხაზს ბათუმისკენ — ინგლისის ჯარი ბრძოლით წინააღმდეგობას გაუწევდა, და მართლაც, იმავე დღეს ინგლისელებმა უარი უთხრეს გენ. მილნის ხულოს რაზმისათვის სურსათის მიწოდებისათვის ნებართვაზე. ხულოს რაზმი ალყა შემოორტყმული, მშვიდი, ექვსი დღის განმავლობაში იგერიებდა მტრის იერიშებს, ხოლო როცა ვახნები შემოეღიათ იძულებული გახდა იარაღი დაეყარა და ტყვე ქართველები თურქ-ოფიცერმა ქესკინზადემ გენ. კუკოლისის ჩააბარა ბათუმში...

ამავე ხანებში მეტად გაძლიერდა ჩვენი წინააღმდეგ მუშაობა ქობულეთის რაიონში. აქ თავს იყრიდნენ ოსმალის ოფიცრები, ადერბეიჯანის და ბოლშევიკების აგენტები: აქ იღებდნენ ისინი იარაღს, აქედან გადადიოდნენ ქვანელებთან ჩვენი საწინააღმდეგო ავტაციისათვის. ამ დროს საქართველოს შემოესია აზერბეიჯანით მოსკოვის ჯარი. ამან კიდევ უფრო გააძნევა ჩვენი მოწინააღმდეგენი და გააფართოვა მათი მუშაობა და როცა იქამდე მივიდნენ, რომ კონტროლის ხიდიც კი ააფეთქეს, — მთავრობა იძულებული იყო აქაც შეეყვანა ჯარი. კუკოლისმა სასტიკი წინააღმდეგობა გაუწია და დაემუქრა, რომ თუ მისი მოთხოვნები არ იქნება შესრულებული ის თავის ჯარებით დაიჭერდა საზღვრებს ჩვენი ჯარების უკან. იმავე დროს ბათუმში დენიკინელების გაზეთში იბეჭდებოდა ყალბი ცნობა, რომ საქართველოს მთავრობას გადაუწყვეტია გაატაროს თავის ტერიტორიაზე წითელი ჯარები ინგლისელების წინააღმდეგ, გვთლიდნენ ბოლშევიკების მოკავშირეთ და სხ. ბოლოს და ბოლოს კუკოლისი ეხლაც შეურიგდა ჩვენი ჯარების იქ ყოფნას.

ასეთივე პოლიტიკას დაადგა ინგლისის სარდლობა დენიკინის საზღვარზედაც. ინგლისის სარდლობამ აღვითქვა, რომ დენიკინი ჩვენს საზღვრებს არ გადმოლახავდა და ჩვენს ტერიტორიას არ შეეხებოდა; მიუხედავად ამისა დენიკინის ჯარი მოულოდნელად თავს დაესხა სოქის ოლ-

ქში ჩვენს მცირე რაზმს, აპყარა იარაღი, დაიკავა მთელი ოლქი და გადმოვიდა გავრის რაიონში. მდინარე ბზიზზე ჩვენმა ჯარებმა შესძლო მათი შემოტევის შეჩერება. თფილისში მყოფმა ინგლისის წარმომადგენელმა აცნობა მთავრობას, რომ დენიკინს ებრძანა გაეყვანა თავის ჯარები სოჩის ოლქიდან. მაგრამ გავიდა ორ თვეზე მეტი და დენიკინმა არამც თუ არ გაიყვანა თავისი ჯარი — კიდევ უფრო გააძლიერდა. ამჟამად იყო, რომ დენიკინი ძალს იკრებდა და ხელსაყრელ დროს უცდიდა, რომ კიდევ უფრო წინ წამოეწია. ამიტომ მთავრობა იძულებული გახდა გაცეცხლებოდა ჩვენი ჯარები შეტევაზე გადასულიყვნენ და სტრატეგიული ხაზი შეხადირი დაეჭირათ. ამავე დროს ეს ამბავი საქ. მთავრობამ აცნობა გენ. ტომსონს, აუხსნა ჭარბობა და ამ ნაბიჯის აუცილებლობა. ტომსონს საწინააღმდეგო არაფერი უთქვას, მხოლოდ ურჩია მთავრობას, ეს ამბავი დეპეშით სტამბოლში გენ. მილნისათვის ეცნობებია. მთავრობა ასეც მოიქცა. ორი დღის შემდეგ ტომსონი ატყობინებდა საქ. მთავრობას, რომ მილნი წინააღმდეგია შეტევის, ის შეჩერებული უნდა ყოფილიყო და ჩვენი ჯარი შეხადირს არ უნდა გადასცილებოდა. ჩვენი სარდლობა ასეც მოიქცა, მივიდა შეხადირამდე, შეჩერდა და შეუდგა პოზიციების გამაგრებას. სწორედ ამ დროს, აპრილის დამლევს, თბილისში ჩამოვიდა გენ. მილნი — და ამ მომენტთან იწყება ურთიერთობის გამწვავება. მან შესწავლია ფაქტიურად ყოველგვარი მოლაპარაკება მთავრობასთან, მოიარა კავკასია და წავიდა სტამბოლში. მთავრობამ მიმართა მდგომარეობის გამოსარკვევად ინგლისის მისიას. გენ. ბიჩმა იკისრა დენიკინთან მოლაპარაკების გამართვა. და მართლაც, 20 აპრილს თბილისში ჩამოვიდა დენიკინის წარმომადგენელი, არა რუსი, არამედ გენ. ბრიგსი, — ინგლისის სარდლობის წარმომადგენელი დენიკინთან. ის ელაპარაკებოდა მთავრობას, სადაც გამოვიდა დენიკინის ვეჭილად, საცხებით მხარს უჭერდა მის მისწრაფებებს და გეგმებს. გენ. ბრიგსთან მოლაპარაკება უშედეგოდ გათავდა, მაგრამ მთავრობამ აცნობა გენ. ბიჩს, რომ მას შესაძლებლად მიაჩნია წამოიყვანოს თავისი ჯარები ბზიზამდე, იმ აუცილებელი პირობით, თუ ნეიტრალურ ზონას — შეხადირიდან — ბზიზამდე დაიკავებდა ინგლისი ან იტალია. გენ. ბიჩმა წინადადება მისცა მაშინვე დაეხიათ უკან და როცა მთავრობამ ვანუცხადა, რომ ის დაიხევდა თანდათანობით მიუხედავად იმისა, თუ ვინ დაიჭერდა დაცილდ ადვილს, — ბიჩმა უკმაყოფილება გამოთქვა და დენიკინის შემოსევით დაიმუქრა.

11 ივნისს ამიერ-კავკასიის ჯარების სარდალმა გენ. მაიორმა კორიმ წერილობით აცნობა საქ. მთავრობას, რომ ინგლისის მთავრობის მიერ გველუბულია სადემარაციო ხაზი, დენიკინის ტერიტორიისა და ამიერ-კავკასიის სახელმწიფოთა შორის, და ეს ხაზი არ უნდა გადაილახოს. ამავე დროს უმატებდა, რომ ამიერ-კავკასიის რესპუბლიკებმა თავი უნდა დაიჭირონ ყოველგვარი აგრესიულ მოქმედებისაგან მოხალისეთა ჯარების წინააღმდეგ და შეუთანხმდნენ მას იმაში მაინც, რომ მიაწოდონ ნაეთი და სხვა მასალები. ამ წინადადებათა აუსრულებლობა საბოლოოდ შესწყვეტს ინგლისის განწყობილებას თქვენდამი და წარათმეგს ინგლისის მთავრობის საშუალებას წინ აღუდგეს დენიკინს, გადმოლახოს ხაზი და სთხოვდა საქ. მთავრობას ეცნობებია მისთვის, გენ მილნისათვის გადასაცემად — „სურს თუ არა საქარ. მთავრობას თავის ჯარების გადმოყვანა ნაჩვენებ ხაზზე“ —, საქართვე. მთავრობამ თანხმობა განაცხადა ნაჩვენებ ხაზზე თავის ჯარების გადმოყვანის შესახებ, მაგრამ მოითხოვდა ვარანტიას, რომ დენიკინი ამ ხაზს არ გადმოლახავდა.

საზოგადოებრივი დენიკინს ინგლისელები დიდ მფარველობას უწევდნენ. მაგ., გენ. პოლმანი დაიხიებით ითხოვდა ჩვენი მთავრობისგან, რომ მას აეკრძალა გაზეთებისათვის დენიკინის საწინააღმდეგო წერილების ბეჭდვა და გაეძე-



ვებია საქართველოდან ჩრდილო-კავკასიის ხალხთა წარმომადგენელი. საქმარისი იყო, რომელიმე კუთხეში რუსი ოფიცრის დატყვევება, რომ მაშინვე თხოულობდნენ ცნობებს, თუ რატომ და რისთვის იქნა დატყვევებული, ხოლო როცა ბათუმში და დენიკინის სამოქმედო რაიონში ათეულებით ატყვევებდნენ საქართველოს მოქალაქეებს, ხმასაც არ იღებდნენ, ერეოდნენ არა მარტო აღმინისტრულ საქმეში, სასამართლოს საქმეებშიაც კი. ამ მხრივ ფრიად დამახასიათებელია შმაგაილოვის საქმე. შმაგაილოვი იყო დატყვევებული და აბრალებდნენ ძეგვის ხიდის აფეთქებაში მონაწილობას. პროცესის დროს სასამართლოს მოუვიდა სასტუმრო „ორიანტის“ ბლანკზე, დაწერილი წერილი, რომელსაც ხელს აწერდა ინგლისელი პოლკოვნიკი. იგი სწერდა სასამართლოს, რომ შმაგაილოვი და კუჩარიანცი ჩვენი აგენტებია და ნუ გაასამართლებთო.

ამის შემდეგ ინგლისის ოფიციალური წარმომადგენელი სწერდა სასამართლოს იმავეს, და ითხოვდა აგენტების განთავისუფლებას. სასამართლომ არც ეს შეიწყინა.

ინგლისელების პოსტის შემდეგ მათ საოკუპაციო ზონაში დაარსდა სამი საბჭო, ყარსის, ართვინის, და ბათუმის და მისი ოლქის („სედაი—მილეთი“). ყარსის საბჭო შეიქმნა ოსმალეთის „ათინათ“-ს და ადერბეიჯანის მუსავატელების გავლენით და დახმარებით. ამ საბჭოს მიზანი იყო, ბათუმ-ყარსის, არდაგანის ოლქებიდან ერთი „სამხრეთ-აღმოსავლეთ რესპუბლიკის“ შექმნა. ამ საბჭოს უმრავლესობას შეადგენდნენ ბეგები და ალები. მან თავის გავლენაში დააყენა ყარსის და არდაგანის ოლქი. ახალციხის ტრადიციის ავტორები სწორედ ამ საბჭოს მეთაურები იყვნენ. დაარსებისთანავე ეს საბჭო მტრულ მუშაობას აწარმოებდა საქართველოს წინააღმდეგ. საქართველოს მთავრობამ არა ერთხელ მიაქცია ინგლისის მისიის ყურადღება, ამ მოვლენაზე, მაგრამ მიუხედავად ამისა, მივიდა აღნიშნულ საბჭოში ინგლისელი გენერალი და განუცხადა: ბათუმის და ყარსის ოლქი იმიტომ ჩამოვართვით ოსმალეთს, რომ დავამყაროთ წესიერება და კანონიერება და ვიღრე ამ ოლქების ბედს გადასწყვეტდეს საზავო კონფერენცია, — შინაური საქმეების მართვა-გამგეობა ჩაგბარდებათ თქვენ, ხოლო უმაღლესი გამგეობა და კონტროლი ჩვენს ხელში იქნება, და მისცა წინადადება აერჩიათ მთავრობა. როდესაც მათ მიერ დანიშნული პარლამენტი შესდგა, ინგლისის წარმომადგენელმა მიმართა მათ შემდეგი სიტყვებით: „ბ-ო მოგესალმებით თქვენ; ხალხის არჩეულნი, მე ჩამოვედი თქვენთან მოკავშირე სახელმწიფოს ინგლისისა და საფრანგეთის სახელით, წესიერების დასამყარებლად. მოკავშირეთა გამარჯვება არის პატარა ერის გამარჯვება; მე არ ჩავერევი თქვენს შინაურ საქმეებში, მაგრამ ყოველგვარად დაგეხმარებით და გამოგესარჩლებით“-ო.

ეს იყო თებერვალში, ხოლო აპრილის დამლევეს იგივე გენერალი იმავე ყარსის პარლამენტს ასე მიმართავს „ბ-ო ინგლისის მთავრობის ნება-სურვილით თქვენ ჩაგბარეთ ძალა-უფლება და თქვენ გეგალებოდათ ამ ოლქის მართვა-გამგეობა იმ ერთი მიზნით, რომ გემოქმედნათ ინგლისის სასარგებლოდ; თქვენ იმის მაგიერ, რომ გავგებრებთათ ცხოვრებაში ინგლისის იდეები, სხვა ორიენტაციისაკენ იწვიდით. ეს ყოველად მიუღებელია. თქვენ პარლამენტი გამოცხადებულია დაშლილად და ამიერიდან მთელი ძალა-უფლება გადადის ინგლისის სარდლობის

ხელში რომელიც ამ ძალაუფლებას გადასცემს იმას, ვინც დაიცავს ინგლისის ინტერესებს“-ო. ამ სიტყვის გათავების შემდეგ პარლამენტი გაივსო ჯარით. დააპატიმრეს ადგილობრივი მთავრობა და ის გაგზავნეს მალტაზე. ხოლო მართველობა გადასცეს სომხებს.

მეორე იყო ართვინის საბჭო. ეს საბჭო დარსდა ინგლისელების პროტექტორატით, მისი გავლენის ქვეშ დადგა ართვინი, არდანუჯი, შაეშეთი და მურღული. საბჭოს თავმჯდომარე იყო ინგლისელი კაპიტანი ბრუსი. როცა ამ საბჭოს წევრებმა დაინახეს, რომ ერთის მხრით ბათუმში ბატონობდნენ დენიკინელები, ხოლო მეორე მხრივ ბათუმ-ართვინის-ყარსის გზა აქციეს სამხედრო გზად, რაზედაც სამხედრო მასალა გადაჰქონდათ სომხებისათვის — ეჭვი დაებადათ ინგლისელების პოლიტიკისადმი და მისი დიდი ნაწილი საქართველოს მომხრე მემედ ბეგ აბაშიძის კომიტეტს დაუკავშირდა, — რის გამო 1919 წ. აგვისტოში კუკოლისმა ის დაშლილად გამოაცხადა.

შემდეგ „სედაი მილეთის საბჭო“. იგი თითქმის ყარსის საბჭოს და მუსავატის განყოფილებად დაარსდა. შემდეგ ფაქტიურად ის შეიქმნა დენიკინელების ორგანიზაციად. როცა ყარსის საბჭო დაიშალა, „სედაი მილეთის“ საბჭოც შესუსტდა, მაგრამ მაინც განაგრძობდა არსებობას, აწყობდა ყოველგვარ ინტრიგებს საქართველოს წინააღმდეგ, რასაკვირველია. მიუხედავად ყოველივე ამისა კუკოლისი იღებდა მის დილეგატებს სამუსულმანო საქართველოს საქმეების შესახებ და მის წარმომადგენლად სთვლიდა. როდესაც ყარსის საბჭოს მეოხებით მოხდა აჯანყება ბორჩალოს და ახალციხის მაზრაში, ქართველობა აქაც ჩაერია. ინგლისელებმა ჩვენს მთავრობას აღნიშნული მაზრების დაკლა მოსთხოვეს, მას შემდეგ როცა ჩვენმა ჯარებმა ეს მაზრები ბანდებისაგან გაათავისუფლეს. ყოველთვის, სადაც საქართველოს ინტერესები წამოიჭრებოდა, ინგლისური სარდლობა უთუოდ მის წინააღმდეგ უნდა წასულიყო. და საქართველოს მოწინააღმდეგეთა პოზიციები გაემოგებია.

საქართველოს მთავრობამ მიიღო ცნობა პარიზიდან — კ. ჩხეიძესგან, რომ ბათუმის საქართველოზე გადაცემა გადაწყდა. ამის მიმყოლ დღეებში ინგლისელებმა დაიწყეს ბათუმში საციხოვნო ზარბაზნების და ფორტების აფეთქება. ეს ბრძანება გაცემული იყო გენ. მილნისაგან, ამავე დროს დაიწყეს აქარლების შეიარაღება. ალბად იმ განზრახვით რომ, როცა ინგლისელები წავლენ, აქარლები გაუწევენ წინააღმდეგობას საქართველოსო. ამავე დროს ჩვენი ჯარების წინააღმდეგ ბრბოების მეთაურმა, ავანტიურისტმა ქესკინ-ხადემ გაზეთებში გამოაქვეყნა. რომ ის დამტკიცებულია ინგლისის სარდლობის მიერ აჭარისტანის შეიარაღებულ ძალთა მთავარ-სარდალად. საქართველოს მთავრობამ აცნობა ჩვენს მისიებს, ევროპაში, რომ ინგლისელები ახდენენ ბათუმის ევაკუაციას, აფეთქებენ და ანგრევენ სიმაგრეებს და მიიღეთ ზომები შეჩერებულ იქმნას ასეთი განადგურება, რომლის მსგავსი ოსმალეთსაც კი არ ჩაუდენიად მათი ევაკუაციის დროსო. ალბად ამის შედეგი იყო, რომ ფორტების აფეთქება შეჩერდა და კუკულისი უფრო ლბომიერი გახდა, და ბოლოს 7 ივლისს ბათუმი და მისი ოლქი, დიდის ზემოთ ოფიციალურად საქართველოს გადაეცა.

3. სარკველამე



ს ა ხ ე ლ მ წ ი ფ ო

მომავალ თავისუფალ საქართველოში ჩვენი საზოგადოება, ეროვნულ ამშენებლობის მხრივ, მეტად რთული პრობლემების წინაშე დადგება. მათ შორის უძნელესთაგანი იქნება სახელმწიფოს მოწყობა. ამ მხრივ ქართული საზოგადოება ნაკლებათაა მომზადებული. ჯერ იმ მიზეზით, რომ საქართველოს სამეფოს დამხობით, ფაქტიურად 1802 წელს, ჩვენ დაკარგეთ სახელმწიფოებრივი ტრადიცია და იურიდიული შემეცნება სახელმწიფოზედ. ხოლო, ამ შემეცნებას, რასაკვირველია, ვერ შევირჩინდით რუსეთის ვითარების წიაღში, რომლის გონებრივ და სულიერ გავლენას ძლიერად განიცდიდა და დღესაც განიცდის ქართველი ერი ავერ თითქმის ერთ ნახევარ საუკუნის განმავლობაში. პირიქით, ჩვენმა საზოგადოებამ შეითვისა ანტი-სახელმწიფოებრივი აზროვნება და სულისკვეთება. რათავან თვით რუსის ხალხმა, ბუნებით მოკლებულმა სახელმწიფოებრივ შემოქმედების უნარს, მთელი თავისი ისტორია გაატარა სახელმწიფოს ნგრევაში. რომელს მუდამ უჩხოვლები, ვარიანები და მეტადრე გერმანელები უშენებდენ ხოლმე.

ამით აიხსნება ის საფალალო ფაქტი, რომ როდესაც ბედმა 1918 წელს დამოუკიდებლობა გვარგუნა, მაშინდელმა საქართველოს მესვეურებმა არ მოისურვეს ქართულ ტიპის სახელმწიფოს შექმნა და კიდევაც რომ მოესურვებინათ ვერ შესძლებდენ მის შექმნას. ეს იმიტომ რომ მათი კონცეპცია ანტი-სახელმწიფოებრივი იყო. იგინი შეეცადნენ შეექმნათ ის, რაც შეთვისებული ჰქონდათ თავისი გონებრივი აღმზრდელბითავან: რუსეთის ნიჰილისტური, მარქსისტული ინტელიგენციისაგან. ამ ყოველ რეალურ ფუძეთ და კანონიერებას მოკლებულ სახელმწიფოზედ დაამყარეს საქართველოს ბედი. ხოლო რა უბედური შედეგი მოჰყვა ამ არა ნორმალურ მოვლენას ეს ყველამ კარგათ უწყის. ამ გჳარი შეცდომა აღარ უნდა განმეორდეს. აუცილებელია ჩვენმა მოწინავე ახალგაზრდობამ შეისწავლოს ერთი მხრივ სახელმწიფოს ბუნება და აგებულება საერთოთ, და მეორე მხრივ ტიპი იმ ახალი ეროვნული სახელმწიფოსი, რომელიც წარმოშვა ამ ბოლო დროს ევროპის ცივილიზაციაში.

სახელმწიფოს შესწავლა შეადგენს სამართლის მეცნიერების ორი დარგის საგანს:

- 1) სახელმწიფოებრივი სამართალი; და
- 2) ზოგადი სახელმწიფოებრივი სამართალი.

პირველი უფრო კონკრეტულია; მეორე კი — უფრო აბსტრაქტიული, განყენებული.

პირველი, ე. ი. სახელმწიფოებრივი სამართალი იხილავს ამა თუ იმ სახელმწიფოს აგებულობას. მაგალითად თუ ჩვენ გვსურს შევისწავლოთ მეფე ლუარსაბ 1-ის დროის ქართლის სახელმწიფოს ან დღევანდელი შვეიცარიის, ან უძველესი ეგვიპტის, რამზეს 2-ის, პოლიტიკური წყობილება, ან სხვა რომელიმე, წარსულში თუ აწმყოში არსებული სახელმწიფო, ჩვენ მივმართავთ სახელმწიფოებრ სამართლის მეცნიერებას. ე. ი. ეს უკანასკნელი იხილავს და სწავლობს ამ თუ იმ სახელმწიფოს, როგორც ინდივიდუალურად აღებულ პოლიტიკურ სხეულს.

სხვაა მიზანი და დანიშნულება ზოგადი სახელმწიფოებრივი სამართლისა. იგი სწავლობს და ანალიზს უკეთებს ყველა სახელმწიფოების საერთო ხასიათს. ყველა სახელმწიფოები უძველესნი არიან იგინი, ანტიური თუ თანამედროვე, პრიმიტიული თუ უმაღლესი ცივილიზაციის დახასიათდება საერთო ბუნებით, საერთო შემადგენელ ელემენტებით, საერთო თვისებებით. სწორეთ იმ მხარეებს, რაცა აქვთ საერთო ყველა სახელმწიფოებს იკ-



ვლევს და ანალიზს უკეთებს ზოგადი სახელმწიფოებრივი სამართლის მეცნიერება.

ამ წერილის საგანს შეადგენს სახელმწიფოთა საერთო ბუნების შესწავლა. შესწავლა სახელმწიფოსი როგორც აბსტრაქტიული, მოვლენისა გარეშე სივრცისა და დროისა. ამიტომ მე მივმართავ ზოგადი სახელმწიფოებრივი სამართლის მეთოდს.

უპირველესყოლისა ყოველ სახელმწიფოს ახასიათებს ის მოვლენა, რომ მასა აქვს თავისი წარმოშობის და სიკვდილის მომენტები.

ავილოთ მაგალითი საქართველოს ისტორიითავან. „ოქროს ხანა“—მდე საქართველოში არსებობდა რამდენიმე სამეფო და სამთავრო. საქართველოს მთლიანობის შემქმნელმა მეფეებმა, ბაგრატ მე-4-ემ, გიორგი მე-2-ემ და დავით აღმაშენებელმა ერთი მეორეზედ გააუქმეს ეს პატარა სახელმწიფოები. რა მოხდა ამით? მოხდა ის, რომ დაიხოცნენ ეს სამეფოები და წარმოიშვა ახალი მთლიანი საქართველოს დიდი სახელმწიფო. აი მაგალითი ევროპის ისტორიითავანაც, 1914—18 წლის ომის შედეგად დაირღვა ავსტრო-ჰუნგრეთის სახელმწიფო, ე. ი. ეს სახელმწიფო მოკვდა და მისი წიაღითავან წარმოიშენენ ახალი სახელმწიფოები: ავსტრია, ჰუნგრეთი, ჩეხოსლოვაკია.

ამნაირათ, ვიმეორებ: ყველა სახელმწიფოების მთავარი დამახასიათებელი მხარე არის ის, რომ მათ, როგორც ყოველ სოციალურ თუ ფიზიკურ ორგანიზმს ახასიათებთ წარმოშობის და სიკვდილის მომენტები.

გარდა ამისა, ყოველი სახელმწიფო პრიმიტიულია იგი თუ კულტუროსანი, დიდი თუ პატარა, ხასიათდება მით რომ შესდგება სამი შემდეგი ელემენტისაგან, რომელთა გარეშე მისი არსებობა მეტაფიზიკურათაც კი წარმოუდგენელია: — 1) ტერიტორია; — 2) მოსახლეობა; — 3) პოლიტიკური ორგანიზაცია. არა მხოლოდ სამთავეს გამოკლებით, არამედ ერთი ამ ელემენტთაგანის გამოკლებითაც კი ისპობა სახელმწიფოს არსებობა.



ყოველ სახელმწიფოს, რა ხანას და ცივილიზაციის დონესაც არ უნდა ეკუთვნოდეს იგი, ახასიათებს სუვერენიტეტი, ე. ი. ქართული ტერმინი რომ ვინმართ, ხელმწიფობა.

ხელმწიფობა ნიშნავს სახელმწიფოს უფლებას თავისი ცხოვრება განაგოს საკუთარი სურვილის მიხედვით. ხელმწიფობას ორი სახე გააჩნია, ორგვარი გამომჟღავნება. ზოგადი სახელმწიფოებრივი მეცნიერება პირველს უწოდებს შინაგან ხელმწიფობას და მეორეს გარეშე ხელმწიფობას.

შინაგანი ხელმწიფობა ნიშნავს სახელმწიფოს შინაგანი ცხოვრების მიწყობას და მმართველ-გამგებობას, კანონმდებლობას და მოსამართლეობას: გარეშე ხელმწიფობა კი ნიშნავს გარეშე პოლიტიკის დამოუკიდებლად წარმოებას.

მაგრამ ეს არის მხოლოდ პრინციპი. სინამდვილეში კი ხშირად ამა თუ იმ სახელმწიფოს „ხელმწიფობა“ შეზღუდულია ხოლმე ძლიერი სახელმწიფოების მიერ. ამას ადვილი აქვს ხოლმე მეტადვე გარეშე ხელმწიფობის სფეროში. მაგალითად: მეფე ირაკლის მე-2-ის და რუსეთის შორის დადებული ხელშეკრულებით იზღუდებოდა საქართველოს გარეშე ხელმწიფობა. ხშირია მოვლენა, როცა სახელმწიფო თავისივე ნებით ხელს იღებს გარეშე სუვერენიტეტზედ მეორე სახელმწიფოს სასარგებლოდ. ამას ადვილი აქვს მაშინ, როდესაც ორი მხრის თანხმობით, მყარდება მფარველობა ერთი სახელმწიფოსი მეორეზედ.

აბსოლუტური ხელმწიფობა, არც შინაგანი არც გარეშე, სინამდვილეში თითქმის არ არსებობს. იგი ამა თუ იმ პროპორციით შეზღუდულია სხვა სახელმწიფოების ზეგავლენით. მაგალითად: რომის პაპის მიერ მთელ საუკუნეთა განამელობაში შეზღუდულნი იყვნენ კათოლიკეთა სახელმწიფოების ხელმწიფობანი.

გარეშე ხელმწიფობას მოკლებული ქვეყანა სრულიადაც არ ჰკარგავს სახელმწიფოს სახეს. პირიქით: ისაობა რა საესებთ შინაგანი ხელმწიფობა, მყისივე ბოლო ეღება სახელმწიფოს არსებობასაც.

რა ცივილიზაციის დონესაც არ უნდა ეკუთვნოდეს სახელმწიფო, წყობილების რა სისტემაც არ უნდა ახასიათებდეს მას, იქნება იგი კომუნისტური, მონარქიული, დემოკრატიული თუ ფაშისტური, მის შინაგან მმართველობას ყოველთვის სამი შემდეგი გამომჟღავნება აქვს:

- 1) საკანონმდებლო ხელისუფლება;
- 2) სასამართლო ხელისუფლება;
- 3) აღმასრულებელი ხელისუფლება.

საერთოდ, ყველგან, თვითთულ ამ ხელისუფლებას აწარმოებს განსაკუთრებული ორგანო. საკანონმდებლო ხელისუფლებას წარმოადგენობლივ, ე. ი. არაპირდაპირ დემოკრატიაში — პარლამენტი; პირდაპირ დემოკრატიაში, როგორც იყო ანტიურ ათინაში და არსებობს დღეს შვეიცარიის სამ კანტონში — შვიცში, ურიში და უნტერვალდში აწარმოებს თვით ხალხის კრებული. სასამართლოს ხელისუფლებას აწარმოებს თვით სასამართლო და აღმასრულებელს ადმინისტრაცია. შესაძლებელია სამივე ეს ხელისუფლება თავს იყრიდეს ერთსა და იმავე პიროვნებაში. ესეთ მოვლენას ადვილი აქვს ხოლმე, მაგალითად, აბსოლუტურ მონარქიაში ან დიკტატორულ სახელმწიფოში. სადაც ფაქტიური მპყრობელი სამთავე ხელისუფლებისა დიქტატორია.

მაგრამ ყოველივე შემთხვევაში ბუნება სამთავე ხელისუფლებისა ერთმანეთისაგან განსხვავდება და სვეროც მათი მოქმედიობისა საკმარისად გადამიჯნულია.

ჩვენ გადავიხვეთ ზოგადი სახელმწიფოებრივი სამართალი სახელმ. სამართლისაგან ანუ უფრო მკაფიო ტერმინი რომ ვინმართ „კერძო სახელმწიფოებრივ სამართალთან“ ეხლა საჭიროა საერთოდ სახელმწიფოებრივი სამართლის, ზოგადია იგი თუ კერძო, და პოლიტიკის

განსხვავებაც შედევს მიუთითო მკითხველსა. ეს იმიტომ, რომ ბევრი, მეტადვე არა-იურისტები, ამ ორ სხვა და სხვა შემცენებას ერთმანეთში ურევს.

მთელ საუკუნეთა განმავლობაში სახელმწიფოებრივ სამართალს „პოლიტიკას“ უწოდებდნენ. ანტიური ბერძნები, მაგალითად, სახელმწიფოებრივ მეცნიერებას პოლიტიკითვან არა ჰყოფდნენ. ასეთი შეცდომა აიხსნება იმით, რომ სახელმწიფოებრივი სამართალი და პოლიტიკა მკვიდრათ არიან ერთმანეთთან დაკავშირებული და ორთავეს მთავარ საგანს სახელმწიფო შეადგენს.

თანამედროვე იურიდიული მეცნიერება მათ ურთიერთთან არჩევს. ამ ორი ფაქტორის ანალიზი გვიჩვენებს, რომ, თუმცა ორივეს სახელმწიფო აქვსთ მხედველობაში, მაგრამ მას იგინი სხვა და სხვა მხრივ უდგებიან.

სახელმწიფ. სამართალი სწავლობს სახელმწიფოს არსებულ ვითარებას და მის ბუნებას; იგი ანალიზს უკეთებს მის ორგანიზმს, მის აგებულებას და მისი არსებობის ძირითად პრინციპებს; იგი სწავლობს და არკვევს სახელმწიფოს ისტორიულად; კერძოდ, ინდივიდუალურად აღებულ სახელმწიფოს და ზოგადად საერთო ტიპს სახელმწიფოებისა, მათ საერთო ხასიათს, საერთო შემადგენელ ელემენტებს.

პოლიტიკა ირკვევს სახელმწიფოს ცხოვრებას; იგი ირკვევს და გვიჩვენებს საზოგადოების პოლიტიკურ ტენდენციას. მის მისწრაფებას; ირკვევს გზებს, რომელთაც უფრო ადვილად მიჰყავთ სახელმწიფო განსაზღვრული პოლიტიკური მიზნებისაკენ; იგი ეძებს ხელსაყრელ საშუალებებს დასმული მიზნის მისაღწევად პოლიტიკა ირკვევს თუ რაგვარი მოქმედება საჭიროა ამა თუ იმ გარეშე ან შინაგან განხორციელებათათვის. ამგვარად პოლიტიკა არის ხელოვნება გამგებობისა.

ამა თუ იმ მთავრობაზედ იტყვიან ხოლმე: კარგი, ოსტატური პოლიტიკა აქვსო, მარჯვეთ აღწევს მიზანსაო; კარგად მართავს სახელმწიფოს შინაგანად და გარეშე ურთიერთობაში მოხერხებულ პოლიტიკას აწარმოებსო.

ამნაირად, ნიჭი მართველობისა, სიმარჯვე საერთაშორისო მოქმედებაში, ესე იგი პოლიტიკა, ვიმეორებ, არის მართვა-გამგებობის ხელოვნება.


„სახელმწიფოებრივი სამართალი, — ამბობს გერმანელი იურისტი ბლუნჩლი — ირკვევს, ეგუება თუ არა სამართალს ის რაც არსებობს, პოლიტიკა კი ეკითხება თავის თავს: აღწევს თუ არა მიზანს მოძრაობაში მოყვანილი საქმე“.

სახელმწიფოებრივი სამართლის ისტორია არკვევს სახელმწიფოს წარმოშობის პროცესებს და მის ევოლუციას; წყაროს და მიზეზებს სახელმწიფოებრივ დაწესებულებათა გაჩენისა და მათი განვითარების ისტორიას; იგი სწავლობს და ანალიზს უკეთებს ისტორიულ განვითარებას და ცვლილებათ იმ პრინციპთა, რომელზედ დამყარებულია სახელმწიფო და მისი პოლიტიკური დაწესებულებანი.

პოლიტიკის ისტორია კი წარმოადგენს ერის ისტორიულ ბედს, მის პოლიტიკურ ცხოვრებას და განცდებს; ერის სახელმწიფო მოღვაწეთა მოქმედების ისტორიას, მათ ამომადრავებელ მოტივებს, მათ გენიას თუ პოლიტიკურ უუნარობას.

მაგალითად, როცა ჩვენ ვიხილავთ დავით აღმაშენებლის ხანას, ვსწავლობთ მას თუ როგორ განდევნა მან არაბები და სელჯუკნი საქართველოთვან; როგორ გააერთიანა საქართველო; როგორ ალაგმა ფეოდალები და ააგო ერთგვული სახელმწიფო; როგორ დაიპყრო მთელი კავკასია და შეიტანა შიგ ქართული კულტურა; როგორ ააყვავა ჩვენი ქვეყნის მწერლობა და მეცნიერება; — ამით ჩვენ ვსწავლობთ საქართველოს პოლიტიკურ ისტორიას.

აგრეთვე ჩვენ ვსწავლობთ საქართველოს პოლიტიკურ ისტორიას, როცა ჩვენ ვიხილავთ და ანალიზს უკეთებთ გიორგი სააკაძის ან სოლომონ ლეონიძის პოლიტიკურ



მოღვაწეობის ისტორიას; ჩვენ ვსწავლობთ სხვა და სხვა ქვეყნის პოლიტიკურ ისტორიას, როდესაც ვინმე ბისმარკის, ვიზოს, ნეკერის, ნაპოლეონის, იულიუს კეისარის და სხვა სახელმწიფო კაცთა მოქმედებას და მოტივებს, რომელნიც მათ ამოქმედებდათ; საშუალებათ, რომელთაც ივანი მიმართავენ ხოლმე დასახული პოლიტიკური მიზნის მისაღწევად. ხოლო, როდესაც ჩვენ ვიხილავთ და ანალიზს უკეთებთ დავითის მიერ შექმნილ ქართულ ეროვნულ სახელმწიფოს, ჩვენ მით მივმართავთ კერძო სახელმწიფოებრივი სამართალს.

აქეთვან, ვგონებ, აშკარად სჩანს განსხვავება სახელმ. სამართლისა და პოლიტიკის შორის. უკვე საკმარისად გამოიჯნული სახელმწიფოებრივი მეცნიერების სფერო და დანიშნულება.

მაგრამ სანამ შევეუდგებოდეთ თვით სახელმწიფოს ანალიზს, სასარგებლოა მკითხველს აეუხსნა თუ რა მეთოდით ვუდგები ამ რთულ საკითხს.

არსებობს რამდენიმე მეთოდი საზოგადოებრივ სხეულთა და ფაქტორთა შესასწავლად. ყველას აქ მოყვანა შორს წავიყვანდა. ამიტომ მკითხველს სამს მთავარტანგანზედ მივუთითებ:

- 1) ფილოსოფიური; 2) ისტორიული და 3) იურიდიული მეთოდი.

ფილოსოფიური მეთოდი სახელმწიფოს იხილავს წინასწარ განსაზღვრული იდეალის მიხედვით. ფილოსოფიური კონცეპცია სახელმწიფოს მიმართ წარმოადგენს განსაზღვრულ იდეოლოგიას. ფილოსოფიას ყოველთვის მისწრაფება აქვს სახელმწიფოს მიანიჭოს ისეთი დამუშავებული სახე, რომელიც მას მიაჩნია იდეალურად და დამყაროს იგი მის მიერ აღიარებულ პრინციპებზედ.

ამგვარი იდეოლოგიები მრავალმა ფილოსოფოსმა დაიმუშავა პლატონის წინათაც. მაგრამ ყველაზედ ძლიერი და ტიპური წარმომადგენელი სახელმწიფოს ვითარების ფილოსოფიური კონცეპციისა არის პლატონი. იგი თავის ცნობილ თხზულებაში: „იდეალური რესპუბლიკა“, გენიალურად განმარტავს, სახელმწიფოს ორგანიზაციას ფილოსოფიური მეთოდის და ანალიზის მიდგომით.

ფილოსოფია სახელმწიფოს ევოლუციას გვისახავს, როგორც მის მსვლელობას განსაზღვრული იდეალისაკენ, იდეალური ფორმებისაკენ. ან უჩვენებს იგი სახელმწიფოს იმ გზას, რომლითაც ის შესძლებს ამ უმაღლესი მიზნის მიხწვევას. როგორც ვხედავთ ფილოსოფიურ მეთოდს აქვს

წმინდა იდეალური ხასიათი და, ამის გამო, იგი წამოწმებულია სახელმწიფოს ბუნებისა, ვითარების და მისი ისტორიული განვითარების რეალურ ფაქტებს. იურისტიკისათვის, იურიდიული მეთოდისათვის ფილოსოფიური მეთოდი სრულიად მიუღებელია. სახელოვანი იურისტი ბლუნჩლი შემდეგ აზრს გამოთქვავს ფილოსოფიურ მეთოდზედ: „ფილოსოფიური მეთოდი მისდევს თავისი აზრების თავისუფალ ფრენას, გზას უხვევს ცხოვრების ბუნებრივ განვითარებას და ხდება მსხვერპლად უნაყოფო ოცნებასა“. დაახლოებით ამასვე ამბობს ჟენევის უნივერსიტეტის პროფესორი ჟანტე. ვერც ისტორიული მეთოდი მიუდგა სწორედ სახელმწიფოს ანალიზის საკითხს. იგი ყოველთვის ურევს ერთმანეთში ორ სხვა და სხვა შემეცნებას: საზოგადოებას და სახელმწიფოს. ესე იგი ერთმხრივ მოვლენას სავესებით განყენებულს, მეტაფიზიკურს, როგორცაა საზოგადოება და, მეორე მხრივ, სავესებით რეალურ ფაქტორს — სახელმწიფოს. აქ სახეში მაქვს საზოგადოება, როგორც ესმოდა იგი დღემდე ყოველ საზოგადოებრივ მეცნიერებას. დღეს ფაშისტურმა კონცეპციამ დავეიმტკიცა, რომ არ არსებობს რაიმე სხვა საზოგადოება გარეშე ერისა და რომ არსებობენ მხოლოდ ეთნიური საზოგადოებები. მაგრამ ამაზედ ლაპარაკი შექნება როცა შევეუდგები ეროვნული სახელმწიფოს განხილვას.

ისტორიული მეთოდიც ფილოსოფიის მსგავსად ასცდა სწორედ რეალურ ე. ი. ნამდვილ მეცნიერულ გზას. ეს გასაგებია, რათვან ისტორიკოსი იურისტი არაა... ხოლო სახელმწიფო კი, არის ერის იურიდიული ორგანიზაცია. ამიტომ მისი სისწორით შესწავლა, მისი ბუნების სწორი ანალიზი შეუძლიან მხოლოდ იურისტს და ისიც მხოლოდ იურიდიული მეთოდის წყალობით.

იურიდიული მეთოდი იხილავს რეალურ მოვლენებს, არსებულ ფაქტებს და მათზედ ამყარებს თავის ანალიზს. ამიტომაც იურიდიული მეთოდი არ უშეიხვს იმგვარ შეცდომებს, როგორც ფილოსოფიური და ისტორიული მეთოდები.

ესლა შევეუდგები სახელმწიფოს ანალიზს ზოგადი სახელმწ. სამართლის თვალსაზრისით. ესე იგი გავარჩევ სახელმწიფოების ზოგადს, საერთო ბუნებას, მათ საერთო შემადგენელ ელემენტებს და თვისებებს. ამ განხილვაში მე მივმართავ განსაკუთრებით იურიდიულ მეთოდს.

† ლ. კეჩესელიძე

ს ა მ გ ლ ო ვ ი ა რ ო

ბატონ პროფესორ მიხეილ ჯიჯიაშვილის სიტყვა

ჩემდა საუბედუროდ და სამწუხაროდ გარემოება ნებას არ მაძლევს დავესწრო თანამებრძოლისა და მეგობრის დაკარგვის გამო გლოვას ბერლინის ქართველთა საზოგადოებისა. მაგრამ ვინც იცოდა განწყობილება ჩვენი, ხანგრძლივი საერთო ღვაწლი, რომელიც ჩვენ დავეიდვით სამშობლოს საქმისათვის ჩვენ გვარად, და ჩვენი საერთო რწმენა, მისთვის ადვილად გასაგები იქმნება და განსაზომელი სიმძიმე ჩემთვის ამ ძველი მეგობრის, თანამებრძოლის და თანამოაზრის დაკარგვისა.

ლეო პირველად 1904 წელს გავიცანი ქენევაში. ახალგაზრდა, იდეალიზმით აღსავსე, სამშობლოს სიყვარულით აოტკინებული და მისი განთავისუფლების რწმენით, იგი იმედის აღმძვრელი იყო ყოველი ეროვნულად განწყობილი ქართველისათვის, რომ საქართველოს კარგი ახალი თაობა, მებრძოლი ახალი თაობა ჰყავდა. ლეო პატრიო-

ტიზმით განთქმული დედ-მამის შვილი იყო და აგრეთვე ნათლული არა მარტო მირქმით, არამედ სულიერადაც დიდი ქართველი პატრიოტის, ანტონ ფურცელაძისა, და ამ სულიერ ატმოსფეროში აღზრდილი, მას მაშინვე ეტყობოდა, რომ იგი ბრძოლისათვის იყო დაბადებული და ბრძოლა იქმნებოდა შინაარსი მთელი მისი ცხოვრებისა.

და მართლაც, იგი დაუკავშირდა 1904 წელს ივე მაშინ პარიზში მომქმედ ქართველ მებრძოლ ნაციონალისტთა ჯგუფს, რომლის მეთაურიც იყო გიორგი დეკანოზიშვილი. როდესაც 1905 წელს რევოლუციის დასაწყისში გიორგი დეკანოზიშვილმა საქართველოს ნაპირებს იარაღით დატვირთული გემი მიაყენა, ლეო იყო ამ გემზედ სხვა ახალგაზრდა ქართველებთან ერთად და მათი ხელმძღვანელობით და ენერგიით ერთი ნაწილი მანც იმ იარაღისა შემოვიდა საქართველოში.

1905 წელს ლეო თბილისში ენახე, იარაღით ხელში მებრძოლი არა მარტო მოქალაქის თავისუფლებისა, არამედ სამშობლოს თავისუფლების მოპოვებისათვის. იგი დაკავშირებული იყო მაშინდელ მებრძოლ ნაციონალისტთა, ფედერალისტთა პარტიასთან და მათი დავალებით ბევრ ბრძოლაში ჰქონდა მიოვებული მონაწილეობა, ხოლო როდესაც ერთი ძლიერი ძნელად გასაბედავი რევოლუციონური საქმე ვერაინ ვერ გაბედა, ან გაბედა და ვერ აღასრულა, ბოლოს ლეომ აიღო და საზღაპრო გმირობით შეასრულა იგი. ეს იყო ცნობილი დუშეთის საქმე. მაგრამ ბოროტ ადამიანთა ენამ მას საზიზღარი ცილი დასწამა, თითქოს იგი იმ საქმითგან წმიდად არ გამოსულიყოს. ხოლო ვაცხადებ აქ საჯაროდ, ვითარცა თანადამხდური მოწამე იმ საქმისა, რომ ლეო კერესელიძეს მაშინ გარდა გმირობისა არა ჩაუდენია რა. რასაც მას სწამებდნენ, იგი სხვებმა ჩაიდინეს, — ხოლო ლეო, დეენილი რუსის მთავრობისაგან და ცილ-წამებული მათ მიერ, ვისი მოვალეობაც მისი დაკვა იყო, იძულებული გახდა საქართველო დაეტოვებინა. იგი კვლავ ქენევაში დაესახლა, სადაც მას შეუერთდნენ მალე ძმა გიორგი და მისი ნათესავი ნესტორ მაღალაშვილი.

ქენევაში ლეოს ბევრი სხვა ემიგრანტივით დრო ცუდად არ დაუკარგავს. შიშიმე ემიგრანტთა პირობებში მან შესძლო ბრწყინვალედ დაემთავრებია იურიდიული ფაკულტეტი. მან დასწერა ფრიალ მნიშვნელოვანი სამეცნიერო თხზულებანი თვისი დარგისა და ამის შემდეგ უნივერსიტეტმა იგი პრივატ-დოცენტად მიიწვია. მაგრამ ამავე დროს იგი ქართულ საქმესთან ყოველთვის ახლოს იდგა. როდესაც განსვენებული პეტრე სურგულაძე ქენევაში გადაესახლა საქართველოვან, იქ დაარსეს მან, ლეომ, მისმა ძმამ გიორგიმ და მათმა მეგობრებმა „სეპარატისტულთა ჯგუფი“ ქართველთა, რომლის ორგანო იყო „თავისუფალი საქართველო“, და 1914 წლამდე, დიდი ომის დაწყებამდე, ამ ჯგუფმა და მისმა ორგანომ მოამზადეს ქართული აზრი მომავალ დიდ საქმეთა გასაგებად და დიდ ომში სამოქმედოდ... „სეპარატული ჯგუფის“ სახელით დაიჭირა ლეომ გერმანელებთან საქმე 1914 წელს იმის გამოცხადებისათხავე; ჯერ ბერლინში გერმანელებთან და მერმე სტამბოლში თურქებთან მან დასდვა პირობანი, რომელთა ძალითაც ქართველებს ჯარი უნდა შეეღდინათ ოსმალეთის ტერიტორიაზე და ებრძოლათ თურქებთან და გერმანელებთან ერთად რუსეთის წინააღმდეგ, ხოლო, თუ გამარჯვება რუსეთის მტერთ დარჩებოდათ, საქართველოს დამოუკიდებლობა უნდა ყოფილიყო ცნობილი გამარჯვებულთაგან იმ საზღვრებში, რომლებშიაც სამაჰმადიანო საქართველოც შედიოდა. — მალე განსვენებული გიორგი მაჩაბელიც და მეც, რომელთაც აგრეთვე საქმე გვქონდა დაწყებული აქ გერმანელებთან, შევეუერთდით სტამბოლში პ. სურგულაძეს, ლეოს, მის ძმას გიორგის, ნ. მაღალაშვილს და სხვებს, და იქ დაარსდა „საქართველოს განმათავისუფლებელი კომიტეტი“, რომელმაც საქართველოს განთავისუფლების საქმეში მაშინ თავისი როლი აღასრულა. — ლეო 1915 წლის განმავლობაში ქართული ლეგიონის შექმნის საქმეში მთავარ მონაწილეობას იღებდა და აგრეთვე ფრონტზედაც იყო და იბრძოდა ყველგან, ქართული საქმისათვის ბრძოლა საქირო იყო.


ხოლო 1916 წელს, როდესაც ქართული ლეგიონის შექმნა დასრულდა, ლეო იყო პირველი კომანდირი მისი, და შემდეგაც, როდესაც მისი ადგილი გერმანელმა დაიჭირა, რასაც თავისი აზრი ჰქონდა, ლეოს თვისი ადგილითგან მებრძოლისა ფეხი არ მოუცვლია ომის დასრულებამდე.

ლეო კვლავ ენახე განთავისუფლებულ საქართველოში, რომელსაც მან ქართული ლეგიონის ხაშით ჩემხედ აღიქვა მიაშურა. მაგრამ მას ერთი წუთითაც არ ღირსებია მოსვენებული ცხოვრება და გახარება საყვარელ სამშობლოში, რომლის თავისუფლება მისი ოცნება იყო და ეს მისი ოცნებაც ახლა განხორციელებული. იგი 1921 წლამდე, უკანასკნელ წუთამდე მისი ქვეყნის თავისუფალი არსებობისა, იარაღით ებრძოდა, თვის მსედართა თავში მდგომი, ხან საქართველოს, და ხან კავკასიის სხვა ერთა მტრებს, და ვერც საქართველო და ვერც მთა კავკასიისა მის ღვაწლს ვერ დაივიწყებს არა მარტო როგორც მებრძოლისა, არამედ აგრეთვე როგორც მხედართა წინამძღოლისა, დენერლისა, რომელი ღირსებაც მან თვისი ბრძოლით დაიმსახურა და მას მიენიჭა.

უკუღმართმა ბედმა საქართველოსი კვლავ უცხოეთში შეგვყარა ლეო და მე, როგორც სხვა ბევრი ქართველი, 1921 წლის შემდეგ. — და აქაც საგანი მის ზრახვათა და გრძნობათა საქართველო იყო. და როდესაც პარიზში დაარსდა ახალგაზრდათა ორგანიზაცია „თეთრი-გიორგი“ და ეს იყო დასაწყისი დიდი ახალი ქართული ეროვნულ-სოციალისტური მოძრაობისა, ერთდროული ევროპის ფაქშიზმისა და ნაციონალ-სოციალიზმის და მსგავსი მისი, ლეო პირველი მივიდა ახალგაზრდაობასთან, ჩაუდგა სათუვეში მოძრაობას, გაზარდა, გაფართოვა და გააღრმავა იგი, შეუქმნა იდეოლოგია. ამ მოძრაობამ თვისი ტალღა საქართველოშიაც გადაისროლა. — მის ღირსეულ მეთაურად დარჩა ლეო 1925 წლითგან უკანასკნელ ჟამამდე მისი ცხოვრებისა.

და როდესაც ამ დიდმა ომმა ქართველობასაც მოუწრდა სამოქმედოდ, ლეომ მთელი თვისი სახლობით შორეულ აფრიკიდან მოაშურა ბერლინს და მზად იყო, როგორც თბრალო ჯარის კაცი საბრძოლველად გასულიყო და თვისი სისხლი შეწირა სამშობლოს წმიდა საქმისათვის. მაგრამ გარემოებამ, ბედმა არ არგუნა მას ხანში შესულსაც აღესრულებია თვისი მხედრული მოვალეობა. იგი გახდა მსხვერპლი ბოლშევიზმის მოკავშირე კრიმინალეზის ყუმბარისა. ხოლო ესეც ბრძოლაში სიკვდილია, და ამით აღსრულდა ბედი მისი, ბრძოლის ვარსკვლავზედ დაბადებულისა და ბრძოლისათვის განკუთვნილისა.

აქ ადგილი არ არის, ძმაო ლეო, შენ და ჩემ პირად განწყობილებასზედ ვთქვა რამე, ჩემი გრძნობა ვამეტყველო. დასასრულ ძმაო გეტყვი მხოლოდ, რომ სანამ მომავალ თაობათა მესხიერებაში წარსულნი საქმენი არ წარიხოცებინან, შენზედაც იტყვის ისტორია სიმართლეს, ხოლო ზეპირი გარდაცემა შევნიერ თქმულბათ, და ერთიცა და მეორეც შენი საქმის გასაგრძობად აღაგზნებს ახალ-გაზრდათა გულს. დაე ეს იყოს შენი ჯილდო სიკვდილის შემდეგ, რომელსაც სიცოცხლეში დამსახურებული სხვა ჯილდო აღარ ვეღირსა. და დიდა იგი ჯილდო, რომლის ღირსად განბომა ყველას არ ძალ-უძს!.. — გაჩისვენე მშვიდობით, საყვარელო ძმაო!..



საქართველოს მეურნეობის სვე-ბედი

ომის ანგაბთან დაკავშირებით

(ეტუდი)

ამ საერთაშორისო აღრევის დროს, როდესაც საომარი მოქმედებანი ჯერ არ შეჩერებულან, თითქოს ნადრეგია ჩვენი სამშობლოს ეკონომიკის პერსპექტივებზე სერიოზული ლაპარაკი. დღევანდელი ეს მეორე დიდი ომი იმითაც განსხვავდება წინანდლებზე, რომ მეომართა ბანაკებმა ზოგმა ადრევე და გულგრწყელად (გერმანია-იტალიამ), ზოგმა — კი უფრო დაგვიანებით და ცალკებით (ინგლისი) ხმა მალდა აღუთქვეს ქვეყნიერებას, თუ რა დიდი ცვლილებები მოელოს მას სოციალ-ეკონომიურ, თუ პოლიტიკურ სფეროებში, რასაც, ვერ გაეცევა ვერც ერთი ერი და სახელმწიფო.

ერთნი დასახულ სფეროებში ფიქრობენ სრულს ვარაქმნას, ვერც მეორენი ჰყოფენ უარს ცვლილებათა აუცილებლობაზე, მაგრამ ისე — კი, რომ მთავარი საფუძვლები, რომელზედაც აღშენებულია მათი გუშინდელი პირველობა და სიმდიერე (ინგლისი), არ იყოს დამსხვრეული.

არის მესამე მხარეც მებრძოლთა შორის ჩარეული, დღევანდელი დედინაცვალი ჩვენი ქვეყნისა, საბჭოთა რუსეთი, რომელიც თავის უახლოეს ამოცანად, მაინც, მსოფლიო რევოლუციას ისახავს და ცინიკურათ კვლავ ნგრევა-მტვრევაზე ფიქრობს და არა აღმშენებლობაზე, ქვეყნიერების მომავალზე, რომლის სტრუქტურა მისთვის ბუნდოვან ფორმებში ისახება...

საომარ მოქმედებებთან ერთად ვაფაციცებით ხდება სათანადო გეგმების აღსახვა და შედგენა, რომელთა განხორციელების დროს, ალბად მართლაც, ყველანი იქმნებიან ჩაბმულნი, — დენი, თუ პატარანი, აქტიური მონაწილენი ბრძოლებისა, თუ განზედ მდგომნი...

აი სწორედ ეს გარემოება გვაბედინებს დავსვით აქ საკითხი საქართველოს ეკონომიურ პერსპექტივებზედაც. თუ საბჭოთა რუსეთს განზე დავაყენებთ, ერთ რამეში მაინც თანხმდება ორი უმთავრესი მოწინააღმდეგე ბანაკი.

მომავალი მსოფლიო ეკონომიკა, თუნდაც კვლავ კერძო საკუთრების პრინციპზე დაყრდნობილი, ვერ იქმნება იმ ზომამდე ლიბერალური, როგორც ეს ომის წინ იყო. სახელმწიფოს ძალა-უფლების ჩარევა, როგორც წარმოების პროცესში, ისე ნაწარმოებ-სიმდიერეთა დანაწილებაში, აუცილებლად არის მიჩნეული ორთავ ბანაკში.

განსხვავება, როგორც უკვე ავღნიშნეთ, ის არის, რომ ზოგან ეს რადიკალურად ხდება (გერმანია-იტალია), არსებული ძირითადი საფუძვლების ღრმად შეცვლით; ზოგან-კი სიფრთხილით და არსებულის ნაკლებად შეზღუდვით. ამათ (ინგლისი და მისი მოკავშირენი) მხარს უჭერს მთელი მსოფლიოს არსებული კაპიტალისტური ძალები და ორგანოები.

მთავარი ამ ჯგუფისათვის ის არის, რომ კაპიტალის მნიშვნელობა წარმოება-დანაწილების პროცესში, მისი ხელმძღვანელი როლი, რამდენაც შეიძლება, შეუცვლელად დარჩეს. ფულის დასაყრდნობ ბაზად კვლავ ყვითელი ლითონი, ოქრო რჩება. წარმოება და გაცვლა-გამოცვლა, ვაჭრობა, გულ ახდილად აღიარებულია კერძო მესაკუთრეთა მოგების მოედნად და სამეფოდ...

სულ სხვანაირად გამოიყურება გერმანია-იტალიის და მათ თანამგრძნობთა მსოფლ-მხედრელობა.

ესენი, თითქმის, მთლად არიან შეთანხმებულნი. შეიძლება ცალკე რამ დეტალები ანსხვავებდეს მათ, რაიც,

უმთავრესად, გამოწვეულია ადგილობრივი პირობების სხვადასხვაობით.

ქვემოლ ჩვენ უფრო გერმანიის ახალ კონცეპციებზე გვექმნება საუბარი და, ვფიქრობთ, ეს საკმაო იმის შესაგნებლად, თუ რა აშორებს დღევანდელ მებრძოლ მხარეებს ეკონომიურს და სოციალურ სფეროებში. გერმანიაშაო, გვეუბნებიან ნაციონალ-სოციალიზმის ცხოვრებაში გამტარებელნი, გამოიარა გოლგოთის გზა და ახალს მხოლოდ მაშინ დაადგა, როდესაც უკიდურესმა გაჭირვებამ ნათლად დაანახვა, რომ გერმანიის ერისათვის ხსნა არ არის, თუ არ ეცადა და სულ ახალი ფუძენი არა გამოიხაზა რაო.

რა გზას დაადგენ დღევანდელ გერმანიაში?

ჩვენ გვექმნება ლაპარაკი მხოლოდ იმ ახალს კონცეპციებზე, რომელიც საყურადღებოა საქართველოს სინამდვილის და მისი მომავლის პერსპექტივების გასაშუქებლად და გასათვალისწინებლად.

გერმანიის ერს სულის მოსაბრუნებელი არეც კი არ აბადიო, გვამცნევენ გერმანიის სახელმწიფო მოღვაწენი და ეკონომისტები. ვისაც ასეთი არე ხელთ უგდიათ, ფიქრადაც არ მოსდით ცოტა რამ სხვებსაც დაუთმონ იმ სიუხვიდან, რაც მათ ყელამდე ამოსდისო. ასეთი ეგოიზმი იწვევს ერთა შორი უსიამოვნებასა და ქიშკობას, რაც პერიოდულად ომებით და ხალხთა ერთმანერთის ულტით თავდება. რომ ასეთ ყოფას ბოლო მოელოს, ან დადგეს ისეთი ხანა, როდესაც ამნაირი კითხვების ანაალით ხელში გადაწყვეტა, რამდენადაც კი შესაძლებელია. აცილებული იყოს, საქიროა სულ ახალი წყობა და მცნებანი დამყარდეს საქვეყნო ეკონომიკაში, მის წარმოებაში და სიმდიერეთა განაწილებაში.

ამ დროინდელი ნორმალური ურთიერთობა გამოწვეულია დღევანდელი კაპიტალიზმის ბატონობით, როდესაც ადამიანთა მთელი ძალა და ხერხი იმას ემსახურება, რომ კერძო მესაკუთრემ, ყოველი ფენის გადადგმით, მოგება ნახოს და მით ხარბად დაიკმაყოფილოს თვისი მალა-გახსნილობა. ეს მოგება მიითვისოს, ოქროდ აქციოს, ნაწილობრივად თვისი წარმოების გასაღივებლად და სხვა კონკურენტ-კაპიტალისტების მიმართ ულმობელი ბრძოლის გასაწვევადაც. აქ არის სათავე გაუთავებელი პერიოდული კრიზისებისა, რომელიც იწვევს მასების და, საზოგადოთ, მშრომელი კლასების უმუშევრობას, გაჭირვებას. ხშირად, დამუშავებულ, უამრავ ნაწარმოების ოხრად დარჩენას, ვინაიდან გადარიბებული ხალხი ცუდი მუშტარი ბაზარზე გამოსატანად დამზადებულ სიმდიერეთაო. ყველა ამას სხვა ათასი უმედურობაც მოსდევს. არა მხოლოდ მაკრიალური ხასიათისა. არამედ ცხოვრების სხვა მხარეებშიაც: კულტურის, მორალის და სხვ... ასეთ მდგომარეობას რომ ბოლო მოელოს, მოსპობილ უნდა იყოს აწინდელი კაპიტალისტური ურთიერთობა!

ამისათვის, უპირველესად ყოვლისა, საქიროა და აუცილებელი კაპიტალისტებს ხელიდან გამოეცალოს მათი უმკვიდრესი ძალა, ე. ი. ოქრო.

ეს უნდა მოხდეს არა ამ ოქროს მოტაცებით, არამედ მისი არარაობის აღიარებით. ამისათვის — კი საქიროა სულ ახალი წეს-წყობილება, რომელიც, მართლაც, ყველას დაანახვებს, რომ ოქრო არა ყოფილა აუცილებელი ავენტი ეროვნული სიმდიერის შექმნისათვის და განაწილებისათვის.



სულ უბრალო, მაგალითზე გვიჩვენებენ ამ მიმავალ წესწყობილებას ეკონომიურ სფეროში მისი დღევანდელი მომხრეები.

ქართული სინამდვილის გაგებისათვის, ჩვენ უკეთესად მივიჩნით ეს უცხო მაგალითები საქართველოს ჩარჩოებში წარმოგვედგინა და ისე გადმოგვეთარგმნა ის, რაც უცხოელ ლიტერატურაში შეგვხვდა.

წარმოვიდგინოთ, რომ ერთ რომელიმე ქართულ მიწის მესაკუთრეს და, მაშასადამე, მის დამამუშავებელს (ჩვენ, კერძოდ, სხვაფერად არც წარმოგვიდგენია ჩვენში მიწის მესაკუთრობა) სიმინდი აქვს გასაყიდი, ან ხორბალი, ხილი, ღვინო თუ სხვა რამე. ამავე დროს, ვსთქვათ, უცხოელ მექარხნეს გასაყიდათ გაუკეთებია სოფლის მეურნეობისათვის საჭირო რამ მანქანა, მაგალითად სიმინდის საფუჩქნი, რომელიც ერთ საათში ფუჩქნის იმდენს, რასაც ხელით მომუშავე რამდენიმე დღეს უნდებოდა.

არსებულ კაპიტალისტურ წყობაში ქართველმა მეურნემ უნდა დაიწყოს ძებნა იმ ადამიანისა, რომელსაც, სწორედ სიმინდი დასჭირდება.

აი აქ ჩნდება ის მაშუალი კაცი, რომელიც თავისი რისკით ყიდულობს, რასაკვირველია, რაც შეიძლება დაბალ ფასებში, სოფლის ნაწარმოებს. ასეთივე მაშუალა მივა, ვსთქვათ, გერმანელ მექარხნესთან და შესთავაზებს მას თავის მოწყობილ ორგანიზაციას, რომ, სადაც იყოს, გაუყიდოს მანქანები. ამნაირ მაშუალა, ხალხის წრეებიდან გამოდიან ის სპეკულიანტები, რომელთაც არც უხნავთ, არც ქარხნებში ჩაუღვრიათ ოფლი და სისხლი, და დიდ მოგებას კი ჯიბეში უხვად იღებენ. ძალიან ხშირად ეს მათი მოგება 40 პროცენტამდეც აღის, რა გარემოებაც საგრძნობლად უმცირებს მწარმოებელს იმის გამორჩენას და მომხმარებელს — კი უმცირებს საქონელსა.

ამგვარ უკუღმართობას ადვილად ეშველებაო, გვიხსნიან ახალი ეკონომიური წესების შემომღებელნი დღევანდელ გერმანიაში.

ვსთქვათ საქართველომ გადასწყვიტა სააღებ-მიმცემო ურთიერთობა დაიკავოს გერმანიასთან, როგორც ამ უამად მთელი რიგი სახელმწიფოებისა მოიქცა. არა სჯობიან ორთავი მხარემ ისეთ წესს მიმართოს, სადაც სპეკულიანტიც მოშორებული იქმნება, საქონლის პატრონთ არ დასჭირდებათ ოქროს ფულის ძებნა, რომ უცხოეთში მათთვის საჭირო ნაწარმოებნი შეიძინონ და ბაზარზე გამოტანილ საქონლის ვაცვლა-გამოცვლა ისეთ პირობებში და ფასებში მოახდინონ, რომელიც, გარეშე საბირჟო სპეკულაციისა, გამოანგარიშებული იქმნება, სრულიად ობიექტიურად, სავანგებოთ დაწესებულ ორგანიზაციების დახმარებით, სადაც წარმოების ყველა წარმომადგენელნი იქმნებიან ერთად თავმოყრილი.

ასე მოწყობილ სახელმწიფოში ყველაფერი მარტივად სრულდება. მხარეების სრულის დაკმაყოფილებით. ამისათვის საქართველოს ხელის უფლება, სულ პირველად, აფუძნებს თავის დედა-ქალაქში საკუთარ ცენტრალურ სახელმწიფო ბანკს. სწორედ ასეთივე ბანკი გერმანიაშიც არსებობს. მხოლოდ ამ ბანკებსა აქვთ მინიჭებული უფლება „ფულის მოჭრისა“, ე. ი. გამოშვებისა. ამ ფულის მიღება სავალდებულოა ყოველი მოქალაქისათვის და დაწესებულებებისათვის; თავ-თავიანთ ქვეყნებს.

სრულიად არ არის საჭირო, რომ ამ ცენტრალურმა ბანკებმა გამოშვებული ფულის საწინდართ ბაჯალლო ოქრო ეძიონ და მის ძებნა-შეძენაში ყურ მოჭრილ ყმად გახდნენ იმ კაპიტალისტების, რომელთაც ოქრო, მთელს დედა მიწას ზურგზე რომ ნაკლებად მოიპოვებდა, ამა თუ იმ ხერხით და მანქანებით ხელში უხვად დაუგროვებიათ და იმ ფასებში და იქა ჰყიდიან, როგორც მათ უზომო მადას მოეპრიანება... ბუნებრივად იბადება კითხვა:

სასწაულით ხდება, რომ საქართველოს ცენტრალური ბანკის მიერ გამოშვებული ფული, გარეშე ოქროს საწინდარისა, რაიმე ღირებულებას წარმოადგენს?!

დღევანდელი ორთოდოქსული პოლიტიკური ეკონომია ხომ ყირამალა იქნა გადაკორტირებული, ვინაიდან მისი რეცეპტებით ჩვენს დროში გამოშვებული ფულები მხოლოდ იმითი ფულობენ, რომ როდესაც გნებავთ მათ მხოლოდ ოქროზედ დაახურდავებთ.

აი ამიტომ, როგორც ცალკე სახელმწიფოთა ფარგლებში, ასე მათი საზღვრების გარეშეც არსებული ცენტრალური ბანკების ბანკნოტებს ყველგან ნდობით ღებულობენ და მათ შეუფერხებლად ხდის საერთაშორისო აღებ-მიცემობის იარაღით.

მიმავალი საქართველოს ცენტრალური ბანკის (როგორც დღეს გერმანიისა), ფულის გამოშვების საფუძვლები რადიკალურად განსხვავდება იმისაგან, რასაც დღეს კაპიტალისტური ბანკები ადგენენ.

ჩვენი საქართველოს ახალი ფულის ტრიალი მხოლოდ საქართველოში იქმნება დაშვებული და მისი საზღვარგარეთ გატანა აკრძალული. სადაც იგი, მართლაც — და, ნაკლებ ღირებულობას წარმოადგენს. სამაგიეროდ მისი ღირებულობა თვით საქართველოსათვის სრულ ფასიანი იქმნება და თუ მას გარანტიად ძველებურად ოქრო არ დაედება, იგი, ახალი საწინდარი ოქროზე უფრო ძვირფას და იმედიან ღირებულებათ ჩაითვლება.

ეს გარანტია — საწინდარი არის საქართველოს ერის მარჯვენა ხელი, მისი შრომა ყოველგვარ დარგში და სხვა გვარი სიმდიდრენი. გამოშვებული ფულის რაოდენობა სწორედ იმდენი იქმნება, რამდენადაც ეს ნაწარმოები შეფასდება იმ კომპეტეტური ორგანიზმების მიერ, რომელნიც შესდგებიან წარმოებაში ჩაბმულ ყველა ელემენტებისაგან.

ეს ორგანიზმები, სახელმწიფოს კონტროლის ქვეშ, ადგენენ წარმოებისათვის სახელმძღვანელო გეგმებს და პლანებს, უკავშირებენ მათ საზღვარგარეთულ იდენტურ ორგანიზაციების კვლევა-ძიებებს და გეგმებს, და ამნაირად ახორციელებენ, დაპლანურ ნაციონალურ წარმოებასთან ერთ საერთაშორისო სააღებ-მიმცემო ურთიერთობასაც.


კერძო ინიციატივას ეძლევა თავისუფლება იმდენად, რამდენად იგი არ ეწინააღმდეგება მთელი ერის საერთო ინტერესებს.

თვით წარმოების დანიშნულობა აღიარებულია, სულ პირველად, სოციალურ ფუნქციად და მხოლოდ შემდეგ ამისა, კერძო ინტერესების დამაკმაყოფილებელ ფაქტორად.

ჩვენ არა გვაქვს მიზნად აქ დაწვრილებით ავლნუსობოთ მთელი ამ ორგანიზაციების წყობა და მუშაობა. ეს მეტად შორს წავიყვანდა და იგი არ არის ამ დღევანდელი ჩვენი წერილის საგანი. ვიტყვით მხოლოდ, რომ ყველა ამ ახლად შემოღებულ ზომების საშუალებით ხდება ის, რომ რაიხის საზღვრებში მათი ცენტრალური ბანკის ფულს ნდობით და ხალისით ღებულობენ.

ამ ახალ პირობებში, გერმანიის მიერ გაძლოდა უდიდესი ომის მოთხოვნილებების და ამავე დროს გაჩაღება უმაღლეს წერტილამდე ქალაქის და სოფლის მრეწველობის სწორედ ამ ახალი გამოცემული ფულის საშუალებით, საკმაოდ დამაჯერებლად გვიმტკიცებენ, რომ ასეთივე მოწყობა ცენტრალური ბანკებისა სხვაგანაც იმავე შედეგებს მოიტანს, რასაც დღეს გერმანიაში ვხედავთ.

უნდა ვიფიქროთ, რომ ასევე იქმნება საქართველოშიც, რომლის ცენტრალური ბანკი გახდება იმ ბერკეტათ, უოქროდაც რომ ამოძრავებს ჩვენი ქვეყნის დღეს მოშლილ ეკონომიკას...



მაგრამ დაღვბრუნდეთ ჩვენებურ სიმინდის მთესელს. რა გზას უნდა დაადგეს იგი, როდესაც დასჭირდება, ესტყვათ, გერმანიაში იყიდოს მისი მეურნეობისათვის საჭირო მანქანა და სხვა სასოფლო სამეურნეო იარაღი? როგორც ავღნიშნეთ საქართველოს ცენტრალური ბანკის ფული გერმანიისათვის არაფერ ფასს არ წარმოადგენს. ამ პირობებში როგორ დააკმაყოფილოს მან გერმანელი მექარხნე-ინდუსტრიელი? ან თვითონ როგორ დააკმაყოფილოს გული, როდესაც თავის ნაწარმოებს მიყიდის გერმანელს, რომლის ცენტრალური ბანკის ბანკნოტები მისთვისაც არ წარმოადგენენ ღირებულებას? სულ უბრალოდ, გვეუბნებიან დღეს გერმანელი ეკონომისტები! რა საჭიროა საზღვარ გარეთ საქონლის გასატანად ან ქართველმა, ან გერმანელმა დაიწყონ ერთმანერთის ძებნა, ან შუამავალ სპეკულიანტისადმი მიმართვა? საქართველოს ცენტრალური ბანკი სწორედ ამისათვის არის მოწყობილი, რომ გაუადვილოს ჩვენ მოქალაქეთ, როგორც მუშტრების ძებნა, ისე შესყიდვაც იმ ნივთების, რაც მათ დასჭირდებათ.

ამისათვის ქართველი სოფლის მეურნე მიმართავს თავის მშობლიურ ბანკს და აცნობებს რამდენი ტონი სიმინდი აქვს გასაყიდათ დამზადებული, და, თანაც, ატყობინებს, რომ საჭიროებს სიმინდის საფუჩქნ მანქანის შეძენას. ქართველი ბანკი ღებულობს ამ განცხადებას და დაუყოვნებლივ შეეკითხება თავის გერმანელ ქონება-ბანკსა, რომელთანაც წინასწარი კონვენციით არის შეკრული, ერთზედ და სამუდამოდ: თუ გყავს სიმინდის მუშტარი და ვინმე მსურველი მანქანა მიყიდოს ქართველ სოფლის მეურნესა?

სულ უბრალო საქმეა ამ ბანკებისათვის ერთმანერთში მორიგება. საქართველოს ბანკი შედეგად ამისა თვითონ ყიდულობს სიმინდსა და მისგანვე „მოჭრილი“ ფულით აკმაყოფილებს ქართველ მწარმოებელს. სწორედ ასევე იქცევა თავის მექარხნე-მრეწველის მიმართ გერმანელი ბანკი, და ბოლოს, როგორც შედეგი მხარეთა მორიგებისა, მანქანა გერმანიიდან მოდის საქართველოში და სიმინდი გერმანიაში. ამნაირი ოპერაციები მრავლად დაუგროვდებათ ორთავე ცენტრალურ ბანკებს, ესენი გარკვეულ პერიოდებში გაუსწორებენ ერთმანერთს ანგარიშებს, ე. წ. კლირინგ-ის წესით. საბუღალტერო წიგნების საშუალებებით გამოიანგარიშებენ ვის რამდენი ვალი დაედება. ამ ვალს ბანკები თვითონ უხდიან ერთმანერთს, დევიზები იქმნება, ოქრო, თუ სხვა რამეთი... აქ ოქრო აღარ თამაშობს იმ პირველობას, რასაც მას ძველი წესი ანიჭებდა. თვით ფულსაც უბრუნდება ის მისი ძირითადი, საზომი იარაღის ფუნქცია, რისთვისაც იგი გამოგონილი იყო. ამ ახლად შემოღებულ წესში ჩვენი ქვეყნისათვის მოსაწონი და ხელშემწყობი ის არის, რომ ჩვენი სოფლის თუ ქალაქის მრეწველობის აღდგენა, თავშივე, შესაძლებელი ხდება ოქროს თანხის გარეშე. უკანასკნელს თავისი მნიშვნელობა შერჩება მხოლოდ იმ სტადიისათვის, როდესაც ცენტრალური ბანკები ერთმანერთს საბოლოო ანგარიშს მოუხდენენ და უკვე ეს დიდ შეღავათს მისცემს ჩვენი წარმოებაში ჩაბმულ ძალებს, მეტადრე შედარებით იმ მდგომარეობასთან რასაც ძველ კაპიტალისტურ ურთიერთობაში ვიხილავთ...

როგორც შედეგი ამ ახალი წყობისა ისპობა ჰეგემონია იმ კლასის, დღევანდელ წარმოება-აღებშიცემობაში პირველს რიგში რომ იდგა, ე. ი. „ფულის მკეთებელის“, მისი კერძო, პერსონალურ, საკუთრებაში დამგროვებელი კლასის, მსოფლიო ბირჟაზე ამაყ წამოჭმული, მოკლედ, წმინდა წყლის ფინანსისტ-კაპიტალისტის კლასისა... საქართველოს ეროვნული ეკონომიკა ამ კლასის საჯიჯგ მოედნად იყო გადაქცეული, თავზედ რომ გვეყავდა მძვინვარეობა იმ ეკონომიური პოლიტიკის წყალობით, რუსეთი რომ ახორციელებდა ჩვენში...

რაკი ცენტრალური ბანკები გახდნენ იმ დასაქონებულ ბაზედად, რაზედაც შენდება ახლად გერმანიაში წარმოებასთან ერთად ცხოვრების ყოველი დარგი, რეფორმატორებისათვის საჭირო გახდა ეფექტათ სულ ახალი პირობები შეექმნათ ცხოვრებაში ჩაბმულ ძალებს მოსაწყობათაც. კორპორატიული წესით თავმოყრილი ერი, ე. ი. ყოველგვარ პროფესიების და პატრონების წარმომადგენელი, თანასწორის უფლებებით, აწესებენ იმ პირობებს, უფლება-მოვალეობებს, რა ფარგლებშიც უნდა ხლებოდეს წარმოებაში ჩაბმული ძალების შრომა-საქმიანობა და ყველაფერი ეს სახელმწიფოს უზენაესი კონტროლის ქვეშ, მიხედვით სახელმწიფოსავე დირექტივებისა.

თვითონ სახელმწიფოს აპარატი აღშენებულია კლასობრივი პრინციპის და პარტიების ჩხირ-კედელეობის უარყოფით და მათი დაქსასებით.

ვიტყვი კიდევ მას, რომ ამ ახალი გეგმის შემომღებნი გვარწმუნებენ, რომ ისინი ნამდვილ სოციალისტურ საზოგადოებას ჰქმნიან, სოციალიზმს ახორციელებენ... რა თქმა უნდა ასეთი სოციალიზმი სრულიად მიუღებელი აღმოჩნდა ორთოდოქს სოციალისტურ პარტიებისათვის, მაგრამ თვით გერმანელები დაჯინებით აღიარებენ იქ განხორციელებული ახალი რეფორმების სოციალისტობას. ვისაც ეს არ სჯერა მობრძანდნენ გერმანიაში, იწვევენ ისინი ყველას, შესისწავლონ მუშა ხალხის უფლებები, მათი დღევანდელი მდგომარეობა, დამოკიდებულებანი პატრონ-მუშების და მოსამსახურების შორის, სოციალურ კანონმდებლობას, და სხვა და სხვა, რათა ურწმუნონიკ დარწმუნდნენ, რომ სოციალიზმი თუ ვერ კიდევ სავსებით არა, მისკენ მიმავალი უმთავრესი ეტაპები უკვე განვლილი არისო. მართალია ეს სოციალიზმი ხორციელდება ოტორიტარული სახელმწიფოს სასტიკი დირექტივებით და ზედამხედველობით, მაგრამ რადგან ძალის დაუტანებლად, პირველს ეტაპებში, ვერც „მართლმდიარებელ“ სოციალიზმს წარმოუდგენია სოციალიზმის განხორციელება, გაცილებით უმჯობესი და მართებულია სწორედ ზე-პარტიულმა სახელმწიფომ აწარმოვოს ასეთი ძალდატანება, ვიდრე, ესტყვა, გაბატონებულ პროლეტარიატის, მაშასადამე, ერთად-ერთი პარტიის მიერ დაყენებულმა ხელისუფლებამო...

რაც შეხება სოციალიზმის „საბოლოო“ მიზანს, თვით სახელმწიფო აპარატის მოსპობას, ეს იდეალი ხომ დღევანდელი სოციალისტებისათვისაც ძალიან შორეული ამბავია და როცა საჭირო გახდება, თუ-კი ეს ოდესმე საჭირო იქნა, ავტორიტეტული და კორპორატიულ პრინციპზე აღშენებული სახელმწიფოც მოახდენს მასო... ვფიქრობთ ჩვენი ქვეყნისათვის სრულიად ზედმეტად დღეს ამნაირ დავაში ჩარევა!

საკმაოა აღამაინი გაეცნოს იმ მდიდარ ლიტერატურულ მასალას, რომელიც აკომარტავს რა დიდი ცვლილება მოხდა გერმანიის ცხოვრების ყველა დარგში, კაპიტალისტების ჰეგემონიის მოსპობით როგორ მყარდება იქ ახალი ეკონომიური ვითარება, მუშა ხელის წონის ამაღლება წარმოების პარკისში, მისი ცხოვრების სტანდარტის გაუმჯობესობა, წარმოებაში სტაბილიზაციის მოხდენა. მიუხედავად სასტიკი ომის ხარჯებისა, პერიოდული კრიზისების დაბრუნების შეუძლებლობით, მოზარდი თაობის სკოლებში და სხვა სათანადო ორგანიზაციებში გაწრთნით, მოხუცთ და დავრდომილთა პატრონობით, საავადმყოფოების ფართოთ გახსნით და სხვა და სხვა, რომ ვინატროთ ქართველებმა: ნეტა ჩვენშიც შესაძლებელი გახდეს შავისი მსგზავს რამის განხორციელება!...

იმ ახალი ორგანიზაციების შესაფასებლად ვერც ის რათა ღირს, რა გაქანებასაც ეხვდათ გერმანიის ინდუსტრიაში, როდესაც მძლავრად გამოიღო სამხედრო ინდუსტრიასთან ერთად ვიხილავთ ფართოთ გამოიღო სამშენ-



დობო დროს წარმოების ზრდასაც, სასოფლო მეურ-
ნეობას ახალის გაქანებით აყვავებას და სხვა...

ყველა ამ მიღწევით შეუძლიან განცვიფრებაში მოიყ-
ვანოს ადამიანი, მეტადრე როდესაც წარმოვიდგინებთ რა-
ხაირ პირობებში იყო ჩავარდნილი ქვეყანა და როდის
მოხდა ეს პროგრესი და ცვლილებანი, ესოდენ მოკლე
ხანში...

მართლაც წარმოვიდგინოთ ისეთი ქვეყანა, რომელსაც
უცხოეთში „არავითარი თანხები არ მოეპოვება, შინ თუ
გარეთ ოქრო სახსენებლადაც არ ებადოს, არც ჰქონდეს
იმედი, რომ სადმე მოპოვებული კრედიტით მაინც შეს-
ძლოს უცხოეთში შეიძინოს რამე ნედლი მასალა, და მა-
შასადამე, იძულებული იყოს შინაურ წარმოებისათვის
იმიტომ დაკავდეთილდეს, რაც მხოლოდ იმის საზღვრებში
მოპოვება და სხვ., აბა, რა უნდა ჰქმნას ასეთმა ქვეყანამ
და რითი უშველოს თავსა-ო...

ამნაირი ქვეყნის ეს აღწერილობა, შეიძლება ქართ-
ველს აფიქრებინოს, რომ აქ სწორედ საქართველოზედაა
ლაპარაკი! არა, აქ ლაპარაკი ჩვენს ქვეყანაზედ არ
არის.

ჩვენ ზემოთ განვებ ამოვწერეთ ეს დასურათება გერ-
მანიისა, სანამ იქ ნაციონალ-სოციალიზმის მოძრაობა
გაჩნდებოდა. იმ დროში, ასე დაქვეითებულ ქვეყანას ახალ-
მა ეკონომიურმა პოლიტიკამ, ექვს წელიწადში, ის სას-
წაული მოუხდინა, რომ წარმოების საერთო ზრდასთან
ერთად, ახალ ეკონომიკაში ოქროს ჰეგემონია ისპობა. მის
მაგვირობას ე. ი. პირველობას ამიერიდან შრომა ჩე-
მებს, შრომა საზოგადოთ: კუნთებით იქმნება იგი თუ
გონებით...

ჩვენთვის, ქართველებისათვის, ღირსია ყურადღებისა,
რომ ოქროს ეს უკუღმართი როლი, რომელზედაც დღეს
ასე მჭერმეტყველურად ლაპარაკობენ, არა ყოფილა შეუ-
ძნელებად დატოვებული ქართულს ცხოვრებაშიც, რა-
საც ჩვენი ქართული ლიტერატურული წყაროები ნათ-
ლად აღნიშნავენ.

მშვენიერად ჰქონია წარმოდგენილი ოქროს უკუღმარ-
თობა ჩვენს სიამაყე დიდებულ შოთა რუსთაველს. იგი
სწერს:

„ნახეთ თუ ოქრო რასა იქს, კუერთხი ეშმაკთა ძირი-
სა“... და კიდევ:

„... რა ოქრო მისთა მოყვართა აროდეს მისცემს
ლხენასა.

დღედ სიკვდილამდე სიხარბე შეაქნევს კბილთა
ღრეჭნასა,

შესდის და გასდის აკლია, ემდურვის ეტლთა რბენასა,
და კულა აქა სულსა დაუბამს, დაუშლის აღმოფრენასა!“

შეუძლებელია ადამიანმა ამაზედ უკეთესად მოახდი-
ნოს დღევანდელი „ფულის მკეთებლის“ კაპიტალისტის
დახასიათება!... ეს მეთორმეტე — მეცამეტე საუკუ-
ნოების მობრძნე, მეცხრამეტეში მკაფიოდ ათქმევენებს
ჩვენ დიდს ილია ჭავჭავაძეს „შრომისა“ პირველს პლან-
ზე წამოყენებას და ოქროს ჰეგემონიის უკან დაყენე-
ბას. ილია ერთ თავის ნაწერში გუთანზე ლაპარაკობს;
მას გუთანი წარმოდგენილი აქვს შრომის სიმბოლოთაც
და ამბობს:

ოქროსა და ხმალს დავიწყებით, რომ ქვეყანაზედ მა-
გათ „გარდა არის კიდევ ერთი რალაც, რომელმაც თუ
პირველი, უკანასკნელი ალაგი არ უჭირავს ქვეყნის გა-
ნაწილებასი“.

და „აი ტეტია გუთანს შეუძლია „ოქროსა და ხმალს
შუა ჩადგეს და თავისებურათ დინჯათ უთხრას: შენ, ოქ-
როვ, უჩემოთ უქმი ხარ, არაფერში არ გამოსაყენებე-
ლი“... საზოგადოთ კი „შრომის“ წინ წამოყენება ფუ-
ლზედ და სიმდიდრეზედ, თანამედროვე ქართულს ლიტე-
რატურაში უკვე 1869 წელს გვხვდება ვრ. თარხნიშვილის

ნაწერებში (იხ. გიორგაძის წიგნი: „საზოგადოებრივი ურ-
თიერთობა საქართველოში). რომ ოქროს ხაზის შეცვლან
შესახებ საკითხი აქ ამოვწეროთ, ავღნიშნათ კიდევ, რომ
ეგ ამოცანა არა ერთხელ ყოფილა დასმული ეკონომიურ
ლიტერატურაში, მაგრამ კლასიკური პოლიტიკური ეკო-
ნომია დაუშვებლად მიიჩნედა სხვა რამე ღირებულების
ან წესის შემოღებას ყვითელი ლითონის შესაცვლელად.

ამიტომ იყო რომ ვერც ერთმა სახელმწიფომ ვერ
გაბედა პრაქტიკული ნაბიჯები გადაეღვა ოქროსათვის
მისი გაზვიადებული პატივის ასახდელად.

ეს გაბედა დიდის მამულებით პირველმა გერმანიამ და
მან მთელი რიცხვი სხვა სახელმწიფოებისაც მოიმხრო.

(ცნობილია, რომ ქრონოლოგიით პირველმა იტალიამ
დაიწყო ახალი გზების გამოშინჯვა).

აქ, თქვენდა საცნობად, ერთ მცირე რამ ეპიზოდს მო-
ვიყვან საქართველოს დამოუკიდებლობის დროიდან.

საქართველოს მთავრობა და პირველს რიგში ფინან-
სთა სამინისტრო; ვეჩქარებოდით ქართული ეროვნული
ფულის გამოშვებას. ეს ემისია, ჩვენის ფიქრით, ისე უნ-
და მომხდარიყო, რომ ქართულს ფულს ფასი დასდებოდა
არამც თუ მხოლოდ შინ, არამედ საზღვარ გარეთაც.

ყველამ კარგად ვიცოდით, რომ ემისიის გარანტიისა-
თვის ოქრო უნდა გვეშოვა.

ეს ოქრო კი ჩვენ არ გვებადა. მახსოვს ერთად ერთი
ოქროს ფირფიტა დამხვდა ყოფილ თბილისის სახა-
ზინოში!

სწორედ იმ ხანობას საქართველოს ფინანსთა უწყება
მე მებარა და, თანაც, ჭიათურის შავი ქვის საექსპორტო
ორგანიზაციის თავმჯდომარეთაც ვიყავი.

სრულყოფილი ბუნებრივად აზრი დამებდა, რაკი ოქრო
არ მოგვეპოვებოდა, მესარგებლნა ჩვენი მარგანეცის მად-
ნებით, რომ იქ დაგროვილი სავალიუტო სიმდიდრით
შეგვეცვალა, დროებით, მაინც, ოქროს ფონდი.

გამოვტყდები, აზრი კი დაიბადა, მაგრამ შიშმა შე-
მიპყრო, სახიფათო ამბავი არა დაგვმართნოდა-რა! შავი
ქვის მრეწველთა ზოგიერთ შეგნებულ მრეწველთანაც
მქონდა ამის თაობაზედ წინასწარი მოლაპარაკება. აქ
უნდა მოვიხსენიო განსიგნებული ჩვენი მრეწველი ინეუ-
ნერი ბარნაბ პაპავა, რომელიც თავისი საკუთარის ინიცია-
ტივით მოვიდა ჩემთან და სრული იმედი აღმოთქვა, რომ
თუ დაგვჭირდებოდა ჩვენი მიზნისათვის მარგანეცი, იგი
სავსებით დაიყოლიებდა ყველა უცხოელ მრეწველთა
ფირმებს.

ქართველი მრეწველების თანხმობა ჩემში, რასაკვირვე-
ლია, არასოდეს ექვს არ იწეგდა და უცხოელთა მომხრობა
ამით იყო ძვირფასი, რომ მათი სახელმწიფონი და ბან-
კებიც ნდობით მოეკიდებოდნენ ჩვენ ფულსა, რადგან
ეკონომიურად, რომ ეს შეთანხმებით ხდებოდა და არა
რამენაირის ძალდატანებით. დამრჩა გამომეკვლია რო-
გორ შეხედავდნენ ამ ამბავს გერმანიის და ავსტრიის ის
დელეგატ-ეკონომისტები, რომელნიც გერმანიის ჯარს
ახლდნენ საქართველოში.

მაცნობებს, რომ იმათ განკარგულებაში იმყოფება ერ-
თი ავსტრიელი მცოდნე ეკონომისტი და ჩემთან მოსალა-
პარაკებლად აღმოთქვენს მისი გამოგზავნა.

იმ პატივსაცემ ავსტრიელმა ჩემს დასმულს კითხვა-
ზედ, თუ როგორ შეხედავდა იგი ფულის გამოშვებას მარ-
განეცის ბაზაზედ, კატეგორიულად გამომიცხადა: — ეგ
შეუძლებელი არისო. მეორე ჩემს შეკითხვაზედ თუ არ-
სებობს ამ ეამად ევროპაში ცდების მოხდენა საემისიო
უწყებებში, რომ ოქროს ნაცვლად სხვა საშუალებების-
თვის მიემართათ. ამაზედაც ცივი წყალი გადამასხა ჩემმა
ავსტრიელმა.

ამაში იგი, თქმა არ უნდა, არა სტყუოდა. იმ დროს
არც ევროპის სხვა კუთხეებში და არც გერმანიაში ამა-
ზედ ფიქრიც არ შეიძლებოდა!... და აი, მხოლოდ დღეს,



უკიდურესმა იძულებამ და ღრმად მოფიქრებულმა გეგმებმა მიიყვანა გერმანიის უმაღლესი ხელის უფლება და მისი მეცნიერი და მცოდნე ეკონომისტები იმ გაბედულ დასკვნამდე, რომ ოქროს მნიშვნელობის დეგრადაცია სრულიად მისაღებია მსოფლიო ეკონომიკის საკეთილდღეოდ.

მხოლოდ 1933 წლიდან დაწყებული შეუდგნენ იქ ამ აზრის განხორციელებას და ეს ისეთ ფარგლებში მოახდინეს, რომ ექვს გარეშეა იგი ამიერიდან სახელმძღვანელოდ გახდება ბევრს სხვა სახელმწიფოებისათვისაც. და, მაშასადამე, ჩვენთვისაც, საქართველოსათვისაც.

თამამად შეიძლება ითქვას, რომ როგორც-კი არ უნდა გათავდეს ეს ომი, გერმანია თავისი ახალი ეკონომიური გეგმით უკვე გამარჯვებულია!...

როდესაც ჩვენი ქვეყნის უახლოვეს პერსპექტივებს ვითვალისწინებთ სულ პირველად ჩვენს წინაშე ეს საკითხი დგება: სად უნდა ვიშოვნოთ ის საჭირო თანხა, რომლითაც შევძლებთ ჩვენი სახელმწიფოებრივი ძალების ასამოქმედებლად ხარჯების გაძღოლას და ჩვენი ეროვნული შეურნეობის ფენზე დაყენებას?

როგორც ვნახეთ გერმანიამ იპოვა მისთვის საჭირო ეს საშუალებანი, როდესაც უმძიმესმა გარემოებებმა დაუყენეს მას ამგვარი საკითხი.

ცენტრალურმა სახელმწიფო ბანკმა, სხვა ბანკებთან თანამშრომლობით, და უცხოელ ერებთან ეკონომიურმა ხელშეკრულებებმა მისცა გერმანიას საჭირო სახსრები.

არაფერი გვიშლის ჩვენც ამ გზას დავადგეთ.

კერძოთ საქართველოსათვის ცენტრალური ბანკის დაარსება იმითაც არის სანატრელი და ხელსაყრელი, რომ იმის საშუალებით, ოქროს განდევნებასთან ერთად, იდეენება ის უშნო და უნიციატივო კაპიტალისტიც, რომელიც ჩვენში ზედ-მეტ ბარვით აწვა ჩვენს ეკონომიკას. ნუ დავივიწყებთ, რომ განსაკუთრებით „ფულებით მოვაჭრე“ ჩვენი ე. წ. კაპიტალისტები, სულ ბოლო დრომდე, იმ დაბალ საფეხურზედ იდგნენ, რომელიც შორს არ იყო გაცილებული მევახშე „ფინანსისტის“ დამახასიათებელ თვისებებს. ასეთი მათი ზნე, ერთნაირად ახასიათებდა ამ „საქმის ხალხს“, ვინც უნდა ყოფილიყო იგი.

ყოველ შემთხვევაში ამ კაპიტალისტებმა თუ რამ უნარი გამოიჩინეს, ეს უფრო წვრილმან ვაჭრობაში.

აი რა, ძალას წარმოადგენდა ეს კლასი, მანამ რუსეთი საქართველოს დაიჭერდა 1801 — 1803 წლებში.

რუსეთი ოფიციალური ცნობებით იმ დროს საქართველოს დედა-ქალაქ ტფილისში მათ დახვდათ: „ფართლელთა დუქანი 85, საწვრილმანოები — 63, სანოვაგის დუქნები — 76, სამიკიტნო 40. სახელოსნოები 310.“ **მეტრ წილი ხელოვნების ქართველები ყოფილან, სავაჭროების რიცხვშიც, ზოგი რამ, ეტყობა ძალიან ნაკლებათ,**

ქართველ და თათარ ვაჭრებსაც ეკუთვნოდა. უდიდესი ნაწილი ვაჭრებისა სომხები ყოფილან. აი ამითი და მხოლოდ ამითი იწონიდა ამ ვაჭარ-კლასის მნიშვნელობა ჩვენს მეურნეობაში და სახელმწიფოში...

თუ დავუმატებთ, რომ რუსული დოკუმენტებისავე ჩვენებით, იმ ხანშივე ტფილისის საუკეთესო სახლები ქართველებს ეკუთვნოდა, ნათლად დავინახავთ, რომ ჩვენი კაპიტალისტების ღღევანდელი, ვითომდა, გაძლიერება არა ყოფილა ძველი ამბავი!...

გერმანიამ ღღეს ადვილად მოინელა გაჭრობა მისი ძველი ყაიდის კაპიტალისტებისა, რომელნიც, მართლაც-და, ეროვნული სიდიდრის შექმნაში თვალსაჩინო ფაქტორები იყვნენ.

ეს მონელება ჩვენთვის, ქართველებისათვის, გაცილებით უფრო ადვილი იქნება... მოდით ამაზედ სიტყვას ნულარ გავაგრძელებთ. უნდა გვანსოვდეს — კი ერთი რამ პირობა, რომლის აუცილებლად განხორციელება საფუძვლად და ქვაკუთხედათ უნდა დაედოს ჩვენში იმ წამოწყებათა შემოღებას, გერმანიამ ღღეს რომ ახორციელებს ეკონომიკის სფეროში.

ეს არას, სულ პირველად, ეკონომიური შეთანხმება გერმანიასთან და მერე იმ მძლავრ ბლოკთან, რომელიც გერმანიის გარს იყრის თავსა, იმავე ეკონომიური პრობლემების განსახორციელებლად.

მოკლეთ, საჭიროა ევროპიული ოჯახში შესვლა!

ამისათვის ჩვენმა მოღვაწეებმა უნდა უჩვენონ ევროპას, თუ როგორია ჩვენი ქვეყნის ეკონომიური ფიზიონომია, მისი შესაძლებლობანი და სხვა დამახასიათებელი მხარეები.

ნუ დავივიწყებთ, რომ ევროპიული ოჯახში შესვლისათვის ჩვენთვის აუცილებელი ვახდება მძიმე გამოცდის ჩაბარება... მოუწოდებთ ჩვენი ქვეყნის მესვეურთ მოახდინონ ამისათვის ძველი გეზების გადაშინჯვა, ნულარ აგვიანებენ ერთსულოვნობით და გულწრფელი გაერთიანებით მოქმედებას, რადგან შეიძლება სულ მოკლე ხანში იყოს ჩვენი სამშობლო დაბარებული ხსენებულ გამოცდის ჩასაბარებლად. ერთობ საჭიროა შესმენა და შესწავლა იმისი, თუ რა მოახდინა გერმანიამ, იტალიამ და სხვებმა, ამ ახლო წლებში, როდესაც იქ განახლების გზას დაადგნენ.

საჭიროა, აგრეთვე, დამზადება მთელი რიცხვი კადრებისა და ინსტრუქტორების, რომელთა ხელით და უნარით უნდა მოხდეს ჩვენში ახალი ეპოქის განხორციელება, რასაკვირველია, დახმარებით და, როდესაც ეს საჭირო იქმნება, ხელმძღვანელობითაც იმ ძალებისა, საქართველოში რომ დაგვხვდება დაგროვილი... გვანსოვდეს ყველას! ევროპიულს ოჯახში მხოლოდ ის იქმნება მიღებული, ვინც რაიმე საფასურს წარმოადგენს.

გიორგი ჟურული

**გამომცემელი: ქართული საკავშირო შტაბი
პასუხისმგებელი რედაქტორი: გ. ფრონელი
„Das Georgische Volk“, Berlin W 35, Ludendorffstr. 60.
Kharthweli Eri — Das Georgische Volk**

ქართულში სტამბა არჩილ მეტრეველისა

1-942